


ჩვენი მწერლობა

გამოდის თვეში ორჯერ პარასკეობით

ფასი 1,50 ლარი

30 აპრილი 2010 №9(113)

ლიანა ელიავას კინემატოგრაფიული ჩანაწერები
შოთა ბოსტანაშვილი ჯემალ აჯიაშვილზე
დათა მიქელაძე — სპექტაკლის გმირადაც
გივი აღმაშვილი კატო ჯავახიშვილზე
ბაგრატიონთა საქმის აღმსრულებელი
მწერალი და ზნეობრივი წარმოსახვა
ნინასწარწმენის სიბრძნე
ჯეიმს ტარბერის ნოველა
რეზო ესაძის ლექსები



შინაარსი

ერი და გადისწერა	2	პაატა ჩხეიძე მწერალი და ზნეობრივი წარმოსახვა
ჩვენი ყოფა, წითისოფალი	4	ვაჟა შუბითიძე ინტელექტუალური ჰერმეტიკობა ანუ ახალი ადამი(ანი)
მსარეს-ინტერვიუ	7	ნოდარ მაგლობლიშვილი „საქართველოს მიტოვება გამიჭირდავოდა“ (მოამზადა ნატა ვარადაძე)
პროზა	8	ეკა ფხალაძე ცღუნება
	13	დავით ქართველიშვილი ზაფხული
გამოხმაურება	17	ნინო ჩხიკვიშვილი ჩემო კარგო ძრისტინე! (ღია ბარათი ქრისტიანე ბებიას)
პოეზია	18	რეზო ესაძე სამშობლოს და სხვა ლექსები
აინტროდუქცია	19	ეთერ ბარულაძე სადღეობრძელო არ დაგვაძევს
პოეზია	20	გია კობახიძე სიტყვა — ცხოვრების სათავე
	23	ზაზა ბიბილაშვილი წაღინადი, როგორც ერთი დღე (დღიურები — 20..)
უსწოეთის ცხოვრებადან	25	ედმუნდ ბერკი წინასწარწმენა, რელიგია და ანტიგონისტური მსოფლიო
შეხვედრა	29	ელისო კალანდარიშვილი თარგმანი, როგორც ანექსისა (გია ჯოხაძის იოსიფ ბროდსკი)
ვერონიკა გვაგუა	30	ვენერანდა პალადინო ბესიკ ხარანაშვილის გზავნილი (გაიუს ვალერიუს კატულუსი, „ლექსების წიგნი“)
მოგონებათა სივრცე	31	ქეთევან ტომარაძე გაცნობა
დღიურის ფურცლებადან	36	საბა სულხანიშვილი დამა მიქაელაძე — სპექტაკლის გმირადაც
	37	იოსებ ჭუმბურიძე ქუთაისიდან წყალტუბომდე გაფანტული ნისლი
რეპორაჟი	39	ეკა ბუჯიაშვილი ბაბრატონთა საქმის აღმსრულებელი (არჩილ ჯორჯაძის სამარესთან)
ასანბიკა	41	შოთა ბოსტანაშვილი ანიქა? (სიტყვა ჯემალ აჯიაშვილის პოეზიაზე)
შემოქმედავითი პორტრეტი	42	ნოდარ გურაბანიძე გომი ალექსიძე ბალეტის ცვალებად სამყაროში
კრიტიკა	49	ვალენტინა ხაზალია სიტყვა და ხაზი (გუჩა კვარაცხელიას ახალი პოეტური კრებული)
	52	გივი ალხაიშვილი ძიების და გარდასახვის პროცესი (კატო ჯავახიშვილის პოეტური თვითდაკვირვება)
ქინო	54	ლიანა ელიავა კაცი და გუნება
ახალი წიგნები	56	ვაჟა ხორნაული „შასარულაბა ექვს ნაპირებს“
	58	გივი გამრეკელი დიდოსტატის მასტერკლასი
უსწორი მოველა	59	ჯეიმს ტარბერი მისტარ ფრანკლი ცოლს გაუბრძის
ნაპეპე	61	მანვილსიტყვაობის ნიმუშები
მოზაიკა	63	დაკარგული ბარათები

ორკვირეული ჟურნალი

დამფუძნებელი „ილიონი“

მისამართი: თბილისი,
ჩუბინაშვილის №41

რედაქცია – (995 32) 96_20_62
რეკლამა – (995 93) 65_93_68
გავრცელება – (995 77) 11_24_30
ფაქსი: (995 32) 96_20_62
E_mail: info@mtserloba.ge



დაბეჭდილია საბავშვო "ომეგა ტეგი" PRINTED BY "OMEGA TEGI" PRINT HOUSE
საქართველო, თბილისი, სარაიშვილის 17 TBILISI, GEORGIA, 17 SARAJISHVILI STREET
ატელფონი: +995 32 53 03 62 TELEPHONE +995 32 53 03 62

მთავარი რედაქტორი – როსტომ ჩხეიძე

პროზის რედაქტორი – ივანე ამირხანაშვილი

პოეზიის რედაქტორი – მაკა ჯოხაძე

კრიტიკისა და თარგმანის რედაქტორი – თამაზ ნატროშვილი

მხატვრული რედაქტორი – კარლო ფაჩულია დიზაინერი – მალხაზ იაშვილი

სტილისტ-კორექტორი – ნინო დეკანოიძე დაკაბადონება – თენგიზ რობიტაშვილი

ოპერატორი – თამარ ჩხილაძე სარეკლამო მენეჯერი – ეკა ბუჯიაშვილი

გავრცელების სამსახური – ლევან კიკნაძე

გარეკანზე: ეკა ფხალაძე, გიორგი გეთიაშვილის ფოტოგრაფიული
პორტრეტის ხეობა

„ჩვენი მწერლობის“ მომდევნო ნომერი გამოვა 14 მაისს

პაატა ჩხეიძე

მწერალი და ზნეობრივი წარმოსახვა

პლატონი თავის იდეალურ სახელმწიფოში პოეტები-სათვის ადგილს ვერ პოულობდა — თვით ჰომეროსისთვისაც კი — რადგან იცოდა, რომ მათი შემოქმედება მოქალაქეების ზნეობრივ გადაგვარებას გამოიწვევდა. მას შემდეგ განვლილმა ასწლეულებმა და ათასწლეულებმა დაამტკიცა, რომ პლატონი მართალი იყო და თვით უდიდეს პოეტთა (და პროზაიკოსთა) თხზულებანი ხელს არ უწყობს ადამიანის ზნეობრივი წარმოსახვის დახვეწასა და განწმენდას.

არ მახსოვს, XX საუკუნის მეორე ნახევრის ყველაზე პოპულარული ქართული რომანი გამოირჩა თუ არა „ჩვენი მწერლობის“ ფურცლებზე, მაგრამ თუ მე მკითხავენ, უყოყმანოდ ვიტყვი, მეოცე საუკუნის მეორე ნახევრის უპოპულარულესი რომანი, ჭაბუა ამირეჯიბის თხზულება „დათა თუთაშხია“ გახლავთ-მეთქი.

მეორე ადგილზე, კვლავ ჩემი აზრით, გურამ დოჩანაშვილის პოსტმოდერნული იგავი „სამოსელი პირველი“ უნდა იყოს.

ყურადღება მიაქციეთ, რომ პირველ და მეორე ადგილებს პოპულარობის მიხედვით ვანიჭებ და არა მხატვრული ღირსებებისა და მნიშვნელობის გამო; ასეთი რამ, ამ წერილში მიზნად არც დამისახავს.

ორივე რომანი მიყვარს. ეგებ ყველაზე ძალიან არა, მაგრამ ხშირად ვუბრუნდები, ვკითხულობ, თითქმის ზეპირად ვიცი; ძალდაუტანებლად მენვევიან ასოციაციებად საყვარელი პასაჟები და ვიყენებ წერისას, ლექციის კითხვისას თუ მუსიაფისას.

საქართველო ქრისტიანული ქვეყანაა; თექვსმეტ საუკუნეზე მეტია მართლმადიდებლები ვართ და, მაშასადამე, ჩვენი მსოფლხედვა მართლმადიდებლურ-ქრისტიანული უნდა იყოს. მუსლიმური, შიიტური თუ სუნიტური, ნაკადები ხშირად იჭრებოდა — აგრესიულადაც, ქართულ სააზროვნო თუ ზნეობრივ სივრცეში და საგრძნობი კვალი დატოვა. თითქმის მთელი XX საუკუნე, არა თუ სეკულარულ, არამედ ათეისტურ რეჟიმში ვიცხოვრეთ და ამან სულ დაანგრია ჩვენი ზნეობა.

სეკულარულ საზოგადოებასა და ათეისტურ რეჟიმში ცხოვრებისას, მხსნელად ილიას შეგონება — „მამული, ენა, სარწმუნოება“ — და არჩილ ჯორჯაძის „საერთო ნიადაგის“ თეორია (ილიას კვალზე) მოგვევლინა. ეს იყო ერთადერთი ფარი, რითაც მარქსიზმ-ლენინიზმისაგან ვიცავდით ეროვნულ ზნეობას XX საუკუნეში. სწორედ ამიტომაც გასული საუკუნის გამორჩეული ლიტერატურულ-ფილოსოფიური თხზულებანი და მათ ავტორთა მსოფლმხედველობა ილიას მსოფლმხედველობისა და მარქსიზმ-ლენინიზმის კონტექსტში უნდა განვიხილოთ — ილია vs მარქსიზმ-ლენინიზმი — და შევაფასოთ;

რა თქმა უნდა, ამ ჩარჩოში მკაცრად ჩაკეტვა შეზღუდავს კრიტიკულ თვალსაწიერს და ამიტომ მეთოდურად გაუმართლებულია, მაგრამ რაკი ღრმა და მრავლისმომცველი კვლევის ჩატარებას არ ვაპირებ, ვფიქრობ, ერთ-ერთი წარმართველი უნდა იყოს ამ ლიტერატურულ დროსა და სივრცეში.

ქართველებს, და არა მარტო ქართველებს, გვიყვარს „კეთილშობილი“ ყაჩაღები და გვირჩევენია უკრიტიკოდ ვგულშემტკივრობდეთ. ამის დასტურია არსენას დიდებული ეპოსი და მისი ძეგლი მცხეთაში, მაცი ხვითია, ხარება და გოგია... და საყვარელი ლიტერატურული გმირი დათა თუთაშხია.

დათა თუთაშხია ტიპიური აბრაგია, ძლიერი, უშიშარი, ფიცხი, თავგადასავლების მოყვარული, თავნება და კანონის არადრამდები; ამავე დროს მოხდენილი, კეთილი, გარკვეული განათლებისა და ზნეობრივი პრინციპების მქონე, სანდო მენახე და სასიამოვნო მოსაუბრე.


თუთაშხიას არ მოსწონს რუსთხელმწიფის კანონები და არ ეპუება მას. საგულისხმოა სხვა რომელიმე სახელმწიფოს, თუნდაც დამოუკიდებელი საქართველოს, კანონები თუ მოეწონებოდა? ალბათ, ისიც არა.

მაგრამ, არსენასი არ იყოს, არც სახარებისეული კანონები უნდა მოსწონდეს, რაკი არც მათ იცავს, ზედმიწევნით; იცავს კი არა, არღვევს: კლავს, იპარავს და მრუშობს. მაგრამ თუთაშხია აბრაგია, დევნილი, უფულეზო, მოკვეთილი და მისი შეფასება ჩვეულებრივი ადამიანური სტანდარტებით შეცდომაც არის და უსამართლობაც. და ჩემი მიზანიც პერსონაჟის გასამართლება კი არ არის, არამედ ავტორის ზნეობრივი წარმოსახვისა და მსოფლმხედველობის შეფასება.

ავტორი თავის მომხიბვლელ გმირს ჯერ პრიმიტიულ ექსპერიმენტებს ატარებინებს ადამიანებისა და საკუთარი თავის შესაცნობად, მერე თბილისის ელიტარულ საზოგადოებაში შეჰყავს და ბოლოს ციხეში ჩასვამს.

ექსპერიმენტები ზოგადადამიანური ხასიათის კონკრეტული გამოვლინებანია და ორიგინალურობას გმირის კოლორიტული პიროვნებისა და ხასიათის მეოხებით იძენს.

თბილისის მაღალ საზოგადოებაში მოხვედრილი თუთაშხია ქართველი ერის ბედზე ჩაფიქრებულ, მაძიებელ კაცად წარმოგვიდგება და მოძღვარიც გამოუჩნდება. ვინმე სანდრო კარიძე, მას და მის მეგობრებს შეაგონებს, ზნეობა და ფუნქცია დაგვარგეთო; ზნეობის დაკარგვა იქვე შეიძლება ვიხილოთ, სუფრაზე, რომელსაც შემოსხდომიან: ფილოსოფოსი, ყაჩაღი, თავზეხელაღებული ოფიცერი, რევოლუციონერი და ცნობილ ყაჩაღთან მოფლირტავე არისტოკრატი ქალბატონი. ფუნქციის დაკარგვაც ცხადია —



დამპყრობმა ჩამოგვართვა ფუნქცია და თვითონ ახორციელებს (უნდა აღვნიშნო, რომ სანდრო კარიძე სხვაგვარად ხედავს ფუნქციის დაკარგვას). ამრიგად, შეიძლება წარმოვიდგინოთ, რომ სერობაზე შეკრებილი მეგობრები მივიდნენ ილიას გზამდეს და მსჯელობენ, თუ როგორ აღადგინონ ერის ზნეობა (ენა და სარწმუნოება) და ფუნქცია (მამული).

ახლა უკვე მწერალზე იყო დამოკიდებული, თუ საით წაიყვანდა გმირს და რას აღასრულებინებდა. და რაოდენ სამწუხაროა, რომ მწერალმა მოძღვარი, სანდრო კარიძე, ლენინისადმი სიმპათიით განმსჭვალა და რევოლუციის მოხდენით გამოწვეულ ეიფორიასა თუ აღფრთოვანებაში ამოჰხადა სული, გმირი კი ციხეში ჩასვა, სადაც რევოლუციონერებს დაუკავშირა (მანამდეც მეგობრობდა მათთან) და ამბოხებაში (რევოლუციაში) მიაღებინა მონაწილეობა.

დათა თუთაშხიაზე მსჯელობისას ვერ დავივიწყებთ მის მამიდაშვილსა და ანტიპოდს, მუშნი ზარანდიას, მეფის ჟანდარმერიის მაღალჩინოსანს, მტკიცე ზნეობრივი და მსოფლმხედველობრივი პრინციპების მქონე ადამიანს. ზარანდია ნიჭიერი კაცია, თავისი შესაძლებლობების გამოცდა სურს და მეტად მაღლა ადის კარიერის კიბის საფეხურებზე.

თუ სხვა თვალთ შევხედავთ მოვლენებს, შეიძლება წარმოვიდგინოთ, რომ ზარანდია უფრო ახლოა ილიას მსოფლმხედველობასთან, ვიდრე სხვა ზემოთნახსენები პერსონაჟები, მარქსისტი რომ არ არის, ხომ ცხადია! რომანში იგი ხშირად ახსენებს ქართველ ერს და მის ერთგულებასზე ეძებს თავს, თუმცა შეახსენებენ, რომ დამპყრობლის სამსახურში ყოფნა ამის შესაძლებლობას არ მისცემს, მაგრამ მის სასარგებლოდ ის მეტყველებს, რომ კარგად იცნობს ადამიანის ბუნებას, კაცობრიობის ისტორიას, პრიმიტიულ ექსპერიმენტებზე დროს არ კარგავს და ჭკრეტს იმ უბედურებას, რაც რევოლუციამ უნდა მოუტანოს მთელ იმპერიასაც და მის სამშობლოსაც; ამიტომაც დგას, სადაც დგას, და არა იმიტომ, რომ მზაკვარი და ბოროტი ადამიანია.

დათა თუთაშხიას გადაბირებებს ორი მხარე ცდილობს — ზარანდია და რევოლუციონერები. თუთაშხია ამ უკანასკნელებს არჩევს, გატეხს მამიდაშვილისადმი (ჟანდარმერიისადმი) მიცემულ სიტყვას და ციხიდან გაიქცევა; ამიტომაც გასაკვირი არ არის, რომ სიკვდილს მიუსჯიან და თანაც საშინელ, მზაკვრულ სიკვდილს.

რატომ მოიქცა ასე მწერალი? რატომ დააზარალა გმირის ამაღლებული და მომხიბლავი სახე? დააზარალა არა უბრალო მკითხველის თვალში (რომანი ბესტსელერად რჩება), არამედ ეროვნული ლიტერატურული კრიტიკის სამსჯავროს წინაშე.

მარტივი და დღეს გავრცელებული ახსნა გვეტყვის, ავტორი ასე იმიტომ მოიქცა, რომ საბჭოური კონიუნქტურის ტყვეობაში იყო, სურდა ნაწარმოები დაეებქდა, მასზე ფილმი გადაეღოთ, ამის შემდეგ კი სახელმწიფო და რუსთაველის პრემიები მიეღო...

მე ვიტყვი, რომ მწერალი ასე იმიტომ მოიქცა, რომ სხვაგვარად ვერ წარმოედგინა!

გულით, სულით, შეგნებით ილიას გზის გამგრძელებლად მიიჩნევს თავს, მაგრამ ბოლომდე არ იცის თუ რომელია ილიას გზა, მასზე ისევე ახდენს ზეგავლენას და ისევე უბნევს გზას მარქსიზმი, როგორც ილია დააბნია, თავის დროზე, ლიბერალიზმმა; როგორც მთელ მსოფლიოსა და ქართულ საზოგადოებას დაუბნია გზა იაკობინიზმმა და მარქსიზმმა მეთვრამეტე საუკუნის ბოლოს, მეცხრამეტე საუკუნის ბოლოსა და მეოცე საუკუნის დასაწყისში და, როგორც ჩანს, არა მარტო დასაწყისში, არამედ ბოლოშიც.

სწორედ ამიტომ არის წინააღმდეგობრივი გმირი დათა თუთაშხია. ტიპური ქართველი, ტრადიციულ ოჯახში აღზრდილი, კონსერვატიული განწყობის კაცი, მრავალი წლის ძიების შემდეგ თავის ადგილს მარქსისტებსა და რევოლუციონერებს შორის რომ იპოვის.

და არა მგონია, უნამუნოს პერსონაჟით, თვითონ აერჩიოს ეს გზა, იგი მწერალმა ატარა ამ გზაზე და მწერალმა აარჩევინა, რადგან ასეთი იყო მწერლის ზნეობრივი წარმოსახვა.

მძიმე გზას გაივლის გურამ დოჩანაშვილის „სამოსელი პირველის“ გმირი — დომენიკო.

დომენიკო ყმაწვილი კაცია, სუსტი და უნებისყოფო, უცოდინარი და უპრინციპო ანუ ცომია, როგორც მწერალი ახასიათებს. დომენიკოს ეპატრავება თავისი სოფელი, ოცნებობს უცხო ქალაქების ნახვაზე და გზას გაუდგება.

იგი მამის პატრიარქალური სახლიდან გამოდის, სადაც ხელუხლებლადაა შენახული ბუნებრივი წესრიგი, წინასწარწმენები, ადათები, იერარქია და მორჩილება. დომენიკო მოივლის ლამაზ ქალაქს (რომელიმე პროვინციულ ქალაქს, საქართველოს), სამფენოვან კამორას (თბილისს) და კანუდოსს (ოცნების ქალაქს). ბოლოს, ცხოვრების შეცნობის, ტანჯვის გამოვლისა და სულიერი განწმენდის შემდეგ მაღალ სოფელში ესპატოლოგიური დაბრუნების ღირსი გახდება.

ლამაზ ქალაქში დომენიკო ქეიფობს, დროს ატარებს, ქალს ეტრფის, ცოლს შერთავს და პირველ ნამდვილ ტყვილს გამოცდის. კამორაში იგი ტყვეა და ტოტალიტარული რეჟიმის ყველა გარსს გამოივლის. კანუდოსი მისი ამქვეყნიური ნავსაყუდელია. იგი მიისწრაფის კანუდოსისაკენ, სურს გახდეს იქ ცხოვრების ღირსი, ეამაყება კანუდოსის მოქალაქეობა.

კანუდოსი მონობიდან გამოქცეულმა ადამიანებმა დააფუძნეს. მას ბუნებრივი ზღუდე არტყია გარს. მასში შესვლა, თუ არა ლალატი, შეუძლებელია.

ყოველთვის ვფიქრობდი, და დღესაც ვფიქრობ, რომ ეს საქართველოა, დამოუკიდებელი საქართველო, მითუმეტეს, რომ დამარცხება ელის წინ, საკუთარ მოქალაქეთა უგუნურების გამო. მაგრამ როგორია ეს საქართველო? როგორი საქართველო წარმოუდგენია მწერალს?

ეს გახლავთ უტოპია, პანტისოკრატია, ან კიდევ, რომელიც გნებავთ, ოცნების ქალაქი. იქ ყველა თანასწორია და სიამტკბილობაში ცხოვრობენ. ხალხის წინამძღოლია ქარიზმატული კონსელერი. მან მოუწოდა ხალხს, არ მოეთმინათ ექსპლოატაცია, ამბოხებულიყვნენ, და წინაც გაუძღვა.



ქალაქს არ გააჩნია ფესვები, ისტორია, წარსული, კანონები, სასამართლო, რელიგია, ეკლესია... ყველაფერი კონსელიეროს არაჩვეულებრივ ნიჭსა, ცოდნასა და უნარზეა დამოკიდებული. ამრიგად, ქალაქში არ არის თავისუფლება, ანუ ცხოვრება ტრადიციისა და რელიგიის ჩარჩოში.

ეს არის ის, რასაც წმინდა დემოკრატის უწოდებენ ფილოსოფოსები და რაც აუცილებლად გადაიზრდება დესპოტიზმსა და ტირანიაში.

ამრიგად, აქაც ვერ ვხვდებით ილიას მსოფლმხედველობას. აქ უფრო უტოპიური სოციალიზმისა და, ისევ და ისევ, მარქსიზმის სუნი ტრიალებს. გურამ დოჩანაშვილის შემთხვევაში საბჭოური კონიუნქტურა თითქმის გამორიცხულია.

იგი სრულიად გულწრფელად წერს, ასე ხედავს, ასეთია მისი ზნეობრივი წარმოსახვა.

ვიცოდი, რომ უნებურად გულს ვატკენდი ჩემთვის პატივსაცემ, ღვანლმოსილ მწერლებს, მარქსისტულ გავლენაზე რომ მივუთითე და ილიას გზიდან აცდენა მივანიშნე, მაგრამ მაინც გამოვთქვი ჩემი აზრი, რადგან მწამს, რომ ამ თემაზე მსჯელობა ღირს, ღირს თვით ილიას კრიტიკაც, რადიკალურ-ლიბერალური ნაკადის გამო მის შემოქმედებაში, და საჭიროა დიდი მწერლების შემოქმედების მრავალმხრივი, პირუთენელი შეფასება. თუ ამ მსჯელობაში გავმტყუნდები, მორჩილად მივიღებ საყვედურსაც და სასჯელსაც.

და მაინც, ვფიქრობ, რომ პლატონი მართალი იყო.

ვაჟა შუბითიძე

ინტელექტუალური ჰერმეტიკობა ანუ ახალი ადამი(ანი)

ყოველმა განათლებულმა ადამიანმა კარგად იცის ბრწყინვალე ესპანელი მოაზროვნის ხოსე ორტეგა ი გასეტის მონოგრაფია “მასების ამბოხი” (1935წელს დამთავრებული ეს თხზულება ქართულად თარგმნა ბაჩანა ბრეგვაძემ და გამოიცა 1993წელს) სადაც ავტორი გაბედულად ამხელს უკვე აღვირახსნილ და დეგრადირებულ მასის ადამიანს (ან ადამიან-მასას), ანალიზებს მისი წარმოშობის მიზეზებს და იძლევა მის მახასიათებლებს.

ამ არსებამ გლობალიზაციის (გაერთიანების) უკანასკნელი საფეხურისა და მსოფლიო ეკონომიკური კრიზისის (2007-2010) ფონზე კიდევ უფრო მეტი დეგრადირება განიცადა. ფაქტობრივად გამოიკვეთა ახალი ადამი(ანი), რომლის უმთავრეს მახასიათებლად იქცა ინტელექტუალური ჰერმეტიკობა, სიხარბე, უპასუხისმგებლობა და უზნეობა. ეს ყველაფერი ვლინდება როგორც მდღერებში, ასევე ღარბებში, ელიტაში თუ რიგით ადამიანებში, მმართველებში თუ მართულებში, ქალში თუ კაცში.

ესაა ახალი ადამი, რომელმაც თვითშეფასების უნარი დაკარგა (როგორც კარგი, ისე უარყოფითი კუთხით), ვინც თავის თავს აღიქვამს ისეთად, როგორიცაა ყველა და ეს ოდნავადაც არ მიაჩნია სათაკილოდ. დღეს თვით ელიტარულ ჯგუფებშიც კი ასეთი ადამიანები ქარბობენ. მაგალითად, ინტელექტუალთა წრეში, რომელნიც თავიანთი არსით მონოდებულნი არიან მაღალი განვითარების დონის ადამიანებად გვევლინებოდნენ, ჩვენ სულ უფრო და უფრო მეტ ფსევდოინტელექტუალს – არაპროფესიონალებსა და ცრუკომპეტენტურ ხალხს ვხედავთ (ამაზე მე ჯერ კიდევ 1993 წელს გაზეთ “რუბიკონში” მოთავსებულ ჩემს ესეიში – “ცრუნი და ცრუთა ქვეყანა” – ვწერდი).

ახალმა ადამმა გადანევიტა წინა პლანზე გადანაცვლება და ყოველივე იმის დაუფლება, რაც ადრე რჩეული უმცირესობის (გინა ნამდვილი ელიტის) კუთვნილება იყო.

ისინი მარტო განცხრომა-დროსტარებაში როდი ეჯიბრებიან ელიტას, არამედ ცხოვრების ყველა სფეროში ცდილობენ დანიშნაურებას.

რეალურად, პოლიტიკური ძალაუფლება, კარგა ხანია, მათ ხელშია. ილუზია, რომ ისინი დაილაღნენ და ხელისუფლებას მართლაც ღირსეულებს გადააბარებენ, უკვე გაქრა. სწორედ ახალმა ადამმა აქცია პოლიტიკა სარფიანი ბიზნესად (დაუკვირდით, რა უფერული პიროვნებები მართავენ მსოფლიოს ქვეყნებს ბოლო ათწლეულებში).

ასეთივე სურათია ცხოვრების სხვა სფეროებშიც. ინტელექტუალური სფერო განსაკუთრებულ კრიზისსა და დეკადანსს განიცდის – ცუდ დღეშია მწერლობა, ხელოვნება, მეცნიერების უმეტესი (განსაკუთრებით ჰუმანიტარულ-სოციალური) დარგები.

ახალი ადამი ამ სფეროშიც გამოჩნდა და თავის “წონად” სიტყვას ამბობს. ვინც ისეთი არაა, როგორც ყველა, ვინც ისე არ ფიქრობს, როგორც ყველა, თავს დიდ საფრთხეში იგდებს ფიზიკური თვალსაზრისითაც (აკი ამბობენ ამერიკელები, უხამსობაა სხვებისგან გამორჩეული იყო. ამიტომ წერდა ორტეგა ი გასეტი, რომ “ამერიკაში ტექნიკის უკანასკნელი მიღწევების ნილაბქვეშ იმალება პირველყოფილი ხალხი”).

ახალი ადამი – გუშინ ეს რიგითი ჯარისკაცი დღეს გენერლად იქცა. საზოგადოება ახლა მხოლოდ გენერლებისგან შედგება. თავისი აგრესიული ენერჯიულობით, სიხისტით, სითამამითა და უტიფრობით ახალი ადამი ნირ-შეუხრელად მიჯირითობს ცხოვრების ასპარეზზე, ცდილობს თავისი აზრი მოახვიოს სხვებს (მათ შორის, მასზე მცოდნე და ზნეობრივ პიროვნებებს) და რაც შეიძლება მეტი ნაჰკლიჯოს ცხოვრებას.

ტექნიკისა და კომუნიკაციის არნახულმა განვითარებამ ახალ ადამს დაკმაყოფილების ყველა შანსი მისცა და

ამ თვითკმაცოფილებამ გააჩინა მასში შინაგანი ღვთისმშობლის ბაცია. სწორედ ამ სიუხვის ეპოქამ გადააგვარა ეს ჩვენი ადამი (ამიტომ წერდა ორტეგა ი გასეტი, რომ “ადამიანები სწორედ ე.წ. “სიუხვის” ეპოქაში გრძნობენ თავიანთი არსებობის განსაკუთრებულ სიმწირეს და სიცარიელეს”).

ახალი ადამი მხოლოდ დღევანდელი დღითა ცხოვრობს და საკუთარი თავისა და ოჯახის გარდა აღარაფერი და არავინ არ ადარდებს. იგი დანთქმულია დღევანდელობაში, ამიტომ მას აღარ იზიდავს წარსული (სპეციალურად რომ ავინყებენ), რომელმაც ინტერესი დაკარგა ადამის თვალში. იგი მისაბამ ნიმუშად წარსულს კი აღარ მიიჩნევს, არამედ დღევანდელობას. წარსული და აწმყო მკვეთრად გაიმიჯნა. გაქრა ტრადიციულობის სული.

ახალ ადამს აღარ სჭირდება წინაპართა ნორმები, წესები და ნიმუშები, ისინი ხელს უშლიან თავანყვეტილ ცხოვრებაში. ახალი ადამი დღეს კოსმოპოლიტიზმისა და მსოფლიო მოქალაქეობისაკენ ისწრაფის. სადაც ის ფულს და სიმდიდრეს იშოვის და თან იოლ ფორმებში, მისი ბალდადიც იქ არი. მას სამშობლო მხოლოდ სუფრაზე თუ გაახსენდება, ისიც შექეფიფიანებულს და კარგად მუცელამოყოფილს. წიგნიც აღარ სჭირდება მაინცდამაინც — კომპიუტერით და ინგლისურითაც იოლად გავა. ახალი ადამი ხანდახან ეკლსიაშიც წავა, ცოლვასაც მოინანიებს, ცოტაოდენ ქველმოქმედებასაც გასწევს, მაგრამ მის სულს ამით არაფერი ემატება — ყველა ცოდვას ისევ იმეორებს, ყველაფერი მოჩვენებითია.

ტექნიკის არნახულმა განვითარებამ ახალ ადამს გაუჩინა ილუზია, თითქოს ადამი(ანი) ყოვლისშემძლე იყოს. ამიტომ ეჩვენება წინა ეპოქები ჩამორჩენილად და უბადრუკად. იგი ხარბად მიელტვის მოქმედებასა და მოღვაწეობას (ხშირად აკრძალული ფორმით), თუმც არც იცის კარგად, რას მოახმაროს თავისი ძალა. მან დაიმორჩილა არაერთი და ორი მოვლენა, მთვარეზეც კი ავიდა, მაგრამ თავისი თავის პატრონი მაინც ვერ გახდა. ეს წყალნაღებული ადამი თანამედროვე ცივილიზაციის სიკეთეებს ხავსივით ებლაუჭება. აქედანაა გამოწვეული ახალი ადამის მახასიათებელი ქედმაღლობისა და დათრგუნვილობის ეს ნაზავი. ხშირად თავის ნიჭსა და უნარს საექვო ღირებულებებს ახმარს და ქონების მიუხედავად დაცარიე-

ლებულად გრძნობს თავს, იგონებს ახალ ცხოვრებისეულ გასართობებს და სიამოვნებებს და ამით დაცემის გზას ადგება — უკულტუროსა და ბარბაროსის ნიშნებს ავლენს (ამაზე მიუთითებს ნარკომანიის, ტრეფიკინგისა და პროსტიტუციის აყვავება).

დღეს საზოგადოებრივი და პოლიტიკური ძალაუფლება სწორედ ახალი ადამი(ანების) ხელშია და ეს ძალაუფლება იმდენად სრულია, რომ ჩანასახშივე აშთობს ნამ-

დვილი (და არა მართული) ოპოზიციის ყოველნაირ შესაძლებლობას. მთავრობაც და საზოგადოებრივი ხელისუფლების ყველა ინსტიტუტიც მხოლოდ დღევანდელი დღით (ე.წ. “სახანძრო რეჟიმით”) ცხოვრობენ. მათ არ გააჩნიათ მომავლის ნათელი პროგრამა (თუ ინსტრუქციებს სხვისგან არ მიიღებენ). ცხენივით მოახსენენ ხელისუფლებას და არც აპირებენ რეალურად გადაჭრან ის პრობლემები, რომლებიც აწუხებთ თანამედროვე ადამიანებს. მათი ხელისუფლება ყოვლისმომცველი და ეფემერულია. მიუხედავად დიდი ძალაუფლებისა და შესაძლებლობისა, ახალ ადამს ცხოვრების არც ერთ სფეროში შემოქმედებითი საქმიანობის უნარი არ მოსდგამს.

ახალ ადამს ცხოვრება, ყველა მის გამოვლენაში, წარმოუდგენია როგორც ყოველგვარი აკრძალვისა და აღკვეთისაგან თავისუფალი. აღარ არსებობს არავითარი აკრძალვა (ტაბუ), არაფერი აიძულებს მას, ლაგამი ამოსდოს თავის ვნებებსა და პრე-

ტენზიებს, ამბიციებსა და სურვილებს. ანუ ახალი ადამი განებივრებული ბავშვია, რომელსაც ყველაფერი გასდის. დაკარგული აქვს საკუთარი თავისა და ძალის შეფასების უნარი, ითხოვს სულ უფრო და უფრო მეტ კეთილდღეობას. საკუთარი თავის გარდა არავის ავტორიტეტს არ სცნობს (ან მოჩვენებითად აღიარებს).

ახალმა ადამმა დაუმსახურებლად მიიღო ეს პრივილეგიები და განცხრომას მიეცა (არადა, როგორც გოეთე ამბობდა, “განცხრომისთვის ცხოვრება პლებსსა სწევია. კეთილშობილი კაცი ცდილობს მაღალ მოთხოვნებსა და კანონებს დაუმორჩილოს საკუთარი სიცოცხლე”). ასეთი ცხოვრებით ახალმა ადამმა თავი “დილეგში” გამოიმწყვდია, თუმცა თავი სამყაროს ბატონ-პატრონი ჰგონია. იგი არა მარტო დაყრუვდა, არამედ დაბრმავდა კიდეც და რეალური განსჯის უნარი დაკარგა. ესაა ამბოხება საზოგა-



ვასილი კანდისნი

აბსტრაქცია

დოების ინტელექტუალურ და მორალურ სანყისთა წინა-აღმდეგ, რასაც უმძიმესი შედეგები მოაქვს და მოიტანს მომავლისათვის. ცივილიზაციის სიკეთეების გახსნამ და დაუფლებამ ახალი ადამის სული დახურა. სულის ჰერმეტიული შეუღწევადობა, ინტელექტუალური ჰერმეტიულობა მისი უდიდესი უბედურებაა. მას სრულყოფილი ჰგონია თავი, აზრდაც არ მოუვა, ეჭვი შეიტანოს საკუთარ ძალებში, აღმოაჩინოს თავისი ნაკლოვანებანი. ეს ბრყვი ამაცად თავანული მიაბიჯებს ცხოვრებაში და ამ გზაზე გადათქერავს უღირსსა თუ ღირსეულს. იგი ჯიუტი და სქელკანიანია (ანატოლი ფრანსი აკი ამბობდა, ბრყვი უფრო სამიშია, ვიდრე ბოროტმოქმედი, რადგან მისგან განსხვავებით მოუღლეღია და დაუცხრომელი, ამჩატეზული და პარანოიდული). ახალმა ადამმა ვულგარულობა და ზედაპირულობა ცხოვრების წესად აქცია. რატომ უნდა უსმინოს ჭკვიანებს, მან ხომ ყველაფერი იცის? (არადა, ვისაც სურს საკუთარი აზრი ჰქონდეს, ჭეშმარიტება უნდა უყვარდეს). მას არც სხვისი სიმართლის აღიარება ძალუძს და არც ის, რომ თვითონ იყოს მართალი. არსებობის უმაღლეს ფორმად დიალოგი გვევლინება, ახალ ადამს კი მაინც მონოლოგი ურჩევნია, რადგან დიალოგი აშინებს. მისი “იდები” საკუთრივ აზრები კი არაა (განსაკუთრებით პოლიტიკაში), არამედ სიტყვებით გამოხატული სურვილები. ძალადობა მისი უმთავრესი და უკანასკნელი არგუმენტია. დღეს ცხოვრების ყველა სფერო ამ ახალ წესებს (“მცნებებს”), ან უფრო სწორად წესების უქონლობას, უწესობას ემორჩილება. აღარავის მოსწონს რაინდობა, აღარ ითხოვენ “კარგი ტონის” წესების დაცვას. ქალისა და კაცის ურთიერთობაც ამ უწესობას დაემორჩილა, გაუხამსდა და რომანტიკული და იდუმალი ელფერი დაკარგა (ამიტომაც წერდა ორტეგა ი გასეტი: “ადამიანი ცივილიზებული არსება აღარ არის, იმისდა კვალად, რაც უფრო ნაკლებ ანგარიშს უწევს მოყვასთა აზრს”).

მართალია, ცივილიზებულია დღევანდელი სამყარო, მაგრამ არა მასში მცხოვრები ახალი ადამი. ის ვერც კი ამჩნევს, რომ ცივილიზებულ სამყაროში ცხოვრობს და ისე სარგებლობს მისი ყველა სიკეთით, როგორც ბუნების ნაყოფით და საჩუქრით. მისი უმთავრესი საზრუნავია ფუფუნების საგნების ხელში ჩაგდება და ტკბობა. სარგებლობს ცივილიზაციის ყველა სიკეთით, მაგრამ არაფერს აკეთებს მის შესანარჩუნებლად, რაც ცივილიზაციის დასასრულის დასანყისი შეიძლება გახდეს.

ახალ ადამს ცა ქუდად აღარ მიაჩნია და დედამინა ქალამნად, ცდილობს ყველგან თავისი წესები, პრიმიტივიზმი და გარყვნილება დაამკვიდროს. მოსწონს ინტელექტუალებთან ურთიერთობა, მაგრამ გულის სიღრმეში ეზიზღება ისინი, ფარულად დასციინის მათ და თავის ხელქვეითებსაც ამას აიძულებს. ავტორიტარული რეჟიმი ურჩევნია დემოკრატიულ და სამართლიან წყობას. გატაცებულია სპორტით და აზრტული თამაშობებით, მოდით, საგანგებო ყურადღებას უთმობს თავის სხეულს

— კვებას, ჰიგიენას, ამკვიდრებს ე.წ. “ვარსკვლავთა კულტს” სპორტში, კინოში, მუსიკაში, ათეულ მილიონებს უზღის სპორტის ვარსკვლავებს და ასჯერ ნაკლებს ნამდვილ ინტელექტუალებს. ახალი ადამი ყველაფერს მომხმარებლური თვლით უყურებს, აჩანაგებს და ანადგურებს ბუნებას, თავს არ გრძნობს ვინმესგან დავალებულად, ქუჩაშიც ისევე იქცევა, როგორც შინ, არასოდეს დაითრგუნავს რაიმე ჟინს. იცის, რომ ნებადაურთვეღია ბევრი რამ, მაგრამ თავს იკატუნებს, რომ “არ იცის” ეს. ცინიკოსი და რიგორისტია. ახალ ადამს არ ესმის, რომ მტკიცე იქნება მხოლოდ ის ხელისუფლება, რომელიც ხალხის, საზოგადოების მხარდაჭერას ეფუძნება, რომ ხმტებსა და ძალადობაზე ხელისუფლებას დიდხანს ვერ დაამყარებ.

ახალი ადამის ზერეღე ენთუზიაზმი, მისი “სიყვარული” ჩაგრულებისა და გაჭირვებულებისადმი, სოციალური სამართლიანობის მისეული “ხედვა”, რეალურად სხვა არაფერია, თუ არა ნილაბი, რისი წყალობითაც ცდილობს თავი დააღწიოს საკუთარ მოვალეობებს.

ახალგაზრდობაზე მისი ზრუნვაც მოჩვენებითი და ყალბია. რეალურად ახალი ადამი ასაკოვნებსაც ჩავრავს და ახალგაზრდებსაც, უსპობს მათ მომავლის პერსპექტივას:

**მუტრუკი მიტომ მუტრუკობს
დედა ჰყოღია ვირიო,
კაცი ბეჩავის მჩაგვრელი
სად გაგონიღა გმირიო...**
(ვაჟა-ფშავეღა)

ახალი ადამი ყველა ასაკის ადამიანებში გვხვდება, განსაკუთრებით თანამედროვე ახალგაზრდებში. ასაკოვანი ადამებიც ცდილობენ თავიანთი “ახალგაზრდობის” წარმოჩენას, რადგან იციან, ახალგაზრდობას ყოველთვის მეტი უფლება აქვს, ვიდრე მოვალეობა. ამიტომაც ცდილობენ სამომავლოდ გადასდონ თავიანთი მოვალეობის ასრულება და მოწიფულობის ასაკს დაელოდნონ. ახალგაზრდობა ყოველთვის ვალებით ცხოვრობს. მოწიფულები ყოველთვის უყოყმანოდ უთმობენ ამ ფსევდოუფლებას ახალგაზრდებს. ამაში გამოიხატებოდა მათი ირონიული და გულისშემძვრელი დამოკიდებულება ახალგაზრდობის მიმართ. მაგრამ იმ თავდაჯერებულობამ, რომლითაც დღეს ამ ფსევდოუფლებას ნამდვილი უფლების მაგივრად იყენებს ახალგაზრდობა, შეუძლებელია სულის სიღრმემდე არ შეგვაძრწუნოს. ამით ახალგაზრდები მოწიფულების წისქვილზე ასხამენ წყალს, რომლებსაც ახლა შეუძლიათ თამამად თქვან, ჩვენ ხომ რალაც მაინც გავაკეთეთო. ახალგაზრდობა თავისებურ შანტაჟად იქცა (ხოს ორტეგა ი გასეტი).

მორალისა და მოვალეობისაგან დაცლილი ახალი ადამი(ანის) პარპაში სამყაროში გრძელდება. როდემდე გასტანს ეს ყოველივე, ძნელი სათქმელია. ალბათ დიდხანს ვერა, რადგან ეს მოახლოვებს სამყაროს დასასრულს.

სამშაბათს, 4 მაისს
ჟურნალ „ჩვენი მწერლობის“
დარბაზში გაიმართება
შეხვედრა პოეტ
დაღიღა ბეღიანიძესთან
დასანყისი 14 საათზე
ჩუბინაშვიღის 41

ნოდარ მაგალობლიშვილი

„საქართველოს მიტოვება გამიჭირდებოდა“



— თქვენი აზრით, რა არის უკიდურესი გაჭირვებული მდგომარეობა?

— როცა ადამიანს არ ყოფნის ის, რაც აქვს.

— სად ისურვებდით ცხოვრებას?

— ადამიანურ პირობებში ნებისმიერ ადგილას ვიცხოვრებდი, მაგრამ საქართველოს მიტოვება ალბათ გამიჭირდებოდა.

— რა არის უმაღლესი ბედნიერება?

— დამოუკიდებლობა.

— თქვენი საყვარელი ლიტერატურული პერსონაჟები?

— სპარტაკი.

— თქვენი საყვარელი ისტორიული პერსონაჟები?

— დავით აღმაშენებელი, გიორგი ბრწყინვალე, დემეტრე თავდადებული.

— თქვენი საყვარელი მხატვარი?

— რაფაელი.

— თქვენი საყვარელი კომპოზიტორი?

— ვერდი, ბახი.

— რომელ თვისებებს აფასებთ ყველაზე მეტად მამაკაცში?

— უანგარობას.

— რომელ თვისებებს აფასებთ ყველაზე მეტად ქალში?

— ერთგულებას.

— რომელი ადამიანური სათნოებაა თქვენთვის უფრო მომხიბლავი?

— რწმენა.

— თქვენი საყვარელი საქმიანობა?

— ზრუნვა სხვებზე.

— თქვენთვის ნაცნობი რომელი ადამიანი გინდოდათ ყოფილიყავით?

— რეზო თაბუკაშვილი.

— თქვენი ხასიათის მთავარი თვისება?

— თანაგრძნობა.

— რას აფასებთ ყველაზე მეტად მეგობრებში?

— ყურადღებას.

— თქვენი მთავარი ნაკლი?

— უქნარა კაცი ვარ.

— თქვენი წარმოდგენა ბედნიერებაზე?

— როცა ადამიანი კმაყოფილია იმით, რაც აქვს.

— რა იქნებოდა თქვენთვის ყველაზე დიდი უბედურება?

— როცა ცხოვრებისგან აღარაფერს მოვითხოვ.

— როგორი გინდოდათ ყოფილიყავით?

— როგორიც ვარ!

— თქვენი საყვარელი ფერი?

— ყავისფერი, თეთრი, შავი.

— ყვავილი, რომელიც ყველაზე მეტად გიყვართ?

— ია.

— თქვენი საყვარელი ფრინველი?

— მერცხალი.

— თქვენი საყვარელი მწერალი?

— დავით კლდიაშვილი, ვაჟა, ტოლსტოი, დოსტოევსკი.

— თქვენი საყვარელი პოეტები?

— პუშკინი, გალაკტიონი, გოგლა ლეონიძე.

— საყვარელი ლიტერატურული გმირი ქალები?

— არ ვიცი, არ მიფიქრია ამაზე.

— საყვარელი გმირები რეალურ ცხოვრებაში?

— ქვეყნისთვის თავდადებული ადამიანები.

— საყვარელი გმირი ქალი ისტორიაში?

— ქეთევან წამებული.

— საყვარელი სახელი?

— ნინო.

— რას ვერ იტანთ ყველაზე მეტად?

— ქედმაღლობას, პატივმოყვარეობას, საკუთარი თავის განდიდებას, მოკლედ, ამპარტავენებას.

— ისტორიული პიროვნება, რომელმაც თქვენი ზიზღი დაიმსახურა.

— ჰიტლერი.

— საომარი მოქმედება, თქვენი აზრით, ღირსი მეტნაკლები ალტაცებისა?

— დიდგორის ბრძოლა.

— რეფორმა, რომელსაც თქვენ განსაკუთრებით უმაღლეს შეფასებას აძლევთ?

— ყველა, რომელიც სახელმწიფოსა და ოჯახის განვითარებას წაადგება.

— ნიჭი, რომელსაც გინდათ ფლობდეთ?

— მინდა კომპოზიტორი ვიყო.

— როგორი გინდოდათ რომ მომკვდარიყავით?

— მინდა ისე „გავიპარო“. რომ ვერავინ იგრძნოს ეს მომენტი...

— თქვენ სულიერი მდგომარეობა ამჟამად?

— ბოზოქარი...

— ქმედებანი, რომლებიც თქვენს შემწყნარებლობას იმსახურებენ?

— მინდა, ჩემს ირგვლივ ყველა კარგად იყოს.

— თქვენი დევიზი?

— მოგეტყვოს ცოდვანი შენი...

გაიშვიათდა ეს თემა, ძალზე ნაცნობი, მახლობელი, შეჩვეული – საყოფაცხოვრებო თემა, მეცხრამეტე საუკუნის სტილი, თბილი, ადამიანური, უტყუარი, სანდო, გასაგები.

რეტროს მაინც ვერ დაარქმევ.

ეკა ფხალაძემ იცის, რას აკეთებს. კლასიკურ ფორმას იღებს, შესაძლოა, შეგნებულად, შესაძლოა ინტუიციის კარნახით, და თანამედროვე განწყობილებით აშინაარსებს.

თინა – დედა... განადგურებული სილამაზე, დამსხვრეული ოცნებები, ერთგულების სახელით მოკლული სიყვარული. რამდენი ასეთი ქალი დადის შორეულ თუ ახლობელ გზებზე. რამდენი ასეთი ტკივილი ინავლება ჩვენ გვერდით. რამდენი გრძნობა იკარგება უნუგეშოდ.

თინა, მაღამ ბოვარის შორეული ნათესავი, თხემით ტერფამდე ქართველია, ქართული ეთოსის, ქართული ნესიერების „მსხვერპლია“ და ამით არის საბრალოც და დიდებულიც, ტრივიალურიც და არაჩვეულებრივიც.

ეკა ფხალაძემ მართლაც იცის, რას აკეთებს – უბრალოდ, უპრეტენზიოდ, ყოველგვარი ზედმეტობების გარეშე ქმნის სახეს, რომელიც დიდხანს არ დაგვაგინწყდება.

ეკა ფხალაძე

ცდუნება

– იცოდე, ხვალ სალამოს მოტყუებული კაცივით არ ჩამომაცენო, არ მაზელინო ეს ნაწვიმარი მინა, თორე...

– უფ! – ქალმა ხელი ჩაიქნია.

– რა დროს ნამოხვალ.

– სალამოს-მეთქი, ხომ გითხარი!

– ჰოდა, დაბინდებას არ დაუცადო, ნელის ჰკითხე, რომელ ბაზარშიც სიიაფეა, ეცოვინება. დილით ადრე ადგომა არ დაიხარო, დროზე მოითავე საქმე და ჩამოდი... – ახალგაზრდა კაცმა ბანრით შეკრულ, ტერფებსშუა მოქცეულ ჩანთას ყურები შეუსწორა და შარას გახედა.

– ვითომ არ იცი, საახალწლოდ ყველა ბაზარი ძვირია.

– ბავშვებს ბევრი საჩუქარი უყიდე, საშენო ჭინჭებში არ მიფლანგო ეგ ფული.

ქალმა საყვედურით შეხედა. ნეტა, როდის ყოფილა მასეო, ღვარძლით უნდოდა აევსო სიტყვა, მაგრამ უკმაყოფილო მზერას და ტუჩების პრანჭვას დასჯერდა.

– რალაც მოდის, მგონია – შორიდან მიკროავტობუსი გამოჩნდა – აბა, შენ იცი, ხვალ დიდხანს არ მალოდინო. იცოდე, არ დაგელოდები.

ლაპარაკით გაედევნა მოშორებით დამუხრუჭებულ მანქანას. ცოლს კარი გაუღო, ჩანთა მიანოდა და აბა, შენ იციო, კიდევ ერთხელ ჩაულაპარაკა.

მეორე რიგში თავისუფალი სკამი იყო. დაჯდა და უცებ ინანა, ფანჯრიდან გახედვა რომ ვერ მოასწრო. გუმანით წარმოიდგინა, როგორ იდგა ქმარი ისეც იმ ადგილზე და მზერით მიაცილებდა.

ფიქრით ახლახან მიტოვებულ სახლს გადასწვდა. რას აკეთებდნენ ნეტავ ბავშვები? ყელგამონეულები სთხოვდნენ სასურველ საახალწლო საჩუქარს. უმცროსს ველარაფრით ამშვიდებდა.

– დედა, სად მიდიხარ! – დასდევდა კუდში ისეც თავბრუდახვეულს.

– საზღვარგარეთ.

– რას მომიტან!

– გამეცალე, ფეხებში ნუ მებლანდები.

– სად მიდიხარ, დედა.

– საზღვარგარეთ-მეთქი.

პატარა ატირდა. ძლივს დაამშვიდა. ვიდრე ხელახლა დაადებინებდნენ პირობას, რომ საზღვარგარეთ დიდხანს არ დარჩებოდა, საძინებელში შელალა სამივე, სათამაშოები გადმოუშალა და თავს უშველა.

... ძილი მოერია, მოითენთა. ტრანსპორტის დახუთულმა ჰაერმა მოადუნა, დაუმძიმა ქუთუთოები, თავი სავარძელს მიაყრდნო და მიყურდა.

თბილისს მიუახლოვდნენ თუ არა, ფიქრ-ფიქრ მიყოლილი გონება წამიერად გამოფხიზლდა. სანამ ნელის სახლამდე მიაღწევდა, ზამთრის სუსხმა ერთიანად ააკანკალა. გაჭირვებით აიარა კიბეები. მძიმე ჩანთა სადარბაზოს კედელზე მიაყუდა და ათი წლის წინ ნაყიდი პალტო შეისწორა.

კარი ნელიმ გაუღო, ტაში შემოჰკრა, გაუხარდა. თბილად შეეგება დეიდაშვილს. სასწრაფოდ გახადა პალტო და ჩალულუნებულ ოთახში შეიყვანა. ამოსუნთქვაც არ აცადა, წვრილად დაუნყო სოფლის ამბების გამოკითხვა.

– ხომ იცანით, ჩვენი თინიკო დეიდაა, – შეახსენა შორიდან შემოჩრებულ შვილებს. ქალს ეხამუშა. თინიკოთი გათხოვების მერე თითქმის აღარავინ მიმართავდა სოფელში. თინა იყო: თინა-დედა, თინა-დეიდა, თინა-ბიცოლა.

– ერთი, ეს ჩანთა ამომაცლევინე – ჩაურთო წამით გაჩუმებულ დეიდაშვილს.

– ერთი შენც! სულ ეგრე იცი ხოლმე, დაიზურგები და მოხვალ, – ყალბად გაუნყრა ნელი.

თინამ სამზარეულოში შეტანილ ჩანთას ბანარი შემოახსნა. თავსწამომდგარ ბავშვებს ზამთრის მკვრივი მსხლეები დაურიგა, გლუვზედაპირიანი. წითელ-ყვითლად დაზოლილ-დაფერილი ვაშლები სინზე ამოალაგა. კუშტად დაკბილული ჩურჩხელები ამოთვალა სათითაოდ.

– წელს ისეთი თხელი თათარა მოვიდა!

– აბა, დაიკარგეთ აქედან, რა ხელებში მისჩერები-



ხართ, თქვე ცუდლუტებო! – ნელიმ მუშტრის თვალთ დახედა სოფლის ნობათს.

– ზამთარმა და პირმა სქელის და თხელის გარჩევა სად იცის!

– არა, ნელს მაინც...

– იცი, დღეს სად მივდივარ?

თინამ ფართო თვალებით ამოიხედა ღია ჩანთიდან.

– მიდიხარ?

– ჰო, რა იყო!

– არა... არაფერი.

– მივდივარ კი არა, ერთად წავალთ, რადგან ბესო მოდიოდა, მაგრამ ახლახან დამირეკა, გადაუდებელი საქმე გამომიჩნდაო.

– არა, რას ამბობ, სად წამსვლელი ვარ.

ნელიმ კარადის ზედა თაროდან მოზრდილი თასი გადმოიღო და ახალგაზრდული კისკისნარევი ლაპარაკით ხილის ჩალაგება დაიწყო. თინა რიდით შეჰყურებდა. ჩუმჩუმელა ბავშვივით აკვირდებოდა დეიდაშვილის ფერუმარლიან სახეს. ტოლები იყვნენ, მაგრამ რა სხვადასხვანაირი ცხოვრების პატრონები!

– ჰოდა, მოვიდა და ეს სვიტრი მომიტანა, ზედ რომ მაცვია.

– ვინ?

– ჩემმა ქმარმა-მეთქი, არ მისმენ?

– ჰო.

– ფერი დავუწუნე.

„ფერი დავუწუნეო. ქმარმა გაჩუქოს და კიდევ დაიწუნო...“

არა, შუბლზე ღარები მაინც დასტყობია. აგერ, ნაოჭებიც თვალის უპეებთან... რით ჯობდა, რით იყო თინაზე უკეთესი? შენახული თითებით? უნებურად ხელზე დაიხედა. ძირში მოკვეცილ ფრჩხილებს დააკვირდა.

– შენი ქმარი რას შვრება... კიდევ ხომ არ გაბრაზებს...

– ეჰ! – ამოიოხრა და ჩვეული მოძრაობით მკლავები დაიკაპინა, – ხან ასე, ხან ისე...

– ღმერთს რა ვუთხარი, რომ ჯერ კაცი გააჩინა და მერე ქალი! მოდი, მოუფეკი მაგიდას, ცოტა შევნაყრდეთ და გავემზადოთ.

– კარგი რა!

ნელიმ ტუჩებზე მიიღო თითი.

– კარგად იცი, რომ ვიტყვი, გავაკეთებ კიდევც. ამდენი ლაპარაკი რად გვინდა. სულ ახლობელი ხალხია.

– ეგ – შენთვის.

– გაიცნობ და ნახავ, უცებ დაუახლოვდები.

თინა მიჩუმდა, სცადა ერთი წუთით მაინც დაეშვა გონებაში აზრი, რომ შეიძლებოდა ახლა უცხო ხალხთან სუფრაზე მოხვედრილიყო, თანაც – რესტორანში აბურძგნულ, ცოტა შელანძლულ ზამთრის ქვედაბოლოს დახედა და მოთელილი სვიტრის მკლავები უნებურად მაჯებამდე ჩამოიწია. ნელიმ მონკურული თვალები აარიდა.

– სულ ახალი ბლუზა მაქვს, – წამოიწყო თითქოს თავისთვის, – მუქი შვინდისფერი, ხომ გიყვარს მხიარული ფერები, თან მოდაშია. ისე მოგიხდება, დაგხატავს.

თინამ მტკიცედ გაიქნია თავი.

– არა, არა, არსად წამომსვლელი არა ვარ.

ნელიმ მარტო გაიღიმა, წამოდგა, უცებ აალაგა მაგიდა და დეიდაშვილი თითქმის ძალით გაიყვანა სამზარეულოდან. გარდერობი გამოსხნა და სიტყვის თქმაც აღარ აცალა, გვერდებში შეულუტუნა: ჰა, გაიხადე ახლაო.

– შე იქ რა მინდა, არც არავის ვიცნობ, არც არავინ მიცნობს, – თავზე წამოხდელი სვიტრის ქვეშ აგრძელებდა ბუზღუნს თინა.

– ეგ კი არა, შემომხედე, რა ფერის კონტური უფრო მოგიხდება.

თინა სარკის წინ იჯდა და თვალებს არ უჯერებდა, ნუთუ ეს მართლა თვითონ იყო! მუქ შავ თვალებს ზედა ქუთუთოს გასწვრივ ბოლომდე გადახვენილი შავი ფანქარი უფრო გრძელს უჩენდა. ისედაც უხერხულობისა და დაძაბული მოულოდნელობისაგან აღმუშრადენილ ლოყებს მუქი ღვინისფერი პომადა უმკვეთრებდა, წამეტანად ერვინა. ხვეწნა-მუდარით მოიშორა, ღია ვარდისფერზეც ჭოჭმანით დათანხმდა.

ახალი ბლუზა მართლა მოუხდა. ახალა შენიშნა, რა გრძელი, მოღერებული კისერი მოუჩანდა მოღებულ გულისპირზე.

ასე ლამაზი ერთადერთ დღეს იყო ცხოვრებაში. სკოლის დამთავრების აღსანიშნავ საზეიმო ბანკეტზე. ცალკე ოთახში შეპარული თანაკლასელი გოგონები ფრთავაშლილი თავისუფლების შეგრძნებას ვეღარ ფარავდნენ. ხელიდან ხელში იტაცებდნენ პარფიუმერიის ნაკრებს, თვალის ფანქარს თუ ფერ-უმარილს. ტკარცალებდნენ, სარკეში ვეღარ ეტეოდნენ, ხელებით ირიდებდნენ ერთმანეთს.

მერე... სულ ერთი საათიც არ მჯდარა სუფრასთან, გარეთ გაიხმეს, მანქანასთან მიიტყუეს და...

უკან დარჩა ბანკეტი, თანატოლები, სილაღე...

ქმარმა, ოჯახმა, სამმა ბავშვმა ცოლისა და დედის მარწუხებში მოაქცია, შებოჭა, შეაკეცინა გულის კარები.

თვითონაც არ ეგონა, თუ ასე ლამაზი იყო. თუმცა ამდენ დროს როდისღა ატარებდა სარკესთან.

ბესომ რესტორნამდე მიაცილა ქალები და თავის საქმეზე გაეშურა. საგრძნობი მხიარულებით შეხვდნენ ნელის გამოჩენას. ადგილი მოუძებნეს დაგვიანებულებს. თინა რამდენიმე დამხვდურს გააცნო და მაგიდასთან მოთავსებაშიც დაეხმარა.

ამდენი ფერადი შუქ-ჩრდილით მორთული ინტერიერი არასოდეს ენახა. შეუჩერებლად უკრავდა ცოცხალი მუსიკა. ჯერ წინ მჯდომმა ახალგაზრდა ქალმა მიიპყრო მისი ყურადღება, როცა პომადიან ტუჩებში მოხდენილად მოაქცია ანთებული სიგარეტი და ნება-ნება გააბოლა.

მერე ნელ-ნელა ამართა მზერა, გვერდზეც გაიხედა, შეფარული ინტერესით ჩაათვალიერა გაპრანჭული, უკომპლექსო, თამამი, სალონში თმადავარცხნილი, გრძელსაყურებიანი ქალები. ახლა – კაცები! გამხდრები, განკეპილები, მოვლილები!

ნელი მხიარულობდა, ხუმრობდა. ცოტ-ცოტაობით ქიქასაც ანახევრებდა. უცებ აციმციმებული თვალებით დეიდაშვილს გადახედა და ეშმაკურად ჩასჩურჩულა: „შეხე, რაც მოვედით, ჩვენი ახალგაზრდა სტომატოლოგი თვალს არ გაშორებს“.

„რომელი“ – თინა შეკრთა, მართლა გაიოცა.

„ჰო, კარგი ერთი, ცუდი ყმანვილი არ გეგონოს, ზედმეტს არაფერს გაგიბედავს“.

„რას ამბობ, რა საკადრისია!“

„კარგი და...“ – დაიჯღანა ნელი, – „იცი, რას გეტყვი? ჩააჟინდი შენს ქმარიკოს და სახემომძარულმა გვერდზე აღარ გაიხედო. ხომ არ გიკბენს, ორიოდ კომპლიმენტით შეგამკობს და ეგაა... რომ იცოდე, რა ლამაზი ხარ... მე რომ კაცი ვიყო...“

– შეიძლება?

ორივემ თავსწამომდგარ მამაკაცს ახედა. ერთმა ფარული ღიმილით, უშუალო სითამამით ჩაუკრა თვალი. მეორემ მორიდებით აარიდა მზერა.

– მობრძანდი, დაბრძანდი, ჩემო ბატონო, – ნელიმ გვერდზე შემთხვევით გათავისუფლებული სკამი თვითონ დაიკავა, შუაში ადგილი დაუთმო.

– განწყობა როგორია?

– არ გვეტყობა? შესანიშნავი.

– სიამოვნებით გავიცნობდი შენს სტუმარს.

– კი, რა თქმა უნდა... ჩემი დეიდაშვილია, თინიკო. ეს კი მალხაზია.

მამაკაცმა ხელი გაუნოდა და ოდნავ, ოდნავ მოუჭირა კიდეც...

– ასეთი მშვენიერი დეიდაშვილი გყოლია... აქამდე რატომ გვიმალავდი?

– თინას აღმურმა აუნვა სახე.

– გიმალავდი? არა, რატომ! აქამდე თბილისში არ იყო.

– არა? საიდან გვესტუმრა?

– გერმანიიდან. — სერიოზულად უპასუხა ნელიმ. თინას გადიდებულ თვალებს თვალი აარიდა და მამაკაცს ყურში უჩურჩულა: „იცი რა, ქმარს გამოვრდა და ცოტა არ იყოს, ამაზე ლაპარაკი არ სიამოვნებს... სულ ახლახან ჩამოფრინდა საქართველოში. მაინც და მაინც ნუ ჩააცივებები“.

– ვა! – წამოსცდა მალხაზს. მუჭში ჩაახველა და თინასკენ მიტრიალდა.

– თინათინ, – თან ჭიქას წამოავლო ხელი, – სახელი ლამაზი გაქვთ, თუმცა... თქვენ უფრო ალამაზებთ... ჩვენი გაცნობისა იყოს, – ჭიქა გამოცალა, ისევ შეავსო, დადგა და გულზე მიაჩერდა.

– ასეთი გულსაკიდი რამდენიმე ხნის წინ ნელისაც ამშვენებდა. ალბათ, თქვენ აჩუქეთ... შესანიშნავი მინანქრული ნაკეთობაა... ორიგინალური.

– ოჰო, ჰო, ჰო, – ხმამაღლა გაიცინა ნელიმ, – ქალურ წვრილმანებშიც კი ისე ერკვევი, ვერაფერს გამოგაპარებს კაცი.

– ეს წვრილმანი არ არის. ეს ქალის ესთეტიკური შეფასების საშუალებაა, გემოვნების გამობატულება.

საერთო სადღეგრძელომ საუბარი გაანწყვეტინათ. თამადა კაზმულსიტყვაობით იწონებდა თავს.

მალხაზმა არ მოისვენა, ლამის ჩურჩულით განაგრძო:

– მოგიყვლია, როგორ გავიცანით ერთმანეთი?

– არა... არა მგონია. – ორივემ თინას შეხედა. მანაც უარის ნიშნად გაიქნია თავი.

– ჰოოო! მიდი, მოუყევი.

– მე რატომ, შენ თვითონ მოუყევი.

– კარგი! – დათანხმდა მალხაზი და წინასწარ გაიცინა. ადგილზე შესწორდა, მაჯებით მაგიდას დაეყრდნო და არტისტულად დაიწყო.

– ცხელი ზაფხულის დღეა და ერთიც ვნახოთ, კაბინეტში ახალი თანამშრომელი გამოგვეცხადა.

შეეხედე. გემოვნებიანი დეკორირებული სარაფანი აცვია და იმავე ფერის მსხვილბურთებიანი მოკლე მძივი ამშვენებს. ამ დროს ჩემმა მეგობარმაც შემოყო თავი და გამოდიო, მანიშნა. ნელი ჯერ ისევ კართან დგას. ის-ისაა, საერთო გამარჯობა თქვა და მოშინაურებას აპირებს.

გავუარე გვერდით და... ვხედავ, მხარზე მოზრდილი ჭიანჭველა აზის! წამით გავორჭოფდი, როგორ ვუთხრა, გაგიმარჯოს, მაგრამ ბოდიში და, მხარზე ეგ ჭია მოიცალე-მეთქი?! არც ვაცე, არც ვაცხელე, მივეჭერი და ორი თითით წაფწვიდი. ჭიანჭველა ისეთი სიჩქარით დაეშვა ქვემოთ... მიდის და მივდევ... ნელიმ გაბრაზებაც ვერ მოასწრო, ვაიმეო, უკან დაიხია და... მეც დავიჭირე!.. არა, ბოლომდე ჩასვლა არ ვაცალე... – სამივეს ისეთი სიცილი აუტყდა, ლამის მთელი სუფრის ყურადღება მიიქცევს.

– აი, ასე იყო... – ხმას დაუნია მალხაზმა, – ნელი უკვე სილის გარტყმას აპირებდა, რომ ცერსა და საჩვენებელს შორის მოქცეული ჭიანჭველა გაუწვინდა.

– მართლა ავნიე ხელი, – სიცილით ჩაერთო ნელი, – მეგონა ვილაც გიჟი გადამეკიდა. მერე ბესოსაც ვუყვებოდი, – ტელეფონის ზარმა სიტყვა გაანწყვეტინა, – აი, მე და ბესოს ერთად გვახსენდება ერთმანეთი. – ალო... არა, არ დავშლილვართ. ვერ მოხვალ? მაშინ... მახო წამოგვიყვანს – თან თინას ჩაუკრა თვალი, თან მალხაზს მიანოდა ტელეფონი.

– ჰო, ბესო! პრობლემა არ არი! ჩათვალე, უვნებლად ჩამიბარებია ცოლიც და ცოლისდაც... აბა, ჰე! – გათიშა და შუა დარბაზისკენ გაიხედა. – მუსიკალური პაუზაა, – თქვა მრავალმნიშვნელოვნად.

– მერე... წაიყვანე თინიკო! გამხიარულება კარგად გამოგდის, – არ დაუხვალა ნელიმაც.

მალხაზი ცოცხლად წამოდგა, ხელი ჯენტლმენურად გაუნოდა. თინას გული აუჩქარდა, სკამის ფეხს წამოედო, საზურგეს რომ არ დაყრდნობოდა, წაიქცეოდა კიდეც. ისეთი სირცხვილი იგრძნო, თავ-ფეხიანად ცეცხლის ალში გაეხვია.

მალხაზმა რომ მისი მტევანი ერთ ხელში მოიქცია და მერე წელზე შეახო, სხეული ერთიანად გაუხვედა, გაჭირვებით აადევნა მოძრაობა მუსიკას თუ პარტინორის ნებას.

– სულ ჩამოხვედით თუ...

თინამ ისეთი გაოგნებული სახით შეხედა, მალხაზი დაფიქრდა, რამე სისულელე ხომ არ ვთქვიო.

– გერმანიიდან, – დაამატა ყოველი შემთხვევისთვის.

– ააა! კი... სულ... – თავი დახარა, შიშამდგარი თვალები დამალა თითქოს.

– მესმის. ძნელია სამყაროს შეცვლა. შეგუებული გარემოს მოწყვეტა, ცხოვრებისეული ცვლილებების გაძლება – მალხაზი სვენებ-სვენებით ლაპარაკობდა, თითქოს საკუთარ თავს ებაასებო, – რით ერთობით, რით იმუხტებით, სად პოულობთ შვებას?

თინამ ვერაფერი გაიგო, ქვედა ტუჩი მოიყოლა კბილებში. მალხაზმა ისევ დაკვირვებით შეხედა თვალებში.

– ხელოვნების რომელი დარგი უახლოვდება თქვენს სულიერ სამყაროს? – თითქოს დაფიქრდა. კიდევ რამე მტკივნეულ თემას ხომ არ შევეხეო, – თეატრი თუ გიყვართ, თინათინ?

– თეატრი? – აშკარად გაუხარდა თინას, – კი, ძალიან.

– მართლა? ამ ბოლო ხანს ნანახი რომელი სპექტაკლი მოგწონთ?

...თინას თეატრი მართლა უყვარდა.

ბავშვობაში ჩამწკრივებული სკამების ზურგებს დედის ხალათს გადააფარებდა, თვითონ უკან ჩაჯდებოდა და ტანსაცმელშემოხვეული თოჯინების პლასტმასის გაფშეკილი ხელ-ფეხის ქნევითა და თამაშით უმცროს და-ძმას ენის ჩლიქინით სახელდახელოდ მოფიქრებულ სპექტაკლებს უდგამდა.

უნებურად დაფურცლული მეხსიერებიდან ჟურნალში ამოკითხული თეატრალური აფიშა ამოაგდო. ჩვევად ჰქონდა, გაზეთი ჩაუფარდებოდა ხელში თუ ჟურნალი, უეჭვლად ჩაათვალა იერებდა სპექტაკლების სათაურებს... წაიკითხავდა და საქმის კეთებისას სიუჟეტს განავრცობდა. შინაარსს წარმოიდგენდა, გულს გადააყოლებდა...

– „ზოლიანი ღობის ამბავი“ – ისეთი გამოცოცხლებით უპასუხა, მალხაზს გაელიმა კიდევც.

– მართლა? საინტერესოა. სხვათა შორის... მთავარ როლს ჩემი ძმის მეგობარი თამაშობს. აი, ხომ გახსოვთ, სოფლელი ბიჭი რომ ჩამოდის ქალაქში, ცუდ წრეში მოხვდება და ასე ხდება ჯერ ხულიგანი, მერე – ქურდი, მერე – ნარკომანი...

– კი, როგორ არა! – სწრაფად დაიქნია თავი. ჭერში დაკიდებულ შუქზე ათასფრად აციაგებულ ბურთს ახედა. არადა, თვითონ სულ სხვაგვარად ჰქონდა წარმოდგენილი შინაარსი. თითქოს ეს სათაური პატარა სიყვარულის ისტორიას ახსენებდა, ღობესთან დანყებულ-დამთავრებულს.

– სწორედ ეგ... საბოლოოდ იმ ზოლიანი ღობის ძირში რომ ამთავრებს სიცოცხლეს, თავისი ხელით რომ შელება ბავშვობაში. როგორ შეაფასეთ როგორც მსახიობი, ხომ ნიჭიერია?

– ძალიან, – თავი ენერგიულად დაიქნია ქალმა, სადღაც ამოკითხული ფრაზა აღმოცენდა გონებაში, – ძალიან... ისე საოცრად ითავისებს როლს...

მალხაზმა სახეში შეხედა. რატომღაც დააკვირდა. მერე ჯიბიდან პატარა, მართკუთხა ფურცელი ამოიღო.

– აი, ეს... ჩემი სავიზიტო ბარათია... თქვენს ნომერს ახლა ჩავიწერ – ტელეფონი ამოაძვრინა ჯიბიდან, მაგრამ არ დასცალდა. ხელში აუნკრიალდა.

– ჰო... ხმამალა თქვი... კარგი... მოვალ... – მალხაზს სახე მოელუშა, მაგიდისკენ გაიხედა. ნელი ვილაცას მისჯდომოდა და გულიანად იცინოდა.

– სამწუხაროა, მაგრამ... არაფერია, ეს პირველი შეხვედრა იყო. იმედია, უფრო თავისუფალ გარემოში შევხვდებით, უკეთ ვისაუბრებთ, უკეთ გავიცნობთ ერთმანეთსაც – გამომცდელად მიაჩერდა, – რა თქმა უნდა, თუკი ჩვენი სურვილები ერთმანეთს დაემთხვევა.

თინამ ახლალა გაუსწორა თვალი. სიტყვები იმდენად მსუბუქი და მნიშვნელობადაკარგულები აღწევდნენ მის გონებაში, აზრს ძალას ატანდა, რომ გაეცნობიერებინა, რას ეუბნებოდა ეს ელევანტურად ჩაცმული, სუფთად გაპარსული, თმადალაგებული, აბსოლუტურად უცხო და მიუნვდომელი მამაკაცი... ისეთი, ფილმებში რომ უნახავს და თვალი მიუყოლებია... სულ რომ არაფერი, იმისთანა სურნელი ჰქონდა, თავს ძლივს იკავებდა, მკერდზე არ მიყრდნობოდა და ისე არ გაყურებულყო.

– მაშ, შაბათს პრემიერაზე! ფვიქრობ, ჩემი ძმის

მხატვარი ცინარა ტერელაძე

თამაში მოგეწონებათ!.. საკმაოდ პერსპექტიული მსახიობია. თინათინ! – მალხაზმა მკლაფზე მოჰკიდა ხელი, – მეგონი არ მისმენთ.

– როგორ არა, – ამოლერდა.

– მესმის თქვენი... პირადული წარსული პრობლემა ხშირად ანმყოსაც ჩრდილავს ხოლმე, – გაილიმა. ლამაზად ილიმებოდა. მწყობრი სითეთრე უჩანდა ბავებებს შორის.

...რესტორნიდან ფეხათრევით გამოვიდა. გრძნობდა, იქ იმ წუთას ლამაზი ზღაპარი მთავრდებოდა. ზღაპარი, რომელიც შეიძლება მხოლოდ ერთხელ მოყვე ან ერთხელ მოისმინო.

მალხაზმა ქალები სახლის კარამდე მიაცილა და დამვიდობებისას თინას ცოტა მეტადაც მოუჭირა ხელი, ვიდრე პირველად.



ისეთ ვიწრო სავარძელში იჯდა, მუხლები წინა სკამის საზურგეზე ჰქონდა მიბჯენილი. მთელი ღამის უძილო იყო, შთაბეჭდილებებისგან გულგატეხილი. თვალებს დახუჭავდა თუ არა, რესტორნის აციაგებული შუქები ელანდებოდა. ხმაურიანი, ცოცხალი მუსიკა ჩაესმოდა, განწყობას რომ გამსუბუქებს და წელში გმართავს, ღიმილს მოგანდომებს და სილამაზეს განატრებინებს. ჰო, ქალობასაც შეგარგებს კიდევ...

თინასთვის ასე იყო!

ხელჩანთა ისე ჰქონდა ჩაბლუჯული, თითქოს განძი ეგულბოდა, თუმცა, იქნებ განძზე მეტიც იყო. ფურცელი, რომელიც მალხაზმა ცეკვის დროს ჩაუდო ხელში, მის ცხოვრებაში უძვირფასესი, უნეტარესი, ულამაზესი მოგონებების მოგონება იქნებოდა!

თინა ასე თვლიდა!

მექანიკურად გამოფხიზლდა. შეეშინდა, სოფელს არ გასცდენოდა. ბენზინგასამართი სადგურის ბოძთან აყუდებული კაცი რომ დაინახა, მაშინლა გაახსენდა, ქმარი რომ უნდა დალოდებოდა გაჩერებაზე. ნეტავ, როგორ გუნებაზე დახვდებოდა!

დაღლილი სახით გადმოვიდა, მძღოლს ფული მიანოდა და მაშინლა მოტრიალდა ქმრისკენ.

– მიდი, ბარგი გამოართვიო, ისე დალილად უთხრა, კაცმა სიგარეტის ბოლი ერთიანად გამოუშვა პირიდან. ძლივს მოაშორა თვალი ტუჩებზე პომადაშერჩენილ ცოლს და მძღოლს საბარგულიდან გადმოღებული ბარგი გამოართვა.

სხვა დროს, ვიდრე სახლამდე მივიდოდნენ, ალბათ უამრავ საშარო მიზეზს მოძებნიდა საბუზღუნოდ. მაგრამ ახლა მზერანამალვე ცოლს ზურგიდან წარბშეკრული შესცქეროდა და ხმას ვერ იღებდა.

– ბავშვები როგორ არიან, – გვერდულად გამოხედა თინამ.

– როგორც დატოვე, – მოგვიანებით გაიმეტა პასუხი. გაღეჭილი სიგარეტი მეორე მხარეს გადაიტანა, ცოლს წამოეწია და ჩაბლუჯულ ხელჩანთაზე ჩამოღებულ, ლაქნასმულ თითებზე მიაჩერდა.

– გიპოვია მოცლილი დრო!

– ნელიმ გამალამაზა, – სევდიანად ჩაილაპარაკა თინამ და ხელები მომუჭა.

ბავშვები წიოკით მიეხვივნენ. უმაღლე თავდაყირა დააყენეს სავსე ჩანთები. არაფერი დაუშლია, ეფერებოდა და საჩუქრებს არიგებდა. ქმარსაც წინ დაულაგა მისთვის ნავაჭრი. თავისთვის ნაყიდებიც გადმოუშალა, აჩვენა.

ბოლოს ხელჩანთას დაავლო ხელი და საძინებელში გავიდა, განმარტოვდა.

ის, რაც ყველაზე მეტად სათავისო იყო, აქ ელაგა. გახსნა და ციმციმ ამოიღო პატარა სასანთლე.

ქალაქში, მეტროდან ამოსულს თვალი მოსტაცა ჯერ ფერმა, მერე ფორმამ. ყიდვა რომ დააპირა და რომელი გნებავთო, ჰკითხა გამყიდველმა, მაშინლა დააკვირდა პატარა შანდლის მიღმა ოთხკუთხა ჩარჩოში ჩასმულ ხატებს.

ქრისტე არჩია... სათუთად შეახვევინა...

ნელის ნაჩუქარი პომადაც ამოიღო. იქ რომ ესვა, ის კი არა, სხვა, ღია იასამნისფერი. ბოლოს „იმასაც“ მოკიდა

ხელი. გვარ-სახელი ჩურჩულთ ჩაიკითხა, ტელეფონის ნომრები ჩაათვალიერა.

ფეხის ხმა მოესმა და ხელი სასწრაფოდ შემალა ჩანთაში.

– რა იყო... – უბრალოდ ჰკითხა კარში გახიდულ ქმარს, – ხომ ყველაფერი მოგენონა... რამე არ მოგერგო?

კაცი უსიტყვოდ გატრიალდა.

თინა-დედა ძალიან შეიცვალა.

მოუხშირა შვილებთან იმაზე ლაპარაკს, არა, ხვეწნას, რომ კარგად ესწავლათ, დაფიქრებულები ყოფილიყვნენ, ან ექიმები გამოსულიყვნენ ან ვინმე ისეთები... უფრო ყურადღებიანი გახდა, უფრო მკაცრიც... უფროსს და შუათანას საკუთარი ხელით უმონმებდა ჩანთას, საგულდაგულად ულაგებდა თმის თითოეულ ღერს.

თინა-ცოლსაც დაეტყო უცნაურობა.

ხან ბოსტანში ნივრის ან ხახვის კვლების მარგვლისას ყურდებოდა მინისკენ ჩახრილი, ხან უნებურად, სევდიანად ეღიმებოდა:

მაგრამ თვალები გაუხდა მფრთხალი და შეშინებული.

დიდხანს იტანჯა.

დიდხანს ინვალა.

იორჭოფა.

ერთი ეგ იყო, ქმრის შარიან გამოხდომებს მაშინვე უხიაგი შეპასუხებით აღარ ეგებებოდა. მოთმინების ძაფეები ქვეშეცნულმა ძალამ მოურბილა და მოუდუნა.

თითქოს ქმარსაც შეეცვალა მოშვილდული ხასიათი.

თინას დახრილი თვალები ბოღმით უკან კი აღარ აყლაპინებდა სათქმელს, შერბილებულად აკეთებდა შენიშვნას.

მაგრამ თინამ ვეღარ გაუძლო.

ბოლოს მიხვდა, რომ ის განსხვავებული დღე უკვე ცხოვრების ყოველი წვრილმანის შესაღარებელ ეტალონად ექცა: ფერი ეცვლებოდა, როცა ქუჩაში „იმისნაირი“ ფერის მანქანა გაივლიდა, სცხვენოდა, როცა მინით სავსე ფრჩხილები გამოჰქონდა ბოსტნიდან და მაშინვე პირსაბანისკენ გარბოდა... თვალებს ხუჭავდა, როცა ქმარი პირის გაპარსვის მერე ლოყებზე მოსხურებული იაფფასიანი ოდეკოლონის სუნს გაატარებდა, კრთებოდა ღამე, მოფერებისას...

მოუხშირა საძინებელში განმარტოებას და ქრისტეს ხატთან სანთლის დანთებას, ჩურჩულს...

ერთ დღესაც ხელჩანთიდან საგანგებოდ დამალული სავიზიტო ბარათი ამოიღო. ათმა თუ ათასმა აზრმა გაურბინა გონებაში. დახედა, თითი გადაუსვა. მერე ორივე ხელში მოიქცია და გადახია. ორჯერ, სამჯერ, დაანაკუნა. იფიქრა, იფიქრა, ადგა და პირდაპირ თონეში ჩააფრიალა.

ფერფლად და ნაპერწკლებად გაიფანტა მოგონებები.

რაკი ხილული ნაიშალა, მესხიერების იმ კუნჭულსაც ლიბრო გადაეკრა, დაიბუნდა, სადაც მოპარული სიამოვნება იმალებოდა.

ნელ-ნელა დროს გაჰყვა თვალთ ნახულიც...

ნელ-ნელა გაფერმკრთალდა ნაგრძნობ-განცდილიც.

დაბოლოს, ერთი დღის ცდუნება უსახელოდ დარჩენილი ზღაპარივით გულშიც ნაიშალა...

დაიბადა 1976 წლის 6 ივლისს, თბილისში. პირველი პუბლიკაცია — 1999 წელი, გაზეთი „ალტერნატივა“. ავტორია მოთხრობების სამი კრებულის, ორი რომანის („იყო საღამო, იყო დილა“ და „ახალი წიგნი“) და ესეისა „პროზისა და საკუთარი თავის შესახებ“...

განსაკუთრებული სახელი და პოპულარობა მოუტანა მძაფრი დრამატიზმით აღბეჭდილმა რომანმა „იყო საღამო, იყო დილა“, ჩვენი დღევანდელი რეალობის ექსპრესიულმა, მიუკერძოებელმა და მრავალმხრივ საგულისხმო სურათმა, რომელიც საკითხავდაც ძალიან ცოცხალია მახვილგონივრულად აგებული სიუჟეტური ქარგის წყალობით. ამ რომანმა იმედისმომცემი ახალგაზრდა მწერალი ერთბაშად სალიტერატურო ცხოვრების შუაგულში მოაქცია და ახალი თაობის ერთ-ერთ თვალსაჩინო ფიგურად გამოკვეთა.

უახლოეს ხანში გამოვა მისი ახალი რომანი „სიყვარული და მსხალი“, საიდანაც ვბეჭდავთ ფრაგმენტს.

დავით ქართველიშვილი

ზაფხული

გუშინ ჩამოვიდა თორნიკე, უფროსწორად თორნიკე და დედამისი, აეროპორტში დავხვდი, თორნიკეს ჩავეხუტე, ვაკოცე, დედამისს ზრდილობისთვის მივესალმე, გადაკოცნისას მისი სუნამოს სუნი შევისუნთქე და მივხვდი, რომ მასში არაფერი არ შეცვლილა, რადგან, ჩემი აზრით, თუ ადამიანი არ იცვლის გემოვნებას თუნდაც ისეთ ნვრილმანში, როგორც პარფუმერიაა, რაღაც გლობალურ ცვლილებებზე საუბარი ზედმეტია.

ჩემი და თორნიკეს დედის გემოვნება ყოველთვის განსხვავდებოდა და მიკვირს რა მოგვეჩონა ერთმანეთში, ერთადერთი ახსნა ასაკია, პატარები ვიყავით და ის, რაც ჩვენს ფეხებშუა ხდებოდა, გულის მოძრაობები გვეგონა, და კიდევ იმ დროს გავრცელებული, ძალიან მოდური ფილოსოფია, რომ ქალი და კაცი ერთმანეთისგან რადიკალურად უნდა განსხვავდებოდნენ, რადგან მხოლოდ პლუს-მინუსი წარმოშობს რეაქციას, მხოლოდ ნლების შემდეგ მივხვდი, რომ ნებისმიერი ქალი და კაცი ერთმანეთისთვის პლუს-მინუსია და ქალმა და კაცმა ერთმანეთში მსგავსებები უნდა ეძებონ, მსგავსებები ყველაფერში; გემოვნებაში, ფილოსოფიაში, ცხოვრების წესში, რადგან ქალის და კაცის ურთიერთობაში მხოლოდ მსგავსება ქმნის რეაქციას.

მხოლოდ სიყვარულის მოლოდინი არ არის სწორი, რადგან სიყვარული შეიძლება არც მოვიდეს, ცხოვრება კი გადის, ეს უკანასკნელი (დასკვნა, კანონზომიერება) ხან მამშვიდებს და ხან მაგიჟებს.

თორნიკეს დედას ჩემოდნები გამოვართვი, თავიდან ვითომ გაიბრძოლა, „არა, არ არის საჭიროო.“

ყოველთვის ნერვებს მიშლიდა მისი ეს თვისება, თეატრალურობა, უფროსწორად ყალბი თეატრალურობა, უაზრო თეატრალურობა, ნებისმიერ ხელსაყრელ შემთხვევაში ხაზგასმით იმის აღნიშვნა, რომ ჩვენ ერთმანეთისთვის არავინ აღარ ვართ, რომ ის დამოუკიდებელი და ემანსიპირებული ქალია, თუმცა ჩემ ხარჯზე ცხოვრობს ბარსელონაში, მაგრამ მე ჩემ შვილს ვაფინანსებ და არა მას, ისე ეს სიმართლეა, რომ არა თორნიკე, რა თქმა უნდა არანაირი ბარსელონა არ იქნებოდა და ჩვენი ურთიერთობა ქუჩაში უიშვიათესი, შემთხვევითი შეხვედრებით ამოიწურებოდა, მაგრამ თორნიკე არის, თორნიკე არსებობს.

თორნიკეს თვალი ჩავუკარი და ვკითხე:

— ნავედით, მამი?!

— ნავედით — თორნიკემ ორჯერ დამიქნია თავი და გამიცინა. თორნიკე ჩემნაირად იცინის, თუმცა გარეგნობით დედას გავს. ათი-თხუთმეტი წლის შემდეგ ამ ყველაფერს მნიშვნელობა აღარ ექნება, ფიზიკურად ვის გავს და ვის მსგავსად იცინის თორნიკე, ათი-თხუთმეტი წლის შემდეგ თორნიკე ზრდასრული ადამიანი იქნება, თორნიკეს ზრდის რეალობა მაშინებს, რადგან ზრდასრულ ადამიანებთან ყოველთვის მიჭირდა ურთიერთობა, დაზუსტება: გულწრფელი, ადამიანური ურთიერთობა და არა ბიზნეს-პარტნიორობა, ეს უკანასკნელი ყოველთვის კარგად გამომდიოდა, ბიზნესი სიყვარულს გამოირიცხავს, ბიზნესში ზედმეტი სიმპათიაც პრობლემაა, არათუ სიყვარული. ჩემი ბიზნესპარტნიორების სახეები დამიღდა თვალწინ, მათი შეყვარება შეუძლებელია, ძალიან მტაცებლები არიან, მიუხედავად ამისა ყავთ ცოლ-შვილი, მეგობრები, სვამენ სიყვარულის სადღეგრძელოს, მართალია საქმის სადღეგრძელოს შემდეგ, მაგრამ რიგითობას ამ შემთხვევაში არ აქვს გადამწყვეტი მნიშვნელობა, ყავთ საყვარლები, სტატუსიდან და თავად სიტყვიდან გამომდინარე მათთან ყველაზე ინტიმური და გახსნილი ურთიერთობა აქვთ, მაგრამ ამ ყველაფერს კავშირი არ აქვს სიყვარულთან. სიყვარული ისეთი რამ არის, რომლის შესახებ უმრავლესობას უფრო მეტი ნაუკითხავს და უფიქრია (თუ შეიძლება ეს ორი უნარი უმრავლესობას დროებით მაინც მივაკუთვნოთ, რათა არ გაგვიწყდეს მსჯელობის ჯაჭვი), ვიდრე უგრძნია. ამ შემთხვევაში მე უმრავლესობას მივეკუთვნები, საერთოდ როდესაც ვფიქრობ, რაში არ მივეკუთვნები, ერთადერთი თვალსაჩინოება ფულია, უმრავლესობისგან განსხვავებით მე ფული მაქვს, და კიდევ შეიძლება უმრავლესობაზე ცოტა მეტს ვფიქრობ, მაგრამ ფიქრი არ არის თვალსაჩინო განსხვავება, ფიქრი შინაგანი პროცესია, ხოლო ყველაფერი შინაგანის არსებობა თანამედროვე სამყაროში განზრახ დავინყებულება.

მანქანაში ჩავსხვდით, წინ თორნიკე დაჯდა, გზაზე ერთმანეთს რაღაცეებს ვეკითხებოდით, ვიცინოდით და



ერთმანეთს ვეხებოდით, დროდადრო სარკეში უკანა სავარძელზე მჯდომ თორნიკეს დედას ვხედავდი, მზის სათვალე ეკეთა, თავი ოდნავ მარჯვნივ ქონდა მიტრიალებული და გარეთ იყურებოდა. ჩვენ რომ ერთად დავრჩენილიყავით, ყველაფერი კიდევ უფრო ცუდად იქნებოდა, და მე და თორნიკესაც გაფუჭებული გვექნებოდა ურთიერთობა.

— ჯერ დედა მივიყვანოთ სახლში და მერე მე და შენ წავიდეთ ჩემთან — შევთავაზე თორნიკეს.

თორნიკემ თავი დამიქნია.

თორნიკეს დედის სახლთან თორნიკე და დედამისი ერთმანეთს ჩაეხუტნენ, თორნიკე ისეთ რალაცას ხედავს ამ ადამიანში რაც მე ამდენი ხნის განმავლობაში ვერ დავინახე და უყვარს, რა არის ეს დედაშვილობის ინსტინქტი თუ კიდევ უფრო მეტი, თორნიკეს ვერ ვკითხავ, რატომ გიყვარს დედაშენი-მეთქი, არ გამოდის, მე და თორნიკეს დედა ერთმანეთს ცივად დავემშვიდობეთ, გამახსენდა, რომ რამდენიმე ღამე ამ ადამიანზე ფიქრში მქონდა გათენებული, ეს არ იყო ერთნაირი ღამეები, ზოგჯერ სიყვარულით (ყოველშემთხვევაში მაშინ ასე მეგონა) ვფიქრობდი, ზოგჯერ სიძულვილით, დღეს თორნიკეს დედა ჩემთვის ერთი რიგითი უცნობი ადამიანია, რეალურად ასე არ არის, მაგრამ ყველაზე დიდი სიამოვნებით სწორედ ეს წინადადება დავწერე ყველა დღეს დაწერილ წინადადებას შორის.

* * *

პირველმა აღფრთოვანებამ გადაგვიარა, მეც და თორნიკესაც, ჩვენი ურთიერთობა ერთი კვირის თავზე ყოველდღიურობის ერთფეროვან კალაპოტში ჩადგა. ეტყობა, საკმარისად არ გვიყვარს ერთმანეთი, დედამისს ახსენებს, ამბობს, რომ მოენატრა, ნეტავ მე თუ მახსენებს დედამისთან? თუ ამბობს, რომ ვენატრები? ალბათ კი, ძალიან ბევრს ვთხოვ თორნიკეს, ბავშვია, თან ჩემი დაკვირვებით სრულიად ჩვეულებრივი ბავშვი, ყოველგვარი განსაკუთრებული თავისებურებების ან დიადი გამორჩეულობის გარეშე. მე არ მინდა ჩემი შვილი დიდი ადამიანი რომ გამოვიდეს, დიდი ადამიანების ცხოვრება მხოლოდ მოსაყლად ან წასაკითხადაა საინტერესო, და კიდევ: თანამედროვე სამყაროში დიდი ადამიანების კლასიკური კლასიფიკაცია დაირღვა და ამ კატეგორიის ადამიანებს უკვე არამხოლოდ ლიტერატორები, მუსიკოსები მხატვრები ან მეცნიერები, არამედ შემდგარი ვაჭრები და ფინანსისტი ავანტიურისტებიც წარმოადგენენ, და რაც მთავარია: არანაირი აზრი გამორჩეულობაში აღარ არის, გარდა ფულის შოვნისა, არავის აღარ სჯერა სამყაროს უკეთესობისკენ შეცვლის შესაძლებლობის, ყველა საკუთარი პირადი ცხოვრების მოწყობაზე (რეალურად: დასრულებასზე) ზრუნავს.

ერთ-ერთი ინდოელი სულიერი მოძღვარი ასეთ შეკითხვას სვამს: „ჩვენ არ შეგვიძლია ვთქვათ, რომ ყველა ადამიანი მოკვდავია, იმ უბრალო მიზეზის გამო, რომ ყველა ადამიანს არ ვიცნობთ“. თავისთავად საკითხის ასე დასმა ბანალური სოფისტიკის ნიმუშია, მაგრამ ამავე დროს სოფისტიკი ყველაზე კარგად ახორციელებენ დარტყმას ადამიანის ამბიციაზე; იმსჯელოს აბსოლუტური კატეგორიებით, მიუხედავად ამისა, არააბსოლუტური კა-

ტეგორიებით მსჯელობას აზრი არ აქვს, არააბსოლუტური კატეგორიებით მსჯელობისას ადამიანი პატარავდება, მცირდება. „მხოლოდ დამცირებით ხდება განდიდება“ — ასე ქრისტიანი მორწმუნეები მსჯელობენ, ესეც სოფიზმია, ქრისტიანობაში საერთოდ ყველაფერი სოფიზმია გულის, სიყვარულის, ჯვარცმის და აღდგომის გარდა, მაგრამ დავეშვათ დაბლა, საკუთარ თავებთან, რამდენად შეგვიძლია ჩვენი თავის დამცირებით ჩვენი გულის დაწმენდა? პირადად მე რამდენიმეჯერ ვცაადე, მაგრამ არაფერი არ გამომივიდა, მიყვირეს, არ ვუყვირე, ფეხი დამიდეს, სამაგიერო არ გადავუხადე, მაგრამ კმაყოფილების მეტი ვერაფერი ვერ ვიგრძენი, კმაყოფილი ვიყავი იმით, რომ შევძელი პასუხისგაუცემლობა, სამაგიეროს გადაუხდელობა, როგორც 21 წლის ასაკში, როდესაც წამალი გადავაგდე, კმაყოფილი ვიყავი იმით, რომ შევძელი, ხოლო სხვები დინებას მიყვნიენ და თითოეული ჩემი მკვდარ მეგობრის კუბოს აწევსას კმაყოფილი ვიყავი, რომ მე არ ვინექი კუბოში, რაც თავისთავად არ არის იმის გარანტია, რომ ადრე თუ გვიან კუბოში მე არ ჩავნვები, არა, უფროსწორად ჩამაწვენენ, მე ვერ ჩავნვები, რადგან მკვდრები არ მოძრაობენ, ყოველშემთხვევაში გარეგნულად არ მოძრაობენ.

თორნიკეს თბილისში თითქმის არაფერი არ მოწონს, ზოგიერთი რამე ნერვებს უშლის და ეზიზღება, თავად ამბობს ასე: „მეზიზღება, ფუ“. იგულისხმება ქუჩაში ნაგავი, ნაგავში ჩანოლილი მათხოვრები და ლოთები, ასევე ფურთხის პატარ-პატარა, მაგრამ ხშირი გუბეები. ასე ბარსელონაში ცხოვრების გამოა. ერთი კვირის თავზე ვიგრძენი, რომ თორნიკეს ბარსელონა ენატრებოდა. თორნიკე საქართველოში არ იცხოვრებს, არც ვამტყუნებ, საქართველო მათი ქვეყანაა, ვინც სხვაგან ვერ მიდის, ან (ჩემნაირების), ვინც სხვაგან ვერ მდიდრდება. თორნიკე საქართველოში არ იცხოვრებს, ქართული გაგებით მე ცუდი მამა ვარ, საერთოდ არ ვექაჩები თორნიკეს საქართველოსკენ, არ ვუტენი თავს პატრიოტული იდეებით, რომ საქართველო მისი მიწაა, რომ ეს მიწა ჩვენი წინაპრების სისხლითაა მორწყული, თუ შეიცვალა მასში რამე და ამ დიდ ნაგავსაყრელზე მოინდომა ცხოვრება, ჩამოვიდეს, მე წინააღმდეგი არ ვარ, საერთოდ არანაირი ჩემი გეგმები თორნიკეს მომავალთან დაკავშირებით არ მაქვს, კარგი პრაქტიკული განათლების მიცემის, უფროსწორად დაფინანსების გარდა, მეტი არაფერი, ალბათ იმიტომ, რომ თავად ჩემ პირად ცხოვრებასთან დაკავშირებით არ მაქვს არანაირი კონკრეტული გეგმა, გარდა ერთისა, რომ რალაც აზრი უნდა მივცე ჩემს ცხოვრებას, ყოველდღიურობის მიღმა არსებული აზრი, თორნიკე, საქმე, გართობა, ეს ყველაფერი ყოველდღიურობაა, აქედან გამომდინარე ეს ყველაფერი წარმავალია და არა აბსოლუტური, ყოველდღიური მოვლენების და ქმედებების სიმყარეა, მითუმეტეს აბსოლუტურობა ილუზიაა, გაციონა მუჭაში ძვირფასი ქვა გაქვს მომწყვდეული, რეალურად კი წყალია და თითებს შორის მოყონავს და იკარგება ყველაფერი, რასაც შენი სახელი და შენი ცხოვრება დაარქვი და სხვებთან თავდაუზოგავად არეკლამე.

თორნიკე კომპიუტერთან ზის, თავის ბარსელონელ მეგობარს ესაუბრება, თან დროდადრო კამერაში ხელს

უქნევს, თორნიკეს მეგობრის სახეს მონიტორზე ვხედავ, თორნიკესხელა გაფითქინებული დედიკოს ბიჭია, ევროპელების უმრავლესობა ასეთია; გაფითქინებული დედიკოს ბიჭები, პირველად ევროპაში რომ მოვხვდი, გავოცდი, რადგან ამ გაფითქინებულმა დედიკოს ბიჭებმა დალიეს, ქალებიც იხმარეს და კოკაინიც ყნოსეს, საქართველოდან გამომდინარე ასეთი რალაცეების კეთება სულსხვა კატეგორიის ადამიანების საქმე მეგონა.

თორნიკემ კამერასთან დამაყენა და თავისი მეგობარი გამაცნო, გამომდინარე იქიდან, რომ ესპანური არ ვიცი, კატალონიურზე ხომ ზედმეტია ლაპარაკი, ინგლისურად დავილაპარაკეთ.

ღამე თორნიკემ მითხარა, რომ მის მეგობარს ძალიან მოეწონე, იმ წამს ვიგრძენი, რომ თორნიკე ჩემით ამაყობდა და ბედნიერი ვიყავი. ბედნიერ წუთებში, არა, წუთები ბევრია, წამებში ვფიქრობ, რომ ყოველგვარი აბსოლუტურობის ძიება სისულელეა და ცხოვრების აზრი სწორედ ასეთი წამების მოგროვებაა, ცხოვრების აზრის ძიებაში სიტყვა გროვებას ვერ გავცედი, ვახდენ საგროვებელი ობიექტების ჩანაცვლებას, გროვება რჩება, მე ვარ ასეთი სწორხაზოვანი თუ ზოგადად ადამიანური ბუნება ან იქნებ ობიექტური რეალობა ასეთი არც სამწუხარო და არც საბედნიერო, უბრალოდ სწორხაზოვანი?



მხატვარი ცირა პაპინაშვილი

* * *

გუშინ თორნიკე სალომესთან ავიყვანე, მე და სალომე უკვე ექვსი თვეა ვხვდებით ერთმანეთს, ამ ხნის მანძილზე რა თქმა უნდა სალომესთან თორნიკე სულ ცოტა ექვსჯერ მაინც მყავს ნახსენები, ასე რომ, ბუნებრივია სალომეს უნდოდა ჩემი შვილის გაცნობა, სალომეს თავის 14 წლის შვილიც ყავს, თაკო, რომელსაც ასაკიდან გამომდინარე უპრობლემოდ დავუმეგობრდი, იმავე ასაკიდან გამომდინარე ვერასდროს გავხვდები მისი მამა ან მამასავით საყვარელი ადამიანი, ეს ძალიან მამშვიდებს, რადგან სალომესთან არა მგონია დიდხანს დავრჩე, ჩემი და სალომეს ურთიერთობა უპერსპექტივო, ხანმოკლე რომანია, რომელსაც ჩემი და სალომეს ზოგიერთი მეგობარი არასწორად დიდ მნიშვნელობას ანიჭებს, თავად სალომეს გულისსიღრმეში ალბათ რალაც იმედი აქვს, რომ ყველაფერი კარგად დამთავრდება (რამდენად სწორია აქ ეს გამოთქმა?)

და ერთად დავრჩებით, ხანდახან მეც ვფიქრობ მასთან დარჩენაზე, მაგრამ იქვე ვხვდები, რომ არაფერი არ გამოვა, ელემენტარული მიზეზის გამო; სალომე არ მიყვარს. რა თქმა უნდა ძალიან კარგად ვიცი, რომ წყვილების უდიდეს უმრავლესობას ერთმანეთი არ უყვართ, შეყვარებულების უმრავლესობა ერთმანეთზე (სალომე იტყოდა; „ერთმანეთში“ ვერ ვიტან ამ ფსევდოარისტოკრატიულ ფორმას!) შეყვარებული არ არის და ურთიერთობაში მთავარი ამ საკითხში, როგორც სხვა ნებისმიერ საკითხში ფარული, უსიტყვო შეთანხმებაა იმის შესახებ, რომ რეალური სიყვარული არ არსებობს და ყველაფერი მხოლოდ ურთიერთგაგება და ერთმანეთზე ზრუნვაა, მაგრამ ასეთი შეთანხმება, როგორც ნებისმიერი შეთანხმება, ადრე

თუ გვიან ირღვევა და საჭირო ხდება ახალი შეთანხმების დადება და ასე ცხოვრების ბოლომდე, ამ ორი უკანასკნელი სიტყვის მაგივრად შემქმლო ერთი სიტყვა — სიკვდილამდე — დამენერა, მაგრამ ცხოვრების ბოლომდე“ რატომღაც უფრო ზუსტი მომეჩვენა, რადგან ეს ყველაფერი ცხოვრებას ეხება და არა სიკვდილს.

თორნიკემ და სალომემ ერთმანეთს ხელი ჩამოართვეს, შემდეგ სალომემ თორნიკეს თავზე გადაუსხა ხელი და

ნამცხვრებით, სხვადასხვა ხილით, წვენიბით და ნაყინებით განყობილ სუფრაზე მიგვიწვია, სალომეს ასეთ ზრუნვაში რა თქმა უნდა ჩემთვის სიამოვნების მონიჭების პრაგმატული აზრი იყო ჩადებული, ადამიანებს არ გვაქვს უფლება ერთმანეთს უანგარობა მოვთხოვოთ, რადგან არცერთი ჩვენი ნაბიჯი უანგარო არ არის, შეიძლება მხოლოდ სიყვარულის შემთხვევაში ვართ უანგაროები, თუ სოფისტიკას გვერდს ავუვლით და სიყვარულსაც ერთ-ერთ ანგარებად და ეგოიზმის გამოვლინებად არ ჩავთვლით. რატომ ვლაპარაკობ იმაზე, რაც არ განმიცდია, რა მაძლევს საფუძველს სიყვარულს მივაკუთვნო ყველა დადებითი თვისება და გამოვლინება, პასუხი მარტივია: უსიყვარულობა, რომელშიც ვცხოვრობ.

სალომემ ყველა ის არაფრისმოძველები, მაგრამ ეტიკეტით გათვალისწინებული კითხვა დაუსვა თორნიკეს, რომელ კითხვებსაც უფროსი ადამიანები უსვამენ ახალგაზნობილ ბავშვებს და რომელ კითხვებზეც თავის დროზე პასუხისმგებელიც თავად მათ არანაირ სიამოვნებას არ ანიჭებდა, წარსულის გაუხსენებლობა და მითუმეტეს მი-

სი არარსებობა არაფერ შუაშია, უბრალოდ ჩვენ ვერ გამოვეყავით ჩვენს მშობლებს, ისინი თავიანთ მშობლებს და ათასი სისულელე და სიგიჟე წესად გვექცა.

შემდეგ მოვიდა სალომეს შვილი და თორნიკეს მზერაზე შევატყე, რომ თავო მოეწონა, თავისი ასაკიდან გამომდინარე (თორნიკე თავოზე ერთი წლით პატარაა) დაიბნა და ოდნავ განითლდა, ესეც ჩვენი გარყვნილი ახალი თაობა, ესეც ჩვენი სამყაროსწამლეკავები, როგორი გადამეტებული წარმოდგენა გვაქვს მათ განვითარებაზე და მითუფრო მათ გარყვნილებაზე, მხოლოდ იმიტომ, რომ გოგოები ოცდაათწლამდე ქალიშვილები არ არიან, ხოლო ბიჭები მხოლოდ პანელზე არ ეძებენ პარტნიორებს.

თავომ თორნიკეს რაღაც ახალი საიტის შესახებ კითხა, თორნიკემ, არ ვიცო, და ბავშვები თავის ოთახში გავიდნენ.

— ხანდახან მგონია, რომ ეს ბავშვები საბოლოოდ ჩარჩენილები არიან კომპიუტერში. — თქვა სალომემ და სიგარეტს მოუკიდა.

— და ჩვენ სად ვართ ჩარჩენილები? ბავშვები კომპიუტერში, ჩვენი მშობლები საბჭოთა კავშირში და ჩვენ, სხვებზე ადვილია ლაპარაკი, დაკვირვებული ხარ, სულ სხვებს ვაკრიტიკებთ, ჩვენ ბავშვებს, ჩვენ მშობლებს და თვითონ ჩვენ სად ვართ, ან ჩარჩენილები, ან განვითარებულები, სულერთია, ჩვენზე ვილაპარაკოთ, ვილაცხვებოთ ამბობენ, რომ ჩვენ ომში ჩავრჩით, მაგრამ ეს რეალურად საკუთარი თავის კარგად შეფუთვის მცდელობაა, ვიდრე სინამდვილე, ასეა, გმირულ სიყალბეში ყოფნა გვირჩევნია ამაში გასაკვირი არაფერია, მაგრამ არსებობს ტყუილი სხვებისთვის, ტყუილი ერთმანეთისთვის და კიდევ საკუთარი თავისმოტყუება და მგონი ჩვენ უკანასკნელს ვაკეთებთ, იმიტომ, რომ რეალურად საჭმელით, სასმელით, ჩარჩის იდეალებით და მონის წამიერი თავისუფლებით კმაყოფილ სახლებში ვართ ჩარჩენილები, ჩვენ არაფერი მოგვეთხოვება, მხოლოდ მშობლებისადმი მსუბუქი პროტესტი, რომ კიდევ უფრო მეტი საჭმელი მოვიპოვოთ, ომი მერე დაიწყოს და ბევრი ისე მოკვდა, ვერ გაიაზრა, სად იყო, და ვინც დავრჩით, ისე ვცხოვრობთ, რომ ჩვენში ომი ჯერ კიდევ არ დაწყებულა.

რა კარგი იქნებოდა, ეს ყველაფერი, რომ მეთქვა სალომესთვის, ალბათ სალომე ნახევარზე მეტს ვერ გაიგებდა, მაგრამ მე ამოვისუნთქავდი და გასკდომამდე ჭამა არ დამჭირდებოდა დასაწყნარებლად.

ლამე თორნიკემ მკითხა:

—მა, სალომე შენი ახალი ცოლია?

—არა — ვუპასუხე მოკლედ.

— მაშინ მე თავო მიყვარს — მითხრა თორნიკემ.

სიცილი ამიტყდა, თორნიკეს მივეფერე, შემდეგ სალომეს მივუმესიჯე: „Chem shvils sheni shvili sheuyvarda“ და ღიმილი.

სალომემ მიპასუხა: „mgoni chemsasac“

„ჩვენგან განსხვავებით“ გავიფიქრე, სალომესთვის აღარაფერი მიმიწერია, აღარც სალომეს მოუწერია ჩემთვის.

დავინწყეთ მზადება თორნიკეს გამგზავრებისთვის,

რეალურად თორნიკესა და დედამისის გამგზავრებისთვის, მაგრამ ამ უკანასკნელის საქმეში კაი ხანია აღარ ვერევი, ისე თუ ყავს ვინმე? ალბათ კი, თუმცა რა ჩემი საქმეა, ყავს, ყავდეს, არ ყავს, ნუ ყავს, მთავარია მისმა პირადმა ცხოვრებამ თორნიკეს არ შეუშალოს ხელი ნორმალურ განვითარებაში, კიდევ სამი-ოთხი წელი და თორნიკე ნავა სასწავლებლად რომელიმე უნივერსიტეტში, შემდეგ დაიწყებს კარიერის კეთებას და მნიშვნელოვან დღესასწაულებზე მე და დედამისის საერთო ტექსტით ორმესიჯს გამოგვიგზავნის, ერთად რომ დავრჩენილიყავით, ერთი მესიჯს იკმარებდა. რა თქმა უნდა ეს სამწუხარო წინასწარმეტყველებაა, მაგრამ ძირითადად მხოლოდ სამწუხარო წინასწარმეტყველებები მართლდება და არავინ არის უფრო ტრაგიკული, ვიდრე ნამდვილი წინასწარმეტყველი და არავინ არის უფრო დიდი ტრაგიკოსი არც ანტიკურ სამყაროში, არც რენესანსის ეპოქაში და არც სხვაგან, ვიდრე ძველი ალექსანდრიის წინასწარმეტყველები თვალწინ მომავლის საშინელი სურათებით და გულში მესიის მოლოდინით, თითქოს არასწორი დასკვნა არ არის, მაგრამ ესთეტიკიდან წინადადებების წყობიდან ამკარად ჩანს, რომ ამ საკითხზე ძალიან ბუნდოვანი წარმოდგენა მაქვს იმ უბრალო მიზეზის გამო, რომ წინასწარმეტყველი არ ვარ. წარმოვიდგინე; ვდგავარ ქუჩაში და გამვლელებს მომავლის საშინელ სურათებს ვუხატავ, ყურადღებას თითქმის არავინ მატყვევს. ესეც წინასწარმეტყველის ბანალური ხატია, კლიშეები ყველგან არსებობს მათ შორის და შეიძლება ყველაზე მეტადაც კი, მეტაფიზიკაში, მაგალითად დოსტოვესკის „ლეგენდა დიდ ინკვიზიტორზე“ ერთერთი ასეთი ყველაზე ცნობილი კლიშეა, თან იდეოლოგიზებული კლიშე, თუმცა დოსტოვესკი უკვე წარსულია და ჩვენ ვერასდროს გავიგებთ, რეალურად რა ზრახვით შეიქმნა ეს ნაწარმოები, რომელიც თავისთავად სხვა ნაწარმოების ნაწილია. მე ხშირად მიფიქრია, რა პოზიციას დავიკავებდი ჯვარცმისას, გამომდინარე იქიდან, რომ ვიცო, დუმილი ოქროა, ალბათ საერთოდ არ ამოვიღებდი ხმას, მაგრამ ასეთ საკითხებში ოქროს შუალედი არ არსებობს, პასიური ჯვარცმელი გამოვდივარ, ეს ძალიან მნიშვნელოვანი საკითხია, ქრისტეს ჯვარცმა და აღდგომა ყოველდღიურად ხდება ჩვენს გულებში, თავებში, უფროსშირად რა თქმა უნდა ჯვარსვაცვამთ (ძნელია სიყვარული, ყველაზე ძნელია სიყვარული), მაგრამ ამავე დროს ჯვარცმა და აღდგომა როგორც ისტორიული ფაქტი მოხდა ერთხელ და მხოლოდ იმით უნდა ვიყოთ ბედნიერები, რომ განგებით მოედანზე დგომა და „ჯვარს აცვი, ჯვარს აცვის“ ძახილი აგვცდა, ჩემი სისუსტე თვალშისაცემია.

თორნიკეს ნივთები ჩავალაგეთ, ეზოში ჩავედით, ჩავსხედით მანქანაში და დედამისის სახლისკენ წავედით. რამდენიმე დღის წინ მე და თორნიკე ქალაქგარეთ გავედით და თორნიკე საჭესთან დავსვი, თორნიკეს მოეწონა საჭესთან ჯდომა, მითხრა, რომ დედა საჭესთან არასდროს არ სვამს, მე ვუთხარი, რომ დედა მართალია, რომ მისთვის ჯერ ადრეა ავტომობილის მართვა და ეს შემთხვევა გამონაკლისია. თორნიკემ მანქანა ნორმალურად გაატარა და ახლა ხან მე მიყურებდა, ხან საჭეს.

— ქალაქში არა, საშიშია — ავუხსენი თორნიკეს, რა-

პროზა

ტომ არ დავსვამდი საჭესთან, არ ვიცი, გაიგო თუ მსუბუქად ენყინა, შეიძლება ორივე ერთად, რადიოს ოდნავ აუნია და გზას გახედა.

სახლამდე ავაცილე, დედამისმა მითხრა, შემოდით, მე თავი უარის ნიშნად მარცხნიდან მარჯვნივ გავუქნიე, თორნიკეს დავპირდი, რომ ხვალ დილით გავუვლიდი და აეროპორტში ნავიყვანდი და კიბეზე ნელ-ნელა დავეშვი.

ოფისში გაირკვა, რომ კარიერზე ვიყავით გასასვლელი, მოულოდნელად პრეზიდენტს გადაეწვიტა სტუმრობა და პირდაპირ ეთერში ჩვენი წარმოჩენა, როგორც ერთ-ერთი ყველაზე წარმატებული კომპანიის. ასეთი მხარდაჭერა ყოველთვის მაშინებს, ეს იმას ნიშნავს, რომ ცოტახანში კიდევ მოგვდგებიან რაიმე საქველმოქმედო პროექტის დასაფინანსებლად და ჩვენ უარს ვერ ვიტყვით, რადგან არ არსებობს არანაირი დამცავი მექანიზმი, საქართველოში ქველმოქმედება იძულებითია, მაგრამ როგორ ვექცევით ჩვენ თვითონ ჩვენს მუშებს, ვამუშავებთ არანორმირებულად, ვუხდით მინიმალურ ხელფასს, პრეზიდენტს არ ვუყვარვართ ჩვენ, ჩვენ არ გვიყვარს ჩვენი

მუშები, ყველაფერი უსიყვარულობის ბრალია, პრეზიდენტისთვის ჩვენ გარკვეული თანხა ვართ, ჩვენთვის ჩვენი მუშები სამოცდაათ-ოთხმოც კილოგრამიანი ხორცის რობოტები არიან და გულისსიღრმეშიც კი ვერ ვაფიქსირებთ, გააზრებაზე ხომ საერთოდ ზედმეტია ლაპარაკი, რომ მათ ცხოვრება აქვთ და ამ ცხოვრების მოწყობას უშედეგოდ ცდილობენ, ღარიბები ყველაფერს ფულს უკავშირებენ, ეს დიდი შეცდომაა, ყოველშემთხვევაში მდიდრები ასე ფიქრობენ, რომ შეცდომაა.

კარიერზე პრეზიდენტის გვერდზე ვიდექი, ორივე ხელი უკან მქონდა წაღებული და პრეზიდენტის გამოსვლისას პერმანენტულად ვაქნევდი თავს.

დილით თორნიკემ მითხრა:

— მა, გუშინ ტელევიზორში გნახე.

— ჰო, ბოროტი ბიძიები მაიძულებენ — ვუთხარი თორნიკეს და თვალი ჩაფუკარი.

— შენ რა თქმა უნდა კეთილი ხარ — ჩაილაპარაკა თორნიკეს დედამ.

„შენზე მეტად კი“. გავიფიქრე მე და სიჩქარე შევც-

გამოხმაურება

ჩემო კარგო ქრისტინე!..

□

ლია პარათი ქრისტინე გუგინას

დღეს ნითელი პარასკევია, კაცობრიობისთვის ყველაზე მძიმე და მსუხარე დღე. სწორედ ამ დღეს ვმლი „ჩვენი მწერლობის“ ახალ ნომერს და ... ვკითხვლობ შენს ნოველებს. ვგრძნობ, როგორ თანდათან შემოდის ჩემში ნუგეში, ყველაზე მთავარი, რასაც მწერალი უნდა აძლევდეს მკითხველს.

გილოცავ, შენს კალამს ტყუილად არ უშრომია!..

სიკეთისა და სიყვარულის, უფალთან ახლოს ყოფნის მძაფრი ნოსტალგია ამ ნოველათა სათქმელს წარმოადგენს და მკითხველს უნებურად აიძულებს, დაფიქრდეს ცხოვრების ამოებაზე. იმაზე, თუ რა არის მთავარი... მით უფრო დღევანდელ დღეს (ეტყობა, რედაქტორმა საგანგებოდ დაამთხვია ნითელ პარასკევს ამ ნოველების დაბეჭდვა და ამისთვის დიდი მადლობა ბატონ როსტომ ჩხეიძეს, რადგან სწორედ ნითელ პარასკევს კიდევ უფრო მეტი სიმძაფრით აღიქმება ისინი).

მართალია, დიდი ცხოვრებისეული გამოცდილება და არც შესაშური ოსტატობა ჯერჯერობით არ გაგაჩნია (რაც წლებთან ერთად მოვა), მაგრამ გაქვს უფრო მთავარი, სისადავე, უშუალობა და... სიმართლე, რომელიც ძა-

ლიან ხშირად დროსთან ერთად იკარგება და უფერულდება (იქნებ უფასურდება კიდევ). არადა, როგორ ენატრება ეს ყოველივე მკითხველს, რომელიც ზოგჯერ დაბნეულიც მეჩვენება საუკეთესო ორიენტირის ძიებაში.

რას იზამ, ჩემო კარგო, ასეა ცხოვრება აწყობილი, მით უფრო ის რეალობა, რომელსაც მწერლობა ჰქვია და რომელიც არასდროს გპატიობს სიყალბეს... ანდა კეკლუცობას.

მგონია, რომ ნამდვილი მკითხველი ბალს ჰგავს. როგორც პატარას ვერ მოატყუებ და სიყალბეს ვერ მოაწონებ, ვერც ნამდვილ მკითხველს შემოაბრუნებ შენკენ, თუ არ გიყვარს...

დავით კლდიაშვილი ამბობს: ყველაფერი ჩაივლის და ლიტერატურაში დარჩება ის, რაც მხოლოდ ადამიანის სიყვარულითაა შექმნილი!

ასეა, შენი ნაწერებიც ადამიანის სიყვარულითა და თანაღმობითაა შექმნილი და მინდა, ამ სულიერი მდგომარეობის შენარჩუნება გისურვო!..

დანარჩენს დრო გამოაჩენს, დახვენს, თავის ადგილს მიუჩენს, დაოსტატდები კიდევ.

მთავარი კი ისაა, რომ უფალს შენთვის ბევრი ტალანტი მოუცია და გისურვებ, მისი გამრავლების უნარი არასდროს დაგეკარგოს.

ინტერესით დაველოდები შენს ახალ პროზაულ ტექსტებს. ვიმედოვნებ, რომ ეს დასაწყისი მომავალ გამარჯვებასა სანინდარი გახდება.

P.S.

ისე, სახელი – ქრისტინე — როგორი შესაფერი ამოურჩევიათ შენთვის.

აღდგომის ბრწყინვალე დღესასწაულს გილოცავ და გისურვებ, არასდროს აგრეოდეს ქრისტესკენ მიმავალი გზა-კვალი.

ნინო ჩხიკვიძი



რეზო ესაძე

სამშობლოს

პენატის შენი საესეა სევედით.
 ო, ჟამნი როცა ვარსკვლავებს ჰკრეფდი –
 განცდანი იყვნენ; გაქრენ, ნარილტვენენ...
 დრომ ნააყარა სილა და გაქრა...
 ჩავჭიდებვიარ შენს ჩაშლილ კალთას
 ვეალერსები შენს ველს, სალი კლდეს.

გზად ჩავლილ გამვლელს
 მოუწყვები მე შენს ამბავს,
 გულს ავატკენ და, –
 აღარ გამიშვებს...

* * *

აღარ ვიცი ვის შევჩივლო,
 მზე ჩადის თუ დაიბინდა...
 მხარზე არნივი მეხატა,
 ნეტავ საით გამიფრინდა?!

შავლეგ, შენი შავი ჩოხა
 შავლეგო-ო,
 სისხლით გაგისამებია
 შავლეგო-ო,
 ისევ გვესმის კენესა-ოხვრა
 შავლეგო-ო,
 გულს რომ გვიკლავს რა ხმებია?
 შავლეგო-ო...
 არ ნახდება ფუძე-კერა
 შავლეგო-ო,
 ვიყავით და კვლავ ვიქნებით,
 შავლეგო-ო
 მხოლოდ საკუთარი ნებით
 შავლეგო-ო,
 ახლაც მოგვდგამს შენი მადლი,
 შავლეგო,
 ბიჭს ვუყურებ და შენ გადრი,
 შავლეგო-ო,
 შენი ფხა და გენებია
 შავლეგო-ო,

შენი მაჯა, შენი სისხლი
 შენებრ ჩვენი სათაყვანო,
 შავლეგო-ო,
 მინა არვის ყვარებია,
 შავლეგო-ო...
 საქართველო კვლავ მგელია
 შავლეგო,
 მტკიცედ დგანან და გელიან
 შავლეგო,
 ბიჭო-შავლეგ, ბიჭო შავლეგ
 შავლეგო-ო,
 დავდგეთ კვლავაც, მტკიცედ დავდგეთ,
 შავლეგო-ო!..

მენდე, შენზე უკეთესი
 და (იმ ორლობეში) წვიმის
 არაფერი არ ყოფილა,
 ვცოცხლობ მოგონებით იმის.

* * *

მენდე, შენზე უკეთესი
 და (იმ ორლობეში) წვიმის
 არაფერი არ ყოფილა
 ვცოცხლობ მოგონებით იმის...

ნიგნებს აღარ ვეკარები,
 თაროს მტვერი ეღება.
 ნულარ მიხმობ, ყურს არ ესმის,
 თვალიც არ იხედება.

მენდე, შენზე უკეთესი
 და (იმ ორლობეში) წვიმის
 არაფერი არ ყოფილა
 ვცოცხლობ მოგონებით იმის...

ვაი, შენ ჩემო ტკივილო

ნუთუ ამდენი ბილიკი
 ბოლოს ქცეული შარებად
 უნდა მევლო და გამევლო
 ლტოლვილად, გარემარებად...
 შენი ხმა, შენი ძახილი
 ნამომწეოდა კარებთან!

ატკიებულო მთა-ბარო,
 მთაო, მღვიმეუ და წინწყარო,
 სისხლი მადინე გულიდან
 ჩანჩქერი და არ მაკმარე, –
 თვალზედაც ჩამომადინე,
 თან მწინკნი ბასრი ბრჭყალებით,
 მეგონა, ვითომ გიშველე
 მოვტყუვდი და გემალეები!

ვაი, შენ ჩემი ტკივილის
 ყველაზე ძნელო ტკივილო,
 რა გითხრა, რით გაგახარო
 მოგეფერო თუ გიტყუო?!

ან იქნებ თავი მოვიკლა?
რადგან ვერ გერგე ვერადა...
საკუთარ ხელით ვინვნიო
სიკვდილი მოსამკელადა?!

ხან ნალველი ვარ, ხან ჭოლი,
დავდივარ აღმაცერადა,
ტვინს ამღვრევს ფიქრი გამჭოლი
სხვას ვიქმ... მე კი სხვა მენადა!

სისხლიან თასებს არიგებ,
სისხლიანი გაქვს ხელადა
დარცხვნილ მზერას მარილებ
გადავქცეულვარ შტერადა
ვაი, შენ ჩემო სიცოცხლე
რატომ დაგირჩი მე რადა?!

რჩევა, თხოვნა და ა.შ.

აგზნებულ კაცებს და ლამაზმანებს ნუ მიენდობით. იმათ მოხატულ პირისახეთ, მსუბუქ დიზაინს და ყბასავსეთ დაუღვევი გრძელი ყბედობით ყურს ნუ დაუგდებთ. მათ სურვილი აქვთ ისარგებლონ თქვენი მინდობით და არ უწყინან რომ ამდენი სითეთრე თმაში და სახეზე დამჩნეული ღრმა ნაოჭები ნაკვალევია თქვენი წარსულის. თუმც ეს არ ნიშნავს მათთვის არაფერს. ეძებენ საკვებს, ახალ საყბედოს, დაგვაჯერონ რომ დასავლეთი ინგრევა და აღმოსავლეთს შეიძლება ცეცხლი გაუჩნდეს რომ, სანამ დროა თავს ვუშველოთ, გავიქცეთ სადმე, მაგრამ, სად, რა გზით?... მათ ავინყებთ ან, არ იციან რომ დედამინა მრგვალია და არა აქვს კიდე. იმეზავრო, თუნდაც, მატარებლით, თვითმფრინავით, ცხენით თუ ნავით აქ მოხვალთ მაინც, იქ დაბრუნდებით საიდანაც სტარტი აიღეთ. ვინც უნდა იყოთ: ქალი, კაცი, ახალგაზრდა, მოხუცი, გლეხი, ეპისკოპოსი, თავადი თუ პარლამენტარი, ჰერცოგი, მეფე, ქორიკოზი, იმპერატორი, თუ ქათმის ქურდი... გასაქცევი ყველას ერთი გვაქვს – შევძვრეთ გრძელი ლოგინის ქვეშ, კანკალით მუხლის. გავიტრუნოთ, მაგრამ თუ უცებ, იქ საიდანაც გაჩნდება თავგი, პანანინა პირის ცმაცუნით, ნუ დააფრთხობთ. ნუ დაუნყებთ მას ლაპარაკს კანონის ენით. პოლიციელით ნუ შეაშინებთ. დე შეჭამოს მან ნაცვქვენი, რაც გაქცევისას, სუფრაზე დავრჩათ. ან, მაგალითად, პირველისწერის ან ჯვრისწერისას მეფე დედოფალს, მომხსენებელს – შესვენებისას, გლეხს – თესვისას, ხის მჭრელს ხის ჭრისას, თუ ხუროთმოძღვარს, ჯიბის ქურდის მენტალიტეტით, რაც გაქცევისას მათ უკან დარჩათ. კაცს სურვილით თავგამოჩენის, ბრძენკაცს ნიღბით, რომელსაც ვეჭვობ შეუჭმელი რამე დარჩეს, [ის უცებ შეთქვლეფს ყოველივეს] მე თქვენ მოგმართავთ ჭკვიანთა შორის ჭკუის კოლოფნო, ბანოვანო, ენოვანო და ა.შ. ნუ გავამტყუნებთ თავუნისა თქვენს მიერ, ძმანო, დარჩენილი ნამცეცხების შესუსვინისათვის!.. საზღაურად ამ სიკეთისა, მე გრუქნით ქვეყნად რაც ქალეზია, ყველა ლამაზმანს, მათ შორის ჩემს ცოლს და მეზობლის ლამაზ მეუღლეს რადგან ამ ამბავს, ჭორის-ჭორს-ჭორზე, მათზე უკეთ ვინდა მოგვითხრობს?!

სადღებრძელი არ დაგვაქცევს

ძვირფასო რედაქციავ, უპირველესად აღდგომის ბრწყინვალე დღესასწაულს გილოცავთ. თქვენი უდავო ღვანლი ქართული მწერლობის სამსახურში ყოფილიყოს ხანგრძლივი, მოგყოლოდეთ უკეთესი და უკეთესი მემკვიდრენი.
გახლაავართ, როგორც იტყვიან ხოლმე, ერთგული მკითხველი თქვენი მშვენიერი ჟურნალისა. ამ ოთხი წლის განმავლობაში, ბარემ ბევრჯერ მომდომებია სამადლობელი სიტყვით გამოგზამა-ურებოდით ამა თუ იმ პუბლიკაციათა გამო. თუ თავი შევიკავე, გაუბედობით; მაინც სხვათა მოსმენას ვამჯობინებდი.
„ჩვენი მწერლობის“ ფურცლებზე გამოქვეყნებული ღრმა, სერიოზული ლიტერატურული ოპუსები თუ სხარტულა, მახვილგონივრული პუბლიკაციები ჩემთვის თანაბრად საინტერესოა და შესაფერის დროის მონაკვეთში ვკითხულობ. ვეცნობი ვრცელ რეპორტაჟებს თქვენი ლიტერატურულ-სალონური ცხოვრებიდან, რომელიც აქ, მოშორებულ პერიფერიაში სტუდენტობისდროინდელი ელიტარული თბილისის მაჯისცემას მახსენებს. როდესაც ძვირფასი და საყვარელი მწერალი თუ მეცნიერი, მხატვარი თუ მსახიობი დასანახავი იყო როგორც ჩვეულებრივ ყოველდღიურობაში (თუნდაც რუსთაველის პროსპექტზე – თბილისური არტისტიზმის ასპარეზზე...), ისე ქართული ტელევიზიის შეზღუდული შესაძლებლობის ფარგლებშიც კი. სიტყვამ მოიტანა და მომრავლებული სატელევიზიო არხებით, „საღლაბუტო“ პროგრამებში, ახლა დიდი მკვებარებით საავტორო რომ დაურქმევიათ, დაინყებიათ, ხითხით-ხარხარისა და მსკლარტე ანეკდოტების გარდა ჩვენში დარბაისლური სიტყვის მოსმენისა და შეცნობის კულტურაც რომ არსებობდა. ვიცი, ჩამჭრით, კომერციაო. კაი საქმისკენ მიდრიკეთ ეგ თქვენი კომერცია და რახან მთელი საქართველო ვიღაცების მოგებაზეა გათვლილი, იქნება აქედანაც იხირონ.
გამიგრძელდა სიტყვა, მოგობოდიშებთ, მე ხომ გამოხმაურებას ვაპირებდი ორი ავტორიტეტული მწერლის შეპაექრების გამო. ოღონდ აღფრთოვანებული კი არ ვარ, უფრო – შეწუხებული. ვგულისხმობ თამაზ ნატროშვილისა და ლევან ბრეგვაძის პუბლიკაციებს 2010 წლის ნომრები ლამის ერთიმეორის მიყოლებით რომ ეთმობა. თავდაპირველად ხუმრობა-ხუმრობა მეგონა ეგ ყველაფერი. რაზე დავობენ ბატონები?
რად უნდა დავა და კირკიტა იმას, რაც არაა სადავო-საკირკიტო. ორივე ავტორის მწერლობა ნიჭი და სინდისი ეჭვშეუვალია. რაზე დამშვრალან? რისთვის იხარჯებიან? კამათის გასახმაურებელი და გასახურებელი ამ „წყველა-კრულვიან“ დროში ველარაფერი დაინახეს? მთელი გულმოდგინებით რომ დაუკაპინებიათ ხელები, ეგ ბასრულა კალმები სხვადასხვა საჭირობოროტო, მანვე ჩვეულების გამომძიკვას მოახმარონ.
ჩვენი სამშობლო მინათმოქმედების, ღვინის ქვეყანაა. უხსოვარი დროიდან ჩვენი წინაპარი მინას ელაპარაკება. ბარაქიანი და ნოყიერი ნიადაგი ადრე გაზაფხულიდან გვიან შემოდგომამდე ყურისგდებას ითხოვს გლეხისგან. რალა გასაკვირია, მაღლიერების გამოხატვას რომ აჩვევდეს ადამიანს. მაღლიერება სიტყვით გამოიხატება და სიტყვაც შეისმინება.
ჩვენს სოფლებში მინათმოქმედი დაცოტავდენ და მომრავლდენ მოყალე, დაბეჩავებული, ძალადამრეტელი და სიამაყედაკარგული კაცები. მიდგებიან ღონიერი მოსახლის ღობეს, ვითომ რალაცა საქმეზე გამოსულები, და ერთი-ორ ჭიქას თუ ვინმე გადაახუხინებთ, ენისბორძიკით ამოლერღვენ გაგიმარჯოთ... შეიძლება ენაკვიმატი მასპინძელი შემონყრეთ: რავა რუსივით სვამ, შე უპატრონოო...
რუსივით სმა უსადღერძელობაა. ასე რომ სადღერძელობის „ბარაქალა დიდი რუსეთისაგან ვერ ვისწავლიდით“, რაც არ უნდა გვესწავლა, ის დავგმით.
სადღერძელობა საქართველოს არ დაქცევს!

თიარ ბარეაქი
ჭიათურა



გია კობახიძე

* * *

უცხოხს ნაკლებად აღელვებს
შენაქოს ლურჯი ყვავილი,
შხარაზე ნისლი დამდგარი,
ჩარგლის თავს ირმის ბლავილი
უცხოა, მიტომ არ ხვდება
იმის გულს ჩვენი მთა-ველი,
არც დასამარხად ეძახის
მინის ეს ერთი მტკაველი.
„სამშობლოს არვის წავართმევთ,
ჩვენს ნურვინ შეგვეცილება“.
შორიდან ისევ მოგვძახის
ის დალოცვილი ფშაველი.

* * *

მოხდილი ჭურის სურნელი აქვს
დღეს რაჭის დილას,
ჯერ ისევ გრილა
გაბადრული მზე იწვევს მაღლა
ქათმები კრძალვით შეჰყურებენ თავიანთ ჯილას.
დეზებს ისწორებს, ქორს მამალი
არ აგდება ძალდად
ხავსიან ეზოს გააჟრჟოლებს
მივარდნილს ძილად
დახუჭულ თვალებს დასწოლია,
ზემოდან დაღლა,
ბუხრიდან ბოლი ამოსული
ცას როდის მივა
ყველა საკითხთა საკითხია
მე ვფიქრობ ახლა,
ყველაზე მშვიდი ცის ქვეშ
აქ დგას ნამდვილად დილა
თვითონ სინყნარეც აქ დამჯდარა
კარად და სახლად.

* * *

ისე უეცრად დაგიპყარ
ვერც მოვამზადე თავდასხმა
ხელებში ამოფართხალდი
როგორც კეფალი ფოთიდან.

ჩემი გულიდან შენს გულში
სისხლის ეს სწრაფი გადასხმა
ჰგავდა უზუსტეს გასროლას,
ერთლულიანი თოფიდან.

* * *

ახალმა წელმა ახალუხის შეიხსნა ღილი
ახალშობილი მზე ბავშვივით
უხდება ამ ცას
ოქროსთვალეა დილამ შთანთქა
ნინანლის ძილი.
თავისი წილი ფიქრი ებრძვის ქალსაც და კაცსაც –
ქვეყნად არ არის არაფერი ბოლომდე ტკბილი,
ოდნავ მომწარო გემო დაჰკრავს
ამიტომ თაფლსაც
ადამის ვაშლი თვალწინ გვიდევს – ცდუნების ხილი,
დიდი ასოთი იწყებს წელი მომდევნო აბზაცს.

* * *

ნაფერები სითბო
ერთი პეშვი დარჩა,
სუსხიანი ზამთრის პირველი თვე დგება
რძისფერ ნისლში თითქმის
არაფერი არ ჩანს.
მთანმინდაზე ანძა ხან ქრება, ხან ჩნდება.

* * *

გამოანათე – თითქოს
თავლი გაიხსნა რძეში,
შეგხედე და გავოცდი
ჩრდილი დაბრუნდა ხეში.
სანთელივით მოჩანდი
ნათელს ურევი ბნელში
მოდოდო – ნახატი
მარტო ვარაზის ხეში,
ასეთ სურათს ნახავდი,
ავთო ვარაზის ხელში.

* * *

სულ პირველად ღმერთმა
სიტყვა გააჩინა,
დღესაც ბრწყინავს წიგნი
თვალწინ გადაშლილი.
მერე ზღაპრის საკითხავად დააჯინა
ბუხრის პირას ბაბუა და შვილიშვილი,
იავნანა პირველად ხომ დედას უთქვამს,
სულ სხვა არის მაშინდელი ტკბილი ძილი.
გაღვიძება და ქართული ღვინის სუფრა
მომღერალი ბაბუა და შვილიშვილი,
ქვეყანაზე სხვა რა არის შვილის მსგავსი,
მაგრამ უფრო საოცარი – მისი შვილი.
ერთი დიდი საწინახელი ყურძნით სავსე
შიგ ჩამდგარი ბაბუა და შვილიშვილი,
უკვე ვაჟკაცი, ნაყოფი დიდი შრომის
როგორც ლომი, საომრად ფაფარაშლილი

გულლია და სამეგობროდ გვერდში მდგომი
 ეიმედება ბაბუას შვილიშვილი.
 მზე ამოდის, ყველაფერი ჯერ წინ არის,
 ჰაერია გამჭვირვალე, როგორც ცვილი,
 აღმართს ზემოთ მიუყვება მოცინარი
 ორი კაცი – ბაბუა და შვილიშვილი.

* * *

ძველ ფოტოზე ვისი სახე არ ბერდება
 ვის ვენდობით საკუთარი მამასავით,
 სიო მოჰქრის, არ ჩერდება
 ტკბილად გვესმის ყურში დედის ნანასავით.
 დედის ლოცვას ვერაფერი შეედრება
 ძველისძველი ისმის ჰანგი მაღლიანი,
 ყველა სული ბოლოს ცაში შეერთდება
 თუმც იქამდე ჯერ ძალიან ადრე არის.
 საკეთებელს როცა შენსას ხედავს თვალი
 სწორედ მაშინ გარწმუნებ და გაიმედებ,
 და თუ გტკივა შენი ქვეყნის მომავალი,
 წარსულს ასე უბრალოდ ნუ გაიმეტებ.

* * *

ისე, როგორც მუსიკაში, ცხოვრებაშიც
 ყველა ბგერა ერთნაირად არ ისმის
 ის, რაც უკვე ჩაბეჭდილა გონებაში
 ათასნაირ სირთულის და ხარისხის
 კიდევ ერთხელ ამტკიცებს
 რომ ბუნებაში
 არაფერი არა ხდება თავისით.

* * *

ცხოვრების სათავეს სიტყვა ეწოდება
 მასთან პაექრობა – მწარე გაკვეთილი
 ბანზე აგებული
 სიტყვა მეცოდება,
 კაცი – სხვის მაგივრად
 უღვთოდ დახვრეტილი.

* * *

დილიდან სალამომდე ქუჩის განაპირას
 პატარა ბიჭუნა გასცქერის სანაპიროს,
 თვალეხი სავსეა უსაზღვრო ლოდინით,
 თოვლით დაფარული დგას თეთრი ლოდინით,
 გულში პანანინა დულს ჭიაკოკონა.
 არადა და არა ჩანს პატარა გოგონა,
 პირველ თოვლზე ფეხის პირველი დაბიჯება,
 პირველი სიყვარულის კვალი
 მკრთალი რჩება,
 გზები დატკეპნილი ნელა რუხდება,
 გრძელი ლოლუები ხეებს უხდება.
 გზაზე თოვლი თეთრებს
 თეთრად ახურდავებს,
 ათოვს მანქანებს და ათოვს სახურავებს.
 სულ არ უხარიათ თოვლი ამ ბელურებს,
 ყინვა ახატიათ კიბის საფეხურებს.
 დიდი ხნის ნასროლი თოვლის გუნდება,

ახლა ფანტელბად უკან რომ ბრუნდებიან,
 შეწყდება ისევე, გათოვდა როგორც
 ისევე იდარდებენ ბიჭიც და გოგოც.
 გავლენ დღეები და გაზაფხულს შეხვდებით,
 მიხვდებით ყველაფერს, რასაც დღეს ვერ ხვდებით.
 ახლა კი ზამთარი – მოხუცი მხატვარი,
 ფუნჯებს ეფერება თითებით გამხდარით,
 თოვლში ნათურები ძლივსლა ანათებენ,
 ცვივა ფანტელეები – თეთრი ბარათები.

* * *

ქვეყანა შემომატარა
 არდაყოვნებამ ხანისა,
 ცრემლით ამივსო მათარა
 მშვენივამ შენი ტანისა,
 მწვანე თვალეხის ატანა
 ლოყაზე შავი ხალისა,
 დამაჩნდა გულსა ლაღარად,
 ჩემი ოცნების ქალისა,
 ფიქრი გადიდდა პატარა
 წყალმა წაიღო მტკვარისა.
 არ ეშველება არცა რა
 შუქს შეერია მთვარისას
 დანა მიჭირავს შავტარა,
 ვაი, ბრაღი ჩემი თავისა.
 დარი მიქციე ავდარად,
 დილა გადიქცა დაისად,
 დღეს სად იყავ და სად არა
 სად მოგიხელთებ გაისად,
 მინდოდი, ვითომ რად არა
 თავთავად ჩემი ყანისა.

* * *

ჭიშკარი ფრთხილად გამოალე
 ჩემკენ წამოდი,
 შენი ბიჭი შენ გელოდება ამ საღამოთი
 ზურგი აქციე მხარეს, ადრე საითაც რბოდი.
 ლოდინის წამი დამისრულე,
 ლამაზად მოდი
 ღამის ჭადრის სველ ფოთლად იქვეც
 ცის მეოხებით.
 ეზოში ჩუმად შემოფრინდი, ნიავს მოჰყევი
 ვარსკვლავნი შენთვის ციმციმებენ წამნი ზემოთნი
 მოადექ სარკმელს და ოთახში თოვლად შემოდნი.
 გაიშრიალე ვარდისფერად მოქარგულ კაბით
 დამიდექ თვალწინ ზღვითშობლი
 რძისფერი ქაფით,
 თვალის სისველე დამიბრუნე ცრემლის უნარად,
 გახუნებული კვლავ მიქციე გაუხუნარად.
 გადამიარე გულზე ზვირთად შმაგი მდინარის,
 მაგრძნობინე, რომ შენისთანა არავინ არის.
 ჩემმა სურვილმა ფიქრი შენი გადაიხატა,
 ბაგეზე კოცნა დამაბნე ნითელ მიხაკად.
 გააპე ცეცხლით მკერდი შენი მონა-მორჩილის.
 მერე მამხალად მოგიზგიზე ღამის ქორწილის
 მონყენილ კედლებს გააგონე სიცილი ბროლის

იყავი ჩემი სანუკვარი სატროფოც და ცოლიც
და როცა დილის შემოხედვით შეკრთება ნამი
მზის ეტლად შემობრძანებამდე დარჩება ნამი.
დატოვე ფრთხილად სიყვარულის ეს ჩემი ლავრა
და მზისკენ ნიავს აედევნე ოცნების მგზავრად.
მე კი დავრჩები ცოდვით სავსე ამ მინის მცველად
როგორც იყვენენ და ერთგულად რჩებოდნენ ველად.
ამ ერთგულებით ავსებულა სურნელი მისი
სიყვარულია, რადგან სიტყვა ყოვლის სანყისი
და ყველაფერი ქვეყნად ხდება
ამ სიტყვის გამო
დიდი ხნის წინათ თქვა პოეტმა –
„შეჩერდი, ნამო“.

* * *
ბევრი ოფლი დაღვრილა და დაიღვრება
სანამ ცეცხლად გადიქცევა ნაპერწკალი,
წისქვილის ქვა არასოდეს დაიღლება
ღარიდან არ მოაკლდება თუკი წყალი.
კიდევ ბევრი წელი მოვა სტუმარივით,
დაელოდე, არც ერთი არ გაიოცო
შეიყვარე წუთისოფლის პურმარილი,
სიბერეში ალაღად რომ დაილოცო.
არაფერი გულს უცხოდ არ მიაკარო,
ყველაფერი ძველია და გამოცდილი
გაფრენილი სიჭაბუკის ნიავქარო,
დამიბრუნე აზარფეშა გამოცლილი,
დამიბრუნე, რომ პირამდე ავსებულა
ჩემს შვილებთან ერთად
ისევ გამოვცალო.
გადღეგრძელო – სიყვარულით სავსე გული
და შენც ჩემო, სიჭაბუკევე საოცარო.

* * *
ეს გულგრილობის ნაბადი კედელზე ვინ ჩამოკიდა,
იასამანი დამჭკნარა, წყალი იქცევა კოკიდან.
წუგეში ტოტზე ქანაობს
არავინ არ ხსნის თოკიდან
ზოგის პირს გესლი განაგებს,
თაფლი ამოდის ზოგიდან.
ტკბილ სიტყვას თუ არ გამატან,
სიყვარულს როგორ მოგიტან.

* * *
ვუსმენ გურულ სიმღერას
ხმა მიძვრება ნემსის ყუნწში
მეც მიყვები იმ ბგერას
სული მომწყვდეულა მუჭში.
არ ღირს დალლა თმის ღერად,
თავი ახლა კი მაქვს ქუდში
ვუსმენ გურულ სიმღერას,
პირველს ებრძვის ბანი ურჩი.
არა, არ მესიზმრება,
ანგელოზი მიმღერს ყურში.

* * *

მაკა სახეჩიძეს

იმდენად შორს ხარ, რომ ძლივს
გწვდება ფიქრი აქედან,
ანკარა სუნ--თქვა დაჰფენია ქართულ ბაგეთა.
თოვლისფერ ზეცას შესციცინებ ცისფერ თვალებით
სავსეა გული სათნოებით და მოკრძალებით
მადლიან დილის გათენების შენ ხარ სანყისი
ცივ ქვეყანაშიც ხარ ქართველი დიასახლისი.
გულიდან სითბოს უნაწილებ უფროსს თუ უმცროსს.
უცხო თვალებიც ვერ გიმზერენ
შენ როგორც უცხოს
თოვლზე მარტოდ მდგარ ხეს
სიყვარულს მიძივებად აბამ.
მზის სხივებისგან მოქსოვილი გიხდება კაბა,
სადაც შენა ხარ, კედლებს რუხი ფერიც კი შვენით,
ბრწყინავს დარი და ყველაფერი ციმციმებს შენით.
ახლა აქა ხარ, სადაც მართლა სჭირდები ყველას,
ფასი აქვს, სადაც ყოველ სიტყვას,
კალამს თუ მელანს.
კარგია, როცა ბავშვობის ტკბილ
ადგილს არა თმობ.
ვიცი, რომ შენი სიყვარულით ყველას გაათბობ,
შენც აივსები კეთებისთვის სიკეთის ახლის,
რადგან კეთილ გულს არასოდეს სიკეთე არ ღლის.
მერე კი ცისკენ გაგაფრენენ მსუბუქი ფრთები
და თან გაგყვება სურნელება მოჩითულ მთების,
დაგხვდება ცივი ქალაქი და
ბინდბუნდში ნისლი,
მაგრამ მდულარე გადაგარჩენს
ძარღვებში სისხლი.
მერე ამოვა მზე მორცხვი
და ნახევრად თბილი.
თვალს გაუსწორებ და სხივებში შეამჩნევ თბილისს.
ცისფერ თვალს ცრემლი მოადგება
სულ ერთი წვეთი
და ეს იქნება სიყვარულიც, ნატვრაც და ბედიც.
არის წუთები, როცა გული ყველაფერს მართავს,
კვლავ ძველებურად მოუხდები ვერცხლისფერ ზამთარს.
ახლა კი ირგვლივ სურნელია ვერცხლისფერ წიწვის
მზე ცისფერ თოვლზე სანთელივით ლამაზად იწვის.

* * *

დავყურებ ძვირფას ფურცელს
საბას ნათქვამის სიბრძნეს,
დაგტოვებს უჭმელ-უსმელს
გრძნობ სიგანეს და სიგრძეს.
საუბარია რაზე –
თავს უვიცობას ვკადრებ,
არ მიფიქრია ასეთ
განმარტებზე ადრე.
ნარმოუდგენელს მისწვდეს,
მეხის გავარდნას ცაზე
„თავი არს კაცთა ქრისტე“
საბა განმარტავს ასე.



ზაზა ბიბილაშვილი

წელიწადი, როგორც ერთი დღე

□

დღიურები — 20..

3.1

განა არ ვიცი? — ამოდის კიდევ. მეც ეგ არ მიკვირს? — სულ ჩასვლაზე რად მენერება?

7.2

ვეცადე, როგორ არ ვეცადე. ესა ვარ, რაც გამომივიდა.

3.3

რა ვქნა, თუ ზოგჯერ მართლა მითრევს ჩემი თავთხელი; თუ თქვენს მოყინულ ზედაპირზე ძალაყინის ამოო რაჩქუნს ეს მირჩენია.

7.3

შენი თვალები? ხერხემალში გადამამტვრევდა. გამომ-შაშრავდა შენი ტანი, როგორც უდაბნო. ეს — უშენობა — არა მკლავდეს, რა იქნებოდა!

9.3

გახსოვს ტყვეობა? ტკბილი ტყვეობა... ამურების ბადრაგი რომ დაგვატარებდა.

11.3.

ვერ ვიპოვე ჩემი საბრძანებელი. ვერ ვიპოვე ჩემი საგანდევლო.

17.3

ნეტავი, მართლა ვის რას ერჩი? ნეტავი, რატომ — შენ რომ იცი, ისეთი უნდა ყოფილიყო აქაურობა?

19.3

ხანდახან ყველაფერი ჩემი ახირება მგონია და თქვენ-კენ გამოვეჩქარები — უდღეური ღიმილით.

დაიბადა 1972 წელს. 1994 წელს დაამთავრა ივანე ჯავახიშვილი სახელობის თსუ ჟურნალიტიკის ფაკულტეტი.

მუშაობდა პრესის კორესპონდენტად, რედაქტორად, სამხედრო ჟურნალისტად, ტელე და კინოპროდუქციის სცენარისტად და რედაქტორად.

მისი ლექსები, მოთხრობები, წერილები ლიტერატურულ პრესაში იბეჭდება 1985 წლიდან.

არის 2000 წლის “წინანდლის პრემიის” ლაურეატი.

ავტორია ორი პოეტური კრებულისა — “ნუ მესიზმრები, რაა!” (1999) და “ჩემი მდოგვის მარცვალი” (2009).

ეს ორიგინალური პოეტური ცდა კარგად წარმოგვიდგენს მისი პოეტური სტილის თავისებურებას – მუდმივი ძიება, ფიქრი და დიალექტიკური სვლა საკუთარი სულის სიღრმეებისაკენ.

ერთი შეხედვით, ეადვილება სათქმელის გამოხატვა. თითქოს თავისით მოსდის საჭირო სიტყვა საჭირო ადგილზე, მაგრამ სტრიქონებს შორის იკითხება და ხედავ კიდევ, რა შრომის ფასად არის მიღწეული ფრაზის უბრალოება და აზრის სიცხადე.

ესეც მისი ხასიათია: პასუხისმგებლობა მკითხველის წინაშე.

19.3

ჰოი, ძალაო, ხეჯიუტის ამომზიდავო უდაბნოთა ბერნი მინიდან... ჰოი და ჰოი, თავნება ხეო, მზის ცხელ უბეში იმისათვის თავამორგულო, რომ ჟამით ჟამად მომთაბარე აქლემებმა გაისველონ მყრალი კბილები, და სხვებზე ზრდილმა ბედუინმა ნაკვები გვამი შენ ტოტებქვეშ შეიმსუბუქოს...

20.3

რა საჭიროა სხვა დანარჩენი. განა ცოტაა უმწეობა წარმავალისა?

2.4

რას ვერ გიცნობდი — მერამდენა ეგ შავი და მართკუთხა თვალი, მე რომ ჩაგყურებ...

10.4

თითქმის არა ვარ. ვსუნთქავ ხამუშად და მკრთალად მიკვირს, უფრო და უფრო ნამდვილად რომ ტლაშუნებენ უბედურების ფრინველის ფრთები. ვერაფერი გამოვაპარე.

30.4

არც ეგ გამოდის გამოსავალი. აბა, მეორედ რომ დაგჭირდეს, რალას მოიკლავ?!
30.4

ვერ ვისწავლე თქვენი ცხოვრება. ჩემი კიდევ — ვერა და ვერა.

6.5

იქნება მართლა საკმარისია, რაც უკვე მოხდა? აბა, გახედე, გახედე ერთი სოფელ-ქვეყანას!

12.5

ჰო, რა თქმა უნდა, რა და რისი გოლიათები — ნისქვილებია, თავისთვის ფქვავენ... მაგრამ — ო-ჰო-ჰო! — რა მყრალია მათი ნაფქვავი!

12.5

...მსგავს თავშეყრებზე უსათუოდ მიმელის ხოლმე ჩემი ერთგული აუდენტი — ჩემი ერთგული მარტოობა — ძველი, ვეება, სრულყოფილი. რომ მომეგებოს, მშობლიურად გადმომეხვიოს და, რა თქმა უნდა, ყასიდი მალევით, სადგისიც ჩამცეს იქ, სადაც ჯერ არს. თან ჩამწურჩულოს: ეგ რა არის — მაშინ გენახა, არ მიჭერდნენო თოკებით ცაში!

12.5

რატომ არის? — წერას რომ იწყებ, სულ ის სწავლული გახსენდება, ასპიტისგან უნუგეშოდ დაგესლილი, არყოფ-

ნის სუნთქვის სინქრონულად მთრთოლავი ხელით მის-
ხალ-მისხალ რომ ინიშნავდა — როგორ კვდებოდა.

16.5

ვინ იცის: ასე უშნო იყო იქაურობაც. და აქ ამიტომ,
სულ ამიტომ გამოვიქეცი.

16.5

უჟმური დღეა. აფსუსს, რა დროს გაგხსენი, ყულოფო!

30.5

რას ერჩი-მეთქი ობოლ ქვეყანას? არ გითხრეს, რასა
მგვანებია მაშინაც კი, ღმერთი რომ ჰყავდა?

3.6

სულ მავეწყდება პაროლი, ვერაფრით დავიზებირე:
„მე და თქვენ ერთი სისხლისანი ვართ“. „მე და თქვენ...“

3.6

თქვენ მაინც სადა ხართ — სხვა ანომალიებო?

4.6

ასეა, როცა სიკვდილისა ცოტათი მაინც უფრო მეტად
გეშინია, ვიდრე — სიცოცხლის.

11.6

რომ არაფერი ჩანს, სულ არაფერი? მეც განა ვჩანვარ?
— მხოლოდ ვიგრძნობ.

18.6

გამოგიჭირე: ისევ ფიქრობ თავის მოკვლაზე. თან ისე
ჟინით, შურისძიების მაძიებელი ყმანვილი რომ გაიფიქ-
რებდა — კარაქიან პურს არასოდეს აღარ შევჭამო!

25.6

არ მოგნონს? მაგას, რა, მოსნონხარ? ჭინჭყლო ბავშ-
ვო, ხომ ხედავ, რომ შენზე დიდია? გაეცა, ნადი!

5.7

არავითარი კარგი და ცუდი — მე, შენ და ის ვართ ამ
ქვეყანაზე.

13.7

ჩვენი სიყვარული ზღაპარს ჰგავდა — უმრავლესობას
— ათასერთის კი არა და — ერთი ღამისას.

13.7

რატომ კვდებით გზაჯვარედინზე. იქით ბილიკიც კი
არ მიდის, მე რომ მივდივარ.

19.7

რის სასახლე და ფიანდაზები... სადმე ჯობია ამ ორი-
დან გული გაგისკდეს — ქობინაში ან სრა-სასახლეში?

20.7

ნეტავი შენი ბრალი იყოს ეს თვლენა, ივლისო!

29.7

მე და თქვენ... ოო, დავიღალე — შორია, შორი!..

13.8

მენატრები, განა შენთან ყოფნა მინდა.

14.8

რად მითხარი — მოდი, მაკოცე, მოჯადოებული პრინ-
ცესა ვარო — ჩვეულებრივო ბაყაყო?

26.8

სადაც მივედი, განა იქ ყოფნა მინდოდა და მიტომ მი-
ვედი — სადაც ვიყავი, ა იქიდან გამოვიქეცი. განა შენ
მსურდი, შენ გეძებდი მთელი ცხოვრება — უმიჯნურობას
ვერ გავუძელი. სადაც მე მინდა, ის არ არსებობს. ვინც მე
მინდა, ის იქ არის, სადაც მე მინდა.

27.8

ჩუმად ვარ, ჩუმად. ქვეყნის ქარები თუ წივიან ნატყვი-
არებში.

29.8

არა, არ გვიყვარს ერთმანეთი. უბრალოდ, ვთბებით.

31.8

ეგეთი დიდი სიყვარული... აბა, როგორ გამოვიდო-
და?!

5.9

რა სიძუნნეა — სიკვდილისთვის აქაურობაც გენანება.

16.9

ძალიან ძნელია, აქ იყო მე. საამაყოც არაფერია.

26.9

უხერხულია — როგორ ვიყო მარტო მართალი.

27.9

რა ხდება ჩემკენ?? თმა მეზრდება და კიდეც — ფრჩხი-
ლი.

27.9

განა მომწონს, რომ მგონია, რომ არა ხარ. სულ არ მომ-
წონს, რომ მგონია, რომ არა ხარ. კიდეც უფრო ის არ მომ-
წონს, რომ არა ხარ.

22.10

...ბოლოს და ბოლოს, თქვენ ვერ დაგაგდეთ, ვერ გაგი-
მეტეთ — მომენწყვით ხვლიკის კუდივით. თორემ რო-
გორმე მივიდოდი მარტო იქამდე. აქედან მაინც გავალწე-
დი, როგორმე, მარტო.

25.10

სასაცილოა თავიც და ბოლოც. შუა — ყველაზე სასა-
ცილოა.

7.11

აღარ მოუყვებ ზღაპრები ბავშვებს — რას გიშავე-
ბენ?!

7.11

ფუჭად შეაწყდა შენი ლაშქარი ფანტასტიკური სიყვა-
რულის ჭიან გოდოლებს... მსხვერპლი? — არ არის. მხო-
ლოდ — სავსეა სახიჩრებით ლაზარეთები.

27.11

მერე რას იზამ, სიკვდილის შიშის ჟანგბადიც თუ გა-
მოგელია?

30.11

ჩვენ გავიყარეთ. მე და შენ გავხდით.

30.11

იმდენს ვფიქრობდი, ველარ ვიცხოვრე.

30.11

იმდენს ვფიქრობდი, ველარ ვიცხოვრე. ვერც მოვი-
ფიქრე.

7.12

გული ისე მტკიოდა, დროც კი არ გადიოდა.

29.12

ვინ არ გიბიძგებს გაგიჟებისკენ. ვინ გაპატიებს.

30.12

შევხვდით. ნუ შემებრძოლები. უთანასწორო იქნება.
შენს მახვილს ის სულერთია ერქმევა, ჩემს შიშველ ხე-
ლებს — ის სიყვარული.

31.12

გნახე და წყალში ჩამეყარა ამდენი ხნის უნახაობა.

ედმუნდ ბერკი

წინასწარწმენა, რელიგია და ანტაგონისტური მსოფლიო

ამ ნაწილში გადმოცემულია წინასწარწმენის მნიშვნელობა და რელიგიურ სასოებასთან კავშირი. შემდეგ ბერკი ავითარებს თავის კონცეფციას „მარადიული საზოგადოების ხელშეკრულებისა“, რასაც უპირისპირებს „სიგიჟის, უარყოფის, ცოდვის, არეულობისა და დაუსრულებელი მწუხარების ანტაგონისტურ მსოფლიოს“.

როგორც ხედავთ, სერ, ისეთი თავხედი გამოვლენი ამ განმანათლებლობის ეპოქაში, რომ გამოვლენი, საზოგადოდ გრძნობების ხალხი ვართ-მეთქი; და რომ ჩვენს ძველ წინასწარწმენათა თავიდან მოშორების ნაცვლად ერთგვარად ვაქეზებთ მათ და, რაც ჩვენთვის უფრო სამარცხვინოა, იმიტომაც ვაქეზებთ, რომ წინასწარწმენებია; და რაც უფრო დიდხანს გაძლებს, რაც მეტად გაიდგამს ფესვებს, მით მეტად ვაქეზებთ. ვშიშობთ, არ შეიძლება ადამიანის მიშვება, რომ მხოლოდ საკუთარი ჭკუით იცხოვროს და იმუშაოს; რადგან, ვეჭვობთ, რომ მარტოკაცი ძალზე პატარაა და რომ ემჯობინება თუ ინდივიდები საერთო – საუკუნეთა მანძილზე ერებში დაგროვილი – საცავიდან ისარგებლებენ. ჩვენს მოაზროვნე კაცთაგან მრავალნი, ნაცვლად იმისა, რომ უკუაგდონ საზოგადო წინასწარწმენები, მთელ გამჭრიახობას იყენებენ იმ ჩამალული სიბრძნის აღმოსაჩენად, რაც უმთავრესია მათში. თუ აღმოაჩენენ, რასაც ეძებენ, და იშვიათად მოეცარებათ ხოლმე ხელი, მიიჩნევენ, რომ უმჯობესი იქნება შენარჩუნდეს წინასწარწმენა მასში არსებული სიბრძნინად და არ დატოვონ შიშველი გონიერება მას შემდეგ, რაც წინასწარწმენის გარსს შემოაცლიან; იმიტომ, რომ წინასწარწმენას ძალუძს გონიერებასთან ერთად აამოძრავოს გონი და გრძნობს სიყვარულს, რითაც მარადიულობას ანიჭებს მას. წინასწარწმენა მზა საშუალებაა განსაკუთრებული შემთხვევისათვის; ის წინასწარ ამარაგებს გონებას სიბრძნისა და სიქველის უწყვეტი ნაკადით და გადაწყვეტილების მიღების ჟამს არ მიატოვებს კაცს ყოყმანის, ეჭვისა და თავსატეხის ამარა. წინასწარწმენა კაცის სიქველეს ჩვეულებად გადააქცევს და არ დატოვებს დაღავებულ ქცევათა წყებად. სწორედ წინასწარწმენის მეოხებით გადაიქცევა კაცის მოვალეობა კაცის ბუნებად.

თქვენი მწერლები და პოლიტიკოსები და ჩვენებურ განმანათლებელთა კლანიც არსებითად განსხვავებულად უყურებენ ამ საკითხს. ისინი პატივს არ მიაგებენ სხვათა სიბრძნეს; და მეტიმეტად არიან დაჯერებულნი საკუთარ სიბრძნეში. მათ სავსებით საკმარის საბაზად მიაჩნიათ დაანგრიონ საგანთა ძველი სქემა მხოლოდ იმიტომ, რომ ძველია. რაც შე-

ეხება ახალს, სრულიად არ აშინებთ ნაჩქარევად აგებული შენობის გამძლეობა; რადგანაც გამძლეობას ფასი არ გააჩნია მათ თვალში, ვინც ცოტას ან სულ არ ფიქრობს, თუ რა იყო მათ დრომდე და მთელ იმედებს აღმოჩენაზე ამყარებენ. ისინი გამოდგებიან ჩაიგონებენ, რომ მარადიულობის მიმნიჭებელი ყველა მოვლენა მანებლობაა და ამიტომ უცხადებენ უწყვეტ ომს ყოველ დანესებულებას. ფიქრობენ, რომ მთავრობები შეიძლება მოდური სამოსივით გამოიცვალო და

ცუდი არაფერი მოხდება, რომ არანაირი ერთგულება არ არის საჭირო სახელმწიფო კონსტიტუციისა, გარდა იმისა, რომ ამჟამად იყოს მოსახერხებელი. ყოველთვის ისე ლაპარაკობენ, თითქოს იმ აზრზე იყვნენ, რომ მხოლოდ ერთგვარი შეთანხმება არსებობს მათსა და მათ მოსამართლეებს შორის, რაც ავალდებულებს და არავითარი სხვა ვალდებულება არსებობს, გარდა იმისა, რომ მხოლოდ მის უდიდებულესობა ხალხს აქვს უფლება გადაწყვიტოს თავისი ნებით. სამშობლოს სიყვარული მხოლოდ იმდენად აქვთ, რამდენადაც ეს მათ მსწრაფლწარმავალ პროექტებს შესაბამება; იწყება და მთავრდება იმ პოლიტიკური სქემით, რაც იმ წუთას მოაფიქრდებათ.

ეს დოქტრინები – თუ უფრო განცადები – როგორც ჩანს, წარმმართველთა თქვენი ახალი სახელმწიფო მოღვაწეთათვის, მაგრამ სრულიად განსხვავებული ჩვენი ქვეყნის ყოფისაგან...

ჩვენ ვიცით, და მეტიც, შინაგანად ვგრძნობთ, რომ რელიგია საფუძველია სამოქალაქო საზოგადოებისა და წყარო ყოველგვარი სიკეთისა და კეთილდღეობისა; და იმდენად დარწმუნებულნი ვართ, რომ აღარ რჩება ცრურწმენის აღარავითარი ჟანგი, რითაც ადამიანური გონების გადროვებული სისულელე საუკუნეთა მანძილზე დახრავდა ინგლისს, რომ ასიდან ოთხმოცდაცხრამეტი კაცი ამჯობინებს სწამდეს. არასოდეს ვიქნებით ისეთი სულელნი, რომ მტერს მოვუხმობთ ჩვენი სისტემის შესაცვლელად, კორუფციის დასაძლევად, ნაკლოვანებათა აღმოსაფხვრელად და აგებულობის გასაუმჯობესებლად. თუ ჩვენი რელიგიის დოგმებს ოდესმე დასჭირდება შემდგომი განმარტება, ათეიზმს არ მოვუხმობთ მის ასახსნელად. ტაძრის გასანათებლად იმ არანმინდა ცეცხლს არ გამოვიყენებთ. ის სხვა სინათლით განათდება. სურნელება სხვა საკმეველი დადგება და არა იმ სწეულების მომტანი ნავით, რაც კონტრანდისტებსა და მოლაპატე მეტაფიზიკოსებს შემოაქვთ. თუ ჩვენს საეკლესიო საფუძველებს რევიზია დასჭირდება, შესამონებლად არ მოვუხმობთ სი-



ხარბესა და მძარცველობას, საზოგადო იქნება თუ კერძო, და არც წმინდა შესანიშნავს დავადგამთ თვალს. არც ბერძნულ და არც სომხურ ეკლესიას დავგმობთ სასტიკად და არც რომაულ რელიგიურ სისტემას შევეხებით, მაგრამ ვარჩევთ ვიყოთ პროტესტანტები არა იმიტომ, რომ მასში ნაკლებია ქრისტიანული რელიგია, არამედ, ჩვენი აზრით, უფრო მეტია. პროტესტანტები ვართ არა განურჩევლობის, არამედ მგზნებარების გამო.

ჩვენ ვიცით და ვამაყობთ ამ ცოდნით, რომ ადამიანი თავისი კონსტიტუციით რელიგიური ცხოველია; რომ ათეიზმი არამართო ჩვენი გონების, არამედ ჩვენ ინსტიტუტთა წინააღმდეგობაა და რომ დიდხანს ვერ იმბრძანებლებს. მაგრამ თუ შფოთის შემთხვევაში, განსანმენდელიდან ამოღებული ცხელი გონების ბოდვის დროს, რაც ამჟამად დუღს და მძვინვარებს საფრანგეთში, უნდა ტანზე შემოვიხიოთ და გავმისჯლდეთ, უნდა უკუვავდეთ ქრისტიანული რწმენა, რაც უზრუნველგვყოფდა აქამდე, რაც ცივილიზაციის დიადი წყარო იყო ჩვენში და რითაც თავი მოგვქონდა სხვა ერთა შორის, ვხვდებით (რადგან გონება ვერ გაუძლებს სიცარიელეს), რომ რაღაც გადამთიელური, დამლუპველი და გადაგვარებული ცრურწმენა დაიკავეს მის ადგილს.

ამ მიზეზით მანამდე, სანამ ჩვენი დანესებულებებიდან ამოვიღებდეთ შეფასების ბუნებრივ, ადამიანურ საშუალებებს და მივიღებდეთ სიძულვილს, რაც თქვენ მოიმოქმედეთ და ამით თავს დაიტყუეთ სასჯელი, რასაც იმსახურებდით, ვისურვებდით, რომ ჯერ სხვას ეჩვენებინა, თუ როგორ ხდება ეს და მერე ჩამოვყალიბებდით ჩვენს შეხედულებას.

ნაცვლად იმისა, რომ სხვებივით, ვინც ამგვარი ინსტიტუტებისადმი მტრული ფილოსოფია და რელიგია შექმნა, ნავიადობოდით ჩვენს დანესებულებებს, უფრო მეტად მიუახლოვდით მათ; და გადაწყვეტილი გვაქვს შევიწინააღმდეგოთ დანესებული ეკლესია, დანესებული მონარქია, დანესებული არისტოკრატია და დანესებული დემოკრატია; თვითიული იმაზე მეტი ზომით არა, რა ზომითაც არსებობს. ახლა ვნახოთ, თუ რა ზომით მოგვეპოვება თვითიული.

ამ საუკუნის უბედურებაა (და არა დიდებულება, როგორც ეს ჯენტლმენები ფიქრობენ), რომ ყველაფერი უნდა განვიხილოთ; თითქოსდა ჩვენი კონსტიტუცია მუდამ ცხარე დისკუსიის საგანი ყოფილიყო და არა მოწონებისა. ამ მიზეზით და აგრეთვე იმისათვის, რომ თქვენი კმაყოფილება გამოვიწვიოთ, კმაყოფილება იმათი (თუკი არიან ასეთები), ვინც ისურვებდნენ მაგალითები ეხილათ, გავბედავ და შეგანუხებთ ორიოდ მოსაზრებით ამ დანესებულებათა გამო. არა მგონია, ძველ რომაელებს სიბრძნე ჰქვოდეთ მამინ, როცა, კანონებში სიხლის შესატანად კომისიას ჰქმნიდნენ, რათა საუკეთესო ნიმუში ახლომახლო რესპუბლიკაში მოენახათ.

უპირველეს ყოვლისა, ნება მიბოძეთ ჩვენს საეკლესიო დანესებულებებს შევეხოთ, როგორც პირველს წინასწარწმენათ შორის, რაც გონების გარეშე კი არ არსებობს, არამედ მოიცავს ვრცელსა და ღრმა სიბრძნეს. პირველად მასზე ვისაუბრებ. ის არის პირველი, ბოლო და შუა ნაწილი ჩვენი გონებისა, რადგან იმ რელიგიის საფუძველზე, რომლის ნიაღშიც უვნებლად ვიმყოფებით დღემდე და ვაგრძელებთ მოქმედებას ადრე მიღებული და საერთო, საკაცობრიო განცდით. ამ განცდამ არამართო ბრძენი არქიტექტორივით აავო დიდებული შენობანი სახელმწიფოთა, არამედ, როგორც შორსმხედველმა მესაკუთრემ, შენობის დანგრევა-დამახინ-

ჯებისაგან გადასარჩენად, განწმინდა წმინდა ტაძარი ყოველგვარი სიბინძურისაგან სიყაღბისა, სისასტიკისა, უსამართლობისა და ტირანიისა; სამარადისოდ და საზეიმოდ განწმინდა მრეველი და ღვთისმსახურნი მასში. განწმინდა შესრულდა იმისათვის, რომ მთავრობაში მყოფ ადამიანებს, ვინც იქ ღვთის სახელით არიან, ჰქონდეთ ამაღლებული და ღირსეული შეხედულებანი თავიანთ დანიშნულებასა და საქმიანობაში; რომ მათი იმედი აღვსილი უნდა იყოს უკვდავებით; რათა არ დახარბდნენ წუთიერ უმაქნის მოსახვეჭს, არც დროებითსა და გარდამავალ ხოტბას მდაბნით, არამედ მიენდონ მყარ, მარადიულ არსებობას თავიანთი ბუნების მარადიული ნაწილისა, მარადიული სახელ-დიდება და მაგალითი დაუტოვონ მდიდარ მსოფლიო მემკვიდრეობას.

ასეთი ამაღლებული პრინციპები უნდა ჰქონდეთ მაღალ თანამდებობაზე მყოფ ადამიანებს; უნდა ჰქონდეთ რელიგიური დანესებულებანი, რათა შეძლონ მარადიული გადარჩენა და გაძლიერება. ყველა ზნეობრივი, სამოქალაქო და პოლიტიკური ინსტიტუტი, რაც უზრუნველყოფს რაციონალურსა და ბუნებრივ კავშირებს, კაცის წარმოდგენასა და გრძნობებს ღვთაებრივთან რომ აერთიანებს, საჭიროა ერთი მიზნისათვის, რათა აეგოს განსაკვიფრებელი შენობა, ადამიანი, ვისი უფლებამოსილებაა მნიშვნელოვანწილად თვითონ ჩამოაყალიბოს საკუთარი თავი, და ვისაც, როცა ისეთი გახდება, როგორც უნდა იყოს, ბედისწერით დასაზღვრული აქვს, უბრალო ადგილი არ ეკავოს ამ დიად შემოქმედებაში; მაგრამ როცა კაცი სხვა კაცზე მაღლა დგას, როგორც მასზე უკეთესი, მაშინ უფრო განსაზღვრულად და მეტად უნდა უახლოვდებოდეს სრულყოფილებას.

სახელმწიფოს განწმინდა – სახელმწიფო რელიგიური დანესებულების მეოხებით – თავისუფალი მოქალაქეებისადმი მოვალეობის მოსახდელადაცაა საჭირო; რადგან იმისათვის, რომ შეინარჩუნონ თავისუფლება, ძალაუფლების რაღაც განსაზღვრულ ნაწილსაც ეზიარონ. ამიტომ ისინი, ვინც რელიგიას სახელმწიფოს უკავშირებენ, მეტ მოვალეობას გრძნობენ სახელმწიფოს მიმართ, ვიდრე ისინი, ვინც ქვეშევრდომულ მორჩილებაში უფრო მეტად პირადი განცდის გამო არიან და მხოლოდ საკუთარ ოჯახზე ზრუნავენ. ყოველი პიროვნება, ვინც ნაწილობრივად ნაზიარები ძალაუფლებას, განსაკვიფრებლად ძლიერ შეიგრძნობს იდეას, რომ მას ენდობიან, და რომ პასუხისმგებელია, ამ ნდობის გამო დიადი ბატონის წინაშე, ვინც შექმნა და დააფუძნა საზოგადოება.

ამ პრინციპმა კიდევ უფრო ძლიერი გავლენა უნდა მოახდინოს იმათ გონებაზე, ვინც კოლექტიური სუვერენობა მოიგონა, ვიდრე რომელიმე კონკრეტულ პრინციპზე. უინსტრუმენტოდ პრინციპები ვერაფერს შეძლებენ. ხოლო ვინც ინსტრუმენტებს იყენებს, დახმარების ძიებისას დაბრკოლებასაც წაანყვება. ამიტომ მათი ძალაუფლება არანაირად არ არის სრული, და არც დაცულია უკიდურესი შეურაცხყოფისაგან. ასეთი პიროვნებანი, რაც უნდა აიჭრნენ ცაში მლიქვნელობით, ამპარტყავენებითა და საკუთარ თავზე დიდი წარმოდგენით, უნდა გრძნობდნენ, რომ პოზიტიური კანონისაგან დაცულობის მიუხედავად, ასე იქნება თუ ისე, პასუხს აგებენ, რომ ნდობა ვერ გაამართლეს. თუკი ხალხი არ აუფხანყდება და არ ჩამოაგდებს, მაშინ სწორედ ის იანიჩრები მოახრჩობენ, ვისაც ამბოხებისაგან თავდასაცავად ინახავდა. ხომ ვნახეთ როგორ გაყიდეს საფრანგეთის მეფე ჯარისკაცებმა ჯამაგირის მომატების ფასად; მაგრამ სადაც სა-

ხალხო ხელისუფლება აბსოლუტურია და შეუზღუდავი, ხალხს გაცილებით მეტად და უკიდურესად აქვს გამგდარი რწმენა თავის ხელისუფლებისადმი. ისინი დიდწილად თვითონ არიან საკუთარი თავის ინსტრუმენტები. ახლოს არიან თავიანთ საგნებთან; გარდა ამისა, ისინი ნაკლებად არიან პასუხისმგებელი დედამიწის ზურგზე უდიდესი ზედამხედველი ძალის სახელდებისა და შეფასების წინაშე. სირცხვილის წილი საზოგადოების თვითეულ წევრზე მართლაც რომ ცოტა მოდის; ხოლო საზოგადოებრივი აზრი საპირისპირო ხასიათს იძენს მათ ხელში, ვინც ბოროტად იყენებს ძალაუფლებას. მათივე შეფასება საკუთარი ქმედებისა საზოგადო განსჯას მათსავე სასარგებლოდ შემოაბრუნებს. ამიტომ სრული დემოკრატია ყველაზე უფრო სამარცხვინო რამ არის მსოფლიოში. და რამდენადაც უსირცხვილოა, იმდენადვე უშიშარი. ვერავის წარმოუდგენია, რომ შეიძლება დაისაჯოს. რა თქმა უნდა მთელმა ხალხმა არც უნდა წარმოიდგინოს, რომ უნდა დაისაჯოს; რადგანაც ყველანაირი სასჯელი არის მაგალითი იმისათვის, რათა ხალხის მთლიანობა შენარჩუნდეს, მთელი ხალხი კი არასოდეს არ უნდა დაისაჯოს რომელიმე კაცის ხელით. ამიტომაც უსაზღვროდ მნიშვნელოვანია, რომ არანაირი ზიანი არ უნდა შეექმნათ, თუ წარმოიდგენენ, რომ მათი ნება, მეფეებისა არ იყოს, საფუძველია სწორისა და მრუდისა. დარწმუნებული უნდა იყვნენ, რომ ძალზე მცირედ არიან მოწოდებული და უფრო მცირედ აღჭურვილნი იმისათვის, რომ ბოროტად გამოიყენონ ძალა, და ვნება მოუტანონ საკუთარ თავს; და რომ ეს იქნება არა წარმოდგენილი თავისუფლება, არამედ, სინამდვილეში, არაბუნებრივი, უკულმა ამოტრიალებული მბრძანებლობა, ტირანული და მჩაგვრელი მათ მიერ, ვინც ხელში ჩაიგდებს სახელმწიფოს არა იმიტომ, რომ უერთგულოს თავის მოწოდებას, რაც მათ უფლებაა, არამედ – რათა მოწურად დაემორჩილონ დროდადრო გაჩენილ ხუმტურებს; ამით კი მათში, ვინც ემსახურება, აქრობენ ყველანაირ ზნეობრივ პრინციპს, ღირსების ყოველნაირ გრძნობას, განსჯის უნარსა და ხასიათის სიმტკიცეს; ამავე დროს, იოლად მოსანადირებელ და საზიზღარ ნადავლად გადაიქცევიან ამაო ამბიციების მეხოტბე კარის მლიქვნელთა ხელში.

როცა ადამიანები დაიცლებიან ყველანაირი ხუმტური-სა და თავკერძა სურვილისაგან, რაც სრულიად შეუძლებელია ოდესმე შეიძლოს რელიგიის გარეშე, და როცა გააცნობიერებენ, რომ ხელთ უპყრიათ ნდობის უმაღლესი ნესრიგით გადაცემული ძალაუფლება, რაც იმისათვის, რათა ლეგიტიმური იყოს, უნდა ემორჩილებოდეს მარადიულ, უცვლელ კანონს, რაშიც ნება და გონება ერთი და იგივეა, მაშინ უფრო ფრთხილად მოიქცეოდნენ, რომ ძალაუფლება არ ჩააგდონ მდაბალ და უუნარო ხელეში. თანამდებობაზე დანიშნვისას ხელისუფლება მდაბალ საქმიანობად კი არ უნდა აქციონ, არამედ წმინდა მოვალეობად, რაც უნდა შესრულდეს არა თავისი ბინძური, თავკერძა ინტერესებისა, ანდა თავზეხელაღებულ ახირებათა და მიკერძოებულ სურვილთა მიხედვით; ამიტომ ხელისუფლება (რისი გაცივებისა თუ მიღების დროსაც თვითეული კაცი აკანკალდებოდა) უნდა მიენიჭოს მხოლოდ მათ, ვისშიც მეტად მოჩანს ერთად შეკრებილი და სამოქმედოდ მზადყოფი ნამდვილი ღირსება და სიბრძნე, რაც კი შეიძლება გამოიძიებნოს ამ დიდსა და აღრეულ მასაში ადამიანური არასრულყოფილებისა და სისუსტისა.

როცა ჩვეულება განამტკიცებს რწმენას, რომ კეთილი არსის მქონე კაცისათვის ბოროტება მიუღებელია ქმედებაშიც და ნებართვის გაცემაშიც, უფრო იოლი ხდება ამოიძირკვოს მსაჯულთა გონებიდან, სამოქალაქო იქნება, საეკლესიო თუ სამხედრო, ყველაფერი, რაც ოდნავ მაინც წააგავს ამპარტავნულსა თუ უკანონო მბრძანებლობას.

მაგრამ ერთი უპირველესი და წარმართველ პრინციპთაგანი, რაც მთელმა ერმა და კანონებმა წმინდად უნდა შეინახოს, ისაა, რომ მფლობელებმა და მესაკუთრეებმა არ უნდა გაბედონ არაფრად ჩაგდება იმისა, რაც წინაპართაგან გადმოეცათ ან რაც მათ კეთილდღეობას ემსახურება, და ისე არ უნდა მოიქცნენ, თითქოს თვითონ არიან ყველაფრის ბატონპატრონები; არ უნდა ეგონოთ, რომ უფლება აქვთ გაჰყონ მამული ან გაფლანგონ მემკვიდრეობა, საკუთარი ნება-სურვილის კვალობაზე დაარღვიონ პირველქმნილი ქსოვილი თავისივე საზოგადოებისა; ზიანი მიაყენონ მათ, ვინც შემდგომ მოვა, დაუტოვონ ნანგრევი ნაცვლად საცხოვრებლისა და ჩააგონონ თავიანთ მემკვიდრეებს ისეთი ცოტა პატივისცემა იმისადმი, რაც დარჩა, როგორც თვითონ ექცეოდნენ მამაპაპათა ინსტიტუტებს. და ეს უპრინციპო საქციელი სახელმწიფოს ცვლილებისა იმდენად ხშირად და იმდენაირად დაარღვევს ქვეყნის მთლიანობისა და ურღვევობის ჯაჭვს, როგორც ფანტაზია დალივილებს და მოდა იცვლება. ერთი თაობა მეორეს ველარ დაუკავშირდება; ადამიანები ზაფხულის ბუხებზე ოდნავ უკეთესნი თუ იქნებიან.

და რასაც პირველად აღასრულებენ, იქნება ის, რომ შეწყვეტენ იურისპრუდენციის შესწავლას, რაც ადამიანური ინტელექტის სიამაყე გახლავთ, და რაც, მიუხედავად მთელი ნაკლოვანებებისა, გადაცდომათა და შეცდომებისა, წარმოადგენს საუკუნეთა აზროვნების კრებულს, აერთიანებს პრინციპებს პირველქმნილი სამართლისა ადამიანური საზრუნავის უსაზღვრო მრავალფეროვნებასთან, მაშინ, როცა გროვა ძველი, გამოკვლეული შეცდომებისა, აღარ ისწავლება. პიროვნული თვითკმარობა და ამპარტავნება (ერთგვარი თანმხლები მათი, ვისაც არ შეუცვნია სიბრძნე, გარდა საკუთარისა) მოახდენს ტრიბუნალის უზურპაციას. ცხადია ვერანაირი კანონები, იმედისა და შიშის უცვლელ საფუძველს რომ აფუძნებენ, ვერ შეძლებდნენ ადამიანთა წარმართვას გარკვეული მიმართულებით ან შეგულიანებას გარკვეული მიზნისაკენ. ვერანაირი სტაბილურობა ქონების ფლობისა და საქმიანობაში ვერ შეჰქმნის ურყევ საფუძველს იმისათვის, რომ მშობელმა იმსჯელოს თავისი შვილის განათლებასა თუ მომავალზე ამქვეყნად. ვერანაირი პრინციპი ვერ გადაიზრდება ჩვეულებაში. როგორც კი გამოცდილი მოძღვარი დაასრულებს სწავლებას დაწესებულებათა ვრცელი კურსისა, მოამზადებს შეგირდს, შეასწავლის სიქველეს, რათა ყურადღება და პატივისცემა დაიმსახუროს საზოგადოებაში ადგილის დაკავებისა, დაინახავს, რომ ყველაფერი შეცვლილა და ეს საბრალე არსება იმისათვის მოუმზადებია, რომ დასცინონ და ათვალუნებთი შეხედონ ქვეყანაში, სადაც აღარ შემორჩენილა შეფასების ჭეშმარიტი საფუძველი. ვინლა დაიცავს ფაქიზსა და დახვეწილ გრძნობას ღირსებისა, რითაც ძვერს გული, როდესაც არავის ეცოდინება თუ რითი უნდა გაიზომოს ღირსება ერში, რომელიც გამუდმებით ცვლის თავისი ფულის ნიშნებსაც კი? ცხოვრების ვერცერთი მხარე ვერ შენარჩუნებს მონაპოვარს. ბარბაროსობა მეცნიერებისა და ლიტერატურის მიმართ, უნიჭობა ხელოვნებასა და წარმოე-

ბაში აუცილებლად აჯობებს ბევრითი განათლებისა და მყარი პრინციპის მოთხოვნილებას და, ორიოდე თაობაში, მთელი ქვეყანა დაიქცევა და შეერევა ქვიშასა და მტვერს გათითოკაცებულობისა და გაიფანტება ზეციური ქარების მიერ.

ამიტომ, თავიდან რომ აგვეცილებინა მერყეობა და დაბნეულობა, რაც ათიათასჯერ უარესია სიჯიუტესა და უბრძველეს ნინასწარწმენაზე, ჩვენ ვაკურთხეთ სახელმწიფო, სადაც ვერავინ შეძლებს ჩაიხედოს ნაკლოვანებებსა თუ გადაცდომებში დიდი მონივნების გარეშე; ვერავინ იოცნებებს რეფორმების წამოწყებაზე დამხობის გზით; ისე უნდა მივახლოთ სახელმწიფო ნაკლს, როგორც მამის ჭრილობებს – შიმნარევი სიბრალურლითა და მოცახცახე მზრუნველობით. ამ ბრძნული ნინასწარწმენით ჩვენ ჩავგვაგონებენ, რომ შიშით შევხედოთ ისეთი ქვეყნის შვილებს, ვინც მზად არიან აკუნონ ასაკოვანი მშობლები და ჩატენონ მოჯადოებულ ქეთლში იმ იმედით, რომ შხამიანი ბალახებითა და ველური შელოცვებით განაახლებენ მამა-პაპათა კონსტიტუციას და სიცოცხლეს დაუბრუნებენ მამას.

საზოგადოება მართლაც ხელშეკრულებაა. მეორეხარისხოვანი ხელშეკრულებანი, დროებით ინტერესთა გამო დადებული, შეიძლება გაუქმდეს, როცა მოგვესურება, მაგრამ სახელმწიფო არ უნდა ჩაითვალოს მხოლოდ საპარტნიორო ხელშეკრულებად პოლიტიკისა და ყავის, ბამბეულისა და თამბაქოს ვაჭრობაში, ან რაღაც სხვა მდაბიურ ფართი-ფურთად, მცირე, დროებითი ინტერესები რომ აღძრავს, და გაქრება პარტიების ნება-სურვილით. სახელმწიფოს სხვა თვალთ უნდა შევხედოთ, რადგან ნივთების გაცვლის ხელშეკრულება ის არაა, მხოლოდ დროებითი და მოკვდავი ბუნების ცხოველური არსებობა რომ აინტერესებს; სახელმწიფო არის ხელშეკრულება ყველა მეცნიერებისა, ყველა ხელოვნებისა, ყველა სიქველისა და სრულყოფილებისაკენ სწრაფვისა; და რადგან ამ ხელშეკრულებას ბოლო არ უჩანს მრავალ თაობათა მიღმა, ის გადაიქცევა ხელშეკრულებად არამარტო მათ შორის, ვინც ამჟამად სულდგმულობს, არა-

მედ ხელშეკრულებად ცოცხალთა, გარდაცვლილთა და ჯერარდაბადებულთა შორის. თვითული ხელშეკრულება ერთი, ცალკეული სახელმწიფოსი მხოლოდ მუხლია მარადიული საზოგადოების უპირველესი, დიადი ხელშეკრულებისა, რაც აკავშირებს მდაბალსა და მაღალ ბუნებას, ხილულსა და უხილავ სამყაროს იმ ურღვევი ფიცის მიერ ნებადართული შეთანხმებით, რაც თავის ადგილს მიუჩენს ყოველ ფიზიკურსა და ზნეობრივ მოვლენას. ეს კანონი არ ექვემდებარება იმით სურვილებს, ვისაც – უსაზღვროდ ამაღლებული პასუხისმგებლობით მოცულს – მოუხდება თავისი ნებაც დასურთოს მას. ამ უნივერსალური სამეფოს მუნიციპალურ გაერთიანებებს არ გააჩნიათ ზნეობრივი უფლება, კერძო სიამოვნებისა და გაუმჯობესების ახირების გამო დაანანევრონ და დააღვონ მათდამი დაქვემდებარებულ თემის ჯგუფები და შეურიონ სამოქალაქოობას მოკლებულ ურთიერთდაუკავშირებელ ქაოსს ელემენტური პრინციპებისა. ეს მხოლოდ პირველი და უმაღლესი საჭიროებაა, რომელიც არჩეული კი არ არის, არამედ ირჩევს; საჭიროებაა პირველხარისხოვანი მოსაზრებისა, რაც ნებას არ დართავს განხილვას, არ სჭირდება სამხილი, რაც მხოლოდ და მხოლოდ ანარქიას წარმოშობს. ეს საჭიროება არ არის გამონაკლისი წესიდან, რადგან თავისთავად ნაწილია საგანთა იმ ზნეობრივი და ფიზიკური განლაგებისა, რასაც კაცი იძულებულია დაემორჩილოს; მაგრამ საჭიროებისათვის დამორჩილება თუ მხოლოდ არჩევანის საგანი უნდა გახდეს, მაშინ კანონი ირღვევა, ბუნება დაუმორჩილებელი ხდება და იწყება უკანონო ამბოხი და გადასვლა გონიერების, წესრიგის, მშვიდობის, სიქველისა და ნაყოფიერი მონანიებისა ქვეყნიდან, ანტაგონისტურ მსოფლიოში სიციხისა, უთანხმოებისა, ცოდვისა, არეულ-დარეულობისა და უსაშველო მსუხარებისა.

ინგლისურიდან თარგმნეს პაატა და როსტომ ჩხეიძეებმა

ნინასწარწმენის სიბრძნე — ამ ფორმულაში შეიძლება მოვაქციოთ ედმუნდ ბერკის (1729 — 1797) ფილოსოფიური ნააზრების არსი. იგი იყო ანგლო-ირლანდიელი სახელმწიფო მოღვაწე, მწერალი, ორატორი, პოლიტიკური მოაზროვნე და ფილოსოფოსი; იგი იყო ვიგების პარტიის წარმომადგენელი თმთა პალატაში და ძველი, ტრადიციული ვიგების ფალავანი ახალ, საფრანგეთის რევოლუციის მომხრე ვიგებთან ბრძოლაში. XIX საუკუნეში ბერკს სწავლობდნენ და ადიდებდნენ როგორც ლიბერალები, ასევე კონსერვატორებიც, და თუმცა ტერმინი კონსერვატიზმი ბერკის შემდეგ გაჩნდა, მაინც იგია მიჩნეული ფილოსოფოს-დამფუძნებლად თანამედროვე კონსერვატიზმისა.

მთარგმნელებისაგან

აღამიანი ნინაპართა მიერ დაგროვებულ ცოდნას ეყრდნობა, რაც შეგვაძლებინებს იოლად დაძლიოთ ყოველდღიურად წარმოშობილი პრობლემები. ჩვენს ნინაპრებს სრულიად შიში შეუცნობლისადმი, იცოდნენ, რომ უცხო ხალხი და უცხოური წეს-ჩვეულებანი ახალ წესრიგსა და ადათებს შემოიტანდნენ და ამით დაარღვევდნენ არსებულს; ამიტომაც ეწინააღმდეგებოდნენ ახლისა და უცხოს შემოსვლას. მხოლოდ ისტორიის არმქონე ხალხი მიეგებება უცხოს შემოტანასა თუ შემოჭრას ათასჯერ დაფიქრებისა და აწონ-დაწონის გარეშე.

დღესდღეობით სიბრძნე და ნინასწარწმენა ურთიერთსა-წინააღმდეგო ფენომენებადაა წარმოდგენილი. ნინასწარწმენა (ნინასწარი განხილვა ფაქტებისა, ძირითადად უარყოფითი თვალთახედვით) მიჩნეულია უვიცობადა და არარაციონალურობად. ედმუნდ ბერკი გაიკვირვებდა და შეიცხადებდა ამას. მას შესწავლილი ჰქონდა ნინასწარწმენის წარმოშობა, ბუნება და ფუნქცია. ნინასწარწმენა დასაბამს იღებს წარსულის კოლექტიურ მესხიერებაში და “საუკუნეთა სიბრძნეს” მოიცავს. “რაც უფრო დიდხანს გაძლებს და რაც მეტს გაუძლებს, მით უფრო უნდა გავუფრთხილდეთ” — წერდა ბერკი ნინასწარწმენებზე.

ნინასწარწმენის ბუნება, განცდა თუ ემოცია მსჭვალავს გონებას. ბერკი ამბობდა: “როცა გრძნობები ეწინააღმდეგება თეორიებს, გრძნობები მართალია და თეორიები ტყუილი”. გრძნობათა გადმოცემა რაციონალური ტერმინოლოგიით ძნელია. ისინი, ვინც ნინასწარწმენებს ენდობიან, შეიძლება უცოდინარნი და უბირნი იყვნენ, მაგრამ ნინასწარწმენები შეუძლებელია იყოს უცოდინარი, რადგან ერთი კაცის შექმნილი არ არის.

ნინასწარწმენის ფუნქცია აღამიანის გადარჩენაა, მაშინ, როცა მას დრო არა აქვს მოიფიქროს რაიმე ახალი თავის დასახსნელად. როცა საფრთხეს გადაეყრები, შეიძლება არ შეგეშინდეს, რაკი არაფერი იცი მასზე, მაგრამ თუ შეიარაღებული ხარ ნინასწარწმენით, მაშინ იცი, რომ უნდა გაფრთხილდე, და ისიც იცი, როგორ მოიქცე. ბერკის აზრით, ნინასწარწმენები სიბრძნეა, და “მათი განზოგადებასა და ანალიზს კი არ უნდა შევუდგეთ, არამედ ჩავწვდეთ მათში ჩამარხულ სიბრძნეს.”

ნინასწარწმენა არ არის ირაციონალური მოვლენა. ცალკეულ ინდივიდებს შეზღუდული გამოცდილება აქვთ ამქვეყნიური ცხოვრებისა, რადგან სიცოცხლე ხანმოკლეა. ამიტომაც

ელისო კალანდარიშვილი

თარგმანი, როგორც ანექსია

□

გია ჯოხაძის იოსიფ ბროდსკი

გია ჯოხაძის მიერ იოსიფ ბროდსკის შე-
მოქმედების თარგმნა და ერთ კრებულად
წარმოდგენა ჩვენი სალიტერატურო პრო-
ცესის უმნიშვნელოვანეს მოვლენად მიმაჩ-
ნია, რადგან ყოველი ერის კულტურული
იერსახის წარმოსაჩენად აუცილებელია ამ
ერს საკუთარ ენაზე სრულად და ამომწუ-
რავად ჰქონდეს აფლერებული მსოფლიო
მწერლობის შედეგები. მთარგმნელობითი
ტრადიციის მაღალი დონე განსაზღვრავს
ერის კულტურის დონესაც.

გია ჯოხაძის ეს ნიგნი სანიმუშოა, ჯერ
ერთი, თავისი შედეგნილობით, კომპოზი-
ციით. დასაწყისში წარმოდგენილია მცირე
ესეი, რომელშიც მთარგმნელის მსოფლმ-
ხედველობა და ლიტერატურული პრინციპებია წარმოჩენი-
ლი. საუბარია პოეზიის არსზე, თარგმანის ხელოვნებაზე.
შემდეგ ამომწურავად არის აღწერილი იოსიფ ბროდსკის
ცხოვრება, მოღვაწეობა, გახსნილია მისი რთული და თითქ-
მის ამოუცნობი პიროვნული „მე“, პოეტის შინაგანი, ღრმა
სამყარო. საოცარი ინტერესით იკითხება მის თანამედროვე-
თა მოგონებები. ამიტომაც, ვიდრე უშუალოდ შემოქმედების
გაცნობას დავეჩვენებთ, უკვე ნიადაგი შემზადებულია ამ ურ-
თულესი პოეზიის უკეთ შესაცნობად.

ამ მხრივ ნიგნი სამაგალითოა. მკითხველს უჩნდება
სურვილი, ასე ამომწურავად, სრულყოფილად ითარგმნე-
ბოდეს საზოგადოდ სხვა გენიოსთა რეალური და სულიე-
რი ბიოგრაფიები.

ყველაზე მთავარი კი მაინც მთარგმნელობითი ხელოვნებაა.
ამ ლექსების კითხვისას შეუძლებელია არ მოგეცა-
ლოს ერთი აღმატებული ეპითეტი: „ვირტუოზული“. გია
ჯოხაძე საოცრად ფლობს ენას, მის იდუმალ ნიუანსებს. შე-
სავალში იგი მოკლედ აყალიბებს თავის მთარგმნელობით
პრინციპს – „სრულიად უსაფუძვლოდ მიმაჩნია მათი მტკი-
ცება, ვინც მიიჩნევს, რომ გადმოვიტანოთ ზუსტად ისე, რო-
გორც ორიგინალშია და საქმეც გათავებულად ჩავთვალოთ
– ასეთი ნეიტრალიზაცია და გულგრილობა უცხო რელიგიურ
რიტუალში მექანიკურ მონაწილეობას ემსგავსება... მთარგ-
მნელი უნდა მოჰყვეს ენას, დანარჩენს ენა თვითონ იზამს“.

არც ასე მარტივადაა საქმე. ენა „თვითონ იზამს“ მხო-
ლოდ დიდოსტატის კალმის წყალობით, ის ყველას როდი
ემორჩილება. ენა ჭირვეული და ჯიუტია უნიჭოთათვის,

ხოლო მორჩილი და მოქნილია ოდენ ოსტატთათვის. გიაც
ასეთი დიდოსტატია. მისთვის ენა (ვგულისხმობ რუსულ-
საც და ქართულსაც) საკრალური რამაა, ის ენობრივი არ-
სენალიდან არჩევს სწორედ იმ ერთადერთს და თითქმის
მიუგნებელს, რაც ამა თუ იმ სტრიქონს სჭირდება.

მაინც რითი გამოირჩევა ეს თარგმანები? პირველ რიგ-
ში, საზომთა მრავალფეროვნებით, რიტმულობით, ტრადი-
ციული და თეთრი ლექსის მონაცვლეობით. შეუძლებელია
მკითხველის ყურთასმენა არ დაიპყროს ასეთმა მუსიკამ:

**დაგაბრუნებს ვნებებთან
გაქროლება სიოსი,
რაზეც იოცნებებდა
თვითონ ჰორაციუსი.
შენთვის ჩიტიც რომ არ სტვენს,
სდუმან ღამის მსტორები,
არ შეშინდე, ტომას სტერნზ,
ყვავილს ემასხოვრები.**

მეორე და ასევე უმნიშვნელოვანესი
მთარგმნელის მიერ მიგნებული რითმებია.
თარგმანში ჯვარედინი რითმის დაცვა
ძალზე რთული, თითქმის მიუღწეველი ოს-
ტატობაა. გია ჯოხაძე კი ამას ძალდაუტან-
ებლად და ლაღად აკეთებს, თითქოს რით-
მა თვითონ მოედინება, მუსიკის მდინარეს
მოაქვს. არადა, ვინც თარგმანში ოდნავ მა-
ინც ერკვევა, მიხვდება რაოდენ რთულია ამ
ილუზიის შექმნა, როგორი შინაგანი წვა

სჭირდება ასეთი ვირტუოზული ტექნიკის დაუფლებას. მე
პირადად, მომაჯადოვა მისმა რითმებმა:

**საშიშად ელავს კუბო თუთიის,
ყვავილებმა რომ ღამე უთიეს.**

ან:

**ჩვენს თავზე, როგორც დისკო ელვარე,
წყვდიადშიც მოჩანს მისი მწვერვალი.**

ან კიდევ:


**აქ კოცონივით ახლაც არ ცხრება,
ჩვენი ტრიუმფი და დამარცხება.**

გამაოგნებელია რითმათა კასკადი შემდეგ სტროფში:

**მეც ხომ ვყოფილვარ ბედნიერი. ზეცის ბინადართ
ვემსახურე და სისხლიანი ვლახვრე ქაჯები.
მზეთუნახავი, ვინც ამდენი მალოდინა და
მტანჯა, დავიპყარ, ჩემი მზერით ნადარაჯები.**

ან:

**მაშინ, როცა უდროოდ ემსხვერპლება ზორეასს,
არაფერს ვერმნარი, მხოლოდღა შოკს და ეიფორიას.**



გია ჯოხაძის სტილისტიკისთვის დამახასიათებელია არქაიზმების ზომიერი გამოყენება. იოსიფ ბროდსკის პოეტურ სამყაროს არქაიზაციის ელემენტი ორიგინალშიც ახასიათებს. ამიტომაც სრულიად ბუნებრივად ჟღერს თარგმანის ტექსტში ძველი ქართული ენის ლექსიკისთვის დამახასიათებელი შესიტყვებანი: „სულს ახელებდა სიმალის წვდომა“, „ერთი მოაშთო ველურმა რისხვამ“, „არაყით კლავდნენ სევდას და ბალღამს“ და ა.შ. აქა-იქ უმშვენიერესი ალიტერაციებიც გვხვდება:

ხომ არ შეგაკართო, სიყვარულო,
ჩემ და სიცოცხლის
შორის გაბმულმა აბურდულმა
აბლაბულებმა?

ან:

უცხო ცხოვრება, იგუგუნე, დამცინე,
მთათხე,
ხელმოცარულის სასაცილოდ აიგდე სახე.

ამ თარგმანებს რომ კითხულობ, ხედები, თუ რამდენად ამოუწურავია ენის შესაძლებლობები, მისი პოტენცია. კიდევ ერთხელ რწმუნდები, რომ ჩვენი კურთხეული ენით გამოუთქმელის გამოთქმაც კი არ მოგეჩვენება შეუძლებლად. გია ჯოხაძის თარგმანში არა მხოლოდ იოსიფ ბროდსკის სული ჟღერს, მას თითქოს ეხმიანებიან რუსთაველი და გალაკტიონი, გურამიშვილი და ბარათაშვილი. ეს სულიერი ერთობა კი საოცარ სამყაროს ქმნის. თითქოს იშლება არა მხოლოდ ენობრივი საზღვრები, არამედ დროითი და სივრცითი კატეგორიებიც.

გია ჯოხაძე თვითონ არის პოეტი, ამიტომაც მიჭირს მას უბრალოდ მთარგმნელი ვუნოდო. ის თითქოს ჩაენაცვლა იოსიფ ბროდსკის სულს და ქართულად ამეტყველდა, თან, ამავე დროს, შეინარჩუნა მთავარი – აზრი და სიცხადე, სიღრმე და სიფაქიზე ბროდსკის პოეზიისა.

იგი წიგნის შესავალში წერს: „თარგმანი მე ერთი ენის მიერ მეორის ანექსიის ცდა მგონია, და აქ, როგორც ყველა ანექსიისას, ომის კანონები მოქმედებს – გაიმარჯვო ნებისმიერ ფასად, რადგან გამარჯვებულებს არ ასამართლებენ“.

ეს სიტყვები რომ წავიკითხე, თავიდან მეუცხოვა, შემდეგ მეტაფორად აღვიქვი, მაგრამ წიგნი რომ გავასრულე, მივხვდი, რომ ეს სრული სიმართლეა, არა უბრალოდ მხატვრული გამოინათქვამი. ეს ერთადერთი შემთხვევაა, როცა აგრესიული სიტყვა ანექსია კეთილშობილურ ელფერს იძენს. გია ჯოხაძე მართლაც დამპყრობელია, ენითა და სიტყვით დამპყრობელი, ხოლო მის შესანიშნავ თარგმანებს აქვთ უნარი არა მხოლოდ ენის, არამედ მკითხველის ანექსიისაც.

ბატონო როსტომ, რამდენადაც მახსოვს, თქვენი ლიტერატურული გამოცემა თავის დროზე გულთბილად გამოეხმაურა ბესიკ ხარანაულის წიგნს „ამბა ბესარიონი“. დაახლოებით ორი წელი მიმდინარეობდა მუშაობა საფრანგეთში ამ წიგნის თარგმანზე. წელს, მარტის თვეში შედგა თარგმნილი წიგნის პრეზენტაცია სტრასბურგსა და პარიზში, რაზეც ავტორიც იყო მინვეული. ვფიქრობ, შესაძლოა თქვენი ყურნალი დაინტერესდეს სტრასბურგში დაბეჭდილი პატარა წერილით („აელზასის უკანასკნელი სიახლენი“, თებერვალი, 2010წ.), რომელიც ამ მოვლენებს ეხმაურება და რომელიც მე ვთარგმნე ფრანგულიდან.

სოფიკო ჯერკალიძე

ბესიკ ხარანაულის გზავნილი



საქართველოდან ჩვენამდე ცოტა რომანი თუ პოეზია აღწევს და თანდათან სიჩუმის კედელს ანგრევს: როგორც იქნა ბესიკ ხარანაულის ხმამ ჩვენამდე მოაღწია.

ის სულს ესაუბრება მოხეტიალეთა ეპოქიდან, ასეთია „ამბა ბესარიონი“. ბესიკ ხარანაულმა ბავშვობა გაატარა აღმოსავლეთ საქართველოს მთიან რეგიონში, სადაც სინკრეტიზმი, კერპთაყვანისმცემლობა და ქრისტიანობა ერთმანეთშია შერწყმული. შუა საუკუნეებიდან მოყოლებული ხალხური სიმღერები, ლოცვები, რომლებშიც ხოტბას ასხამენ კერპთაყვანისმცემლურ კულტებს და ლეგენდები თაობიდან თაობას გადაეცე-

მა.

ვეროპისა და აზიის გასაყარზე მყოფმა საქართველომ სპარსეთის, ბიზანტიის, რომის, ოტომანთა, არაბთა, მონღოლების, რუსეთის და საბჭოთა იმპერიების გავლენა განიცადა. როგორც ცნობილია, გეოპოლიტიკური დაპირისპირება არ შენელებულა, რაც მთელი ძალით დადასტურდა 2008 წლის ზაფხულის ომის დროს. ბესიკ ხარანაულის სამყაროში ფერთა მთელი გამაა – ასკეტი ბერიდან ბავშვის მონოლოგამდე, მოხეტიალის არეული ფიქრები – ბუნების მიმართ მგრძნობელობა: „მდინარე მიედინება, ადამიანი ფიქრობს და ქმნის.“

გასული საუკუნის 50 წლებში მან ახალი დინება შეიტანა პოეზიაში თავისუფალი ლექსების სახით, უარი თქვა რა იმ პერიოდის პოეზიაში გამეფებულ მანერიზმსა და პათეტიზმზე. ეს არის ფაბულაზე აგებული „მიუმხრობელი პოეზია“, რომელიც მიუღებელი იყო როგორც საბჭოთა ისე ანტი საბჭოთა პოეზიის მიმდევრებისათვის. სხვებმა თავისი საწინააღმდეგო დამოკიდებულება ხელისუფლების მიმართ სტრიქონებს შორის გამოხატეს, და მოახერხეს იმდენად შორს წასულიყვნენ რომ ხოტბა შეეხსნათ დამოუკიდებლობისათვის.

„ამბა ბესარიონს“ (გამომცემელი უიდამ) თრც ფაბულა გააჩნია, არც სხვა რამ საშუალება, რათა მკითხველი თხრობაში შეიყოლოს, ვინაიდან ის მოგვითხრობს „მხოლოდ თავგადასავალს შელამაზების გარეშე, გააზრების გარეშე: ადამიანის ცხოვრებას, როდესაც ის არავინა არ არის, როდესაც ის არაფერი არ არის, როდესაც ის მხოლოდ თავის თავია.“ თავმდაბალი და ზღაპრული სურვილი, რომლის გან-

ეპროზის გზაზე

ხორციელებისათვის გამოიყენება აფორიზმები, აფობეთგ-მები და სხვა ლიტერატურული საშუალებანი. საუკეთესო ადგილებიდან: „პოეტი მუდმივად გრძნობს, რომ ის სულ სხვა არის, სწორედ ამიტომ ცდილობს სხვებს დაემსგავსოს.“ თავისუფალი ლექსის სკოლაში, რომელიც მან თედო ბექიშვილთან ერთად დაარსა, მამუკა ნიკლაურმა იცის, რომ „გიჟი ხედავს, ხედავს უფრო მეტს, ვიდრე კალამს შეუძლია აღწეროს.“

ქართული ენა, ისევე როგორც ბასკური, იბერიულ-კავკასიურ ენათა ჯგუფს მიეკუთვნება, მაგრამ მხოლოდ ქართულ ენას აქვს სპეციფიკური ანბანი. არსებობს ორი ფანერი, გაცოცხლებული და გაუცოცხლებელი, რომელიც ხორცს ასხამს ასეთ მდიდარ და განსხვავებულ მითოლოგი-

ას, რომელიც შეისწავლა გიორგი შერვაშიძემ. „ამბა ბესარიონის“ თარგმნის დროს მწერალმა ომარ თურმანაულმა თავდაპირველი ვერსია სტრასბურგელ მარი ფრერინგთან ერთად დაამუშავა იმისათვის, რომ ხარანაულის ტექსტის სული ფრანგულ ენაზე სრულად გადმოეცა. ფრანგულ ენაზე სხვა ძველ-ქართული პოეზიის ადაპტაცია გააკეთა კავკასიური ლიტერატურის სპეციალისტმა ბერნარ უტიემ.

დღესაც თბილისის ფრანგული ლიცეუმის სასწავლო პროგრამაშია ძველი კულტურისა და ლიტერატურის ნიმუშები. შეიძლება დედაქალაქის ქუჩის კუნჭულებში მოლიერის ენასაც გადაეყაროს. „ამბა ბესარიონიდან“ მეხსიერებში ჩაგებეჭდებათ: „ეს მინაა და არა სამშობლო, ეს ადგილია და არა სახლი, ეს ჩვეულებაა და არა სურვილი.“

მოგონებათა სკივრი

თბილისელი მხატვარი გაიანე ხაჩატურიანი შარშან, 1 მაისს, 66 წლისა, მძიმე და ხანგრძლივი ავადმყოფობის შემდეგ გარდაიცვალა. გაიანე არა მარტო მსოფლიოში სახელგანთქმული ფერმწერი, ორიგინალური ნოველების ავტორიც იყო.

გაიანესთან 1978 წლიდან ვემგობობდი და მასთან ბევრი მოგონება მაკავშირებს. სწორედ გაიანემ გამაცნო რეჟისორი სერგო ფარაჯანოვი. სერგომ მნიშვნელოვანი როლი ითამაშა მხატვრის ცხოვრებაში. გაიანე და სერგო ისევე ამშვენებდნენ ჩვენს ქალაქს, როგორც საზოგადოების სხვა მრავალი ბრწყინვალე წარმომადგენელი. ყველანი არა მარტო დიდი პროფესიონალები იყვნენ, ჩვენი ქალაქისა და ქვეყნის საინტერესო კულტურულ-შემოქმედებითი ცხოვრების ისტორიასაც ქმნიდნენ და მაღალი სულიერებისა და ერთგული მსახურების ნაღდ მაგალითს აძლევდნენ თაობებს.

გთავაზობთ რამდენიმე ნაწყვეტს წიგნიდან, რომელსაც გაიანეს ერთ-ერთი ცნობილი ნამუშევრის მიხედვით „მტკვრის შრიალი“ ვუწოდებ. ბევრს შესაძლოა მასში მოხმობილი მრავალი ფაქტი ეცნაუროს კიდევ. ყველაფერი ხომ თითქოს სულ ახლახან ხდებოდა, მიუხედავად იმისა, რომ აღწერილი მოვლენები გასული საუკუნის 60-70-იან წლებს ეხება, როცა საზოგადოებრივ-კულტურული ცხოვრება ჩვენს ქვეყანაში, რომ იტყვიან, დულდა და გადმოდულდა, ხოლო მხატვართა, მწერალთა, რეჟისორთა ყურადღებისა და მხატვრული ინტერპრეტაციის მიღმა, მაშინდელ მსოფლიოში პოპულარული თითქმის არცერთი პროგრესული აზრი და იდეა არ რჩებოდა. ამიტომაც ჩამოგვავდა იმხანად თბილისი კულტურის მექას, სადაც უამრავი სახელოვანი და სახელის მაძიებელი ადამიანი იყრიდა თავს. ამ ადამიანთა გახსენება, მათთვის სათანადო პატივის მიცემა თითოეული ჩვენგანის ვალია. ეს წიგნიც სწორედ ამგვარი რწმენით იწერება.

ქეთევან ტომარაძე

გაცნობა

ფოტოქრონიკამ თბილისის ისტორიის ერთი ძალზე საგულისხმო მომენტი შემოგვინახა — დედაქალაქის ძველი უბნის ფონზე აღბეჭდილი მხატვარი ელენე ახვლედიანი. ელენე მტკვრის ჯებირზე ჩამომჯდარა და თავი ხელში ჩაურგავს. სახის გამომეტყველებიდან ჩანს, მთელ მის არსებას დიდი მწუხარება დაუფლებია. ოსტატურად დაჭერილი ეპიზოდით იგრძნობა, სახელმძღვანელო ფერმწერი უსასოობას რაოდენ შეუპყრია. თითქოს ქალაქის ერთ პატარა უბანთან ერთად, დედაქალაქის მთელ ისტორიას ეთხოვება და მწარედ დასტირის.

ფოტოხელოვანის მიერ დაფიქსირებული წამი თავისებური ფოტონოველაა, რომელიც თანამედროვეთა თვალწინ თბილისის ისტორიის ერთ უსიამო ფურცელს გადაშლის. ამ ფურცელზე აღწერულია გასული საუკუნის სამოციან წლებში, მშვიდობიანობის ხანაში, დედაქალაქის თავკაცების მიერ — ინფრასტრუქტურის განვითარების მოტივით — ჩადენილი ვანდალიზმის აქტი, მტკვრის მარჯვენა სანაპიროზე გაშლილი ისტორიული უბნის ხელყოფა. იოლი გასაგებია, ძველი თბილისის მესაიდუმლის, ლირიკული პეიზაჟების ავტორისთვის რა მძიმე და მტკივნეული აღ-

მოჩნდებოდა. ელენე ახვლედიანი საუკუნეებით გამოცდილი იდეალების მსხვერვისა და ახლის, უმეტესად მისთვის მიუღებელის, დამკვიდრების ურთულეს ეპოქაში დაიბადა და მოღვაწეობდა. ტრადიციულ ქართულ ოჯახში გაზრდილი და მხატვრად იტალიასა და საფრანგეთში დაოსტატებული შემოქმედისთვის, ავანგარდული სტილი წინაპართა იდეალებს ოსტატურად რომ შეუთანადა, ბუნებრივია, საბჭოთა რეჟიმში, მთელი მისი აბსურდულობითა და უპერსპექტივობით, აუხსენელი და გაუგებარი იქნებოდა.

პარიზიდან დაბრუნებული, თავისუფლებას ნაზიარები და სამშობლოში იდეოლოგიური წნეხის ქვეშ მყოფი მხატვრისთვის თბილისი არსებობის საზრისს, ნაღდ და საიმედო ნავსაყუდელს, სუბიექტურ განცდათა უმშვენიერეს პეიზაჟებად გარდასახვის უშრეტ წყაროს წარმოადგენდა. ქალაქის ძველი უბნები თავისუფლების, სხვადასხვა ეროვნების ადამიანთა ურთიერთობის საუკუნეობით ჩამოყალიბებული სტილის, ეროვნული ცნობიერების პანია მარცვლებად მიმოფანტულ სავანედ მიაჩნდა, რომელშიც მხატვარი იმგვარ სიღრმეებსა და ნიუანსებს წვდებოდა, ჩვეულებრივი თვალისთვის რომ მუდამ შეუმჩნეველი რჩებოდა. მისი ნამუშევრები ამ სამყაროს სიღრმისეულ პლასტებს წარმოაჩენდა და მასთან კიდევ უფრო გვაახლოებდა.

ელენე ახვლედიანი ძლიერი, ენერგიული, მტკიცე და შეუვალი ხასიათის, განსწავლული, აქტიური მოღვაწე, თბილისის გული და სული იყო. აზროვნების სტილითა და გარესამყაროს ხედვით იგი ერთ დიდ, ძლიერ ნაკადად ერ-

თვოდა ქვეყნის შემოქმედებით ცხოვრებას და არცერთი მნიშვნელოვანი ფაქტი თუ მოვლენა არ რჩებოდა უყურადღებოდ. შეუძლებელია, კონცერტებსა და საგამოფენო დარბაზებში, კინოთეატრებსა თუ პრემიერებზე ყურადღება არ მიგექციათ თმაჭალარა, ყელზე შარფშემოგდებული, ბლეიზერით, გრძელი ქვედატანითა და თასმიანი ფეხსაცმლით შემოსილი ქალბატონისთვის, რომელიც არა მარტო ჩაცმულობით, ამაყი და წარმოსადეგი გარეგნობითაც გამოირჩეოდა ყველასაგან.

პოეტები და მხატვრები, მწერლები და ჟურნალისტები, მუსიკოს-შემსრულებლები და ცნობილი მეცნიერები, ჩვენი ქვეყნის ქალაქებიდან და უცხოეთის მრავალი ქვეყნიდან, ხან კი უბრალო, ძირძველი თბილისელები მას ხშირად სტუმრობდნენ. მხატვრის სახელოსნო ხელოვნების ნამდვილ მექად ქცეულიყო, სადაც ჭეშმარიტ ფასეულობებზე თავისუფლად და შეუზღუდავად მსჯელობდნენ, სადაც უამრავ საინტერესო სურათსა და ფოტოს ნახავდით, სადაც იგრძნობდით, რას ნიშნავს მხატვრის თვალთა ალქმული და გაზრებული ინტერიერი.

მიუხედავად ერთობ ნაყოფიერი, მაღალი შემოქმედებითი მოღვაწეობისა, რაც მხატვრისაგან უდიდეს ძალისხმევას მოითხოვდა, იგი უამრავ დროსა და ენერჯიას უთმობდა ადამიანებთან ურთიერთობას. ყოველი დამწყები ხელოვანისთვის კი სახელმძღვანელო ოსტატთან შეხვედრა და კონსულტაცია ნებისმიერი დიდი კულტურის მქონე ქვეყნის უმაღლეს სკოლაში მიღებულ ინფორმაციას უტოლდებოდა.

ბედნიერი შემთხვევის წყალობით, ელენე ახვლედიანთან გაცნობისა და მასთან საქმიანი, შემოქმედებითი ურთიერთობის სიხარული შემდგომი თაობის თბილისელ სომეხ მხატვარს, გაიანე ხაჩატურიანსაც ხვდა წილად. მისი ბედისწერაც, ისევე როგორც ელენე ახვლედიანისა, თბილისი, მისი განუზომელი სიყვარული, მისი სულის ფერწერულ ტილოებსა თუ გრაფიკულ ნამუშევრებში პლასტიკურ ფორმებად და ფერთა შეუზღუდავ გამად გარდასახვა აღმოჩნდა.

ხელოვნებათმცოდნე ციალა ყიფიანიმა, რომელიც იმხანად თვითნასწავლი მხატვრების შემოქმედებით იყო გატაცებული და ექსპოზიციებს ხშირად მართავდა, ყველასათვის უცნობ ახალგაზრდა დამწყებ მხატვარს, გაიანე ხაჩატურიანს, განსაკუთრებული სიბოძის, პატივისცემისა და თანადგომის ნიშნად, როდესაც ჰკითხა, ვისთვის ისურვებდა თავისი ნამუშევრების ჩვენებას, ლადო გუდიაშვილისა თუ ელენე ახვლედიანისათვის? გაიანემ არჩევანი უყოყმანოდ ელენე ახვლედიანზე შეაჩერა. მიუხედავად იმისა რომ, როგორც თავად ხშირად ამბობდა, “ლადოს აღმერთებდა”, ისიც გავიანილი ჰქონდა, რომ დიდებული შემოქმედი ზედმინვენით კეთილი და გულმონყალე იყო და დამწყები მხატ-

ვრებისთვის საქებარ სიტყვებს არ იშურებდა. ამიტომაც შესაძლოა, ობიექტურობა ვერ გამოეჩინა. მას კი მკაცრი და პირუთენელი “მსაჯული” სჭირდებოდა, რომელიც სიმართლეს, რაც უნდა მწარე ყოფილიყო, არ დაუმალავდა, ყოველივეს დაუფარავად ეტყოდა და სასარგებლო რჩევებსაც მისცემდა.

შეხვედრა წინასწარ დათქმულ დროს, პეროვსკაიას ქუჩაზე, ელენე ახვლედიანის ბინა-სახელოსნოში შედგა. ელენე ახვლედიანის გამოცდილ, მახვილ თვალს არ გამოპარვია ახალგაზრდა მხატვრის ბუნებით ბოძებული ტალანტი, თავისებური ხელწერა, დიდი პოტენციალი და ნება დართო, დროგამოშვებით მისთვის ახალი ნამუშევრები ეჩვენებინა.

გაცილებსასა კი ასეთი სიტყვები დაადევნა: “კომპოზიციაში ძალზე ძლიერი ხართ. მაგრამ ზედმეტად ემოციური და მგრძობიარე ჩანხართ. ამ თვისებას უნდა შეებრძოლოთ, დაიმახსოვრეთ, ნამდვილი მხატვრები მხოლოდ ეგოცენტრისტები ხდებიან”.

იმ დღიდან გაიანეს პერიოდულად, თვეში ხან ორჯერ, ხანაც ერთხელ, მოგვიანებით კი ორ თვეში ერთხელ მიჰქონდა ელენესთან თავისი სურათები და, მიუხედავად იმისა, რომ მათ შორის კეთილი, საქმიანი ურთიერთობა ჩამოყალიბდა, ყოველ შეხვედრაზე, “განაჩენის” მოლოდინში ემოციური გოგონა შიშისაგან ცახცახებდა.

ოსტატისა და შეგირდის შემოქმედებითი ურთიერთობა თითქმის მთელი ათი წლის მანძილზე გაგრძელდა. სიცოცხლის ბოლოს, 1975 წელს, გარდაცვალებამდე ერთი დღით ადრე, თითქოს მხატვრის მიღწევებს აჯამებდნენ, ელენემ მისი შემოქმედება ასეთი სიტყვებით დაახასიათა: “გაიანე ნამდვილი ხელოვანი, ნამდვილი ოსტატია”. მეორე დღეს კი, როდესაც ძვირფასი მეგობრისა და დიდი მხატვრის ლადო გუდიაშვილის გამოფენას ხსნიდა, მიკროფონით ხელში ჩაიკეცა და მალე სული დალია.

გაიანეს მთელი სიცოცხლე გაჰყვა ელენე დმიტრიევნასადმი უდიდესი მოწინებისა და თაყვანისცემის განცდა.

1967 წლის 8 მარტის ერთ სუსხიან, ქარიან დღეს გაიანემ ელენე ახვლედიანს დილის ათ საათზე ჩვეულებისამებრ დაურეკა, ქალთა დღესასწაული მიულოცა და შეხვედრის დანიშვნა სთხოვა. მხატვარმა გაიანეს დაუყოვნებლივ მისვლა და საუკეთესო ნამუშევრების მიტანა ურჩია, აუხსნა, რომ ძალზე საინტერესო სტუმრები ჰყავდა და უნდოდა მათთვის ეჩვენებინა. ისე კი არ დაუკონკრეტებია, ვინ იყვნენ “საინტერესო სტუმრები”, მასთან რომ დილაადრიან მოეყარათ თავი.

იმხანად გაიანე არ იცნობდა კიევში მოღვაწე თბილისელ რეჟისორს, სერგო ფარაჯანოვს. ერთადერთი, რაც მისი ფილმებიდან ჰქონდა ნანახი, დოკუმენტური სურათი “კიევის ფრესკები” იყო, რომელმაც მონუმენტური ფერწერით გატაცებულ ახალგაზრდა მხატვარზე წარუშლელი



გაიანე ხაჩატურიანი

შთაბეჭდილება მოახდინა, რეჟისორთან შეხვედრაზე მაშინ ვერც კი იოცნებებდა.

ელენე ახვლედიანთან უამრავი ხალხი შეკრებილიყო. გაიანემ მაგიდაზე იდაყვებდაყრდნობილ ქალში ცნობილი მსახიობი სოფიკო ჭიაურელი შეიცნო. სოფიკოს ულამაზეს თეთრ სახეს შავი ნაქსოვი ჩაფხუტი ამშვენებდა და მეტ მიმზიდველობას სძენდა. მსახიობის წინ ბომბონიერის დიდი ყუთი იდო, საიდანაც გატაცებით შეექცეოდა შოკოლადს და, არათუ ვილაც უცხო გოგოს, სტუმართაგან ვერავის ამჩნევდა. ასე მხოლოდ რალაც ძალზე დიდისა და მნიშვნელოვანის მოლოდინში ღელავენ. მოულოდნელად გაიანემ თავი მისთვის სრულიად უცხო საზოგადოებაში ამოყო.

უცხოობის ეს განცდა მხატვარს სიცოცხლის ბოლომდე გაჰყვა. მიუხედავად არაერთი შესაძლებლობისა, ამ ამქარში ვერასოდეს ჩაენერა, რადგანაც მარტოობის, ასკეზის გზა აირჩია. თავის პანია ოთახში იჯდა და ბეჯითად საზღვრავდა მიკროსამყაროს, რომლის კარიბჭეზე დაკაკუნებასა და შიგ შეღწევას ყველა ვერ ბედავდა, ანდა ვერ ახერხებდა...

გაიანეს უცნობ ადამიანებთან თითოეული შეხვედრა, გარემოს აღქმისა და განცდის სიმძაფრით, ლამის გლადიატორის არენაზე გასვლას ემსგავსებოდა. მაშინაც ასე იყო. მღელვარებისგან ხელეუბნი უკანკალებდა, ჩქარობდა, თოკს ეჭიდებოდა, მაგრამ ვერა და ვერ ხსნიდა. ელენე დემიტრიევნას გამოცდილ თვალს არ გამოპარვია, რაც იმწუთებში გაიანეს თავს ტრიალებდა, მიუახლოვდა, სურათების დასტას ხელი შეაშველა და ერთობლივად როგორღაც შეძლეს საგულდაგულოდ შეკრული ნამუშევრების გახსნა. გაიანემ სურათები დასათვალისწინებლად მოსახერხებელ ადგილას განალაგა და სუნთქვაშეკრული და სიმითხრე დაჭიმული უჩუმრად იქვე კუთხეში მდგომ სკამზე ჩამოჯდა.

მაგრამ საკუთარ პრობლემებსა და ფიქრებში გართულ სტუმრებს, ჩანდა, სურათებისთვის არ ეცალათ. მათი შეკრების მიზანი აშკარად სხვა, მათთვის გაცილებით სერიოზული და საპასუხისმგებლო რამ იყო. ეს ხალხი ელენესთან სერგო ფარაჯანოვის იდეს, “წითელი ბრონეულის” ხორცშესასხმელად შეკრებილიყო და რეჟისორის მოსვლას მოუთმენლად ელოდა. ფილმს ელენე ახვლედიანის ბინაში ეყრებოდა საფუძველი და “ბრონეულის ფერის” მთავარ გმირზე, საიათნოვაზე დამტკიცებულ მსახიობ ქალს, სოფიკო ჭიაურელს მღელვარების სერიოზული მიზეზი მართლაც ჰქონდა.

დაძაბული დუმილი ერთბაშად ზარის წკრილმა დაარღვია. მოსამსახურემ კარი გააღო და საშუალო სიმაღლის, ტყავის ქურთუკში გამოწყობილმა, ჩაფსკენილმა მამაკაცმა წინკარში ხმაურით შეაბიჯა: “მთელი მალაზიები შემოვიარე ელიჩკა, შენთვის რომ საჩუქარი მეყიდა, მაგრამ ყველაფერი დაკეტილი დამხვდა. თუმცა გული არ დაგწყვიტე და უსაჩუქროდ არ დაგტოვე. სასტუმროს ნომრიდან სარკე მოვიპარე და წამოგიღე”, — გაისმა მამაკაცის სიცოცხლარევი ხმა. ხმას შიგა და შიგ ქალაღდის შრიალი ერთვოდა. ჩანს, სერგო შეფუთულ სარკეს ქალაღდებისგან ათავისუფლებდა. როგორც კი ნადავლი გააშიშვლა და ოთახში შეაბიჯა, თვალი ერთბაშად სურათებისკენ გაექცა და თითქოს სუნთქვა შეეკრაო, წამით გაშეშდა, მერე კი ძძიმედ ამოთქვა: ეს საოცრებები ვინ დახატა?

ელენემ აუხსნა, რომ სურათები ერთ თბილისელ სომეხ გოგოს ეკუთვნოდა, რომელიც ახლა მასთან იმყოფებოდა.

სერგო მიბრუნდა, კუთხეში მიყუჟულ გოგოს დააკვირდა და ჰკითხა: მართლა შენ შექმენი ეს საოცრება? — დაბნეულობისგან გაიანემ ძლივს მოახერხა ეპასუხა. კმაყოფილებისა და პატივისცემის ნიშნად ფარაჯანოვმა მხატვარს გასაცნობად ხელი გაუწოდა და გოგომ რომ მაგრად ჩამოართვა, შეჰყვირა: ხალხო, ამას რას მოვესწარი, ასეთი ძლიერი ხელი ჯერ არ შემხვედრია!.. — მერე სტუმრებს მიუბრუნდა, აქამდე კუთხეში მჯდომ უცნობს რომ ვერ ამჩნევდნენ და ყველანი აიძულა, მისთვის ხელი ჩამოერთმიათ. — ასეთი სხვა ნამუშევრებიც გაქვს? — იკითხა თავისი აღმოჩენით ბედნიერმა სერგომ და როცა დადებითი პასუხი მიიღო, ელენემ, მათ დიალოგს ყურადღებით რომ უსმენდა, გაიანეს სამი მანეთი მისცა, ტაქსით რომ წასულიყო და სხვა ნამუშევრებიც მოეტანა, თან გააფრთხილა: იცოდეთ, არ დაავგიანო, ნახევარ საათში გადიან!

სერგოს ახალი საზრუნავი გაუჩნდა. ბობოქრობდა. ხელეუბნს იქნევდა, ხან ერთ სურათს ასწევდა და აკვირდებოდა, ხან მეორეს, თან იმეორებდა: ახლავე წავიღებ ამ სურათებს ერევანში და გამოფენას მოვანყო, ეს ნამუშევრები ყველამ უნდა ნახოსო.

მან მართლაც იმავე დღეს წაიღო ერევანში გაიანეს სურათები და ქალაქის ცენტრში, ერთ-ერთ ახალგახსნილ კაფეში გამოფინა, სადაც უამრავი ხალხი იკრიბებოდა.

სომეხმა მხატვრებმა ეჭვის თვალით შეხედეს თბილისიდან ჩამოსული ახალგაზრდა მხატვარი ქალის უცნაური სურათების გამოჩენას. მათთვის მიუღებელი აღმოჩნდა ნამუშევრები, რომლებიც სოცრეალიზმთან ხომ ახლოსაც არ იდგა, მაგრამ მათთვის ნაცნობ არც ერთ სხვა მიმდინარეობასაც არ ჰგავდა. ჩანს, გაიანეს ნამუშევრებს ვერაფერი ვიღაც და სერგოს უსაყვედურეს კიდევ: რად გინდოდა ამ გოგოს გოგოს ქურთული ნამუშევრები რომ ჩამოკიდე, როცა ჩვენ აქ ამდენი ნიჭიერი ახალგაზრდა გყავს!

პირველი, სახელდახელოდ მოწყობილი პერსონალური გამოფენის წარუმატებლობა გაიანესთვის, წესით, ძალზე დიდი, სერიოზული დარტყმა უნდა ყოფილიყო. სერგომ ეს მშვენივრად იცოდა, მაგრამ მაინც დაწვრილებით უამბო ყველაფერი და ასეთი სიტყვებით დაამშვიდა: არ გენყინოს, იქ შენ ვერ გაგიგეს, მაგრამ, გთხოვ, ხატვას თავი არ დაანებო, მე თუ მენდობი და გჯერა ჩემი, იცოდეთ, ნამდვილი მხატვარი ხარ!

გაიანე პირველმა წარუმატებლობამ ვერც დააფრთხო და ვერც შეაჩერა, უფრო მეტი მონდომებით განაგრძო მუშაობა. იგი აღსაესე იყო ახალგაზრდული ენერჯითა და რწმენით, რომ შემოქმედებითი წარმატების ხანა მის ცხოვრებაში უსათუოდ დადგებოდა. ელენე ახვლედიანის სახელოსნოში შემდგარი სერგოსა და გაიანეს გაცნობა მალე დიდ მეგობრობაში გადაიზარდა. სერგო ფარაჯანოვთან გაიანეს კიდევ არაერთი საინტერესო და უჩვეულო შეხვედრა ელოდა.

გაიანე ბევრს კითხულობდა, ბევრს სწავლობდა და საკუთარ შემოქმედებით ლაბორატორიას დღითიდღე ახალი იდეებით ამდიდრებდა. დღე არ გავიდოდა, რომ თბილისის ხელოვნების სახელმწიფო მუზეუმს, ბლოკნოტითა და ავტომატური საწერკალმით შეიარაღებული არ სწევოდა. მუზეუმში მისთვის შესანიშნავი სკოლა იყო, სადაც მაღალი შემოქმედების საიდუმლოებებს ითავისებდა. განსაკუთრებ-

ბით ფრესკების განყოფილება იზიდავდა. მაგრამ ფრესკების ზუსტ ასლს როდი აკეთებდა, ქალაქში საკუთარი შთაბეჭდილებანი, სათანადო კომენტარის თანხლებით, გადაჰქონდა. გამორჩევით დავით გარეჯის ფრესკები იზიდავდა, რადგანაც ისინი საოცარი დინამიურობითა და მაღალი სულიერებით მხატვარში შემოქმედებით იმპულსს აღრმავებდა. გაიანეს ფერმწერად ჩამოყალიბებაზე შუა საუკუნეების ქართულმა მონუმენტურმა მხატვრობამ — ისევე როგორც სომხურმა მინიატურამ — უზარმაზარი გავლენა მოახდინა. მის ფერწერულ ტილოებსა და გრაფიკულ ნამუშევრებში აღბეჭდილი კომპოზიციის განცდა და ხედვის თავისებურება, ფიგურების დინამიურობა და პლასტიკა სწორედ დავით გარეჯის ფრესკებიდან იღებს სათავეს, რაც მხატვარს თვითონაც არაერთხელ აღუნიშნავს. იქვე, მუზეუმში მე-19 საუკუნის განყოფილებასაც ხშირად სტუმრობდა, სადაც ცნობილ ოსტატთა ნამუშევრებიდან განსაკუთრებით ფიროსმანისა და ფერწერის თბილისური სკოლის წარმომადგენლის, ოვნათანიანის ხელწერა ხიბლავდა, ისევე როგორც საინტერესო ერთიანობა საფრანგეთში მოღვაწე და სამშობლოში დაბრუნებული უნიჭიერესი მხატვრებისა, ავანგარდიზმის ფორმირებაში საკუთარი წვლილი რომ შეიტანეს და ადამიანები სამყაროს შინაგანი ბუნების ორიგინალურ აღქმას აზიარეს.

წლების მანძილზე გაიანეს ჩანთაში მოზრდილ ბლოკნოტსა და ავტოკალამს საპატიო ადგილი ჰქონდა დათმობილი და უამრავი ჩანახატი და ჩანაწერი დაუგროვდა.

ერთხელ, სერგოს გაცნობის წელს, შთაბეჭდილებებით აღსავსე და დაღლილი გაიანე ხელოვნების სახელმწიფო მუზეუმიდან გადიოდა და შინ, ავადმყოფ დედასთან მიიჩქაროდა. მოულოდნელად კარებში სერგო ფარაჯანოვს შეეფეთა. შეხვედრით გახარებულმა სერგომ ხელის ჩამორთმევა მოინდინა, მაგრამ გაიანემ დილიდან მუზეუმის სხვადასხვა განყოფილებებში მუშაობისგან მეღნიტ დასვრილი ხელი ზურგსუკან დამალა. სერგო მიხვდა, გოგონა ასე რატომ მოიქცა და დამამეცა: ეგ არაფერი, ჩამომართვი, მინდა, შენი ხელი ჩემსაზე აღიბეჭდოსო — მერე კი კმაყოფილმა, დასვრილი ხელი ასწია, ხუთი თითი ჰაერში შეათამაშა და კვლავ გაიანეს მიუბრუნდა: სტუმრები მყავს ერევნიდან, ხვალ მცხეთაში მივდივართ, შენც უნდა წამოხვიდე. აუცილებლად უნდა იყო, დილით ვიკრიბებით, მანქანით აქ, მუზეუმის წინ დაგელოდებით, იცოდე, არ დამალალატო, უსათუოდ მოდიო — სთხოვა და სწრაფად გაშორდა.

მეორე დღეს მუზეუმის წინ, დათქმულ დროს, ფურგონიანი მანქანა გაიანეს მართლაც დახვდა. მანქანაში ათი კაცი იჯდა და მას ელოდა. მალე გეზი მცხეთისკენ აიღეს. სვეტიცხოველს როგორც კი მიუახლოვდნენ, დაინახეს, შესასვლელში, გალავანთან უამრავ შავ მანქანას მოეყარა თავი. სერგო როგორც კი მანქანიდან გადმოვიდა, მაშინვე ლანძღვას მოჰყვა. ათას საშინელებას გაჰყვიროდა, არავის და არაფერს ერიდებოდა: ეს ბრიყვები, ჯერ სცოდავენი, მერე კი ინანიებენ და ლოცულობენ, სვეტიცხოველში დადიან! — მთელი ხმით გაიძახოდა. მეგობრები ტემპერამენტისანი მასპინძლის გაჩუმებას ცდილობდნენ, მაგრამ ვერ აოკებდნენ, ის თავისას მანაც არ იშლიდა. ერთი სიტყვით, ძლივს გადაურჩნენ მორიგ ფათერაკს. კიდევ კარგი, სვეტიცხოველის ტაძარში წირვა სრულდებოდა და სერგოს ხმა შიგნით ვერ აღწევდა.

სვეტიცხოველიდან სერგომ სტუმრები ჯვარზე აიყვანა. იქ თითქმის არავინ იყო და მეგობრებმა ფარაჯანოვს სთხოვეს, ემღერა. იცოდნენ, შესანიშნავი ტენორი ჰქონდა და ერთხანს კონსერვატორიაში ვოკალის ხელოვნებასაც ეუფლებოდა. ფარაჯანოვმა “ავე მარია” დაიწყო. ტაძრის იდეალური აკუსტიკა და იდუმალებით მოცული გარემო მის სიმღერას განსაკუთრებულ ხიბლს, რაღაც დიდი და მიუწვდომელი საიდუმლოს განცდას ანიჭებდა. ამ ფაქტმა გაიანეზეც ძლიერი შთაბეჭდილება მოახდინა და როდესაც სერგომ სიმღერა დაასრულა, სიმორცხვეს სძლია, მასთან მივიდა და სთხოვა, სიმღერის ნება მიეცა. სერგოს არაფერი სმენოდა ვოკალის სფეროში გაიანეს წარმატებებზე, მაგრამ მანაც უყოყმანოდ დათანხმდა.

გაიანეს აბსოლუტური სმენა და არაჩვეულებრივი ხმა ჰქონდა. მისი ძლიერი, ხვეწვადი კონტრალტო ყველას აოცებდა. მართალია, სპეციალური მუსიკალური განათლება არასოდეს მიუღია, ბავშვობაში მუსიკალურ სასწავლებელში კი ჩაირიცხა, მაგრამ ცხოვრების მძიმე პირობების გამო სწავლა ვეღარ გააგრძელა. მუსიკისადმი მისი გამორჩეული ლტოლვა კი ნაცნობ-მეგობრებისთვის კარგად იყო ცნობილი, განსაკუთრებით მეზობლებისთვის. მეორე სართულზე განთავსებული ბინიდან, რომლის ფანჯრები ბაქოს ქუჩაზე გამოდიოდა, ხშირად ისმოდა კლასიკური მუსიკის ჰანგები, რაც იმას ნიშნავდა, რომ ამ დროს გაიანე ხატავდა.

გაიანემ სიმღერა როგორც კი დაასრულა, აღფრთოვანებულმა მსმენელებმა მისივე ტაში დასცხეს. იმხანად ჯვარი მოქმედი ტაძარი არ იყო და ტაში არავის გაკვირვებია. სერგო გაიანესთან მივიდა, შუბლზე აკოცა და ამჟამად ახალი, სულ სხვა სამომავლო სტრატეგია დასახა: ნამდვილი მარიამ საზერლენდი ხარ. იცოდე, ხატვას თავი დაუყოვნებლივ უნდა დაანებო. მე ყოველმხრივ ხელს შეგიწყობ, ერევანში წაგიყვან, კონსერვატორიაში ჩააბარებ და მთელ მსოფლიოში სახელგანთქმულ მომღერალს გაგხდით.

მთელი გზა მცხეთიდან თბილისამდე ამ განწყობით იარეს. გაიანე სერგომ თითქმის დაითანხმა კიდევ მეორე დღესვე ერევანში წასვლაზე, მაგრამ როგორც კი მანქანა თბილისის მიუახლოვდა, გოგონა ფარაჯანოვს მიუბრუნდა და მტკიცე უარი განაცხადა: მაპატიეთ, სერგო იოსიფოვიჩ, ერევანში ვერ წამოვალ, არ მინდა სიმღერა, მე მხოლოდ ხატვა მნადია. მაგრამ სერგო არ ცხრებოდა, არ ეშვებოდა: აქედან პირდაპირ ელიჩკასთან წავალთ, ისიც მოგისმენს და თავისას იტყვისო.

სერგოს ეიოლებოდა სხვათა ცხოვრების საჭის შებრუნება, მის ცნობიერებაში ღრმად გაედგა ფესვები აზრს, რომ ყოველივე იმ მთავარი რეჟისორის მდიდარ ფანტაზიასა და ძლიერ წარმოსახვას ექვემდებარებოდა. ამჯერად ეს რეჟისორი თვითონვე იყო და რაღაც ახლისა და განსხვავებული ნაყოფი არ ასვენებდა, მისი შემოქმედებითი ჟი-ნი არა და არ ცხრებოდა.

მცხეთიდან პირდაპირ ელიჩკასთან შეიარეს. ელენე საგანგებოდ გამოწყობილიყო და, მოსკოველ მეგობრებთან ერთად, კონსერვატორიაში მიიჩქაროდა. სერგოს არაფრის გაგონება არ სურდა: კონსერვატორიაში რა გეგმაქმება, ახლა ისეთ რამეს მოგასმენინებ, გაგიყდები, ასეთ ხმას ვერსად მოისმენთ ვერც შენ და ვერც შენი სტუმრები, — დაბეჯითებით უმეორებდა.

— მელოდებიან, დაპატიუებული ვარ, — ნერვიულობდა და მუდარის ხმით გაიძახოდა ელიჩკა, სტუმრების ერიდებოდა, თანაც, ეტყობა, სერგოს წყენინებაც არ უნდოდა.

მაგრამ ფარაჯანოვს ასე იოლად ვინ გაუწევდა წინააღმდეგობას. თვით ელენეც კი, ვისაც ზედმეტ სიტყვას ვერავინ უბედავდა, სერგოს გადანყვებულების წინაშე უძლეური აღმონჩნდებოდა ხოლმე და მის მოთხოვნას უსიტყვოდ ემორჩილებოდა. ამჯერადაც დაჯდა და დაელოდა. კარგად იცოდა, ის თუ რამეს აიკვირებდა, აზრს მამაზეც იერიც ვერ შეაცვლევინებდა, თანაც სიმღერისადმი მას განსაკუთრებული დამოკიდებულება ჰქონდა, ბავშვობაში მომღერლობაზე ოცნებობდა.

ფარაჯანოვმა გაიანე სლაიდების საჩვენებელ ეკრანთან დააყენა. მღელვარებისგან გაფითრებული გოგო ადგილს ვერ პოულობდა, სიმღერას ვერ იწყებდა, საკუთარ ხმას ვეღარ ფლობდა, ვერაფერს უხერხებდა. მოლოდინით გამოწვეული დაძაბულობა და დუმილი თავგზას ურევდა. ასე დიდხანს ვეღარ გაგრძელებოდა. გრძობდა, მოსასმენად განწყობილთაგან ვიღაცის მოთმინების ძაფი უსათუოდ განწყებოდა.

გამოსავალი ისევ თვითონ იპოვა, ეკრანის უკან დადგომა ითხოვა და, როგორც კი სერგომ მარჯვე ადგილი შეურჩია, სტუმრების მზერას გარიდებულმა, თავისუფლად ამოისუნთქა და სიმღერას შეუდგა.

ერთი მელოდია დასრულდა და მსმენელებმა მეორის მოსმენა ისურვეს. მეორეს მესამე მოჰყვა და სახელდახელო „კონცერტი“ თითქმის ერთი საათი გაგრძელდა. ელენემ კონსერვატორიაში წასვლა გადაიფიქრა და მზად იყო, სერგოს მიერ აღმოჩენილი ამ ახალი საოცრებისთვის დაუსრულებლად ესმინა. მით უმეტეს, რომ ბავშვობაში თავადაც მომღერლობაზე ოცნებობდა და შესანიშნავი ხმა ჰქონდა.

არაჩვეულებრივი ხმით, უშუალოდ, მუსიკალობითა და განცდის სიღრმით გაიანემ დამსწრე საზოგადოება, რომელთა შორის პროფესიონალი მუსიკოსებიც იყვნენ, ერთბაშად დაატყვევა. — მარიამ საზერლენდის ხმა აქვს, — დაასკვნა ელიჩკამ.

სერგო და მისი გუნდის წევრები ელენე ახვლედიანს დაემშვიდობნენ და იქვე, პეროვსკაიას ქუჩასთან ახლოს მდებარე სასტუმრო „ივერიისაკენ“ გასწიეს, სადაც კიევიდან დაბრუნებული ფარაჯანოვი ოროთახიანი ლუქსში ცხოვრობდა. რეჟისორს სასტუმროში უამრავი ხალხი ელოდა. მისი დავალებით „ბრონეულის ფერისთვის“ სხვადასხვა ნივთები მოეტანათ და სარფიანი გარიგების მოლოდინში მოთმინებით უცდიდნენ, როდის გამოჩნდებოდა. სასტუმროს კარი როგორც კი შეაღო, სერგომ მაშინვე იყვირა: ესენინი მიპოვეთ, სად არის ესენინი, ახლავე აქ გაჩნდეს, გადაუდებელი საქმე მაქვს. — მამაკაცი, ფარაჯანოვმა ესენინი რომ შეარქვა, კორიდორის მორიგე, ქერა, ცისფერთავლება ლამაზი ახალგაზრდა აღმოჩნდა. ყველანი მაშინვე დაფაცურდნენ, ძლივს იპოვეს და სერგოს მიჰგვარეს. — ხელი არავინ შეგვიშალოს, მე, გაიანე და ესენინი ოთახში ვიქნებით და ნივთებს გადავარჩევთ, დროებით უნდა დაგვტოვოთ, — გააფრთხილა მეგობრები სერგომ. ტყავის ქურთუკში გამოწყობილი, სანოლზე შემომჯდარი და ნივთების თვალყურებაში გართული ფარაჯანოვი პუგაჩოვს ჩამოჰგავდა. თან ნივთებს აქეთ-იქით დებდა, თანაც ათასგვარ ამბავს ჰყვებოდა. უცებ, რატომღაც, თავისი პატარაობა გაიხსენა და ბავშვით ატირდა. თან ლაპარაკობდა,

და, თანაც გაუთავებლად ტიროდა. ამ ტირილსა და ვივიში რომ იყო, კარზე კაკუნი გაისმა. სერგომ ცრემლი ცხვირსახოციტ შეიმშრალა, კარი გააღო და ოთახში უცნობ მოხუცს შეუძღვა, რომელსაც დიდი ჭრელი სპარსული ხალიჩა ამოელლიავებინა. სერგომ ხალიჩა გამოართვა და ხელოვნების ულამაზესი ნიმუში მაგიდაზე რომ გაშალა: ვაშლი, ვაშლი მჭირდება, აქვს აქ ვინმეს ერთი ცალი ვაშლი? — დაიძახა. მალე მართლაც ერთი წითელლოყება ვაშლი საიდანლაც გააჩინეს და როცა სერგომ თავისი ჯადოსნური ხელით, გარკვეული მიმართულებითა და სიჩქარით ვაშლს ხალიჩაზე ადგილი მიუჩინა, ერთ წამში გარემომ უცნაური ფერიცვალება განიცადა, თანამედროვე, ორდინარული ინტერიერი სრულიად გადასხვაფერდა. თითქოს თვალშეუდგამი მშვენიერება საიდანლაც ვულკანივით ამოიფრქვა და იქაურობას შუა საუკუნეების ორნამენტებით დამშვენებული გამჭვირვალე აბრეშუმივით გადაეფარა. წამით ყველა შეჩერდა, თითოეულის სუნთქვას გაიგონებდით, ისეთი სიჩუმე ჩამოვარდა. დუმილი ისევ სერგომ დაარღვია, მოხუცს ხალიჩაში დიდძალი ფული გადაუხადა და გაისტუმრა. ნივთების შერჩევის პროცესმა დიდხანს გასტანა. უკვე ძალზე გვიანი იყო. გაიანემ სერგოს აუხსნა, რომ შინ, დედასთან ერქარებოდა, მოუბოდიშა და ოთახიდან გავიდა.

სერგო წამოხტა და გაიანეს გაედევნა. სასტუმროს გრძელ დერეფანში თმაგაშლილი ქალი თავქუდმოგლეჯით გარბოდა. ისეთი სისწრაფით მირბოდა, შეუძლებელია, ვინმე დასწვოდა. კარგა დიდი მანძილი რომ გაირბინა, სერგომ, თითქოს ვიღაცამ გულში დანა გაუყარაო, განწირული ხმით შეჰყვირა: გაიანე! — გაიანე წამით შეტრუნდა, შეჩერდა და ახლა ისეთივე სისწრაფით სანინაღმდეგო მიმართულებით, ფარაჯანოვისკენ მოკურცხლა. ორდესაც მიუახლოვდა, სერგომ გაიანეს უზადო თავი ორ ნიჩაბივით ხელის მტევანში მოიმწყვდია, ულამაზეს თვალელებში ჩახედა და მტკიცე ხმით უთხრა: იცოდე, ცხოვრებაში არავის იმედი არ უნდა გქონდეს, მხოლოდ შენ თავს დაეყრდენი. შენ ძალიან ძლიერი ხარ. მე რომ მოსკოვში წავედი, მარტო ერთი თევზი მქონდა. თუკი დღეს სერგო ფარაჯანოვი ვარ, ეს მარტო ჩემი დამსახურებაა. ყურადღება არავის მიაქციო, მხოლოდ იმუშავე, რაც შეიძლება ბევრი ხატე! — მერე შუბლზე ემთხვია და დაემშვიდობა.

უკვე კარგა გვარიანად ჩამობნელებულიყო. გაიანე ვერის ხილზე გარბოდა. ახალგაზრდა ქალის თმასა და ფართე მოსასხამს მტკვრიდან მონაბერი ქარი აქეთ-იქით არხევდა და პარაშუტივით შლიდა. თითქოს მისი სუსტი სხეული საცაა ზევით, ზეცისკენ გაფრენას ლამობდა. გაიანე შინ, დედასთან და თავის სურათებთან მიიჩქაროდა. კარგა ხანია, რაც ისინი ასე დიდხანს აღარ მიუტოვებია. ნერვიულობდა, და განცდა, რომ იმ ერთ დღეში შინ აუცილებლად რაღაც საშინელება დატრიალდებოდა, არა სტოვებდა. გულს ბაგა-ბუფი გაჰქონდა, ათასგვარი უცნაურობა ელანდებოდა: აი, დედა სანოლიდან გადმოვარდა და ვეღარ ახერხებს ლოგინზე ასვლას, საჭმელი და წყალი გაუთავდა და შიმშილისა და წყურვილისგან გული მისდის. ფანჯრიდან ვიღაც გადმოძვრა და მის სურათებს ადგილს უცვლის. მარჯანიშვილის მოედანზე მარცხნივ გაუხვია და მთელი პლენანოვი ნუთში გადასერა. გული ყელში ებჯინებოდა. კიბეზე აირბინა და როგორც კი ოთახის კარი შეაღო, დედამ მშვიდად შეაგება: რატომ ირბინე, ასე რატომ ინერვიულე, ხომ დაიბარე, რომ შეგავგვიანდებოდა.

საბა სულხანიშვილი

დათა მიქელაძე — სპექტაკლის გმირადაც

არაერთხელ გამხდარა სადავო – გამართლებულია თუ არა მოთხრობის ან რომანის ინსცენირება სპექტაკლის დასადგმელად.

მონინალმდეგეთ ის საბუთი მოაქვთ, ინსცენირება რეპერტუარს ავსებს, ეგაა და ეგ, თორემ დრამატურგიის განვითარებას ოდნავადაც ვერ შეეწევაო. ეს მართლაც ასეა და თეატრი არც უნდა მიენდოს მარტოდენ ინსცენირებებს, სწორედ უსამართლოდ მივიწყებული პიესები უნდა ეძიოს და ახალ დრამატურგიულ ნიმუშთა შექმნაზე იზრუნოს... მაგრამ ინსცენირების გარეშე რომ ვერ გადაჩება, ესეც აშკარაა.

რაც შეეხება მხატვრულ-დოკუმენტური ყაიდის დადგმებს – ანუ: პოლიტიკურ თუ პუბლიცისტური მიმართულების დაარსება-განმტკიცებას – უმთავრესად სწორედაც ინსცენირებებს უნდა დაეყრდნოს. ჟანრული თავისებურება თავისთავად მოითხოვს ამას, თუმც ამჯერადაც უნდა შეეცადნონ რეჟისორები, გაზარდონ პოლიტიკური დრამატურგები.

აუცილებელია, რომ ეს მიმართულება ხელშესახებად გამოიკვეთოს და ცალკეულ დადგმათა იმედად არ დავრჩეთ.

ამ თვალთ ვუყურებდით 10 აპრილს ქუთაისის თეატრის სცენაზე **ელგუჯა თავბერიძის** რომანის – „**ნისლის ტიხარი**“ – გასცენიურებულ ვერსიას, რეჟისორის – **ალეკო ტოროჭაძის** – პროფესიულ ნამუშევარს, ახალგაზრდების – **ნიკა პაიქიძე, შალვა კამლაძე, ალექო ლომთაძე, გივი ავალიანი** – საკმაოდ მომნიფებულ თამაშს, აზრობრივად ღრმად დატვირთულ და სანახაობრივად შთამბეჭდავ ნარმოდ-გენას. ნურც გამოცდილი ქორეოგრაფის წვლილი გამოვტოვებთ – **აკაკი ფუტყარაძისას**; და ნურც ახალგაზრდა მუსიკოსებისას – **ალექსანდრე გეგუშიძის, დავით ლომჯანიძისა და ოთარ ლორთქიფანიძის**.

სპექტაკლის საუკეთესო სცენა მაინც დათა მიქელაძისა და გუბერნატორის შეჯახებაა, რასაც მსახიობები დიდი შინაგანი დაძაბულობით წარმოსახავენ. ინსცენირებისა და რომანის ეს ეპიზოდი ეყრდნობა **იონა მეუნარგიას** მონათხრობს, თუ როგორ არ იკმარა მეველემ კირიონის დევნის შეწყვეტისა და საქართველოს ეკლესიის დამოუკიდებლობის აღდგენის მოთხოვნა და ქვეყნის ავტონომიაც მოითხოვა.

ელგუჯა თავბერიძემ ისე გაშალა მწვავე დიალოგი, შთაბეჭდილება გრჩება, რომ სტენოგრაფიულ ჩანაწერს კითხულობ. და ეს იმიტომ, რომ ეპოქის სულსაც ღრმად გრძნობს და თავის გმირს თითქოს თვალდათვალაც შეჰყურებს.

ურუსეთოდ დაჭამთ, ყელს გამოჭრით, უმტრობთ, სამარეს გაუთხრით ერთმანეთს, ჩვენ გაჩერებთ, გაბრკოლებთ, გგონიათ, ამნაირებით იმპერიის ძლიერებას შეარყევთ? –

მრისხანებს ადამ სლოვაჩინსკი, რის პასუხსაც დათა მიქელაძე მშვიდად შეაგებებს:

– ქართველებს რომაელების, სპარსელების, მონღოლების, თურქების და სხვათა ბატონობა გადაგვიტანია, თქვენს ბორკილებსაც მოვისვრით ოდესმე, ნუ გგონიათ, დიდი ერი ხართ...

ერთადერთი, რაც გულს დაგვაკლდა – მოქმედ პირთა შორის ქალის არყოფნაა.

მითუმეტეს, ქუთაისის თეატრალურ დასს არ აკლია ლამაზმანები.

და კიდევ მითუმეტეს – ალექსანდრე ნულუკიძისა და დათა მიქელაძის სისხლიანი ორთაბრძოლა ძალაუნებურად მოითხოვდა ქალის გამოჩენას. ის დაუნდობელი შეხლა-შემოხლა ხომ ქალის გულის დაუფლების ნადილმა გამოიწვია და ბარემ მაყურებელმა ბოლომდე განიცადოს ამ ეპიზოდის დრამატული სიღრმე.

შესაძლოა ქორეოგრაფის ჩარევაც გახდეს საჭირო... შესაძლოა კი არა, სწორედაც აუცილებელია, რომ იმ ორთაბრძოლის უნებლიე შთამაგონებელმა ჩვეულებრივი ნაბიჯით არ გადაკვეთოს სცენა და მისი ჩაშრიალება მომხიბლავ სურათად დააჩნდეს დადგმას, რომელსაც ავტორისა და რეჟისორის დიდი თავმდაბლობის გამო ჰქვია ლიტერატურული კომპოზიცია და რაც მალე ჩამოაშორებენ ამ შეუფერებელ ჟანრობრივ განსაზღვრებას, მით უკეთესი.

ამას რომ ინამებენ, სპექტაკლის დასაწყისიც უფრო დინამიური გახდება, სწორედაც დრამატურგიული ნიმუშის შესაფერისი.

და ქალი თვალს რომ მიეფარება და თან ნაიყოლებს ყველას მზერას, ალტაცებისაგან პირველად დათა მიქელაძე უნდა გამოერკვეს და რაღაც ამგვარი დასცდეს: ასეთი ქალის გულისათვის მძიმე ჭრილობები რა არის, სიკვდილსაც გულმშვიდად შეეგებები კაციო!..

შენიშვნები შესაძლოა სხვაც გაჩნდეს და ისიც მხოლოდ კიდევ უფრო სრულყოფის სურვილით. ვითვალისწინებთ იმასაც, რომ პრემიერიდან რამდენიმე წარმოდგენამ უნდა ჩაიაროს, რათა მსახიობები უფრო გაუმინაურდნენ და მოერგონ თავთავიანთ როლს.

ხომ არ დარჩება ეს წარმატებული პრემიერა მარტოდენ მომხიბლავ გაელვებად, დროდადრო რომ გამოანათებს და, როგორც იმ დღეს, სხვა დროსაც მაყურებელს სულის სარგოს მიაწვდის, მაგრამ შესაფერისი გაგრძელება ვეღარ მოჰყვება სხვა დადგმების სახით?

არადა, ცოდონი არიან ასეთ სანახაობას მოწყურებული მოქალაქენი – განსაკუთრებით ახალგაზრდობა – ერთი სპექტაკლის ანაბარა დატოვო.



და თუ როდენ მონყურებულნი ყოფილან, პირთამდე გადაჭედელმა დარბაზმაც დაადასტურა.

თუ შესაფერისი ხელშეწყობა იქნა, ელგუჯა თავბერიძე არ მოაკლებს თეატრს ამ ყაიდის ნიმუშებს და, როგორც დათა მიქელაძე და მისი ეპოქა გაუცოცხლა ქუთათურებს, ისევე გაუცოცხლებს გიორგი შერვაშიძესა და სოლომონ აშორდიას და მათ ეპოქასაც, ათასგვარი დრამატიზმით აღსავსეს და მაყურებლის გულისყურის მიმტაცებელს ელგუჯას რანგის ბიოგრაფოსის ხელში, რეჟისორსა და მსახიობებს მრავალმხრივ საგულისხმო მასალას რომ აწვდის მათი უნარის სრულად წარმოჩენისათვის.

რალაც დიდი წამოწყების ნიშნები შეიმჩნეოდა იმდღევანდელ სპექტაკლში და დაე ეს ნიშნები რეალობად გადაიქცეს. წამოწყების – ესთეტიკურთან ერთად საგანმანათლებლო დანიშნულებასაც რომ მოიცავს.

პოლიტიკურ-პუბლიცისტური თეატრი ქართულ კულტურულ სივრცეში ამ ოცდაათი წლის წინათ დააფუძნა თინათინ ელბაქიძემ, შემდგომ ეს იდეა გაიმეორა კოტე მახარაძემ, ვისი გარდაცვალების შემდეგაც ეს ნაკადი სრულიად მიყრუვდა, რადგან თავის მხრივ აღარც ქალბატონ თინათინს გააჩნდა შესაფერისი გარემო თეატრის გაშლისათვის.

დიდი ხანი არ არის, რაც მან ხელახლა წამოიწყო ამ კუთხით მოღვაწეობა (მის შემაგულიანებლად და ჩინებულ დრამატურგიული მასალის მიმწოდებლად იოსებ ჭუმბურიძე წარმოგვიდგა) და მისი გამოსვლები უფრონალ „ჩვენი მწერლობის“ სალონსა და წიგნის მოყვარულთა

ასოციაციის დარბაზში იმედით ამიტომაც აღავსებდა პოლიტიკური თეატრის ბედზე მოფიქრალ ადამიანს.

და აგერ ქუთათურთა პუბლიცისტური დადგამაც. შემთხვევითი არ უნდა იყოს ზედიზედ გამოჩენა ერთი ნაკადის ორი ნაირსახეობისა თბილისსა და ქუთაისში.

იქნებ მართლაც შემთხვევითობაა და არა ღრმა კანონზომიერების არსებობაზე მინიშნება?

აღდგომა და ხვალეო. მითუმეტეს, აღდგომის წინა და ბრწყინვალე შვიდეულის დღეებში ხდებოდა გაცხოველებული მზადება „ნისლის ტიხარის“ წარმოსადგენად სცენაზე.

და ესეც საგანგებოდ უნდა ითქვას: დათა მიქელაძეს, ამ უბედო კაცს, ამჯერად გაუმართლა. ბიოგრაფიული რომანი ბიოგრაფიულ რომანად და აგერ სპექტაკლის გმირადაც წარმოდგა – მსახიობის ზუსტად მორგებული ტიპაჟის წყალობითაც და როლის ისე გათავისებობითაც ნიკა პაიჭიძის მიერ, რომ ლამის დათა მიქელაძე დაირქვას ცხოვრებაშიც.

მწვანეყვავილას სასაფლაოზე კი – სადაც ამ დიდებული პუბლიცისტისა, წინააღმდეგობის მოძრაობის თავგამოდებული მონაწილის, ილია ჭავჭავაძის ერთგული თანამებრძოლის ნეშტი განისვენებს – მხოლოდ ელგუჯა თავბერიძე და ორი-სამი ადამიანი აღარ ივლის საფლავის ყვავილებით შესამკობად და პანაშვიდის გადასახდელად.

უკვე ბევრი ქუთათური – და არამარტო ქუთათური – დაიგულებს იმ ადგილს თავისებურ საკულტო ნიშად.

იოსებ ჭუმბურიძე

ქუთაისიდან წყალტუბოში გაფანტული ნისლი

**დღე პირველი:
მეველის ცხოვრება და ღვანლი.
ნიბნიდან – სცენაზე**

კარგი მაგალითიც გადამდებია. მარჯანიშვილის თეატრში დადგმული „ქაქუცა ჩოლოყაშვილი“, ჩანს, ასეთად იქცა.

გასახარია, რომ ქუთაისშიც დაიდგა სპექტაკლი, რომელიც მინაველებული პატრიოტული გრძნობის გაღვივებას ღირსეული მამულიშვილის ღვანლისა და ბედის ჩვენებით ცდილობს.

ელგუჯა თავბერიძის ბიოგრაფიული რომანი „ნისლის ტიხარი“, რომელიც დათა მიქელაძის (მეველე) ცხოვრებასა და ღვანლს წარმოგვიჩენს, მესხიშვილის თეატრის სცენაზე გაცოცხლეს. მართალია, წარმოდგენას სპექტაკლის პრეტენზია არა აქვს და დამდგმელებს „ლიტერატურულ კომპოზიციად“ მოუნათლაუთ, მაგრამ ისიც აშკარაა, რომ ეს სახილველი ხსენებულ ჩარჩოშიც ვერ ეტევა.

უპრეტენზიოთა კარგი რამ არის, მაგრამ ვფიქრობ, დამდგმელ ჯგუფს შესწევს „ძალი ქაღალისა“, რომ ეს კომპოზიცია სრულყოფილ სპექტაკლად აქციოს.

საამისო საფუძველს იძლევა კარგი ლიტერატურული მასალაც, სახიერი რეჟისორული გადანყვეტაც, მსახიობთა შინაგანი პატრიოტული მუხტი და თეატრის ვალის ღრმად გაცნობიერებაც.

კი, მსახიობები ძალიან ახალგაზრდები არიან და, თუნდაც გამოუცდლობის გამო, ოსტატობის მაღალ დონეს ვერ მისწვდებიან, მაგრამ მათი გულწრფელობა და პატრიოტული ნერვის ბუნებრიობა ძნელად მისაღწევ დაძაჯერებლობას ძალდაუტანებლად აღწევს.

ვფიქრობ, ეს დამაჯერებლობა კიდევ უფრო გაძლიერდება, თუ ისინი დაივიწყებენ, რომ ლიტერატურულ კომპოზიციას წარმოგვიდგენენ და ნამდვილ სპექტაკლს გაითამაშებენ. მაშინ ზოგიერთი ეპიზოდი (განსაკუთრებით პირველ ნაწილში) აღარ დატოვებს მხატვრული კითხვის შთაბეჭდილებას, ყოველი სიტყვა ქმედებად იქცევა და ლიტერატურული კომპოზიციის ნაცვლად, ნამდვილ დრამას მივიღებთ.

რამდენიმე ძლიერი სცენა (მაგალითად, დათა მიქელაძისა და გუბერნატორის დიალოგი) გვაფიქრებინებს, რომ მათ ამ ამოცანის დაძლევა ძალუძთ.

რაკი დამაჯერებლობაზე ვსაუბრობ, თავად არ ვიქნები გულწრფელი, თუ ერთ შენიშვნას არ გამოვთქვამ: ეს უხეზა სომეხი სოვდაგრის სახეს. მსახიობი ცდილობს, ამ სახის შესაქმნელად გამოიყენოს ათნლეულების მანძილზე დამკვიდრებული სტერეოტიპი (მტამპი რომ არ ვთქვათ), მაგრამ საამისოდ არც გამოცდილება ჰყოფნის, არც ოსტატობა და ხელოვნურობას თავს ვერ აღწევს. ამიტომაც აჯობებს, ისევე სადად და ბუნებრივად, „თავისით“ ითამაშოს, როგორც ამას სხვა ეპიზოდებში, სხვა პერსონაჟთა განსახიერებისას ახერხებს.

ერთი სურვილიც: როცა დათა მიქელაძე გარდაიცვლება, თეთრსუდარაგადაფარებული, სკამზე დამჯდარი და თავგადაწული კარგა ხანს რჩება სცენაზე.

ვფიქრობ, უკეთესი იქნებოდა, თუ მსახიობი სკამზე ჩვეულებრივ დაჯდებოდა და როცა თეთრ სუდარას გადააფარებდნენ, მარმარილოს ქანდაკებას დაემსგავსებოდა. ამით დეტალი მეტ დატვირთვას, სიმბოლოს მნიშვნელობას შეიძენდა.

და კიდევ: მიხეილ თუმანიშვილის მიხედვით, თეატრალური პრემიერის ბედი, ბოლოს და ბოლოს, ერთ ჭკმშიარტებად დაიყვანება: ჰაერში ან მარცხის სუნი ტრიალებს ან გამარჯვების.

იმ დღეს მესხიშვილის თეატრში გამარჯვების სუნი ტრიალებდა.

**დღე მეორე:
მზა მტინას აივანზე**

ქუთაისში ნანვიმარი და ღრუბლიანი ამინდი დაგვხვდა. სპექტაკლიდან გამოსულებმა ვნახეთ, რომ ცა მოწმენდილიყო. დილა მზიანი გათენდა, თუმცა ნისლია წყალტუბომდე მაინც მიგვაცილა. და საბოლოოდ მერე გაქრა. იდგა კვირაცხოვლობა და ბატონ გიზო თავაძეს ბატონ ოტია იოსელიანთან მივყავდით.

წყალტუბოში შესულებს თვალი უმაღლვე დევენილებით დასახლებული იმ სანატორიუმებისკენ გაგვექცა, საქართველოს დღევანდელი სიმბოლოდ რომ გამოსჩანან.

სულ მალე შევეუხვით ხელოვნების ქუჩაზე, რომელსაც მხოლოდ ერთი ნომერი აქვს – 1.

სიმბოლურობა აქაც აშკარაა: ოტიაც ერთია. ერთადერთი. ლამაზ ბორცვზე გადმომდგარი სახლის მრგვალ, ხის რიკულუნიან აივანს ცხრათვალა მზე მისდგომოდა.

ჭიშკარიც ხისაა, თუმცა აქეთ-იქით ქართული ჩუქურთმებით შემკული ქვის სვეტები უდგას.

ჭიშკარზე არ აწერია: „გთხოვთ ნუ მესტუმრებით“ – როსტომი გაიხსენებს, რომ ასეთი წარწერა ჰქონდა ჰერმან ჰესეს სახლის კარიბჭეს.

მე კი ის მომაგონდა, როგორ არ უნდოდა ბატონ ოტიას ეზოსა და სახლში პრეზიდენტის (ამჟამად – ყოფილის) შემება, მაგრამ გენიოსის ფრაზა გაახსენდა და უთხრა, მე არაფერ შუაში ვარ, გაჟა გიშვებოს.

...ჩვენ უყოყმანოდ შეგვიშვა.

მეტიც, გულითადად მიგივლო, გეგებაასა და თავისი ნაწარმოებების ათტომეულის ცხრა-ცხრა წიგნითაც დაგვაჯილდოვა (მეთაე ჯერ არ გამოსულა!).

სულ ერთი საათი დავყავით მასთან და მაინც ბევრის თქმა მოასწრო.

მხოლოდ საქვეყნო სატკივარზე გველაპარაკა.

პირადზე სიტყვაც არ დასცდენია.

მხოლოდ ახლობლისგან შევიტყუე, რომ ძვირად ღირებულ მკურნალობას (ბიძინა ივანიშვილის წყალობით!) კარგი შედეგი აქვს.

კვირაცხოვლობას ღმერთს მადლობა შევნიერთ.

თვითონ ბატონი ოტია კი საქვეყნოს წუხდა.

წუხდა ლუკმა-პურის საშოვნელად სამშობლოდან გადახვენილ ქართველებზე, დაცარიელებულ სოფლებზე, დაკარგულ ტერიტორიებზე, იმაზეც, რომ წიგნში ჩახედვა აღარავის უნდა...

ზოგჯერ ერთ კითხვაში და ერთ ფრაზაში ატევედა სერიოზულ სათქმელს.

დავით აღმაშენებელი ახსენა და გიზოს მიმართა, ძეგლი უკვე ხომ არ აგიფეთქებიათო. მერე დასძინა, წალენჯიხაში ტერენტი გრანელის ძეგლი გავხსენით და ყოველდღე ვრეკავ, ვამონწმებ, ისევე დგას თუ არაო...

ბოლოს, სათქმელი ასე შეაჯამა: თუ ჭკუით და ფხიზლად არ ვიქნებით, ისტორია ისე გადაგვივლის, ერთი ცრემლიც არ გადმოუვარდებაო.

ესეც თქვა, თბილისიდან დამირეკეს და რუსთაველის პრემიაზე წარდგენა შემომთავაზესო.

ცივი უარი უთქვამს.

შეგბედე და ეს არ მოვუნონე.

როცა ქვეყანა ასეთ დღეშია, რა უფლება მაქვს, პრემიებზე ვიფიქროო, – ეს იმდენად სერიოზულად ბრძანა, რომ იუმორის მოშველიება გადაწყვიტე. გავიხსენე შევარდნადისეული ხუმრობა. ერთხელ უთქვამთ, უხერხულია, ოტიას რუსთაველის პრემია რომ არა აქვსო.

მართლა არა აქვსო, – გაუოცებია და შემდეგ დაუმატებია, არა უშავს, მე ხომ მეგონა, რომ ჰქონდა, სხვებსაც ასევე ეგონებათო.

ამის გამო ერთხელ დავწერე და იმ დღესაც გავიმეორე: ძალიან მომწონს გივი ძნელაძის მოსწრებული თქმა ერთ-ერთი ქართველი მწერლის შესახებ – პრემია კი მიიღო, მაგრამ ლაურეატი მაინც ვერ გახდაო.

ოტია იოსელიანს პრემია არ მიუღია და მაინც ლაურეატია.

ხოლო თუ სერიოზულად ვიტყვით: რაგინდ იუაროს ბატონმა ოტიამ, რუსთაველის პრემია მაინც უნდა მიანიჭონ. ეს სამართლიანობის აღდგენაც იქნება და თვითონ პრემიის პრესტიჟის გაფრთხილებაც.

აქვე ვიტყვი: ბატონმა ოტიამ იმ ერთ საათში რამდენჯერმე დიდი პატივისცემით ახსენა ბატონი ოთარ ჩხეიძე – ბრძენი კაცი იყოო. როცა რუსთაველის პრემიაზე ვსაუბრობდით, შევნიშნე, არც ოთარ ჩხეიძეს ჰქონია-მეთქი.

ამ შეცდომის გასწორებაც აუცილებელი მგონია, ისევე და ისევე სამართლიანობის აღსადგენად და პრემიის პრესტიჟის დასაცავად.

ეს ჯილდო ხომ არა მხოლოდ მაღალი ნიჭიერებით აღბეჭდილ შემოქმედებით გზას, სუფთად განვლილ ცხოვრებასაც უნდა აგვირგვინებდეს.

...ბოლოს, ერთი ჭიქით სამშობლო დაგვალოცინა მწერალმა, ვინც შეძლო ავტონომიის მოპოვება და, უწინარესად, სწორედ ამიტომ არის განსაკუთრებით ძვირფასი თავისი სამშობლოსათვის.

ძვირფასი, საინტერესო, სასურველი...

ოტიას სამფლობელოში მზე თანდათან ძლიერდებოდა...

ეკა ბუჯიაშვილი

ბაბრაციონთა საქმის აღმსრულებელი

□

არჩილ ჯორჯაძის სამარხთან

გაივლის ხანი... აბა, ზუსტად როგორ გითხრათ რამდენი, მაგრამ დრო ამ დღესაც შეაფასებს როგორც არა რიგითს, ძალიან მნიშვნელოვანს, იქნებ გარდამტეხსაც კი ქართული ეროვნული ცნობიერებისა, ოღონდ... ჯერ უბრალოდ შევეყურებ დიდუბის პანთეონში არჩილ ჯორჯაძის საფლავთან აღექსანდრე ორბელიანის საზოგადოების ძალისხმევით შეკრებილ ადამიანებს და ვუსმენ, როგორ იხსენებენ მოღვაწეს, რომელმაც თავისი წარუშლელი კვალი დააჩნია ქართული პოლიტიკური აზრის ისტორიას; ვისაც შეეძლო ილიას ენერგიითა და თავგანწირვით გაეგრძელებინა ამ დიდი ერისკაცის გზა. ალბათ ამიტომაც დაეტირებინა ასე ივანე ჯავახიშვილს:

– დავკარგეთ კაცი, რომელსაც ჩვენ შორის ყველაზე უკეთ შეეძლო ილიას გზის აღწერაო.

ათწლეულები გავიდა მას შემდეგ. და დღეს, როცა საქართველო ჯერ კიდევ ცდილობს გაარღვიოს ეროვნული მრწამსის ირგვლივ შემოხლართული უამრავი ბადე და ნაწიტი სახელმწიფოებრიობის გზას დაადგეს, სიმბოლურად კი გეჩვენება არჩილ ჯორჯაძის მივიწყებული სახელის კვლავ დაბრუნება ასპარეზზე.

– თითქოს თადარიგში გვყავდა ქართველებს, რომ ახლა, ამ საჭირო ჟამს დაბრუნებულიყო ერის ცნობიერებაში, ხელახლა წაგვეკითხა, ხელახლა გაგვეაზრებინა და შეგვესწავლა მისი შემოქმედებაო, – ასე იტყვის ცოტა ხანში **ლევან ბრეგაძე**. ჯერ კი სულის მოსახსენიებელ პანაშვიდს იხდის სიონის ტაძრის დეკანოზი **გიორგი (სამანაშვილი)** და მგალობელთა გუნდის (რეგენტი **ლაშა ზაალიშვილი**) ხმა საკმევლთან ერთად უერთდება სივრცეს.

– მას შემდეგ, რაც წინამური დაგვატეხეს, მთელმა ერმა იმედით შეხედა არჩილ ჯორჯაძეს, ადამიანს, რომელსაც უნდა გაეგრძელებინა ილიას გზა, – იტყვის როსტომ ჩხეიძე, – არჩილ ჯორჯაძე იყო ის პიროვნება, ვინც დაძრა ხმა საერთაშორისო არეალში საქართველოს ავტონომიის ოფიციალურად მოსაპოვებლად; გიორგი დეკანოზიშვილთან ერთად პა-

რიზში დააარსა გაზეთი „საქართველო“ და მსოფლიოს აცნობა, რომ საქართველო რუსეთის განაპირა პროვინცია კი არა, ის ქვეყანა იყო, რომელსაც სახელმწიფოებრიობის მრავალსაუკუნოვანი ისტორია ჰქონდა და ახლა ამ ისტორიის გაგრძელებისკენ ისწრაფოდა. მის მიერ სოციალისტურ-ფედერალისტური პარტიის დაარსებამ კი ჩიხში მოამწყვდია სოციალ-დემოკრატები, რომელთაც მანამდე დიდი გავლენა ჰქონდათ (საბედისწეროც რომ აღმოჩნდა ქართველი ერისათვის)... და როცა დასავლელი პოლიტოლოგები გაეცნობიან არჩილ ჯორჯაძის საერთო ნიადაგის თეორიას – დაფუძნებულს ილიას ხიდჩატეხილობის პრობლემაზე – თვალწინ გადაეშლება ჩამოყალიბებული დოქტრინა და სულ სხვაგვარად შეაფასებენ ქართული პოლიტიკური აზრის ისტორიას, მის სიღრმეებსა და მასშტაბებს.

იქნებ გულუბრყვილობაა იმის თქმა, როგორ წარიმართებოდა ჩვენი ქვეყნის ბედი, არჩილ ჯორჯაძე პრეზიდენტი რომ გამხდარიყო, მაგრამ, მეორე მხრივ, ეს ყველაფერი მაშინდელ განწყობილებას ასახავს – იმას, თუ რა იმედოვნებით შესცქეროდა მას ხალხი.

1913 წლის 21 მარტს არჩილ ჯორჯაძის გარდაცვალებასთან ერთად დასამარდა ეს იმედები და ახლა, ათწლეულების შემდეგ თითქოს აი, ამ მიწის სიღრმეებიდან დაძრულიყო, ისტორიის წიაღიდან წამოწეულიყო ეროვნული მრწამსის ირგვლივ შემოხლართული ბადის გასარღვევად; იმ ყველაფრის აღსასრულებლად, რაც არჩილ ჯორჯაძეს ხანმოკლე სიცოცხლის მანძილზე ვერ მოესწრო და ზემოთ და ზემოთ მიიწეოდა... ამ საკმევლის სურნელივით... ქართული საგალობელივით, გაზაფხულის ნიავს ცისკენ რომ მიჰქონდა და ახლა ეს ნიავი უნდა გაძლიერებულიყო, დიდ მოძრაობად ქცეულიყო, რომ მთელ ქვეყნიერებაზე მოეფინა ეს ყველაფერი.

ამ რამდენიმე ხნის წინათ ქუთაისში, წყალწითელას ნაპირზე – იქ, სადაც დაიღუპნენ არჩილ ჯორჯაძის დები – დანიყო ეს მოძრაობა. მაშინ როსტომ ჩხეიძის თაოსნობით შეკრებილ აღექსანდრე ორბელიანის საზოგადოების წევრებს შორის **ლევან ბრეგაძემაც** წარმოთქვა თავისი სიტყვა და ახლა, მისი გამოსვლა დიდუბის პანთეონში თითქოს გადაძახილი იქნება იმ დღესთან.

– რალაცნაირი, უცნაური ხალხი ვართ ქართველები. როგორ შეიძლება არჩილ ჯორჯაძისხელა მოღვაწე მივიწყებული იყოს. ასეთ დავიწყებულ ადამიანთა პანთეონი რომ შეგვადგენინა, გვექნებოდა ისეთი პანთეონი, რომლითაც ნებისმიერი ერი იამაყებდა. ეს ერთი მხრივ კარგია – ბევრი გვყავს დიდი მოღვაწე და ღმერთმა გვიმრავლოს, მაგრამ ხანდახან საჭიროა მათი გამოგლეჯა წარსულისათვის და გაცოცხლება თავიანთი შემოქმედებით. აი, ამ საქმეს აკეთებს როსტომ ჩხეიძე. ამას ემსახურება მისი ბიოგრაფიული რომანები დიდი მოღვაწეების, მათ შორის, არჩილ ჯორჯაძის შესახებაც.



მონამეობრივი იყო არჩილ ჯორჯაძის ცხოვრების გზა, ხანმოკლე იყო მისი ცხოვრება, მაგრამ, სამაგიეროდ, სულიერი ცხოვრება ჰქონდა მდიდარი და ნაყოფიერი. სიმბოლურია, რომ არჩილ ჯორჯაძის სახელი სწორედ ახლა უბრუნდება ეროვნულ ცნობიერებასო.

აკაკი ასათიანი სიყმანვილისდროინდელ განცდას გაიხსენებს – წუხილს იმის გამო, რომ ქართულ საზოგადოებრივ აზრს აკლდა ორიგინალური მოაზროვნე.

– არა, იყვნენ, როგორ არა, მაგრამ ისეთი მასშტაბის, როგორც ევროპას ჰყავდა, ჩვენთან არ ჩანდნენ, – იტყვის იგი, – და აი, ამ ფონზე ჩემთვის დიდი აღმოჩენა იყო არჩილ ჯორჯაძე, მისი ნააზრევი. ასეთთა მხრებზე იდგა ჩვენი ერი, ისინი გვიკავებენ გზას მომავლისკენ და, მათ შორის, არჩილ ჯორჯაძე იქნებ ერთ-ერთი უპირველესთაგანაც იყოს, აზროვნების ხარისხის თვალსაზრისით. თუ მის საერთო ნიადაგის თეორიაზე არ დავდგებით, არაფერი გვეშველება. ეს არის საძიკველი (სარწმუნოებასთან ერთად), რომელზეც უნდა აიგოს ჩვენი სახელმწიფოებრიობაო.

ნიაგი დაქროდა და შეკრებილები ხელით უმყუდროვებდნენ ანთებულ სანთლებს, სამშობლოს რომ გაუსიმბოლოვებს **გია მურდულია**.

საქართველოს მოაგონებს ეს ალი, საუკუნეების მანძილზე რომ ვცდილობთ არ ჩაგვიქრეს და, მადლობა ღმერთს, რომ ანთია ისევ.

ერისკაცები უმყუდროვებდნენ თავიანთი ხელისგულებით. იცვლებოდა ისტორიის ქარტეხილები და ხელებიც იცვლებოდა. რჩებოდა სანთელი ათასწლეულების წინათ დანთებული, ათასწლეულების ლაბირინთებში გამოვლილი, მაინც ჩაუქრობლად მოტანილი დღემდე. არჩილ ჯორჯაძეც ასეთი „ხელი“ იყო საქართველოსთვის.

„თავის დროზე მის წიგნს ასე წავანერე: ეს არის კაცი, რომელიც ლაპარაკობს ეროვნული ნებისა და ენერჯის გაცნობიერებულ ვექტორზე.“

ეს არის ადამიანი, რომელმაც საერთო ნიადაგის თეორია შესთავაზა ქართველობას, ჩვენ კი დღემდე ვერაფრით მოვახერხებთ განხორციელებას. ერთი უბედურებაა, საზოგადოებას რომ ავიწყდება ის, მაგრამ... ჩვენმა პოლიტიკოსებმა ბევრი უნდა იფიქრონ თეორიაზე, ობიექტური პატრიოტიზმის ერთ-ერთი ყველაზე დიდი გამოვლინება რომ მგონია.

სამ სიტყვას ახსენებს ხშირად არჩილ ჯორჯაძე: ერი, ეროვნება და ეროვნული. „ერი“ სუბიექტია, „ეროვნება“ – შემეცნება ამ სუბიექტისა და „ეროვნული“ გაცნობიერებული მოქმედება ეროვნებაშემეცნებულ სუბიექტისა. არჩილ ჯორჯაძე შეგვახსენებს, რომ პოლიტიკური სრულყოფა საზოგადოებისა, ამავედროულად, ნიშნავს ეროვნულ სრულყოფასაც; რომ არსებობენ ადამიანები, რომლებიც თითქოს მხოლოდ საკაცობრიო საქმეებისთვის იბადებიან ამ ქვეყანაზე და ერის მსახურება ავიწყდებათ. ასეთ კოსმოპოლიტებს არჩილ ჯორჯაძე უნიადაგო ადამიანებს უწოდებს. ეს ყველაფერი დიდი ფიქრის შედეგია, რომელიც მუდმივად უნდა გვახსოვდეს; უნდა ვცდილობდეთ ვიცხოვროთ კიდევ ამ პრინციპებითო.

თვითონ არჩილ ჯორჯაძის გზაც არ ყოფილა სწორხაზობრივი. იყო დრო, როცა მასზე იმოქმედა ძალიან გავრცელებულმა და პოპულარულმა სოციალისტურმა იდეებმა. იყო თავგადაკლული ტოლსტოველი, მსოფლიო მოქალაქეობის-

კენ ისწრაფოდა, საქართველოს კი უყურებდა როგორც კუნძულს, რომელიც საკაცობრიო ცხოვრებას ბევრს ვერაფერს შემატებდა. გარდამტეხი როლი მის ბიოგრაფიაში (და საქართველოს ისტორიაშიც) შეასრულა თედო სახოკიამ. სწორედ მისი ღვაწლით, არჩილ ჯორჯაძე კვლავ ეროვნული ფესვები-საკენ მოექცა და ქართულ ნიადაგზე დადგა“.

ამიტომაც იტყვის დიდუბის პანთეონში **ჯანსუღ ჩარკვიანი**:

– ეს დღე იმიტომ მიხარია, რომ ქართველ ერს შევახსენო: იყვნენ პიროვნებები, რომლებიც ილიას გზით მიდიოდნენ და ამ ხსოვნისთვის დიდი მადლობა მინდა ვუთხრა როსტომ ჩხეიძეს, რადგან ამის გარეშე ჩვენს ყოფას წუთისოფელში აზრი არ ექნებოდაო.

– სამწუხაროდ, ყალბი ისტორიის თაობა ვართ. ხშირად გვასწავლიდნენ იმას, რაც სინამდვილეში ასე არ იყო. ვერ ვიტყვი, რომ მხოლოდ მაინცდამაინც ჩვენი თაობის ვალია ამ ყველაფრის გასწორება, მაგრამ ვისაც რა შეგვიძლია, ყველამ უნდა გავაკეთოთ იმ ადამიანებისათვის, მთელი ეპოქა რომ შექმნეს.

აქ ახსენებს დამოუკიდებლობის კომიტეტი, კარგა ხანს დავიწყებული რომ იყო. არადა, სწორედ ამ კომიტეტის წევრებმა მოამზადეს ნიადაგი საქართველოს დამოუკიდებლობისათვის. თუმცა, თავისთავად, არც ისინი მოსულან ჰაერიდან – XIX საუკუნის დიდ მოღვაწეთა მხრებზე იდგნენ, მათ იდეებზე აღიზარდნენ. ათწლეულების განმავლობაში ეს ადამიანები, ერთი შეხედვით უპერსპექტივო საქმეს აკეთებდნენ, რადგან გვირახის ბოლოსაც კი არა და არ მოჩანდა სინათლე, მაგრამ ახალი საუკუნის დასაწყისში, როცა უნივერსიტეტი დაარსდა, აღმოჩნდა, რომ ყველაფერი მზად იყო – ტერმინოლოგიაც, ნიგნებიც, იდეოლოგიაც. აი, ამ ადამიანთა მხრებზე მდგომმა თაობამ მოუტანა საქართველოს დამოუკიდებლობა. ისინი შემსრულებლები იყვნენ მხოლოდ – ილიას, არჩილ ჯორჯაძის... სხვა დიდ მოღვაწეთა იდეოლოგიისა,“ – აღნიშნავს შეკრებაზე **რუსუდან დაუშვილი**.

– ყველა დროში და ყველა თაობაში სჭირდებათ ისტორიულ პიროვნებებს – გამორჩეულსა და დიდებულსაც კი – თავიდან აღმოჩენა და წარმოჩენა. ახლა ჩემს მეგობრებთან ერთად ვიხსენებდი, როგორ წარმოჩნდა არჩილ ჯორჯაძე ჩვენ წინაშე როსტომ ჩხეიძის ბიოგრაფიული რომანით: „წერილები იტრიის წისქვილიდან“ და როგორ მონუმენტურად წარმოისახა მისი პორტრეტი, მღელვარე ბიოგრაფია და შემოქმედება. ამისთვის მინდა ვუთხრა მადლობა ბატონ როსტომსო, – ეს ახალგაზრდა მწერლის, ზვიად კვარაცხელიას სიტყვებია.

თვითონ როსტომ ჩხეიძემ კი:

– მამა ხშირად მეუბნებოდა: სამმა კაცმა შეძლო ბაგრატიონთა საქმის აღსრულება ჩვენს სინამდვილეში: ილიამ, არჩილ ჯორჯაძემ და ქაქუცა ჩოლოყაშვილმა – მათ, ვინც მოამზადეს ქართული სახელმწიფოებრიობის საფუძველი. ამათგან ორი – ქაქუცა და ილია – მთანმინდაზე განისვენებენ... და ღმერთმა ქნას, ორი წლის შემდეგ, როცა 140 წელი შესრულდება არჩილ ჯორჯაძის დაბადებიდან, მისი სულის მოსახსენიებელი პანაშვიდიც მთანმინდაზე გადაგვცხადოსო.

შოთა ბოსტანაშვილი

აიექა?

□

სიტყვა ჯემალ აჯიაშვილის პოეზიაზე

დიდი სიტყვა ჯემალ აჯიაშვილის პოეზიაზე დიდი ხანია ითქვა. მესიტყვე-თავკაცი ბატონი გრიგოლ აბაშიძეა. პირველად მაშინ – სამოცდაათიანი წლების ბოლოს; და მერეც, როცა სხვაც ბევრი ითქვა და დაინერა; დღესაც, და მუდამ უკვე “დამნაშავე” ბატონი გრიგოლია. **გრიგოლია** იმ სიტყვაში – დინჯი, მშვიდი, მაგრამ გრიგალი: აჯიაშვილი რუსთაველს შეადარა – *ეფფონიითო*. ჟღერადობა კი მთავარია, ან/და ასე – *მთ/ავარია*. როცა ლინგვისტური კატასტროფები ბგერწერაში ხდება, პოეზიაც მაშინ გვხვდება. ის შთაბეჭდილება, რაც გრიგოლ აბაშიძის დიდი თავისუფლების ნიშნადაც უნდა მივიღოთ, საერთო აზრიც აღმოჩნდა, მერე და მერე უფრო რო გადიდა, შედეგდა, გამკვირვდა და გამყარდა.

ჯემალ აჯიაშვილის პოეზიას ქართველი მკითხველი საკუთარი ანარეკლივით შეეზარდა; მის მეტაქართულში, მეტი ქართული დაინახა, რალაც *მარადიულქართული* (გოეთეს *მარადიულქალურივით*), *დედაადგილი* – მშობლიური და მყარი წიაღი. მისი პოეზია თითქოს და თითქმის ის ტექსტია, სადაც იციან თავისი დაბადების და ფეხის ადგმის ადგილი და კითხვაზე: სადა ხარ? – **აიექა?** პასუხობენ: **აი აქა** (ვარ).

აიექა პირველი კითხვაა, რომელიც სამყაროში გახმიანდა, ანდა: “დაუძახა უფალმა ღმერთმა ადამს და უთხრა: სადა ხარ?” ეს სინტაგმა დღემდე ადამიანის ყოფნის ადგილის გარკვევისაკენ რომ ისწრაფვის, სწრაფადვე გვარწმუნებს, რომ სწრაფვადვე რჩება და ამდენად ადამიანის უადგილობისა და გაურკვევლობის მუდმივობით, მუდმივი კატასტროფისა და ავარიული მდგომარეობის არესაც აღნიშნავს. ამ არემარეში მოხეტიალე მუდამ უკვე პოეტია. ის სიცოცხლის ხესთან – მთავარ ადგილთან განშორების განცდას ინახავს და სხვა ხეებს **იქ** ნახავს — ენაში.

ჯემალ აჯიაშვილის პოეზია ადგილის ძიება მგონია – ენის ტერიტორიის გაფართოება; აქ ეგულება მას **სხვა მიწები**, კიდევ სხვაცა და **სხვა ცა**. აჯიაშვილისეულ ცაზე და მიწაზე **ხეც** არის და **ხეტიალიც** (ცენტრიც და დეცენტრაციაც), – **მთავარიც** და **ავარიაც..**, რაც **მთ/ავარია**.

აჯიაშვილის გაზმნევებული სახელები თავის “თავდაპირველს” ქმნიან, სხვა ადგილს, და ეს ადგილი ენის გარეთ, ქართული ენის იქით არ გადის.., მაგრამ არც გაეჭვება, რომ იქით არაფერია; თითქოს მუდამ რალაც არის **სახელის იქით**; და ისევ – მაგრამ: ის აქეთურზე – ენის ყოფაცვევაზე პასუხისმგებელი. იქნებ ესეც ყოფნის პოეტს და ჩვენც, ვინც მისი ლინგვისტური ჰიბრიდებით ვიბრიდებით. – იქითური? – მკითხველს (მყიდველს) გააჩნია, იმას, ვისაც ენა ეცოტავა, მის სამსხვერპლოს გადაურჩა, – იურჩა...

აჯიაშვილისეული ნიშნათშემოქმედება – ნეოლოგიზმები – არსებულს არ აღნიშნავენ, **აღნიშნენი აარსებენ** და აარსე-

ბენ ენის სცენას. ენის არტიკობა – ეს ერთგვარი მაღალი მოდაა, პოდიუმის ენაა – ერთგვრადი აქცია; აქ ერთხელ გამოსასვლელად იმოსებიან და შიშვლდებიან სიტყვები. ამ სცენაზე უცხოდ სჩანს ნალაპარაკევი სიტყვა – ყოველდღიურობით დაღლილი და დაქანცული, მაგრამ... თუ ამბავს დასჭირდა, მაშინ ეს უცხო საუცხოოდ ჩნდება; და სხვაც: თუ სათქმელის სიჯიუტე ენას უტევს – რასაც ენა ველარ იტევს, ის შეიძლება გადმოიღვაროს, დაამთავროს ერთი საქმე, ის, რომ რალაც უნდა **ახსნას** – განმარტოს.., განმარტოვდეს და **ახსნას** ენა – აუშვას. სწორედ ეს ამბებაა შვებას რომ ჰგვრის პოეტსაც და მკითხველსაც. აჯიაშვილიში ორივეა; მაგრამ დღეს, ხშირად აუხსნელი ახსნილობის დროში, მას კბილებით უჭირავს კულტურა – სერიოზული “უჭირავს”, თან თამაშობს. მისი სტიქია ენასთან შეთამამებაა, – სინამდვილის გადანყოფა. ის ხელახლა **ანყოზს** – ამონტაჟებს ენას, ისე, როგორც ენას **ანყოზს** – ენას უნდა. აჯიაშვილი **ამნყოზი პოეტია** და **ამნყოზის პოეტია**. მისი გაზმნევებული სახეები ქსოვენ იმ ერთიან ბადეს, რომელშიც ექცევიან ჟანრულად და მენტალურად სრულიად განსხვავებული ტექსტები – ხან სირთულეს კარგავენ, ხან რთულდებიან, მაგრამ განურჩევლად ქართულდებიან, ენის გრავიტაციას ემორჩილებიან. პოეტიც ფრთხილი სითამამით შედის ამ ველში და **სიტყვა** გამოაქვს. მისი ნეოლოგიზმები ცდილობენ დაგვარწმუნონ, რომ ამ ენაზე ვლაპარაკობდით უხსოვარ დროში. სწორედ ამიტომ მისი თარგმანები მისივე პოეზია და მისი პოეზია მისივე თარგმანების თარგისაა. აჯიაშვილი იმთავად პოეტია და ეს *იმთავობა მუდამ ახლა ხდება* და *ახლად ხდება*.

ერთ ენაში მოხელთებული სამყაროს სხვა ენაში გადატანა – დეკონსტრუქცია – თარგმანი აჯიაშვილ-პოეტთან საზოგადოდან კერძოში გადავიდა; სხვათა **განმარტებიდან განმარტობად** გადაიქცა; ინტერპრეტაციიდან და რეცეფციიდან კონცეფციად ჩამოყალიბდა. პოეტმა **პოეზია / თარგმანი** გააერთიანა და გაყო. ჯერ თარგმანში გაყო თავი, თარგმანს ამოეფარა, დამალვით გამოჩნდა; ან ასე: გამოჩენისთანავე დაემალა მკითხველს თარგმანებს შორის, ისე როგორც “... დაემალნენ უფალ ღმერთს ადამი და თავის ცოლი ბალის ხეებს შორის”. **აიექა?** – კითხულობ და პასუხია – **აი აქა!**, მაგრამ არასდროს **აქ** არ არის, რომელიმე ტექსტშია, სიტყვის ქორნილშია – მაყრიონში, ანდა ენის მალაროში – **აი იქა**. იქანცება, მაგრამ ენის თავნება ჟონვას ყველგან მიჰყვება, და მერე – ოდესმე – ამ ოდისეას გვიყვება; მერე სამალავებს იცვლის, ამიტომაც ველარ იცვლის... სულ როლშია.., სულ სვლაშია, მოთხავს თუ ფორთხავს სულ გარეთ არის, სულ წასულია; სულწასულია – აკრძალულ ნაყოფს ეტანება და მერე, უკვე დამნაშავეს, სამალავისკენ უჭირავს თვალი – ლამისკენ, ენა კი წინ უსწრებს – მუქიდან მუქისკენ; ჩაბნელებული დარბაზიდან განათებული სცენისკენ — ეს არის მისი ვალი. მთარგმნელის ტვირთი და სახელი აიკიდა და... აი, კიდევ: რაც მთავარია თავად გაიძევა თავი **ღამეში**. შუა საუკუნეების ესპანეთში მცხოვრები დიდი ებრაელი პოეტებივით ხმა(ლ)აზოლებული იბრძვის; დღისით **იქ** არის საქვეყნო საქმეში, ღამით **აქ – მე**-ში.

აიექა? – ღამით ისმის; ის, მის სამალავში ისმის და იქიდანვე ეხმიანება — რომელიმე გათავისებული როლიდან (აქ შ. გეტრილიდან): “ჰოი, სით მოდის გულთამხილავე, სით მოიქცევა ძახილი ესე!..”

ჯემალ აჯიაშვილის პოეზიაც ჩვენს სადაურობას კითხულობს. შევეხმიანოთ, ჩვენც მოვიკითხოთ, გავითამაშოთ *ჯემალობა*ნა:

ჯემალ აიექა? (და მერე სტერეოა): **აი აქა.., აი აქა.., აი აქა..**

ნოდარ გურაბანიძე

გოგი ალექსიძე ბალეტის ცვალებად სამყაროში

სანქტ-პეტერბურგის გამომცემლობამ „კომპოზიტორი“ გამოსცა საბალეტო სივრცეში აღიარებული მეტრის, ქორეოგრაფ გოგი ალექსიძის წიგნი „ბალეტი ცვალებად სამყაროში“. ამ ბოლო დროს რუსეთში გამოცემული ეს უკვე მესამე წიგნია, რომელიც გამოჩენილ ქართველ შემოქმედთა მოღვაწეობას ასახავს. პირველია ნატალია ზეიფასის, უმაღლეს დონეზე შესრულებული, უაღრესად საინტერესო „დილოგები გია ყანჩელთან“, მერე — მოსკოვის დიდი თეატრის ეგიდით დასტამბული „ზურაბ ანჯაფარაძე“ (ამ წიგნის შესახებ ჟურნალმა „თეატრი და ცხოვრება“ 2008, 5-6, დაბეჭდა ჩემი წერილი) და მესამე, უკვე ზემოხსენებული წიგნი.* ყველა ეს ფაქტი ძალზედ მნიშვნელოვანია და მრავლისმთქმელი, განსაკუთრებით დღევანდელ ვითარებაში, როცა დიდი, საყოველთაოდ ცნობილი სახელების დევაღვაცია ლამის სახელმწიფო პოლიტიკის დონემდე ასული ჩვენთანაც და რუსეთშიც. ამას ემატება პოსტმოდერნით აცუნდრუებულთა ძალისხმევა კვარცხლბეკების განთავისუფლებისათვის, რათა ზედ თვითონ წამოსკუბდნენ, ვითარცა ახალი ვარსკვლავები და თანამედროვე აზრთა მპყრობელნი.

საბედნიეროდ, დღეს უკვე საყოველთაოდ აღიარებულია, რომ გოგი ალექსიძემ ნოვატორული წვლილი შეიტანა ისეთ ტრადიციულ და სხვა ჟანრებთან შედარებით ნაკლებად ცვალებად ხელოვნებაში, როგორიცაა საბალეტო ხელოვნება, მეტიც, მსოფლიო ბალეტის ისეთი კამკამა ვარსკვლავების შემოქმედება, როგორებიც იყვნენ მიხეილ ბარიშნიკოვი, ნატალია მაკაროვა, ირინა კალპაკოვა, ნიკიტა დოლგუშინი, მსოფლიოს ერთ-ერთი უპირველესი ბალეტმეისტერი ბორის ეიფმანი, ალისა ოსიპენკო, იური სოლოვიოვი, ძალიან ბევრს დაკარგავდნენ (მათივე აღიარებით!) გოგი ალექსიძეს სპეციალურად მათთვის რომ არ შეექმნა ორიგინალური ქორეოგრაფია.

* * *

2008 წლის 20 ივნისს, თავის სახლში, თბილისში, მძიმე ავადმყოფობის შემდეგ გარდაიცვალა გიორგი (გოგი) დიმიტრის ძე ალექსიძე, უნიჭიერესი ქორეოგრაფი, თავისი საქმის დიდი მასტრო, ნოვატორი, მოაზროვნე და უსაყვარლესი პიროვნება. მრავალი წლის მანძილზე ახლო ურთიერთობა მქონდა ალექსიძის ოჯახთან. ქუჩიშვილის ქ.9-ში პირველ სართულზე ცხოვრობდა დაუფინყარი, განუმეორებელი (ყოველმხრივ, ცხოვრებაში, თეატრში, საზოგადოებრივ მოღვაწეობაში) ბ-ნი დოდო, თავისი დიდი ოჯახით და მეოთხეზე —

მე. ყოველდღიურად ვხვდებოდი გოგის (როცა თბილისში იყო, ცხადია) და წლების მანძილზე ვხედავდი თუ როგორი სიყვარულით იყო გარემოსილი, როგორ აფასებდნენ მისი დიდი კოლეგები (მაგალითად იური გრიგოროვიჩი და მ. ბარიშნიკოვი, რომელთა საზოგადოებაში, მე, არყის მოძულე, მუდამ უხერხულად ვგრძნობდი თავს), ვხედავდი, თუ როგორ იმედითა და სიყვარულით შესცქეროდა მას ოჯახის ხშირი სტუმარი, გენიალური ვახტანგ ჭაბუკიანი, ბატონი დოდოს მეგობარი და თანაჯგუფელი ქორეოგრაფიული სასწავლებლიდან, როგორ დასტრიალებდნენ თავს პეტერბურგის კამერული ბალეტის მოცეკვავე გოგონები, რათა მისი ყურადღება მიეპყროთ. გოგი კი — ახალგაზრდა, მოხდენილი, მუდამ მომღიმარი, მახვილგონიერი, დელიკატური, იუმორით სავსე — ყველას ღირსეულად მიაგებდა კუთვნილს, განსაკუთრებით ფერისავე მსუბუქ ბალერინებს, რომლებთანაც ურთიერთობის კლასი, მამის ბატონი დოდოს სატრფიალო არსენალიდან ზედმიწევნით ჰქონდა შეთვისებული და, შემდგომ, დამოუკიდებელი მოღვაწეობით გამდიდრებული. მახსოვს, დიდი სოლიკო ვირსალაძე როგორი შთაგონებული სახით უსმენდა ჭაბუკ ალექსიძეს, როცა იგი თავის ქორეოგრაფიულ იდეებს უზიარებდა მსოფლიოში სახელმწიფო სცენოგრაფს, დეკორატიული სიმფონიზმის ამ მამამთავარს. შემთხვევითი არ არის, რომ სწორედ ბატონი სოლიკო იყო გოგის პირველი დადგმის, მინიატურების სამი პროგრამის მხატვარი პეტერბურგის „კამერულ ბალეტში“.* სიცოცხლის ბოლომდე იხსენებდა გოგი ამ დიდებულ ჟესტს დიდი მადლიერებით (თბილისში, გოგი ალექსიძე და იური გრიგოროვიჩი არ სცილდებოდნენ მომაკვდავი სოლიკო ვირსალაძის სარეცელს).

ასეთად დარჩა იგი ჩემს მეხსიერებაში, ვიდრე გულნატკენი არ გაეცალა თბილისს და კვლავ არ მიაშურა თავისი სიჭაბუკის ქალაქს, პეტერბურგს, სადაც მან მარიას თეატრის და საერთოდ, ბალეტის პეტერბურგული სკოლის მთელი ბრწყინვალეობა ბოლომდე შეითვისა. ამ გარემოებას განსაკუთრებით ვუსვამ ხაზს, ვინაიდან, როგორც ამას ჩემზე მცოდნე ხალხი ამბობს, პეტერბურგისა და მოსკოვის საბალეტო სკოლები დიდად განსხვავდებიან ერთმანეთისაგან. თბილისში დაბადებული და დიდ ქართულ კულტურულ ტრადიციებზე აღზრდილი გოგი, პეტერბურგული კულტურის ორგანულ ნაწილად იქცა, ღრმად შეიგრძნო იქაური მეტალიტიტი და ამ ქალაქის ინტელექტუალური ატმოსფერო.

ზემოთ ვთქვით და გავიმეორებ: გოგი ალექსიძე ჩემს მეხსიერებაში დარჩება-მეთქი სიცოცხლით სავსე, მუდამ

* აქ შეიძლება დავასახელოთ, უფრო ადრე, მოსკოვის გამომცემლობა „გალერის“ ეგიდით გამოცემული ზურაბ წერეთლის სამი უზარმაზარი ალბომი, რომელიც დაიბეჭდა იტალიაში, ვერონაში, ფირმა „ინტერგრაფის“ მიერ.

* ჩემი ვრცელი წერილი „გიორგი ალექსიძის ქორეოგრაფია“ და „კამერული ბალეტი“, რომელიც ჟურნალ „ცისკარში“ დაიბეჭდა 1969 წელს (ნომერი არ მახსოვს), იყო საქართველოში პირველი გამოხმაურება მის შემოქმედებაზე.

აჩქარებული, პლასტიკური სიმსუბუქით მოძრავი, ელეგანტური, რომლის სხეულის (რეპეტიციების დროს მრავალგზის მინახავს), ყოველი კუნთი და ნერვი მუსიკით იყო შთაგონებული და უამრავ პლასტიკურ ვარიაციას წარმოქმნიდა; მაგრამ ვერ იქნა და ვერ განვდევნე ჩემი შინაგანი ხილვიდან მისი „მეორე სახე“ და სხეული, ასე რიგად შეცვლილი იმ საბედისწერო ლამის შემდეგ, როცა მოსკოვში თავს დაესხნენ ვილაც ნაძირლები და სიკვდილის პირას მიიყვანეს უმონყალო ცემით... თეატრისა და კინოს უნივერსიტეტის მესამე სართულზე, გრძელ კორიდორში ვხედავ ჩემკენ მომავალ ხელჯობიან უცნობ მოხუცს, რომელიც ძლივს ერეოდა თითქმის უკვე დაღუულ სხეულს... მომიახლოვდა, გაჩერდა, რაღაც უხერხულად გაღიმებულმა, თითქოს დარცხვინილმაც კი, გამოიწინა და გადამეხვია. ეს იყო სხვა გოგი ალექსიძე. სახის ყველა ნაკვთი, თითქოს უწინდელი ფორმის იყო და არც იყო. შეცვლილ, ოდნავ ნაგრძელებულ პროფილზე ენითუთქმელი ტანჯვის შედეგად გადატანილი კვალი ალბეჭდოდა. მაგრამ, მის თვალბუმში, ტანჯვასთან ერთად, ისეთი გონიერება დავინახე და ისე უბრწყინავდა ის ნაპერწკალი, რომელიც დიდად ნიჭიერი ადამიანების თანამდევი, რომ ამან მისხნა ყელში მოხვენილი ქვითინი არ ამომსკდომოდა. გამოჯანმრთელებულს (პირობითად ვამბობ, თორემ მისი საბოლოო გამოჯანმრთელება მხოლოდ უფალს შეეძლო) ერთი წუთითაც არ შეუწყვეტია მუშაობა და პეტერბურგის რუსული ბალეტის აკადემიის სცენაზე მრავალი შედეგური შექმნა, რომელსაც ალტაცებით, მაგრამ სხვადასხვანაირად აფასებენ ბალეტის მცოდნენი. ერთნი ამბობდნენ, რომ ამ მინიატურებში გამოხატულია შიშის ფილოსოფია და ქორეოგრაფის მიერ განცდილი სამინელებების სუბლიმაცია. მეორენი სრულიად განსხვავებულ პოზიციაზე იდგნენ, ეს არის სიცოცხლის დამამკვიდრებელი, ცხოველმოსილი ხელოვნება, როგორც შემოქმედის არსებობის ერთადერთი ფორმა. გოგისთან ბოლო შეხვედრამ ამ მეორე აზრის ჭეშმარიტებაში დამარწმუნა.

თავის ახალ მოსწავლეებთან ერთად მან დაამტკიცა, რომ შემოქმედის სულში ვერავითარი ძალა ვერ ჩაკლავს სიცოცხლის და ქმნადობის ნიჭს. 2006 წელს იური პეტუხოვის დასში დადგმული „ქორეოგრაფიული მინიატურები“, რაც უნდა საოცრად მოგეჩვენოთ, მიჩნეული იქნა განსაკუთრებულ, არა ორდინარულ, თითქმის ზებუნებრივ, ერთგვარ საპროგრამო მოვლენად პეტერბურგის საბალეტო ცხოვრებაში. სწორედ 2007-2008 წლებში მიღწეული წარმატებისათვის იგი დააჯილდოვეს „ოქროს სოფიტით“ (გარდაცვალების შემდეგ) „საბალეტო მინიატურების დადგმებში განსაკუთრებული მიღწევებისათვის“.

სწორედ მაშინ გადაწყვიტა დაენერა წიგნი თავის

ცხოვრებაზე და გადმოეცა თავისი აზრები საბალეტო ხელოვნებაზე, საერთოდ ქორეოგრაფიაზე. გარდაცვალებამდე ერთი თვით ადრე დაამთავრა მუშაობა ამ წიგნზე (გოგის საუბრები ჩაინერა და წიგნი შეადგინა ლარისა აბიზოვამ) და ვერ მოესწრო მის გამოცემას.

ამ წიგნის კითხვისას გამოცა გოგი ალექსიძის თავმდაბლობამ, მისმა ქრისტიანულმა მიმტევებლობამ. „მთავარი იყო, — წერდა იგი თავისი წიგნის შესავალში, — გამოვსულიყავი იმ უკუნეთიდან ისე, რომ არ გამომყოლოდა წყენის, შიშისა და გაბოროტების გრძნობა. მეტსაც ვიტყვი: ჩემ წინაშე გადაიშალა ახალი შეგრძნებების ჰორიზონტი, იმ უბრალოების შინაგანი გაცისკროვნებისა, რაც ადრე არ მიგრძენია ჩემში. საგნებმა და მოვლენებმა ახალი ფასილობები შეიძინეს“. ამას წერს კაცი, რომლის სახეზეც ერთი მთელი ძვალიც არ დარჩენილა, რომელმაც ჩაიხედა სიკვდილის მრუმე სიღრმეში და რაღაც მანქანებით იქიდან განახლებული გამოვიდა.

გასული საუკუნის 60-იანი წლების „კამერული ბალეტის“ სიმბოლოდ იქცა მარიას თეატრის სოლისტების და ფილარმონიის სასულიერო კვიტეტის მიერ შესრულებული ნომერი დებიუსის (პიესა ფლეიტისათვის „სირინკსი“) მუსიკაზე, სადაც ორი დიდი ბალერინა — ალა ოსიპენკო და ნატალია მაკაროვა, რიგრიგობით ცეკვავდნენ ნიმფას მთავარ პარტისას. სიცოცხლის მიწურულს მრავალტანჯული გოგი იხსენებდა ამ მინიატურას, სადაც ნიმფა გამძვინვარებული პანის მსხვერპლი ხდებოდა. „ახლა როცა ვანალიზებ წარსულს განვლილი ათწლეულების გადასახედიდან, იმ დასკვნამდე მივდივარ, რომ შემთხვევით არ გამხდარა „სირინკსი“, ამ ნატიფი და სუსტი, ტრაგიკული ნიმფას სახე, ჩვენი ძიების სიმბოლოდ... რა უნდა დაეპირისპირებინა მას ველური და ძლიერი, მხეცი პანისათვის? მან ვერ შეძლო გაქცეოდა ძალმომრეობას და ანტიკური ღმერთის წყალობით, ამჯობინა ლერწმად ქცეულიყო, რათა მარადიული მარტოობისათვის გაენერა თავი.

ყველას როდი ძალუძს ძალმომრეობისაგან თავის დაღწევა და ყველას როდი ეხმარებოდნენ ანტიკური ღმერთები“.

რა სიმწრითაა ნათქვამი? ჩვენს გოგის, რომელსაც ასერიგად უყვარდა ანტიკური სამყარო და ბერძენთა მითოლოგიაზე მრავალი მინიატურული შედეგური შექმნა (ი. ფალიკის „ორესტეა“, ს. ცინცაძის „ანტიკური ესკიზები“: „პანი და ნიმფა“, „ნარცისი“, „აცისი და გალატეა“, „პოლიფემი“, „ზეესი და ევროპა“, „ჰეფესტო“, რ. გაბიჩვაძის „მედეა“, ა. კნაიფელის „მედეა“, ვ. კახიძის „ამაზონელი ქალეზი“, ე. ფომინის „ორფეოსი“, დ. ბორტრიანსკის „პანი და ნიმფა“, ო. მესიანის „ფენიქსი“, ი. კუჭყყმაძის „მედეა“, ა. ბერგის „ორფეოსი და ევრიდიკა“, ა. ვებერის „ნარცისი და



გოგი ალექსიძე

ექო“, ე. დენისოვის „იო და კრაზანა“, ბეთჰოვენის „მედეა“, ი. სტრავინსკის „ფერიას ამბორი“) მონიფულობის ასაკში თავს დაესხა ველური და მძვინვარე პანი. ჭეშმარიტად, ყველას როდი სწყალობენ ანტიკური ღმერთები!

გოგი ალექსიდის ნიგნი „ბალეტი ცვალებად სამყაროში“ ამ ჟანრის ნიგნებიდან იმითაც გამოირჩევა, რომ ავტორი ძალიან ცოტას ლაპარაკობს (მაგრამ, რასაც ამბობს, ძალიან შთამბეჭდავია) თავის დიდ სპექტაკლებზე, ქორეოგრაფიულ მინიატურებზე თუ საკონცერტო დადგმებზე. ეს მით უფრო საინტერესოა, რომ მისი მოღვაწეობისა და შემოქმედების დიაპაზონი და მერიდიანები თვალშეუდამია. ჯერ მარტო თბილისის საბალეტო სცენაზე განხორციელებული აქვს 32 დადგმა, რომელიც მოიცავს როგორც კლასიკურ (მოცარტი, ჩაიკოვსკი, შოპენი, სიბელიუსი, ბახი, ბეთჰოვენი, ს. პროკოფიევი, დ. შოსტაკოვიჩი...), ასევე თანამედროვე კომპოზიტორების მუსიკაზე შექმნილ ოპუსებს (ჰინდემიტი, შნიტკე, ფალკი...), მათ შორის, ცხადია, საპატიო ადგილი უჭირავს ქართველ კომპოზიტორთა მუსიკაზე შექმნილ ოპუსებს (ბ. კვერნაძის „ბერიკაობა“. ს. ცინცაძის „ანტიკური ესკიზები“, „სვანური ლეგენდა“, ო. თაქთაქიშვილის „ქორეოგრაფიული სუიტა“, „მთიულური“, ს. ნასიდის „ფიროსმანი“, გ. ყანჩელის „დემონი“, ვ. კახიძის „ამაზონელი ქალები“), ამათ გარდა პეტერბურგის „კამერული ბალეტი“ დადგა 14 სპექტაკლი, მარიას თეატრში — 9, პერმის თეატრში — 5, პეტერბურგის კონსერვატორიაში 12 (მათ შორის ს. ცინცაძის „ნარცისი“ და ს. ნასიდის „მეფე ლირი“), ა. მაკაროვის „ქორეოგრაფიულ მინიატურებში“ და ლ. იაკობსონის სახელობის „ქორეოგრაფიულ მინიატურებში“ — 42 (მათ შორის გ. ყანჩელის „ხანუმა“, „ლიტურგია“, „ტანგოს ნაცვლად“, „ბრონეულის ფერი“, ს. კეჭეყაძის „მედეა“, „ფანტაზია“). მ. გლინკას სახელობის კაპელაში — 14. ამას დაუმატეთ ბალეტი ყინულზე „კალმანიანა“ ციმბირის მოცეკვავეთა ანსამბლისათვის, დადგმები კინოსა და ტელევიზიაში, ე.წ. „სპეციალური დადგმები“, აგრეთვე პერმის, ვილნიუსის, ბორის ეიფმანის „ბალეტის თეატრში“ (გ. ყანჩელის „მონოლოგი“) ეკატერინბურგის, ბაქოს თეატრებში და სხვადასხვა ქორეოგრაფიულ სასწავლებლებში დადგმული კომპოზიციები. და ბოლოს, „მსოფლიო ბალეტების შედეგების“ სერიით ამერიკაში გამოსული ვიდეო კასეტა (ბახის „ჩაკონა“ და კნაფელის „მედეა“, სადაც სოლოს მისი მეუღლე მ. გოდერძიშვილი ცეკვავს) და თქვენ თვითონ დარწმუნდებით გოგი ალექსიდის შემოქმედების პიროვნულ მასშტაბებში. ცალკე უნდა აღვნიშნოთ გოგი ალექსიდისა და რობერტ სტურუას ფრიად ნაყოფიერი თანამშრომლობა დრამატულ და საოპერო თეატრებში — „მეფე ლირი“, „ჰამლეტი“, „გოდოს მოლოდინში“ — რუსთაველის თეატრში, ოთხი სპექტაკლი ათენში და ეპიდავრში — „ელექტრა“, „ანტიგონე“, „ოიდიპოს მეფე“ და „კოროლიანოსი“, მოლიერის „ტარტიუფი“ — თელ-ავივში, პ. ჩაიკოვსკის ოპერა „ევგენი ონეგინი“ — ბოლონიაში, „მაზუპა“ — დიდ თეატრში, კ. გოლდონის „სინიორ ტეოდორო“, მოსკოვის „სატირიკონში“, მ. შატროვის „ბრესტის ზავი“ — ვახტანგოვის თეატრში, „ოიდიპოს მეფე“ კიევში.

ახლა თვალი შევავლოთ გოგი ალექსიდის შემოქმედების სივრცეს, დაწყებული თბილისიდან და დამთავრებული პე-

ტერბურგით: ეს არის მონპელიეს (საფრანგეთი) საერთაშორისო ფესტივალი, რომი, მონტე-კარლო, მაია პლისეცკაიას ევროპული ფესტივალი, ამერიკული ტელევიზიისათვის „მედეა“. 2004 და 2006 წწ. მოსკოვსა და პეტერბურგში ირმა ნიორაძის შემოქმედებითი საღამოები (ორივეგან „საფირონი“ მენდელსონის მუსიკაზე). მართლაც დაუჯერებელია ეს ყოველივე და, თუმცა, ამ დადგმებში ჭარბობს მინიატურები, თუმცა ადრევე, 23 წლის ასაკში, დაიწყო ქორეოგრაფობა (პირველი დადგმა — 1969 წ. მოცარტის „ლამის პატარა სერენადა“ — პეტერბურგის კონსერვატორია, ბოლო დადგმა — 2006 წელი, ი. ნიორაძის შემოქმედებითი საღამო. მისივე აღიარებით არ უყვარდა სრულფორმატიანი დიდი, სიუჟეტური ბალეტის დადგმა) მაინც წარმოუდგენელია ესოდენ მრავალფეროვანი და მრავალრიცხოვანი რეპერტუარის შექმნა. გარდაიცვალა 57 წლის ასაკში და რომ არა ავანგარდული თავდასხმა, რომელმაც სიცოცხლე მოუსწრაფა, უეჭველია, იგი კიდევ მრავალი შედეგით გაამდიდრებდა საბალეტო ხელოვნების სივრცეს.

თავისი შემოქმედების გაფურჩქვნის ხანაში, როცა დაუსრულებლად შეეძლო ბრწყინვალე კომპოზიციების შეთხზვა და მსოფლიო საბალეტო სცენების დაპყრობა, აი, სწორედ მაშინ, „ნევიეზდნი“ იყო, ანუ აკრძალული ჰქონდა საზღვარგარეთ გასვლა, რადგან მისი უახლოესი მეგობარი მიხეილ ბარიშნიკოვი („ამ არტისტის ცეკვა, — ამბობს გოგი ალექსიძე, — ფრინველის ნავარდს მაგონებს, მასში სიმსუბუქე შერწყმულია ვაჟკაცურ, ცეცხლოვან გზნებასთან, ტემპერამენტი — პოზირების ქალურ სინარნარესთან“). ბარიშნიკოვის ნასვლით მან უზარმაზარი შემოქმედებითი სტიმული დაკარგა. მოცარტის „სამშვენისები“ უნდა გადაქცეულიყო მათი ხანგრძლივი თანამშრომლობის დასაწყისად, ის კი იქცა ბარიშნიკოვის უკანასკნელ სპექტაკლად რუსეთში, „ჩემს ლიბრეტოზე კომპოზიტორმა ვიტალი ბუიანოვსკიმ „კაბუკის“ მოტივებზე მიმსათვის სპეციალური ბალეტი დანერა, ჩვენ გვქონდა გრანდიოზული გეგმები, მაგრამ ყველაფერი დაგვენგრა...“ ამერიკაში გაიქცა (თბილისში ვასტროლების დროს მიმა ყოველთვის ალექსიძეების ოჯახში ცხოვრობდა). მალე მას სხვებიც მიჰყვნენ, საზღვარგარეთ დარჩა ნატალია მაკაროვა, რომელსაც რამდენიმე ბრწყინვალე მინიატურა დაუდგა გოგიმ. ნ. მაკაროვას გოგი ალექსიძე თანამედროვეობის და მთელი პლანეტის პრიმა-ბალერინად, ანა პავლოვასა და გალინა ულანოვას მემკვიდრედ მიაჩნდა. ნატალია მაკაროვამ საზღვარგარეთ უბრწყინვალესი კარიერა გაიკეთა. იგი ცეკვავდა ბალანჩინის, რობინსის, ეშტონის, ნოიმაიერის და სხვა სახელგანთქმული ქორეოგრაფების ქმნილებებში, იყო პარტნიორი რუდოლფ ნურიევისა (მას გოგი ალექსიძე „XX საუკუნის გენიოსს“ უწოდებს), დაიპყრო ამერიკისა და ევროპის უპირველესი სცენები, ამ დროს კი გოგი ალექსიძე, ვისი წყალობითაც გზა გაიკაფეს ნატალია მაკაროვამ და მ. ბარიშნიკოვმა, „სახლში იჯდა“ ანუ თავდაუზოგავი შრომით ქმნიდა ახალ-ახალ ოპუსებს საბჭოთა კავშირის თითქმის ყველა დიდ ქალაქში... „ეს იყო და ეს“ — გულმოკლული ამბობდა იგი.

გოგი ალექსიძე იგონებს: „პერმის ოპერისა და ბალეტის მთავარი ბალეტმეისტერი ვიყავი, გამომიძახეს „ორგანოებში“, პოლკოვნიკი, მამაკაცი, რომელსაც ნინელი ერქვა, მეკითხება: „... როცა ბარიშნიკოვს შეხვდებით, და

ეს შეხვედრა, ალბათ, მოხდება, ხომ მიაფურთხებთ მას სახეში?“ ვუთხარი: „მე აქლემი არ ვარ და ადამიანებს სახეში არ ვაფურთხებ. მეგობარს კი, მეგობრულად შევხვდები“. ასეთი ამბები ხშირად გადახდენია ცხოვრებაში. მაგალითად, როცა მისი დასი საგასტროლოდ მიემგზავრებოდა იაპონიაში, გამგზავრებამდე ერთი დღით ადრე, გოგი ალექსიძის გვარი ამოშალეს სიიდან, გამოუყვეს ერთი ოთახი მოსკოვში და უბრძანეს, აქედან ფეხი არ მოიცივალოო. რომ არა მეგობრების დახმარება, შიმშილით ამოხდებოდა სული. ყოველდღე ურეკავდნენ (ცხადია, ამონმებდნენ) და ეუბნებოდნენ: „ხვალ თქვენი გამგზავრების საკითხი დადებითად გადაწყდება“. ასე გავიდა ერთი თვე, ამასობაში დასი დაბრუნდა კიდეც იაპონიიდან.

ნიგნის ის თავები, სადაც გოგი ალექსიძე გვიამბობს თავის უფროს თუ თანამედროვე კოლეგებზე, გამოირჩევა დახასიათების სიზუსტით, თხრობის ბრწყინვალეობით, გონებაშეხვედრებით და იუმორით. მის თვალს არ გამოჰპარვია და მის მეხსიერებას არ დავიწყებია მრავალი საგულისხმო დეტალი. სულ რამდენიმე წინადადებით გოგი ახერხებს თავისი გმირის ინდივიდუალობის, მისი შემოქმედების უმთავრესი შტრიხების, ქორეოგრაფიული იდეების ორიგინალობის გადმოცემას. თხრობაში მარგალიტებივითაა გაბნეული პიკანტური დეტალები თუ ღიმილის მომგვრელი ფატერაკები, კომიკური სცენები, რაც კიდეც ერთხელ მარწმუნებს, რომ გოგის სიცოცხლის ბოლომდე შეუნარჩუნებია იუმორის გრძნობა, რაც ადამიანის სიცოცხლის სიყვარულის ყველაზე ნათელი დადასტურებაა.

რამდენიმე მაგალითს მოვიყვან ჩემი თხრობისა და მკითხველის გასახალისებლად (მითუმეტეს, რომ ამ ნიგნის მხოლოდ სამი ეგზემპლარი აქვს გოგის მეუღლეს, მის გულითად თანამოაზროვნესა და მფარველ ანგელოზს, მარინა გოდერძიშვილს, და საეჭვოა, რომ ქართველი მკითხველისათვის ხელმისაწვდომი გახდეს იგი) და მერე უფრო სერიოზულ საკითხებზე გადავალ... ერთი ეპიზოდი ფეოდორ ლიპუხოვის ცხოვრებიდან. ეს არაორდინალური პიროვნება, ცეკვა-სიმფონიების ერთ-ერთი პიონერი, რომელსაც გოგი „დიდ სტილისტს“ უწოდებს, თურმე დიდი ორიგინალობით გამოირჩეოდა, თუმცა მუდამ შიშით ცხოვრობდა.

მასთან სტუმრად უნდა მოსულიყო სახელგანთქმული ფრანგი ქორეოგრაფი სერჟ ლიფარი (ეს ის ლიფარია, რომელიც ამბობდა: „ფრანგული ბალეტი ეს მე ვარ“. სხვები კი მასზე ამბობდნენ: „იკაროსის სიკვდილმა განაპირობა ლიფარის უკვდავება“. „კლასიკური ცეკვის კულტურა მან აამალა კანონიკურ აბსოლუტადემო“) და აი, ეს კაცი, რომელსაც არც პატივმოყვარეობა აკლდა და არც დიდება, მოდის სტუმრად. „მისი ვიზიტის წინ ვესტუმრე ჩემს პედაგოგს, — იგონებს გოგი, — ვკითხე, რას აკეთებთ?

— კლარას ნიფხავს ვრეცხავ!

შევხედე, მართლაც ქალის ბამბაზიის ნიფხავს რეცხავს.

— ფეოდორ ვასილევჩი, უხერხულია, ლიფარი პარიზიდან ჩამოვიდა!..

— მერე მოვიდეს და ნახოს, თუ როგორ ცხოვრობენ საბჭოთა ბალეტმეისტერები.

1962 წელი. ლენინგრადში ჩავიდა ჯორჯ ბალანჩინი თავისი „ნიუ-იორკ სიტი ბელესთან“ ერთად. ლენსოვეტის სახელობის კულტურის სახლი, სადაც კონცერტები იმარ-

თებოდა, ათასობით მაყურებლითაა გარშემორტყმული. გოგი ალექსიძე და კომპოზიტორი ანდრია ბალანჩინაძე (ჯორჯ ბალანჩინის ძმა) რის ვაივაგლახით მიაპობენ ხალხმრავალ ტალღას. შესასვლელთან მათ ელოდება ბალანჩინი კონტრამარკებით ხელში. მაგრამ მილიციის კორდონი უბილეთო, მეტად საეჭვო გამომეტყველების ამ „დუეტს“ (ოთხდღიანი გადაბმული სმის წყალობით) არ ატარებს. არ გასჭრა ხვეწნა-მუდარამ, არც იმის მტკიცებამ, რომ ანდრია ჯორჯ ბალანჩინის ძმაა. მილიციის ლეიტენანტი დამცინავად ათვალეერებს გოგის ჩამოძეძილ ჯემპოს და აბურძგულ თმებს. არც ანდრიას საეჭვო ღირსების ლაბადა ინვეს მანცდამანც დიდ ნდობას. უცებ ანდრიას გაახსენდა, რომ იგი ისრკ-ს უმაღლესი საბჭოს დეპუტატია. გადაიხსნა ლაბადა, რომლის შიგნით, სარჩულზე დამაგრებული ჰქონდა დეპუტატის ნიშანი. ოფიცერი თვალებს არ უჯერებდა, მაგრამ რას გაანცობდა ჯადოსნური ძალის მქონე ნიშნის პირისპირ. უხალისოდ გაატარა სტუმრები. ბალანჩინი კი მთელი თხუთმეტი წუთი ელოდა მათ. სპექტაკლი ოცი წუთის დაგვიანებით დაიწყო. მრავალთავან კიდეც ერთ მაგალითს მოვუხმობ.

ლენინგრადში ბალანჩინის მეორე ჩასვლისას (1972) განთქმულმა მოცეკვავემ და თეატრალურმა მოღვაწემ ასკოლდ მაკაროვმა მაცენტროს პატივისცემად ვახშამი გამართა. მონვეული იყვნენ ბალანჩინის ძველი მეგობრები პეტერბურგიდან — მიხეილ მიხაილოვი, გიტარისტი სოროკინი, პიოტრ გუსევი, ახალგაზრდებიდან — მ. ბარიშნიკოვი და გ. ალექსიძე. ბალანჩინმა მოიგონა პეტერბურგში გატარებული თავისი ახალგაზრდობის ამბები, მის მიერ ჩამოყალიბებული „ახალგაზრდა ბალეტი“, რევოლუციის შემდგომი წლები. ბოლოს, შექეფიანებულმა, იკითხა — რა ხდება კმესინსკაიას სასახლეშიო. უთხრეს, რომ ყველაფერი ისეა, როგორც კმესინსკაიას სიცოცხლეში იყო. ბალანჩინის ყველა მომდევნო კითხვაზე მასპინძლები პასუხობდნენ, ყველაფერი ძველებურადააო.

ბალანჩინმა თვალი გადაავლო შავი ხიზილალით, ათასნაირი ნუგბარი საჭმელით სავსე სუფრას, შენიშნა, რომ მენიუშიც არაფერი შეცვლილა, სოროკინიც ისევე თავის ძველ სიმღერებს აკენებს და ნამოიძახა: „მაშინ რატომ მოახდინეთ ეს რევოლუცია?“ (ამგვარი ფრაზების ნამოსროლა უყვარდა ძმასავით გონებამახვილ ანდრიას... საზღვარგარეთ ყოფნისას ხორცის საკევი მანქანა იყიდა. საბაჟოს ოფიცერმა ჩამოართვა მანქანა, „ამის შემოტანა საბჭოთა კავშირში აკრძალულიაო“. ანდრია მყისვე მიუგო: „თქვენ მართალი ხართ, ნეტავ რაში დამჭირდება! საბჭოთა კავშირში ხომ ხორცი მანც არ იშოვება“).

გოგი ალექსიძე თავისი მონათხრობის ყოველ ეპიზოდში ამჟღავნებს მუსიკის (პირველ რიგში), ლიტერატურის (განსაკუთრებით ანტიკური ლიტერატურის ცოდნას, რომელიც თავისი უფროსი ძმის, ალექსანდრე ალექსიძის, ძველბერძნული და ბიზანტიური ლიტერატურის შესანიშნავი სპეციალისტის წყალობით, ღრმად ჰქონდა შეთვისებული), აგრეთვე ფილოსოფიის, ისტორიის, განსაკუთრებით ბალეტის ისტორიის ფართო ცოდნას. ასეთი უნიკალური ერუდიციის მიუხედავად, მისი თხრობა ლაღია, მიმზიდველი, იგი არაა დამძიმებული არც სპეციალური ტერმინებით და არც ესთეტიკური კატეგორიების ეკვილიბრისტიკით, რითაც ასერი-

გად იწონებენ თავს ჩვენი „მცოდნენი“.

მკითხველის თვალწინ თითქოს ცოცხლად ჩაივლიან გოგი ალექსიძის მიერ არაჩვეულებრივი რელიგიურობით დახატული უთვალსაჩინოესი ქორეოგრაფები და გენიალური მოცეკვავეები. იგი წარმოგვიდგენს თავისი ოცნების თეატრს, უფრო თუ დავაკვირდებით, დაუფინყარ სპექტაკლს, სადაც ყოველ პერსონაჟს თავისი განსაკუთრებული ადგილი უჭირავს. ერთის ინდივიდუალობა არ ფარავს მეორისას, ზოგჯერ კონტრასტის, ზოგჯერ კონტრასტის მეოხებით, ყველა მოჩანს როგორც თავისი საქმის პროტაგონისტი, შთაგონებული მუსიკისა და ცეკვის უსასრულო შესაძლებლობებით.

განსაცვიფრებელი სიცხადით ხედავს გოგი ალექსიძე მოცეკვავის სხეულს და კიდევ უფრო განსაცვიფრებელია მოცეკვავის სულის, აღმაფრენის, შთაგონების სიღრმეში წვდომის მისი ნიჭი. ამიტომაც იყო, რომ ყველანი, თვით-დამკვიდრების მიზნით, მისკენ მიისწრაფოდნენ. მოცეკვავეებზე იგი ლაპარაკობს სიყვარულით, აღფრთოვანებით, მეტაფორებისა და შედარებების ფოიერვერკებით. ქორეოგრაფებზე — სერიოზულად, ანალიტიკურად, ისე, რომ ჩვენც გვიზიარებს თავის დიდ ცოდნას ამ საოცარ ხელოვნებაზე, რომელიც ერთდროულად შეიცავს საკუთრებრივ ცეკვის, ქორეოგრაფიულ სულსაც და წმინდა დადგმით მოტივესაც. სხვათა შორის, გოგი ალექსიძე ერთმანეთისაგან ასხვავებს (მაგრამ რადიკალურად არ უპირისპირებს) ბალეტმეისტერსა და ქორეოგრაფს. ლარისა აბიზოვასთან საუბარში, გ. ალექსიძე აღნიშნავს, რომ „ბალეტმეისტერი“ ისტორიული სახელწოდებაა, რომელიც სათავეს იღებს XIX საუკუნის ტერმინოლოგიაში. ბალეტი მაშინ იყო პომპეზური სანახაობა, მსგავსი „მძინარე მზეთუნახავისა“. ბალეტმეისტერია ის, ვისაც ძალუძს ერთ მთლიანობაში მოუყაროს თავი პანტომიმასა და ქორეოგრაფიას. ყველაზე შესანიშნავი დიდი ბალეტმეისტერი იყო პეტიპა. იგი ღმერთმა დიდი ბალეტებისთვის შექმნაო. ქორეოგრაფი კი ისაა, ვინც ქმნის ქორეოგრაფიას. ქორეოგრაფს შეუძლია არ იმუშაოს საიმპერატორო თეატრში. ახლა ცნება „ბალეტმეისტერი“ მოძველდა. უკანასკნელი ბალეტმეისტერები ჩვენში იყვნენ ოლეგ ვინოგრადოვი და იური გრიგოროვიჩი.*

— ეიფმანი?

— ეიფმანი? ეიფმანიც ბალეტმეისტერია. ბალანჩინი კი ქორეოგრაფია!

— თქვენ თავს რომელს მიაკუთვნებთ?

— მე ვარ ქორეოგრაფი. მე არა ვარ დაბადებული ბროლისჭალისი და საიმპერატოროლოჟებიანი თეატრალური დარბაზებისათვის. მე არ გამომდის დიდი ბალეტები. ჩემთვის უმთავრესია ქორეოგრაფიული აზროვნების მომენტი, სხვისთვის მთავარი დრამატურგიაა და არა ქორეოგრაფია. მაგალითად, ბალანჩინისათვის ქორეოგრაფია ყოველთვის პირველადია“.

„კამერულ ბალეტში“ 1966, 1967, 1968 წლებში შეთხ-

* ო. ვინოგრადოვმა პეტერბურგის მარიას თეატრში დადგა ალექსი მაჭავარიანის ბალეტი „ვეფხისტყაოსანი“, რომელიც თბილისშიც წარმოადგინეს. ხოლო ი. გრიგოროვიჩმა თბილისის ოპერისა და ბალეტის სცენაზე პ. ჩაიკოვსკის „მაკნატუნა“, სოლიკო ვირსალაძის სცენოგრაფიით.

ზული პირველი, ქორეოგრაფიული მინიატურებიდან (დე-ბიუსის, ბრიტენის, ბიზეს, მოცარტის, ს. პროკოფიევის, დ. შოსტაკოვიჩის და სხვათა მუსიკაზე) გ. ალექსიძე ალიარე-ბული იქნა ჯორჯ ბალანჩინის ქორეოგრაფიული იდეების მიმდევრად და განმახლებლადაც კი. თავისი დიდი კოლეგის მსგავსად (რომელიც ამბობდა „მე სისხლით ქართველი ვარ, კულტურით — რუსი, საცხოვრებელი ადგილით — ამერიკელი, ხოლო ნაციონალობით — პეტერბურგელი“). აქ განსხვავდება სტალინის ხელით შევსებული ანკეტა: „Национальность – грузин, родной язык – русский“). იგი არაჩვეულებრივად „ხედავდა“ მუსიკას, კარგად ერკვეოდა კლასიკაში, პარტიტურაში, ორკესტრის ყველა ინსტრუმენტში, ტემპებში და დირიჟორებში. იმდენად ღრმად გრძნობდა მუსიკას, რომ შეეძლო ნებისმიერი მუსიკალური ფრაზისათვის ანალოგიური პლასტიკური ნახაზის შექმნა. მის პროგრამებში გაერთიანებულია მუსიკა ბაროკოდან რომანტიზმამდე, კლასიკიდან თანამედროვე ავანგარდამდე და ყოველი მათგანისათვის მონახულია შესატყვისი სტილი, პლასტიკით და მუსიკით შექმნილი ეს სტილი თანამედროვეა და სცენაზე მოცეკვავეთა მოძრაობის და კომპოზიციების შინაგან არსს ასახავს. მიუხედავად იმისა, რომ რუსეთში იმ დროს იყვნენ მუსიკალური მინიატურების ქორეოგრაფიულ ხატად გარდასახვის ოსტატები (კ. გოლიეზოვსკი, ლეონიდ იაკობსონი, იგორ ბელსკი) მაინც გ. ალექსიძეა მიჩნეული ყველაზე დიდ და ორიგინალურ ოსტატად ამ სფეროში. შემთხვევითი არ იყო, რომ სწორედ ისეთმა დიდმა ქორეოგრაფმა, როგორც იყო ფ. ლოპუხოვი, მშვენიერი წერილი უძღვნა გოგის სადებიუტო პრემიერებს და ჭაბუკ ქართველ ქორეოგრაფს გზა დაულოცა ცეკვის დიდ სამყაროში. ხოლო მარიას თეატრის დირექტორმა რაჩინსკიმ უთხრა: „თქვენი ნომრიდან მიღებული შთაბეჭდილება ისეთივე იყო, როგორც ვსევოლოდ მიერ-ხოლდის სპექტაკლიდან“. კომპოზიტორი ბენჯამენ ბრიტენი ალტაცებული დარჩა გოგის „მეტამორფოზებით“. მან ლონდონურ „თაიმსში“ გამოაქვეყნა თავისი შთაბეჭდილება — ვერასლოდეს წარმოვიდგენდი, რომ ჩემი პიესის მუსიკაზე ასეთი დრამატული და მწყობრი ქორეოგრაფიული სუიტა შეიქმნებოდა ანტიკურ თემაზეო.

ის, რაც XX საუკუნის 60-იან წლებში იშვიათი იყო, XX საუკუნის დასასრულსა და XXI საუკუნის დასაწყისში საყოველთაო მოვლენად იქცა. ავტორისეულ წინასიტყვაობაში გ. ალექსიძე, ეს პირველი ბალანჩინისტი, შემფოთებული წერს: „მიმდინარეობს რეპერტუარის გლობალიზაცია, რის გამოც აღარავინ მიმართავს ექსპერიმენტებს. განა გენიალურ ბალანჩინს შეეძლო წარმოედგინა, რომ რუსეთის ყველა თეატრში რეპერტუარის „ბალანჩინიზაცია“ მოხდებოდა?“ გოგი ალექსიძის ეს გაოცება მით უფრო საგულისხმოა, რომ თავად ბალანჩინი ამბობდა, რომ ჩემი მიმდევრების მიერ აღდგენილ ბალეტებს, ცხადია, მე მომანერენ, მაგრამ მათ არაფერი ექნებათ საერთო ჩემს ოპუსებთანო.

სხვათა შორის ე.წ. „ბალანჩინიზაცია“ თბილისის საბალეტო სცენასაც შეეხო, მაგრამ განსხვავებით ჩვენი მაესტროსაგან, ამ კონკრეტულ შემთხვევაში, ეს დადებით მოვლენად მიმჩნია. მართალია, როგორც წესი, აღდგენილ (თუ განახლებულ) ქორეოგრაფიას აკლია პირველქმნილი სიახლე და არომატულობა, სტილისტური სიზუსტე და ენთუზიაზმით

აღძრული ენერგეტიკა, მაგრამ, სამაგიეროდ დარჩენილია გენიალური ქორეოგრაფიის პოეტიკა, ცეკვების განსაცვიფრებელი სქემა, და ბოლოსდაბოლოს, ვინც ბალანჩინის კონცერტზე მიდის, იგი სწორედ ბალანჩინის „სანახავად“ მიდის და არა მოცეკვავეებისა. მე ბალანჩინის ყველა პროგრამა მაქვს ნანახი თბილისში (1962, 1972 წწ), მისი სხვა პროგრამაც ვნახე „ლინკოლნ ცენტრში“ (რ. სტურუასთან ერთად), მაგრამ თბილისში აღდგენილ მის ოპუსებსაც უდიდესი სიამოვნებით ვუყურებ და ისიც შევნიშნე, თუ რა დიდი სიამოვნებით და მონდომებით ცეკვავენ ჩვენი სოლისტები.

მიუხედავად იმისა, რომ ნიგნში ბალანჩინისადმი მიძღვნილი თავი მოცულობით პატარაა და თავის საუბრებში უფრო ვრცლად ჩერდება რუსული ბალეტის დიდ მოღვაწეებზე (აქ ყოველი ფრაზა სავსეა ღრმა ცოდნით, უნიკალური სიზუსტით), მაინც იგრძნობა, რომ ბალანჩინი მას თანამედროვეობის უპირველეს ქორეოგრაფად მიაჩნია: „ბალანჩინს გააჩნდა რაციონალური და ემოციური სანყისების შერწყმის იშვიათი უნარი. ეს დიდი ოსტატი მიზნად ისახავდა გარკვეული ხატის შექმნას. ეს შეიძლება ყოფილიყო ყველა პარამეტრით სრულყოფილი კომპოზიცია, რომელიც თავისთავად მხატვრული ღირებულების შემცველია და რომელიც სიმბოლური აღქმის შესაძლებლობასაც შეიცავს. ეს სიმბოლიკა არ იყო დამძიმებული არქეტიპების ან პირობითი გამომსახველი ნიშნების ტვირთით. ლიტერატურული სიმბოლოებისაგან განსხვავებით, იგი არ იწვევდა ფაბულური ხასიათის ასოციაციებს“.

თუ გოგი ალექსიძე ქორეოგრაფთა შორის ყველაზე მეტად ბალანჩინს აფასებს, ყველაზე მეტად ვახტანგ ჭაბუკიანი უყვარს. ეს მაშინაც გამოჩნდა, როცა მან დიდი მასეტროს ქართული და კლასიკური ბალეტები აღადგინა, სწორედ მან დააბრუნა იგი თბილისის ქორეოგრაფიულ სასწავლებელში, რომელიც ვახტანგ ჭაბუკიანის მიერ იყო დაარსებული. გოგი ალექსიძე, რომელიც უდიდესი ბალეტმეისტრებისა და ქორეოგრაფების რეპეტიციებსა თუ „ეგზერსიზებს“ დასწრებას, გაცემით აღნიშნავს: „ვ. ჭაბუკიანის ჩვენება იყო უბრწყინვალესი. ყველაზე მეტად გასაოცარი იყო ის, რასაც იგი მოცეკვავე ქალებს უჩვენებდა. იგი მათ აზიარებდა სიმსუბუქის, ჰაეროვნებისა და გრაციის იდუმალ ხელოვნებას. ხოლო მისი ცეკვა ხომ პირდაპირ თავზარდამცემი იყო თავისი მამაკაცური ძალმოსილებით. ასაკმოძალებული იგი იყო ელეგანტური და დახვეწილი. თავის სხეულში ატარებდა ძალის, ენერჯის, ტემპერამენტის შმაგ მუხტს, მამაკაცურ სანყისს“. სხვაგან ამბობს: „თუ სერგეევი რუსულ ბალეტში იყო პირველი გმირი-რომანტიკოსი, ვ. ჭაბუკიანი იყო საერთოდ ბალეტის პირველი ჰეროიკული გმირი“ (ამიტომაც იყო ალტაცებული მისი ცეკვით ს. ახმეტელი) და, აი, ბალეტის იმ უპირველეს „ჰეროიკულ გმირთან“ შეხვედრაზე ოცნებობდა ახალგაზრდა რუდოლფ ნურიევი, რომელიც სსრკ-დან გაქცევის შემდეგ თანამედროვეობის საუკეთესო მოცეკვავე გახდა. ნურიევი, ცხადია, იცნობდა ვ. ჭაბუკიანს როგორც ქორეოგრაფს, ცეკვადა მის მიერ დადგმულ „ბაიადერკაში“ და როგორც ყველა რომანტიკულ-გმირული სტილის მოცეკვავე, ოცნებობდა ფრონდოზოს („ლაურენსია“) პარტიაზე, სადაც ჭაბუკიანი თავის დროზე ბრწყინავდა და არნახულ მწვერვალს იპყრობდა. გოგის

თქმით, ნურიევი არ შეეძლო არ შეხვედროდა დიდ მასეტროს, პეტერბურგის ამ ლეგენდას, რომელსაც ის ბალეტისმცოდნე, რომელთაც ნანახი ჰყავდათ იგი თავისი დიდების ზენიტში, მიიჩნევდნენ, რომ ქვეყნად მისი შესადარი მოცეკვავე არ არსებობდა. გოგი ალექსიძის ძალისხმევით ეს შეხვედრა შედგა სოჭში (ყოველ ზაფხულს, ტრადიციისამებრ, თბილისის ოპერისა და ბალეტის თეატრი სოჭში, „ვსესლიუზნაია ზდრავნიცაში“ მართავდა გასტროლებს. ეს ფრიად ღირსშესანიშნავი მოვლენა იყო, რადგან მაშინ მთელი საბჭოთა კულტურული ელიტა აქ იყრიდა თავს). ნურიევი სურდა ენახა ჯადოქრის სახელოსნო „იგი უნდა გათავისუფლებულიყო დიდი ოსტატისადმი პიეტეტისა და ავტორიტეტის ტვირთისაგან“. ახალგაზრდა ნურიევი დაესწრო ვ. ჭაბუკიანის რეპეტიციას და განაცხადა: „მამაკაცური ცეკვა ჩემგან იწყება. მე გადავდგი ნაბიჯი წინ. ჩემი ბრუნვები მალაღ ნახევარ-თითებზე ჭაბუკიანისაზე შეუდარებლად ლამაზია. ჩემი ნახტომი უფრო მაღალია ჭაბუკიანის ნახტომზე დაბალ ნახევარ თითებზე, ჩემი ტექნიკა უფრო სრულყოფილია“. სხვათა შორის, ნურიევი აქ მხოლოდ ერთ რამეშია მართალი, როცა ამბობს „ჩემი ნახტომი ჭაბუკიანის ნახტომზე მაღალია“. ვ. ჭაბუკიანზე მალაღ ბევრი ხტებოდა, მათ შორის მ. ბარიშნიკოვი, ვ. ვასილევია და ნ. დოლგუშინიც, მაგრამ ვახტანგ ჭაბუკიანისა და ჰაერში ყოფნის უნიკალურ ნიჭს. ნახტომი დიდხანს გრძელდებოდა, თითქოს დროში იწელებოდა და, ამგვარად იქმნებოდა დიდი სიმაღლისა და სიგრძის სრული ილუზია. ამის შესახებ წერდნენ გალინა ულანოვა და ტატიანა ვეჩესლოვა (ვ. ჭაბუკიანის დიდი პარტნიორი. მისი ნიგნის ერთი ფრაგმენტი, რომელიც ეხება ვახტანგ ჭაბუკიანს მე ვთარგმნე და დავუბეჭდე გაზეთ „ლიტერატურულ საქართველოში“ რევაზ მარგიანის რედაქტორობის დროს). ვ. ჭაბუკიანს მიუვიდა ნურიევის ნათქვამი, გაცეცხლდა, გაცოფდა და კინისკვრით გააგდო თეატრიდან. რ. ნურიევი მაშინ იყო ახალგაზრდა, ენერგიით სავსე, ძალმოსილი, გამზადებული კოსმიური ნახტომისათვის (სწორედ ასეთი ნახტომით გაიქცა ლონდონის აეროპორტ „ჰიტროუდან“ პოლიციის განყოფილებაში), ჭაბუკიანი კი „წელთ დაღმართ დაშვებული“, მოცეკვავის კარიერის ფირნიშამდე მისული. ნურიევის ცეკვა ვნახე მეხიკოში, რუსთაველის თეატრის ქორეოგრაფ იური ზარეცკის (რომელიც მეგობრობდა ამ მოცეკვავესთან) მეოხებით. ამ დროს ნურიევი უფრო ახალგაზრდა იყო, ვიდრე ვ. ჭაბუკიანი მაშინ, სოჭში გასტროლებისას. ნურიევი მთავარ პარტიას ცეკვადა ს. პროკოფიევის „რომეო და ჯულიეტაში“. ერთი აუნერელი აჟიოტაჟი იყო ატენილი მეხიკოში. სპექტაკლი იმართებოდა სპორტის სასახლეში. მაგრამ, რაც ვნახე, ეს იყო ყველაფერი, გარდა ცეკვისა. ნურიევი ლამაზად და მოხდენილად დადიოდა, ხანდახან თუ გადაირბენდა დარბაზში სუსტი ნახტომით. სადღა იყო მისი განთქმული ნახტომები, თავბრუდამხვევი ბრუნვები და ველური ვნება, რომელიც ასე აჯადოებდა მაყურებელს. გოგი ალექსიძემ მისი ბოლო, გამოსათხოვარი ცეკვა ნახა პეტერბურგში, საიდანაც დაიწყო სწორედ რუდოლფის სვლა დიდებისაკენ. „მას შეხვდნენ ტრიუმფით, დარბაზი ალტაცებისაგან ღრიალებდა, მაგრამ მისი ცეკვა შორეულად

თუ ჰგავდა ცეკვას“. რ. ნურიევი კიდევ ერთხელ, უკანასკნელად, ვნახე მილანში, ლა სკალას ფილიალში „ტეატრო ლირიკოში“, რუსთაველის თეატრის სპექტაკლზე „მეფე ლირი“. იგი მოვიდა უცნაურად ჩაცმული — კოჭებამდე დაშვებული შავი მოსასხამით, შავი, დიდი ფარფლებიანი შლაპით, შავი სათვალით. ახლდა ორი მცველი. ჩაჯდა თუ არა სავარძელში, უმაღლვე ლაბადაში გაეხვია (მილანში წვიმიანი ამინდი იყო), გაშლილი ფეხები ზურგგადაკეცილ წინა სავარძელზე დააწყო. ასე ნახევრად დანოლილმა უყურა სპექტაკლს. მის შემყურეს, რატომღაც, ლიბის ამბიციური და ზვიადი დიქტატორი მუამარ კადაფი მომაგონდა. აშკარად ნატანჯი სახე ჰქონდა. უმძიმესი დაავადება (შიდსი), ეტყობა, უკვე ღრმად იყო გამჯდარი მის ორგანიზმში. ანტრექტზე არ ამდგარა სავარძლიდან. მივუახლოვდი და გამოლაპარაკება დავაპირე. მცველმა ზრდილობიანად შემაჩერა და მითხრა: „ნურიევთან დალაპარაკების ერთი წუთი ხუთი ათასი დოლარი ღირს“ (ანუ, იმაზე მეტი, ვიდრე მთელი რუსთაველის თეატრის დასი იღებდა ორკვირიანი გასტროლების მანძილზე). ბოლოს ნურიევმა მაინც მოუხადა ქუდი დიდ მაესტროს ვახტანგ ჭაბუკიანს. პარიზში, გრანდ ოპერის სცენაზე (ეს თეატრი, ალბათ, მალე მეორე იქნება ევროპაში, მას შემდეგ, რაც მიხეილ სააკაშვილი ბათუმში ააშენებს ოპერის თეატრს, სიცი), მან განახორციელა თავისი უკანასკნელი დადგმა. მინკუსის „ბაიდუკა“, სადაც ყველა სოლო ცეკვა, ვახტანგ ჭაბუკიანის რედაქციით, უცვლელად გადაიტანა.

გოგი ალექსიძის ეს წიგნი, თუმცა მოცულობით არ არის დიდი (შეიცავს 166 გვერდს, აპარატის ჩათვლით), მაგრამ მრავალ პრობლემას თუ ფიქრს აღძრავს თანამედროვე ბალეტზე. განსაკუთრებით მნიშვნელოვანია ის თავები, სადაც წმინდა ქორეოგრაფიული და მუსიკალური თემებია განხილული („რამდენიმე მოსაზრება ქორეოგრაფიულ სიმფონიებზე“, „შეიძლება თუ არა შევისწავლოთ ქორეოგრაფის პროფესია“, „საუბრები ყველაზე და ყველაფერზე“). მაგრამ სპეციფიურ პრობლემებზე ისე ნათლად, შთაგონებით, ვიტყვოდი, დახვეწილად მსჯელობს, რომ ყველაფერი გასაგებია, თვით ჩემისთანა დილექტანტისთვისაც კი.

* * *

ბოლოს, გვერდს ვერ ავუვლი ერთ მოვლენას, რომელმაც ძალიან გამახარა და პირველ რიგში გოგი ალექსიძეს გაახარებდა, ცოტაც რომ ეცოცხლა. 28 ივნისს, რუსთაველის თეატრის მცირე დარბაზში, გოგი ალექსიძის ქალიშვილმა, ცნობილმა ბალერინამ და დამწყებმა ქორეოგრაფმა მარიამ ალექსიძემ, მამის გარდაცვალების წლისთავზე, მის ხსოვნას მიუძღვნა გალაკტიონ ტაბიძის პოეზიაზე შექმნილი მშვენიერ ბალეტი ერთ მოქმედებად „დოვინ-დოვინ-დოვლი“. სპექტაკლში გამოყენებულია გალაკტიონის მიერ ნაკითხული ლექსები „1950“, „მთანმინდის მთვარე“, კლოდ დებიუსის, გუსტავ მალერის და ალბერ ბერგის მუსიკა.

მარიამი შვიდი წლის ასაკიდან გოგი ალექსიძის თითქმის ყველა დადგმაში მონაწილეობდა, ესწრებოდა მის „ეგზერსიზებს“, რეპეტიციებს და ამგვარად, შესანიშნავი სკოლა გაიარა.

გალაკტიონის პოეზიაზე ქორეოგრაფიული სპექტაკლის შექმნა იმანაც განაპირობა, რომ გოგი ალექსიძის

უკანასკნელი ნამუშევარი თბილისში იყო „მთანმინდის მთვარეზე“ შექმნილი მინიატურა (რომელშიც თვითონაც მონაწილეობდა).

მარიამ ალექსიძე იგონებს: „ერთი წლის წინათ პეტერბურგში მამამ მძიმე ოპერაცია გადაიტანა. სწორედ ამ პერიოდში გამიჩნდა ძლიერი სურვილი, რომ ქორეოგრაფიაში მეცადა ბედი. როდესაც გოგი თბილისში ჩამოვიდა, სტრავინსკის მუსიკაზე დადგმული თორმეტწუთიანი მინიატურა საჩუქრად დავახვედრე. მას შემდეგ მან მხოლოდ ერთი კვირა იცოცხლა და მთელი ამ პერიოდის განმავლობაში ერთ ფრანსს მიმეორებდა — შენ არ იცი როგორ გამახარეო“.

ვიცოდი, რომ გოგი ალექსიძის პიკასოს გრაფიკაზე (გლინკას სახელობის კაპელაში) დადგმული ჰქონდა ქორეოგრაფიული ეტიუდი „ესპანეთი“ (კომპოზიტორი ვ. ბუიანოვსკი), მაგრამ თუ პოეზია გახდებოდა მისი შთაგონების სათავე, ეს ნამდვილად მოულოდნელი იყო ჩემთვის.

სპექტაკლში (დამდგმელი რეჟისორი გელა კანდელაკი, მუსიკალური კონსულტანტი თეიმურაზ ბაკურაძე, მხატვრულად გამფორმებელი ნინო ოჩიაური, ჩვენი ბალეტის პრიმა) გამოყენებულია ეკრანი. პირველივე კადრებში მოჩანს ახალგაზრდა, მართლაც საოცრად დახვეწილი, შთაგონებული გოგის მშვენიერი სახე, მერე, მონტაჟის „ნახტომი“ და უკვე კადრში შემოდის მოტეხილი, უძლური, მოხუცი, ბროლის ხელჯობით. მეყსეულად შეჩერდება, მცირე პაუზა... ორივე ხელით აღმართავს ხელჯობს და რაც ძალი და ღონე აქვს, იატაკზე დაანარცხებს, მაგრამ ისმის არა ჯობის დაცემის ხმა, არამედ რაღაც დიდი ბროლის მსხვერვის თავზარდამცემი, თავისი მოულოდნელობით, ხმა. შესანიშნავი მიგნებაა!), როგორც კი ეს „ნამსხვერვები“ გაიფანტება, გამოცოცხლებული გოგი, ძალმოსილი, შემოქმედებითი ექსტაზით ატაცებული ერთ ადგილზე იწყებს მთელი სხეულითა და ხელებით, სხვადასხვა ქორეოგრაფიული ფიგურების გამოყვანას სცენურ სივრცეში და... სპექტაკლი იწყება... მოკრძალებული დებიუტანტი მარიამ ალექსიძე ამბობს: „ლექსების ციკლზე შექმნილ სპექტაკლში შევეცადე შემენარჩუნებინა ის ფორმა და სტილი, რომელიც გოგი ალექსიძეს „მთანმინდის მთვარეში“ ჰქონდა და ჩემებური ქორეოგრაფიული ენით და ხედვით წარმოემჩინა“. მსურს, ჩემი მხრივ დავძინო, რომ ეს „ენა“ და „ხედვა“ ძალიან გამოირჩევა ორიგინალობით, და ვიტყვი, ზოგ შემთხვევაში მოულოდნელობითაც. მართალია, მარიამის იმპულსი გოგის „მთანმინდის მთვარე“, მაგრამ ცეკვის სტილი და ბუნება მასთან ამოზრდილია სიტყვისა და მუსიკის სიმბიოზზე. აქ ბევრია თვით გოგი ალექსიძისთვის „უცნობი“ რაკურსი, პლასტიკური გადასვლები, გადახლართვები თუ პოზები. ზოგჯერ ისეა, რომ მოცეკვავეთა პლასტიკა, მათი მოძრაობის რიტმები ხან გალაკტიონის პოეზიის მუსიკალურობითაა შთაგონებული, ხან საკუთრივ მუსიკით, მაგრამ სტილისა და ქორეოგრაფიის მთლიანობა ბოლომდეა შენარჩუნებული.

მარიამ ალექსიძემ დიდებული საჩუქარი უძღვნა მამის ხსოვნას (გავიხსენოთ: „ყველას რაიმე აქვს სახსოვარი“) და თავისი ორიგინალური სპექტაკლით, სადაც არა მარტო გოგის სახე დავინახეთ ეკრანზე გაცოცხლებული, არამედ ამ დიდი შემოქმედის სულიც ქორეოგრაფიაში გარდასახული, ხალხით გაჭედული რუსთაველის თეატრის მცირე

ვალენტინა ხაზალია

სიტყვა და ხაზი

□

გუჩა კვარაცხელიას ახალი პოეტური კრებული

„ვნებათა იგივეობა ნესია დედამინისაო“ – ამ ერთი საუკუნის წინათ უბრძანებია ვაჟას.

ამ ვნებათა სრულყოფილად წარმოჩენის სურვილი არ ასვენებს ადამის მოდგმას დასაბამიდან დღემდე; მაშინაც, როდესაც გამოქვაბულის მკვიდრი იყო და არ გააჩნდა არც ფუნჯი და საღებავები, არც ტუში და საჭრეთელი, და დღესაც, როცა სრა-სასახლეებში დაიდო ბინა და, ვინ იცის, რა ტექნიკური საშუალებები არ მოუპოვებია ჩანაფიქრის ხორცშესახემლად, ადამიანები თითქოს ერთმანეთს ეჯიბრებიანო — ვინ სიტყვით, ვინ ხაზით, ვინ კიდევ მდიდარი პალიტრითა თუ საჭრეთლით უკეთ შეასხამს ხორცს, უკეთ წარმოაჩენს ადამიანურ ვნებათა ვარაიციებს... ასე იყო, ასეა და ასე იქნება; დიახ, ასე იქმნებოდა, იქმნება და კვლავაც ასე შეიქმნება, შეიქმნება და გაგრძელდება მარადიულ ღირებულებათა ის უწყვეტი ჯაჭვი, მსოფლიო ხელოვნების საგანძურს.

ამ ცივილიზაციაში თითქმის ყველა ქვეყანას, ყოველ ერს თავისი წვლილი აქვს შეტანილი და საკუთარი სახე გამოარჩევს.

საქართველოსაც ერთ-ერთი გამორჩეული ადგილი უჭირავს იქ თავისი მრავალსაუკუნოვანი თვითმყოფადი კულტურით, რომელშიც წიგნის ხელოვნებას (მის არსსა და მხატვრულ გაფორმებას, მის სახეს) თავისი ღირსეული ადგილი აქვს დამკვიდრებული.

საქართველოში წიგნი ოდითგან კალიგრაფთა ნახელავი იყო (დღესაც ასე აღტაცებაში რომ მოჰყავს მნახველი).

დროთა ვითარებაში კალიგრაფიას პოლიგრაფია ჩაენაცვლა და ის გახდა ერთგვარად შუამავალი წიგნის ავტორს, მის მხატვრულად გამფორმებელ მხატვარსა და მკითხველს შორის; და ისმოდა ერთხანს უკმაყოფილება პოლიგრაფისტთა მისამართით, მაგრამ ტექნიკის განვითარებამ თავისი სიტყვა თქვა და ახლა ეს პრეტენზიებიც აღარ ისმის. პოლიგრაფიას უკვე შეუძლია სრულყოფილად წარმოაჩინოს მხატვრის ნამოღვაწარი, რაც მკითხველს ეხმარება უფრო ღრმად ჩაწვდეს წიგნის არსს, მის შინაარსს. მაგრამ, თუ გავითვალისწინებთ, რომ რამდენი მხატვრული სტრიქონის ნამკითხავია, იმდენი განსხვავებული თვალია, იმდენი მეტ-ნაკლებად განსხვავებული



აღქმავა, მაშინ ნათელი გახდება და მკვეთრად წარმოჩინდება, რა მნიშვნელობა ენიჭება ისეთ იშვიათ გამოწვევებს, როდესაც ავტორი თვითონვე გვევლინება მისი ნამოღვაწარის, სიტყვებით ნაძერწ მხატვრულ სახეთა სახვით ენაზე ამმეტყველებელი.

ვეგულისხმობ პატარა ფორმატის თეთრ ყდაში ჩასმულ წიგნს — შავი შრიფტით სადად რომ ამოუბეჭდავთ დასახელება. იქვე ვეცნობით ავტორის ვინაობას; ის ერთ-ერთი გამორჩეული ენათმეცნიერი და საქვეყნოდ ცნობილი საზოგადო მოღვაწე გუჩა კვარაცხელიაა.

გვითხულობთ მის პოეტურ სტრიქონებს და ჩვენს თვალწინ იშლება მდიდარი პალიტრით შექმნილი ფერნერული სამყარო, მაგრამ ამავედროულად თვალს იტაცებს ხაზის მოძრაობა, რომელიც ისე გაზიარებთ უტყვე პოეზიას, რომ არ იცით თვალი უმალ რას გაადევნოთ — პოეტურ სტრიქონებს თუ ხაზს, მის საოცარ დინებას, საყოველთაოდ ცნობილ გამოთქმას რომ მოგაგონებთ — „პოეზია არის მეტყველი მხატვრობა, მხატვრობა — უტყვევი პოეზია...“

დიახ, ამ დიდებული ლინგვისტის პოეზია მეტყველი მხატვრობაა, საოცარი ფერნერული სამყაროა, ხოლო მხატვრობა – უტყვევი პოეზია.

მართალია შევიჭერი პროფესიონალ კრიტიკოსთა და ხელოვნებათმცოდნეთა კვლევის არეალში, მაგრამ მტკიცედ მწამს, ყოველი მათგანის სიტყვა ჩემეულ აღქმას და შეფასებას დაადასტურებს, გადამწყვეტი სიტყვა ხომ მაინც მათ ეკუთვნით.

თამაზ კვაჭანტირაძე (ლიტერატორი):

„გუჩა კვარაცხელია პოეტია, ღვთით პოეტია...“

ჯერ კიდევ ახალგაზრდა გუჩა კვარაცხელიაში ღვთით მომადლებული ჰარმონიის ნიჭი ასევე ღვთით მომადლებულ შრომის, ქმედების უნარს შეერწყა და მეტიც თითქოს არაფერი იყო საჭირო პოეტის, ღვთით პოეტის მოსავლინებლად.

არადა ყოფილა.

მარტო ნიჭისა და შრომისაგანაც კი პოეტი არ შედედდება; როგორც ყველს „მაჭიკი“, ცომს საფუარი, მასაც სჭირდება „მარილი ქვეყნისა, რაფთამე დაემარილოს“ და სახელი ამ „მარილისა“ — ტანჯვა.

გუჩა მეორე კურსზე გათხოვდა, თუმცა ძმაცაცებს საქმრო აღრევე წარმოგვიდგინა — **თენგიზ ომიადე.**

ვერის ბალთან ვცხოვრობდი, ჩვენი საკალათბურთო „მექის“ წინ და ეს ბიჭი კარგად მახსოვდა: ჭკვიანი იყო... ჯერ ხერხი ანუ ჭკუა იყო, მერე ღონე. მარტო მოედანზე არა — ცხოვრებაშიც. საერთოდაც კაცი, რაც ცხოვრებაში ვერ არის, ის ასპარეზზე ვერ იქნება. მაგრამ თენგიზ ომიადე მარძიკიანი იყო არა საბასეული, არამედ ლერწუმური გაგებით: ხიფათა. გუჩას და თენგიზს ერთმანეთი სკოლის მერხიდან უყვარდათ, მერე გუჩა დაწერს:

**ვერა, ვერაფრით ვიხსენებ დროს,
როცა ჩემთვის არ არსებობდი...
როდის არ მყავდი, არ მახსოვს ის დრო.**

შემდეგ...

თენგიზმა კალათურთს თავი დაანება და დიდებული სამთო ინჟინერი დადგა. წლების მანძილზე რაჭაში ირის გამამდიდრებელ ქარხანას მეთაურობდა; ერთმანეთის მიყოლებით გაჩნდნენ თათა, დარეჯანი, სალომე, გვანცა, შალვა... ბავშვები გუჩას თენგიზის სიყვარულში არ ჩაუზიარებია: როცა მეხუთე ნანატრი ვაჟი შალვა შეეძინა, სალალბოდ ვკითხე — თენგიზი გადასწონის თუ შალვამეთქი; ძალიან სერიოზულად მიპასუხა — თენგიზი ხუთივეს ერთად გადასწონისო.

მარძიკიანი (ხიფათა) კაცის ამბავი მოგეხსენებათ...

1977-ში, ნაფეხბურთალზე, ქეიფის იმტახზე მოსული ძმაკაცები, თათარიანნი პურ-მარილით მეგობართან მივიდეთო, ამტყვადარან... თენგიზს — სიურპრიზად — ცოცხალი მამალი უყიდა... შესულან ჭიშკარში, თენგიზს მამალი ხელში აუბათქუნდა და გაუფრინდა. გაფრენა ეგრე არ უნდაო, დაადრო ერთმა ნაგანი და მამალს დააყარა.. მერე ამბობდნენ, ტყვია მოაჯირმა აისხლიტაო... აისხლიტა-არ აისხლიტა — თენგიზი კი ამ ტყვიამ ნელში გახვრიტა — ხერხემალი გაეჩხირა და ზურგის ტვინი დაუზიანა.

გაუკეთეს ოპერაცია ერთხელ, ორჯერ... ტყვია ამოულეს, ნერვთა სადინარებიც თითქოს გაუხსნეს... ვინ არ მოიყვანეს, სად არ წაიყვანეს, ვის არ აჩვენეს, რა არ ასვეს და რა არ გაუკეთეს... საშველი არ ჩანდა — ნელსქვევით მონყდა, ლოგინად ჩავარდა, გაუსადლისი ტკივილი კედლებზე გაიყვანდა, განძრევის თავი რომ ჰქონოდა; გახდა, დაილია, გამაყურებლები ვეღარ მოქმედებდნენ, იტანჯებოდა და მისმა წამებამ ჩვენც ლამის ჭკუიდან გადაგვიყვანა. ტვინი ბოლომდე სრულფასოვნად მუშაობდა, ბუნება, ხასიათი შეინარჩუნა — უბედურებას არ გაუბოროტებია, მაგრამ ტკივილმა შიგნიდან გამოლრდნა, გამოფქვა ეს დევივით ვაჟკაცი. აფუთფუთებულმა ნერვებმა ძვლებიც გამოუსვრიტეს. გალოპრილი ჩონჩხი და ამ ჩონჩხზე გადაკრული კანილა დარჩა. საწოლზე გვერდს რომ უქცევდნენ, ნაღდად არ მეჩვენებოდა — ძვლების რაჩხუნი მესმოდა. მისი გადაბრუნება კი ცხრა წლის შალვასაც შეეძლო, გადაბრუნება კი არა, თუ დაანებებდნენ — ხელში აყვანა და სათამაშოსავით ტარებაც. შვიდ წელს ენამა — სხვა რომ შვიდ დღეს, შვიდ საათს, შვიდ წუთს ვერ გაუძლებდა იმ წამებით, ცარიელი სუნთქვალა დარჩა და

**დამშვიდობების შეისუნთქე უსიტყვო კვნესა...
სამარადისოდ ჩამასახლე მდუმარებაში,
შენი თვალების ქუთუთოთა მიღმა რომ დარჩა.**

მაგრამ თენგიზის ტანჯვაც კი რა მოსატანია გუჩას ტანჯვასთან...

**არ ითარგმნება სიზმრების სევდა,
და ის სიტყვები,
რომელთაც ძალუძთ გამოლექონ ბოლომდე გრძნობა,
არ ეპოვება...**

გუჩას არავისთვის — თავის დისათვის, დედამისისათვისაც — არ დაუნახვებია, მთელი ამ შვიდი წლის განმავლობაში როგორ ნელ ცეცხლზე ინვოდა.

**როგორც ნელ ცეცხლზე გამოინვის მაიოლიკა,
მეც ისე ვინვი,
მოჭიქული და მოხატული ჩემივე ცრემლით.**

თენგიზის სიკვდილით მარტო ქმარი არ მოჰკვდომია — მეექვსე შვილი მოუკვდა, რომელსაც ზედ გადაჰყვა, გადაეგო და ფეხი კი ვერ აადგმევინა.

ცრემლი არც ჩემთვის დაუნახვებია, მაგრამ მე ახლაც ვხედავ ბალიშს კბილებით ჩაფრენილ ქალს... მესმის ცალად დარჩენილი ძუ მგლის უკან ჩაბრუნებული ყმუილი, ლეკვები რომ არ დააფეთოს.

**როგორი შვებით
შენს მაგივრად
შენს სამარეს ამოვავსებდი.**

თენგიზი ნავიდა, მაგრამ გუჩა, თენგიზის მწიაღებელი, თენგიზს ინახავს, აცოცხლებს, ასხივებს:

**მე შენ გირეკლავ, გამუდმებით გასხივებ ჩემგან.
ვერაინ ამჩნევს ამ ნათებას, ამიტომაც —**

მხოლოდ ჩემია.

**დაგინარჩუნე, ბოლოს მაინც დაგიმარტოვე.
ვეალერსები შენს ყრმობას,
ჩემში დატოვებულს სინათლესავით.**

ზემთ ვთქვი, პოეტი თავის წიაღში ამნიფებს წინამორბედთა ხმებს, სახეებს, ხილვებს-მეთქი. ოთარაანთ ქვრივის ერთი ფრაზა გაიხსენეთ — ქმრის, თევდორეს, დანატოვარი თოფის რიტუალური წმენდისას გულამომჯდარი ლოცვა-ტირილიდან ქვრივის ერთი ამონაკვნესი: „ვაი უშენოსა! ყვირილობის თვეში რომ ირემს მომაცენებდა ურმით! იმის ზარიანი ხმა რომ ყურს მომხვებოდა, გული გადამიტრიალდებოდა სიხარულით. ახლა გუჩას მოუსმინე:

**აღდგომა უნდათ შენს ნივთებსაც —
სანთებელას, საფერფლეს, საათს,
საგულდაგულოდ ბნელ უჯრებში გადამალულებს,
რომ თვალი უცებ არ მომიხვდეს;
დამცეცხლავია მათი ხილვა მოულოდნელი...
შენი არყოფნის მზარავს ელდა ისევ და ისევ,
თითქოს ყოველდღე და ყოველ წამს კვლავ მიკვდებოდე.**

ისევ ოთარაანთ ქვრივს, ახლა უკვე თავისი გიორგის სიკვდილით თევდორეს მეორედ დამკარგავ ორგზის ქვრივს მიუგდეთ ყური შობის ღამეს: „ვინ მეძახის, ვინ — ნადი, ნადიო? რად მენწევა, რად? მოვდივარ, მო...“

ამ ხმას გუჩა გააგრძელებს, ქმრის ანუ მეექვსე შვილის ხმას მიყურადებული:

**მომდგარა ღამე ფანჯარასთან შოსანი მონაზონივით...
ცას აცახცახებს ვარსკვლავების ცივი ციმციმი.
მეძახდა ვინმე?
სადმე მიხმობენ?
მენოდნენ
აი, აქა ვარ,**

მიუსვლელსა და მოუსვლელს შორის
ხიდზე ვდგავარ, არ მეშინია.
იქაურობის, რა ხანია, არ მეშინია.
იქ ხომ შენა ხარ, სანატრელო!
შენი იქ ყოფნით მიმსუბუქებ აქედან წასვლას.
მე ვდგავარ ხიდზე,
ვით მძევალი მარადისობის.

ესეც უნდა ითქვას: ნაღდ პოეტს ცხოვრებამ — ასე არ ხდება, თორემ — ცივი ნიავიც რომ არ მიაკაროს, სხვათა ტანჯვით ის მაინც ტანჯული იქნება. გუჩა კვარაცხელია, საკუთარი თუ სხვათა ტანჯვის ეს შემგროვებელი, ალქიმიკოსია, ტანჯვას რომ შვებად გადაადნობს... მკითხველის შვებად.

გუჩას, უბედურებით ბედნიერს, სახელშიც გაუმართლა: ლამის ერთადერთს ჰქვია... მე ვინ ვარ, მერმისის დაფნები ვარიგო — მარტო იშვიათი სახელის იმედადაც მტერი დარჩეს – მაგრამ, ვინ იცის, სამომავლოდ ამ სახელს, იქნება, გვართი შემაგრება აღარც დასჭირდეს“.

გურამ ბენაშვილი (ლიტერატორი):

„გუჩა კვარაცხელია, ჩემი რეფლექსის პროტაგონისტი... ბრწყინვალე პოეტი და თვალსაჩინო ლინგვისტი, იგი კვლავ და კვლავ ერთგულია საკუთარი საკრალური მონოდებების — პოეზიით აზროვნებისა და ცხოვრების...“

მრავალნახნაგოვანია მისი გონება... მთელი არსებითაა „გამიჯნურებული“ წარსულთან თუ დღევანდებლობასთან, ცხადდთან თუ იდუმალთან, მიწიერთან თუ ზეციერთან...

ელეგანტური და რაღაც მეტარომანტიკული მედიტაციებით, იგი თავისში აცოცხლებს წარსულისა და აწმყოს ფანტასმაგორიებს... არაბანალურსა და არასენტიმენტალურ გრძნობა-ემოციებს...

დინამიკური მხატვრული ლოგიკა, კრისტალური გემოვნება, ჩვილი გულწრფელობა, ამაყი ნება და ინტელიგენტური ხავერდოვნება — მისი პოეტური პერსონის ბუნებაა...

მისი „ჯიუტი“ ინდივიდუალობის წინაშე პრიორიტეტებს კარგავენ წარსულისა თუ დღევანდებლობის ლიტერატურული „სამკაულები“... მან უკვე შეძლო მხოლოდ საკუთარი სიტყვებით „მოეხატა“ საკუთარივე პოეტური „ნიშა“, მხოლოდ მისგან შობილ ფიქრთა „მელოდიებით“ აღბეჭდა იგი...

მისთვის, თითქოს უკვე სულაც აღარ აქვს მნიშვნელობა იმას, უკეთესად ჟღერენ თუ არა აპრობირებული და ტრადიციად დამკვიდრებული პოეტიკითა თუ სემანტიკით მოდელირებული სხვათა და სხვათა ლექსები...

შემოქმედებითი პრინციპულობა და მხოლოდ საკუთარი „ლოგოსით“ მანიპულირება გუჩა კვარაცხელიას გამორჩეულ ღირსებად წარმომიდგენია...

ძალზედ ცოტანი არიან ამგვარად რჩეულნი და სხვა მრავალთა ხმაურთან „მიღწევებზე“ ამაღლებულნი...

შრომითა და ხასიათით ელევანტური მისი არა ერთი ქმნილება, საკუთარისა თუ ზოგადად დროის სულიერ-ინტელექტუალურ ანარეკლებს წარმოადგენენ და ამ ნიშნითაც იძენენ უნიკალური ადამიანური დოკუმენტების მნიშვნელობას...

იგი ბოლომდე ერთგულია საკუთარი შემოქმედებითი იდეალების...

მან შესანიშნავად იცის თანამედროვეობის მაცდუნებელი ბუნებაცა და არსიც... იცის, როგორ „იმუქრება“ იგი ხმაური სლოგანებითა თუ ესთეტიკური მანიფესტაციებით...

მან ისიც კარგად იცის, რომ ნამდვილი ხელოვანი ამ გამაყრუებელი ხმაურისადმი ზედმეტად სერიოზული არ უნდა იყოს... რადგან უნდა ახსოვდეს, ისიც მხოლოდ ნაწილია თუნდაც სულიერი „დალტონიზმით“ აღბეჭდილი რეალობისა...

პოეტური სულის ძალუმი ინტენსივობა და ნატიფი ვიბრაცია, ბრწყინვალე მეტამორფულ აზროვნებასთან ერთად — გუჩა კვარაცხელიას – თანამედროვე ქართული პოეზიის ერთ სრულიად გამორჩეულ ფიგურად წარმოგვადგენინებს...

აღფრთოვანებით ვეგებები მის ყოველ ახალ პოეტურ გამობრწყინებას... მისივე „პიკანტური“ ილუსტრაციებით დამშვენებულ, ლირიკულ მედიტაციათა კრებულებს...

* * *

ახლა კვლავ კრებულს დაუბრუნდეთ კრებულს, რომელიც სტრიქონების წაკითხვამდე თავისი გრაფიკით — მეტყველი ხაზით გვაზიარებს ავტორის მდიდარ სულიერ სამყაროს, მის „დინამიკურ ლოგიკას“, ანუ როგორც ბატონი გურამი ბრძანებს მის „კრისტალურ გემოვნებას, ჩვილ გულწრფელობას, ამაყ ნებას და ინტელიგენტურ ხავერდოვნებას“. რაკი ნიგნის გრაფიკა მაინც სულ სხვა სფეროა კვლავ იხადება სურვილი სიტყვა დაუფთმით მხატვარს.

გია ბულაძე (მხატვარი):

„იშვიათად, მაგრამ მაინც ლიტერატორები თავისსავე ქმნილებათა საილუსტრაციოდ აკეთებენ ჩანახატებს და ერთგვარ მოსაკაზმ-მოსართავ ორნამენტებს, მაგრამ მაინც ყველაზე საინტერესო ამ მხრივ ილუსტრაციებია, უფრო სწორად, ერთგვარი ხილვად-პლასტიკური, წარმოსახვითი ტრანსფორმაციები, რომელიც ტექსტის განსაკუთრებულ გაგრძელებად გვევლინება.“

კულტურის და ხელოვნების ისტორიამ ასეთი რამ იცის. იგი საქართველოშიც გვხვდება. გუჩა კვარაცხელიას ჩანახატები აღწერით-განმარტებითი, გრაფიკული ოპუსებია, რომელიც მის ტექსტებს ერთვის. ისინი მართლაც ორგანულ მთლიანობას ქმნიან ტექსტსა და გამოსახულებას შორის. ეს არის ვიზუალურ-პლასტიკური სხარტულები, ნიშან-მითითებანი და სიმბოლოებიც კი.

განსაკუთრებით მომწონს მოქნილი ხაზი, მარტივი, მაგრამ ლაკონური და ძალზე სახასიათო მოტივები, რომლებიც ქალბატონმა გუჩა კვარაცხელიამ თავის ლექსებს დაურთო და ამით არაჩვეულებრივად გააფართოვა თვით ლიტერატურული ტექსტის ემოციური დიაპაზონი.

ეს ძალზე კარგი მიგნებაა და რაც მთავარია **სერიოზული, არტისტული ტალანტის გამოვლენა გახლავთ“.**

დიახ, არტისტული ტალანტის გამოვლინებაა გუჩა კვარაცხელიას როგორც პოეზია, ისე ნიგნის მისეული გრაფიკა, მაგრამ ის პირველ რიგში მაინც წარმატებული, გამორჩეული ენათმეცნიერი, ჩინებული საზოგადო მოღვაწე და ქვეყნისთვის ხუთი შესანიშნავი შვილის, ხუთი მოქალაქის გამზრდელი დედაა.

მე ისლა დამრჩენია, ვუსურვო ჩვენს ქვეყანას, ემრავლოს ასე მრავალმხრივი ტალანტები.

გივი ალხაზიშვილი

ქიეზის და ბარდასასხვის პროცესი

□

კატო ჯავახიშვილის კოეტივი ტვიტერის პირველი

ანჟანბემანის ცოცხალი ჯაჭვი და პირობითი რითმებით “დამაგრებული” მუსიკალური პაუზები.

ეს სტრუქტურა ცნობილია და შესასრულებლად ძნელია იმდენად, რამდენადაც ავტორი სათქმელის, ემოციის უწყვეტობას მისდევს მანამ, სანამ საბოლოოდ ამოიწურებოდე დინამიკა. ასეთ დროს ჭირს ფინალის მიგნება; ან ისეთი უნდა იყოს ფინალი – მდორე და გარდამავალი, თუ არადა არსებულ რიტმში უნდა მოიძიო მძლავრად ეფექტური დასასრული. ამას იმიტომ ვამბობ, რომ გაბმული ანჟანბემანი ქმნის ინერციას, რომელსაც არ უნდა, რომ განსრულდეს, მაგრამ დასრულება აუცილებელია, თუნდაც მოდუნებული ინერციის, მექანიკურში რომ გადავიდა, იმ ინერციის გამო, და ამიტომ გაჭიანურდა ფინალური აკორდი.

ამ ლექსებით ავტორმა გვაგრძობინა შესაძლებლობათა მარაგი, პოტენციის ძალა, რომელიც ინერციის თამაშს ვერ ეჩვევა და კიდევ უფრო უნდა დაიხსნას თავი მსგავსი ინერციისგან. ეს ლექსები მისთვის აშკარად წინ გადადგმული ნაბიჯია.

**ჩემთვის ლოგინი რომ გაეშალა
მოთიბა მთიბავმა ბალახი
ბალახი მოთიბა მთიბავმა
ციმ-ციმ ჩამოიტანა მთიდან.
დადგა მთიბავმა ზვინი,
შემომიკვცა საბანი გვერდულად –
მცივა.**

ზოგიერთ ლექსში, მაგალითისათვის “მგზავრი”, ჩნდება ნევროზული ინტონაცია, თვალწინ წარმოისახება მკვეთრი მოძრაობა:

**„ხელს ვერ მიიტან თვალთან ახლოს“,
ამოიკორტნო
და/გა/საქცევად
თითებს შორის გიჩნდება ლაქა,
როგორც ფურცელზე
ფიქრის ესკორტით გაცილება –
მელნის დაქცევა.**

სათქმელი დანვრისმანებულ აღწერაში იდღაბნება და იქმნება სიურეალისტური სურათი, რეალობას რომ წყდება თანდათან და ამავე დროს რეალობაშივე რჩება. მსგავსი გაორებული ხატუნერა ქმნის ბუდოვანების ან იქნებ ორნაირად ხედვისა თუ კითხვის ილუზიას, როცა დაზუსტებით ვერ ხვდება მკითხველი, სად არის სიმართლე, თუმცა, “როგორც ფურცელზე ფიქრის ესკორტით გაცილება,” რომელიც თურმე მელნის დაქცევაა” და სხვა არაფერი.

“ხელს ვერ მიიტან თვალთან ახლოს, ამოიკორტნო”... და “ფიქრის ესკორტი” ერთმანეთს ექოსავით გამოიხმობენ, უნებლიეთ პოულობენ, როგორც არაზუსტი სარითმო წყვილები და – მათ შორის არსებული მანძილის მიუხედავად – ერთმანეთს ეხმიანებიან.

საერთოდ, კატო ჯავახიშვილის ლექსს ახასიათებს აქცენტირებული სიმძაფრე და ხატუნერის უჩვეულო სიჭარბე, ზოგჯერ დანდობას და ნათელყოფას რომ მოითხოვს. თუმცა ასე დაჟინებითაც ვერ ვიტყვი ნათელყოფის აუცილებლობის შესახებ, რადგან ერგვარი ბურუსი და ბურუსში გამომკრთალი სილუეტები თუ კონტურები მისი სტილისტიკის ერთ-ერთი მთავარი თვისებაა და, რაც უნდა გაგიკვირდეთ, სწორედ ასეთი, თავისებური სიურიალისტური სინამდვილე ასაზრდოებს განწირულობის ინტონაციას, ზოგჯერ ხელშესახები და მკაფიო სახეებით რომ ამოითქმის.

აქედანვე ჩანს, რომ ავტორი გააგრძელებს სტილისტურ ძიებებს და კიდევ უფრო დახვეწავს.

მხატვრული აზროვნების თავისებური ეკლექტიკა რეალისტური და სიურეალისტურ ენათა შერევა თუ შეზავება აშკარად გამოკვეთს სათქმელის სტილიზებულიად გამოცემის, მონოდების აუცილებლობას, რაც მისი შინაგანი სამყაროს ექოა.

**მტვრის ნამცეცები თესლად ყარეს დედამიწაზე.
ქალი თესავდა, კაცი მკიდა თავის მოსავალს.
გამოცლილ ნეკნზე გათენება, როგორც ფინალზე
იღო და ღამე გრავიურის ქრილად მოჩანდა.**

/აქაც პირობითი სარითმო წყვილი “მოჩანდა” და “მო-სავალს”.../

**მიკოტები მოგკვიან ვერავინ გხედავს.
მალალ ხეებში ისე ჩნდები
ზურგიდან მოგდევს შენი წარსული –
სიტყვა – რეფრენად.
შენს ფოთლებს ქარი მიაქანებს დაკოპლილ გზებზე
გადასაფენად.**

ისევ გავამახვილებ ყურადღებას პირობით, არაკლასიკურ რითმაზე / რეფრენად — გადასაფრენად/, რომელიც ჩნდება სრულიად მოულოდნელად, უძებნელად, უნებლიეთ, როგორც შემთხვევითი აკორდი.

ნაგულისხმევის ისევ გულისხმად დატოვება ავტორის თვისებაა, იგი ზედმეტად ენდობა მკითხველის ამოცნობის უნარს. ზოგჯერ მისი სახეები აშკარად სიურეალისტური ბუნებისაა, როცა მხატვრული ლოგიკის ალბათობა საძებნია და მისაგნები. სამაგალითოდ მოვიხმობ ერთ სახეს:

გამოცლილ ნეკნზე გათენება, როგორც ფინალზე იდო და ღამე გრავიურის ჭრილად მოჩანდა.

ბუნდოვანება აქ პიკს აღწევს და ავტორი მიიჩნევს, რომ მკითხველმა ისე წარმოიდგინოს ეს მხატვრული სახე, როგორც უნდა. გასაგებია მინიშნება: “გამოცლილ ნეკნზე, როგორც ფინალზე იდო” და ღამე...

გამოცლილი ნეკნი/როგორც ფინალი/, გათენება როგორც ფინალზე/ნეკნზე/ და ღამე – გრავიურის ჭრილი... ეს ბუნდოვანებაც ერთი შეხედვით არის დაფარული, რადგან სიმბოლოები გასაღებებივით აწყვია იქვე. ე.ი. ჩვენ აქ საქმე გვაქვს მოჩვენებით ბუნდოვანებასთან, რადგან კონტურები, როგორც ჩრდილების თეატრში, თითქმის ყველაფერს ამბობენ.

იქ, სადაც ავტორი ტოვებს საზრისის ფარგლებს და ხელოვნურად თამაშობს ბუნდოვანებით, ალბათ, თანდათან გამქრალდება ეს ტენდენცია და დროთა განმავლობაში სახეცვლილი მოგვევლინება, რადგან საამისო მაგალითი არაერთია კატო ჯავახიშვილის შემოქმედებაში და მსგავსი ტენდენციებიც თვალწინაა.



კატო ჯავახიშვილი

სიტყვის სასულეს გადაცდენა-ერთხელ გახვიდე გზაბნეული ფრაზიდან და ვერაფრით გაშრე. გამცვდარ ღიმილზე- თაბაშირის სქელი გრიმასი. ალილუია!...სიბნელეა. ის ლოცვა გახსოვს?!

ამ ლექსში სრულად ჩანს პოეტის სულიერი სწრაფვა, ენერგიული დინამიკა და თითქოს წყვეტილი სახეები, ერთმანეთს რომ ავსებენ და ამჟღავნებენ დაფარულ ტრაგიკოსს. ამ სტროფის პირველ ორ სტრიქონში აშკარაა გრამატიკოლოგიური ნათამაშება — “გზაბნეული ფრაზიდან” გასვლა, ხოლო მანამდე “სიტყვის სასულეს გადაცდენა”, განცდის ასეთი აქცენტირება ახასიათებს კატო ჯავახიშვილს. “გამცვდარ ღიმილზე – თაბაშირის სქელი გრიმასი” და ა. შ. ერთ სტროფში თავმოყრილია რამდენიმე მეტაფორა, რომლებიც ერთმანეთს აგრძელებენ მხატვრული ლოგიკით და არ აუქმებენ, რაც ხდება ხოლმე უფუნქციო მეტაფორებით თვითმიზნური ნათამაშებისას.

და იყო ასე. რაღაც ერქვა. გრძნობა. ან ჩვევა. ერთმანეთს ვშლიდით. დრო გაგვყავდა. ორნი. ვიხსედიო. ზამთარი კაბას იხდიდა და ძირს ეგდო ჩვრები. შეკითხვებს არ ვართ. არც პასუხებს. მხოლოდ ნაჯერი სითხეა ცრემლი. რამდენჯერაც დაარტყამს გული, წუთში იმდენი სიყალბეა.

გიხსნი. მიჯერებ. ისარი ორჯერ გადაკვეთავს დღე-ღამის ღერძს და სხვადასხვა დროში გადაგვადებს ისევ. ორჯერვე...

განსაკუთრებული სიფაქიზითაა გამსჭვალული შვილისადმი მიძღვნილი ლექსი, თუმცა აქაც, მიუხედავად დედაშვილური სიყვარულისა, მჟღავნდება შიში – რაღაცისა თუ ვიღაცის, ალბათ სულაც ბედისწერის, და ავტორი ჩვეულ, დაძაბულ სიტყვიერ სინამდვილეში აღმოჩნდება, სადაც საათის ისრების მოძრაობა, ორჯერ რომ გადაკვეთს დღე-ღამეს, რაღაც საბედისწეროზე მიგვანიშნებს, რასაც სხვები ხედავენ როგორც ჩვეულებრივ, ყოველდღიურ მოვლენას. სიმძაფრე შეიშინება თითქმის ყველა ფრაზაში და სიმძაფრე ასაზრდოებს მის პოეზიას, რაც არცთუ იშვიათად სოლიპსისტურ გარემოს ქმნის და გარკვეულწილად, ზოგჯერ, ერთფეროვნების ნიშნებს ატარებს, რაც იოლი დასაძლევია და აუცილებელია.

სასონარკვეთის ექოებით და ხატებით, სიკვდილთან ღამის მთელი არსებით მიახლოებით და ამ უკიდურესი განცდის გამხელით აღსავსეა მისი შემოქმედება.

ასეთია კატო ჯავახიშვილის სამყარო, რომელიც აშკარად თხოულობს გარდასახვას, სიღრმეში ჩაყვინთვას, რადგან მისი ლექსების ერთი ნაწილი სინამდვილეში შიშის დაძლევა და სიცოცხლის მონატრებაა. ამ მძაფრი და მოჯანყე სტრიქონებში გასუსულა ავტორის მეორე მე, რომელიც ცდილობს “გათავისუფლდეს” იმ ხილვებისგან, რომლებიც მოსვენებას არ აძლევენ. ამდენად, როგორც იკვეთება, პოეზია არის მისი სასიცოცხლო სივრცე.

უცნაურია აგრეთვე ერთი შეგრძნება, როცა ამ ლექსებს კითხულობს კაცი, შეუძლებელია არ დაასკვნას, რომ ეს გახლავთ სიმდედრით გაჯერებული ხილვები და მოტივები, ტონალობები და შეგრძნებები, ასე რომ ზემოქმედებს მკითხველზე, მაგრამ ეს ეფექტიც მისი პოეზიით მიიღწევა და არა ცრუ თამაშებით, და ეს უაღრესად მნიშვნელოვანია.

ვხედავ, რომ იგი ვითარდება და იზრდება, მუდმივ ძიებაშია და თემატურად და სტილისტურადაც სახეს იცვლის.

ყოველი წიგნი ნაბიჯია მომავალ წიგნამდე ანუ ნაწილია იმ მთავარი წიგნისა, რომელსაც ავტორი ქმნის მთელი სიცოცხლის მანძილზე.

თვალი მივადევნოთ ახალგაზრდა პოეტს, მისი სულის მოძრაობას, გარდასახვის მტკივნეულ პროცესს, რომელსაც აშკარად ვამჩნევ და იმედით შევყურებ.

და არა მარტო მე.

ლიანა ელიავა

პაცია და გუნება

გამარჯობათ, ბატონო როსტომ!
რაც დრო გადის, მით უფრო ვრწმუნდები, რომ სულისშემხუთველ ქართულ მედია-სივრცეში თქვენი ჟურნალი სუფთა ჰაერითაა.

კიდევ სხვა ასოციაციაც მიჩნდება, თითქოს ქართული ნაგაზია, მტრებს რომ უყეფს და მოყვარეს ეფერება.

ცოტა ხანიც და მე, თბილისში ჩამოსულს, როგორც ყოველთვის, დასტად დამხვდება მაგიდაზე ახალი ნომრები. კარგა ხანს მეყოფა სასიამოვნო საკითხავად და სულის საზრდოდაც გამყვება უკან დაბრუნებისას.

გავიგე, ახალი წიგნებიც გამოცემათ. მე რომ ვინმე რამეს მეკითხებოდეს, თქვენს რომანებს ქართველ მწერლებზე სკოლის მოსწავლეთათვის (უფროსებმა თვითონ მიხედონ თავს) აუცილებლად წასაკითხი წიგნების ნუსხაში ჩავრთავდი.

მენატრება თქვენი სამშაბათობანი. მენატრებით ყველანი, საერთოდ მთელი რედაქცია, თავისი ატმოსფეროთ.

გიგზავნით ესსებს: “სინემაზე” (უფრო დახვეწილად შარშანდელთან შედარებით) და კიდევ ერთ ფილმზე. ბოლოს ფსევდონიმით ტანკებია ომზე. არა აქვს მნიშვნელობა, დაბეჭდავთ თუ არა. ჩემი თქვენდამი დამოკიდებულება ამით არ შეიცვლება.

მარად თქვენი
ლიანა(ნა) ელიავა

ჟოგიათი ცნობა

ქართველი ახალგაზრდობა საერთოდ არ მიცნობს. ამიტომ მიწადა, ვიდრე ამ წაწერს ნაიკითხავდნენ, გავაგებინო, ვინ ვარ, რას წარმოვადგე, საიდან მოვდივარ.

დავიბადე კოლხეთში, გავიზარდე თბილისში. აქვე დავამთავრე სკოლა, სახელმწიფო უნივერსიტეტი (ივანე ჯავახიშვილმა რომ დაარსა), შემდეგ იყო მოსკოვის კინოინსტიტუტი, ეგრეთწოდებული “ვიკი“-ი.

პირველი პროფესიით გახლავართ ქართველი ფილოლოგი (კავკასოლოგი). ქართველურ ენებს (კავკასიურებსაც) მასწავლიდნენ აკადემიკოსები: აკაკი შანიძე, არნოლდ ჩიქობავა, ქეთევან ლომთათიძე და სხვ.

რეჟისორის პროფესიას ვეუფლებოდი მიხეილ რომის სახელოსნოში, პრაქტიკას გავდიოდი თენგიზ აბულაძესთან.

ორივე სასწავლებელი წარჩინებით დავამთავრე. გაკრვეული პერიოდი ვიმყოფებოდი მოსკოვში.

ამჟამად მეუღლესთან, პოეტ და მთარგმნელ — რობერტ ვინონენტთან ერთად, ვცხოვრობ ჰელსინკში.

ვარ ორი სრულმეტრაჟიანი და ოთხი მოკლემეტრაჟიანი ქართული მხატვრული ფილმის რეჟისორი, ზოგან — სცენარის ავტორიც.

სხვადასხვა დროს თბილისში ქართულ ენაზე გამოიცა ჩემი ოთხი პროზაულ-პოეტური კრებული.

ლექსები ითარგმნა ფინურ, შვედურ ენებზე. ვითვლები ფინური პენკლების წევრად. საქართველოს მოქალაქეობა არსად დამითმია.

წამდვილად ვერ ვიტყვი, ჩემი პირველი მოკლემეტრაჟიანი ფილმის — “ბზიანეთი” — გზა ფიანდაზით იყო მოფენილი-მეთქი. მასზე მოგონებანი, ზღაპრულად მოულოდნელ და ბედნიერ დასასრულთა გამო, მაინც სასიამოვნოდ ჩამრჩა მეხსიერებაში.

მოსკოვში სწავლისას ცნობილი მწერლის რეზო ჭეიშვილის ამავე სახელწოდების მოთხრობის მიხედვით შეიქმნა სცენარი. რამდენი წინაღობა როგორ გადაილახა მის დასამტკიცებლად, ერთხელ უკვე ვისაუბრე ტელეფილმების სტუდიის საიუბილეო გამოცემაში გამოქვეყნებულ სტატიაში: “რაც დავინყებთ არ იბინდება”. იგი ერთდროულად იყო მოსკოვის კინოინსტიტუტის საკურსო ნამუშევარიც და საქართველოს ტელეფილმების სტუდიის საგეგმო ერთეულიც. ახლა უფრო დანერვილებით მიწადა გიაგზავნით თვითონ ფილმზე, რასაც მაშინ მხოლოდ გაკვრით შევეხე.

დამთავრდა გადაღებები, დავამონტაჟეთ და ქართულად გავახმოვანეთ არჩეული მასალა. მუშაობისას რადგან თავი არ დამიზოგავს, ვალმოხდილი ადამიანის სიმშვიდით წარვუდგინე ქართული ვარიანტი ორ ფირზე (გამოსახულება და ხმა) ტელეფილმების სამხატვრო საბჭოს განსასჯელად. საბჭოს წევრები, ორიოდე არაპროფესიონალი ქალბატონის გარდა, ძირითადად ჩემი თაობის „ვიკი“ დამთავრებულეები იყვნენ. ხელმძღვანელი გახლდათ ჩვენზე უფროსი და ახალგაზრდების დიდი მოამაგე, ცნობილი რეჟისორი. თურმე ტყუილა ხარ არხეინად! ქალბატონების უსაგნო მიღება-მოღებაზე გართულება არ მქონია. მხოლოდ ჩემიანების ხისტმა გამოსვლებმა დამწყვიტა გული.

აღდა ერთ-ერთი და განაცხადა, გმირები კარიკატურულად მახინჯები არიანო, და მსახიობების არჩევანი დამიწუნა (შემდგომ ამ არჩევანს ყველა დამსახურებად მითვლიდა). მეორემ მითხრა, არ გამოგივიდა სიმღერის კულმინაცია, თითქოს თეთრად შეღებულ კედელზე გყავს მსახიობები მიყენებულიო. არადა, ეს ჩვენი ჩანაფიქრი იყო, საერთოდ ჩამოგხსენით კედლებიდან ყველა აფიშა, რათა გმირების სახის გამომეტყველები-სა და მათი სიმღერის ალქმისთვის არაფერს შეეშალა ხელი. მესამე გამოსვლელი გონებისმიერი ადამიანი გახლდათ და ეგრევე შეუდგა ტვინის ჭყლეტას, რომ როგორმე გადაერჩინა ჩემი ფილმი. ყველაზე მეტად ამან დამამცირა. ხელოვნებაში ჩემი ჩავარდნა მირჩევნია, სხვის მიერ გადარჩენას. გამომსვლელებს დაეთანხმა სამხატვრო საბჭოს ხელმძღვანელიც, შემოინყო თავზე ხელები და კარგა ხანს იჯდა ღრმად ჩაფიქრებული (აქედან დამებედა ყველა ჩემი გადაღებული მასალის ამგვარი ალქმა). არ ვიცი, რანაირად მოვახერხე, მაგრამ ბოლომდე ხმა არ ამომიღია. არც ის მახსოვს, როგორ დამთავრდა სხდომა. იმ საღამოსვე ჩავალაგე ასევე ორ ფირზე არსებული რუსული ვარიანტი იაუფში (ფირის კოლოფების ჩასაწყობია) და მეორე დღესვე გავფრინდი მოსკოვში. მართალია, თბილისში ჩემი მუდმივი დამხვედრ-გამცილებელი — უმცროსი ძმა შემეხიდა, მაგრამ მოსკოვში თვითონ ვათრიე საზოგადოებრივი ტრანსპორტით, ცალ ხელში ოცკილოგრამიანი ტვირთი, მეორეში — ჩემოდანი!

პირადად მე ფილმის ავ-კარგი ისე არ მაღელვებდა, როგორც უსახსრობის გამო, რუსული ვარიანტის შესაქმნელად მოგონილი, იმ დროისათვის ექსპერიმენტული გამოსავალი. არ ვიცოდი, როგორ აღიქვამდა რუსული სმენა ქართულად გახმოვანებულ ფილმს რუსული ავტორის ტექსტით. დანერა მაშინ აღმავლობის გზას შემდგარმა რეზო გაბრიამცემ. ქართული იუმორით გაჯერებულმა რუსულმა ტექსტმა ნანარმოები კიდევ უფრო გაამდიდრა. ინტონაციურად ზუსტად შეერწყა

ფილმს გოგი გეგეჭკორის განუმეორებელი ხმის ტემბრიც (მერე ბევრმა მიბაძა მას უშედეგოდ).

მოსკოვში მიხაილ რომის ასისტენტები, ასაკოვანი ქალი და კაცი, მოულოდნელად ამ ხერხს კი არა, გაბრიაძის რუსულ საავტორო ტექსტს აუმხედრდნენ. ქალი ლიტერატურულად გამართვასა და ახალი ვარიანტის ჩანერვას ითხოვდა, კაცი უხმოდ უკრავდა თავს. ბოლოს კაცს დაევალა, ქალის მიერ ქალაღზე ჩამოწერილ მითითებათა შესაბამისად ტექსტის გადმორუსულება. ამ საქმის თავმოსაბმელად, მთელი კვირა დავდიოდი მასთან შინ, რადგანაც ავადმყოფობდა. ქალი განუწყვეტლივ ურეკავდა ტელეფონზე, ამონებდა, როგორ მიდის საქმეო. თავისი ჭკუით ამაღამინებდნენ ტექსტს.

სხვათაშორის, მაშინ აღმოვაჩინე, რომ ეს ავადმყოფი კაცი, რომლის შუშის თვალებმაც სიცოცხლე გამიმწარა მისაღებ გამოცდებზე, თურმე ყრუა, საერთოდ არ ესმის არაფერი. ტექსტის დადგენის პროცესში მე, როგორც არარუსი, მხოლოდ მონმის როლს ვასრულებდი. ბოლოს ეს გამოშიგნული ტექსტი კაცმა დაბოხებული ხმით წაუკითხა ქალს ტელეფონში. ვუსმენდი და ვგრძნობდი, რომ ყველაფერი დაიკარგა: იუმორი, ლირიკული ინტონაცია. აქედანაც უსიტყვოდ გავიძურნე და დავბრუნდი ჩემს ძველ ოთახში, სტუდენტობისას რომ ვქირაობდი. ტექსტი ახლა თვითონ გადავიკითხე და მივხვდი, ვიღუპებოდი. უკვე ყელში ამომივიდნენ სხვადასხვა ჯურის მრჩევლები. ცხოვრების წესად მაქვს რუსთაველის სიბრძნე: ჰკითხე ასთა, ჰქმენ გულისა, რა გინდ რა ვინ გივაზიროს. რომიც ამასვე გვინერგავდა. ყური არ ვათხოვე ასისტენტების რჩევა-დარიგებებს ტექსტის ფირზე თავიდან ჩანერვის თაობაზე და დავურეკე პირდაპირ ოსტატს — მიხაილ რომს. ასისტენტებს ხომ არ დავასმენდი, თვითონ დავიბრალებ: თავგზა ამებნა და მინდა ფილმი გაჩვენოთ, თქვენი რჩევა მჭირდება-მეთქი.

თეორიული კურსი უკვე დამთავრებული გვექონდა და რომი მხოლოდ საჭიროებისამებრ ცხადდებოდა ინსტიტუტში. მეორე დღესვე მოვიდა, ასისტენტებიც თან მოიყოლა. ეტყობოდა, მათ წინასწარ არაფერი ეთქვათ. ელოდებოდნენ, რას იტყოდა მანეტრო. ყველამ ერთად ვნახეთ ფილმი.

რომი უბრალო და ემოციური კაცი იყო. ხშირად იციზნოდა ფილმის ყურებისას. რომ დამთავრდა, მომიტრიალდა და რაღაც ამდაგვარი მკითხა: რისი გაფუჭება გინდოდა ამ მშვენიერ ფილმში? კრიტიკა არ დამიძრავს, ასისტენტებიც გაიტრუნნენ. რომი ბოლოს მათ მიუტრიალდა: ხომ შეგვიძლია საკურსო ნამუშევარი სადიპლომოდ გავუშვათ?

— თქვენი ნებაა, — არ შეპასუხებთან ისინი.

ეს მეორედ გადაურჩა ჩემი ნაფერებ-ნალოლიავეები ფილმი უცხოთა უხემ შეხებას.



ლიანა ელიავა

იმ ხანებში ახალდაარსებულმა ტელეფილმების სტუდიამ თავმოსანონებლად გადაწყვიტა, თავისი პირველი ნამუშევრების გატანა საკავშირო ასპარეზზე. რამდენიმე მოკლემეტრაჟიანი ფილმისგან შეიკრა პროგრამა და მონაწილე ფილმთა რეჟისორებთან ერთად გაიგზავნა მოსკოვში. ფილმების ჩამონათვალი ასეთი იყო: ინყებოდა მხატვრულებით, ან განსვენებული ქართლოს ხოტივარის "სერენადა", ირაკლი კვირიკაძის "ქვევრი", ლიანა ელიავას "ზზიანეთი" (რუსულად — "სუდყკრლ ხრპ"), დოკუმენტურები: ლერი სიხარულიძისა და გელა კანდელაკის "ფეხბურთი უბურთოდ", რამაზ (ბუბა) ხოტივარის "დარილის ჩანახატები", ბიძინა რაჭველიშვილის "ხაბაზები".

მოსკოვის კინოსახლში შედგა პრემიერა. ფილმების ჩვენების შემდეგ ჩემთან მოვიდა მაშინ მხოლოდ ჩვენი ნაცნობი, ამაჟამად საქვეყნოდ ცნობილი რეჟისორი — სერგეი სოლოვიოვი და მითხრა, შენი ფილმი ყველაზე მეტად მომეწონაო.

ამ უმნიშვნელო დეტალის გახსენება არც კი ღირდა, ერთი შემთხვევა რომ არა. საღამოს დასასრულს შედგა ფილმების განხილვა. ყველანი ხოტბას გვასხამდნენ. მხოლოდ ჩვენებური — მარლენ ხუციევის გამოსვლა აღმოჩნდა ამოვარდნილი ამ საერთო ანსამბლიდან. ქართული სამხატვრო საბჭოს გამომდინარე ჩამესმა მისი სიტყვები: პროგრამაში ერთადერთი სუსტი ფილმი "ზზიანეთიაო". ამის თქმა და მყისვე ნამოდგა ასევე ცნობილი რუსი კინოდოკუმენტალისტი (სამწუხაროდ, პირადად არ ვიცნობდი, გვარი არ მახსოვს) და საზოგადოებას მოახსენა, სულ რაღაც ნახევარი საათის წინ "ვგიკის" ახალგაზრდულ ფესტივალზე ფილმი "იონეიე იი?" ("ზზიანეთი") დაჯილდოვდა პრიზით საუკეთესო რეჟისურისთვისო. მეტი არასდროს მღირსებია ასეთი მოულოდნელი და მყისიერი აღდგინება.

მოულოდნელი იმიტომ, რომ არც კი ვიცოდი, რომ ჩემი ფილმი ფესტივალზეა წარდგენილი. მიხაილ რომის წყალობით თანაკურსელებზე ადრე დავამთავრე სწავლა, დიპლომის დაცვა მრჩებოდა. მოსკოვში ხომ არ ვიყურყუტებდი, თბილისში წავედი და იქ ველოდებოდი, როდის დამინიშნავდნენ დაცვის დღეს. ამასობაში ჩატარებულა თურმე ვგიკის ფესტივალი. ეს პირველი შემთხვევა არ ყოფილა, როცა მე ფესტივალის ჯილდოს თბილისიდან დაბრუნებულს მახვედრებდნენ ინსტიტუტში. ამას სამაგალითოდ ვყვები.

ჩემდა გასახარად, მოსკოვში ყოფნას დაემთხვა ვგიკის სახელმწიფო გამოცდაზე ჩემი დიპლომის დაცვა. ირაკლი კვირიკაძე ჩემზე ერთი კურსით წინ იყო. ვიდაცამ მოიფიქრა და მის დაცვას მიბაა ჩემიც. ირაკლის ოპონენტი გახლდათ მარლენ ხუციევი, რომელთანაც იგი საერთოდ მახლობლობდა. ბატონმა მარლენმა იმ დღეს მეორედაც

უყურა ჩემს ფილმს. ბოლოს მოვიდა და დიდი ბოდიში მომიხადა: იცით, ასეთი რამ ხდება ხოლმე, დღეს ძალიან მომეწონა თქვენი ფილმიო.

რატომღაც არ მინდოდა დიპლომზე ოპონენტად ქართველი მყოლოდა. შემთხვევით ქართლოს ხოტივარმა მითხრა, ელდარ რიაზანოვს ისე მოსწონს შენი ფილმი, მისი ქებით ტვინი ნასჭამა ყველასო. ამის გამგონე გავთამამდი და მყისვე დავურეკე სრულიად უცნობ ელდარ რიაზანოვს. კაცი თვალთაც არ მენახა და ოპონენტობა ვთხოვე. სიამოვნებით დამთანხმდა. ფილმის შესაფასებლად თავის საქებარ სიტყვებს უილიამ ბლეიკის შესანიშნავი სტროფებიც მიაშველა. ამ რეცენზიამ არამარტო წამით გამინათა ბინდისფერი წუთისოფელი, ჩემი რეჟისორობის საძირკველშიც დადო მყარი ქვა. რიაზანოვის ნაფიქრ-ნააზრევი ჩემს ფილმზე მხოლოდ ამ ბოლო დროს გამოვამზეურე და დავბეჭდე – ზემოთ ნახსენებ სტატიასთან ერთად – ტელეფილმების სტუდიის საიუბილეო კრებულში.

ჩვენს მოსკოვურ პროგრამაზე რუსულ პრესაში, მთავარი გაზეთის “პრავდას” მეთაურობით, არ დაუშურებიათ არავითარი ეპითეტები: პატარა შედეგები, მარგალი-

ტები. ჩემი ფილმი არათუ არსად გამორჩენია ვინმეს, პირიქით, ზოგჯერ მისით იწყებდნენ თხრობას, ან მის შინაარსს ეყრდნობოდა წერილის სათაური. ჩვენს პროგრამას დიდი გამოხმაურება ჰქონდა საზოგადოებაში, საელჩოებშიც კი გვინვევდნენ ფილმების საჩვენებლად. მრავალმა ქვეყანამ შეიძინა. ერთ-ერთი იმდროინდელი თაყვანისმცემელი, მოსკოვის უნივერსიტეტის ყოფილი სტუდენტი, ამჟამად რუსეთიდან რეპატრირებული ფინელი ქალბატონი — ელვირა კიურუ მრავალი წლის შემდეგ ჰელსინკიში გამომეცნაურა. ყველა ეს ფილმი, “ზოიანეთის” გარდა, გაიგზავნა საერთაშორისო ფესტივალებზე. ასევე, მხოლოდ ჩემი გამოკლებით, მიიღეს ჩემმა თანაგუნდელებმა ნოდებები, კომპაკტდისკების პრემია (იამაყონ ახლა!).

ყოველივე ამისთვის მაშინ არ მიმინიჭებია მნიშვნელობა. ჯერ კიდევ კინოინსტიტუტთან მიბმულს, პირველი ფილმის წარმატებით თავბრუდახვეულს, მეგონა, დიდი და გრძელი შემოქმედებითი გზა მელოდა კინოში. არ ვფიქრობდი, რომ ია-ვარდით მოფენილი იქნებოდა, მაგრამ არც ასე მოკლე და ეკლიანი წარმომედგინა.

ჰელსინკი

ახალი ნიშნები

ვაჟა ხორნაული

„უსასრულობა ექებს ნაპირებს“

ბავშვობიდანვე იგემა წუთისოფლის სიავე. ძნელი სათქმელია, როგორ წარიმართებოდა მისი ცხოვრება, ოცდათხუთმეტი წლით უფროს ძმას რომ არ შეეფარებინა დასწავლულ მამასთან (ალიათ უნცრუა) ერთად. მერე დედამ (უკრაინელმა ქალმა) ნაიყვანა ხევსური ყმანვილი, მაგრამ ვერ შეეგუა უკრაინასა თუ რუსულ სწავლას და თბილისში დასახლებულ ძმასთან – გაბრიელ ჯაბუშანურთან – დაბრუნდა.

დედის გული უხმობდა შორიდან და ისევ უკრაინაში აღმოჩნდა, „რის გამოც გაბრიელის მწვავე გულისწყრომა დაიმსახურა... ხუთი წელი დაჰყო ქვეყანაში, სადაც „ასულებს მხრებზე დაჰფენოდათ მნიფე ყანები“ (ჭაბუკური სიყვარულის პერიოდმა სასურველი „სახადის“ წარუშლელი კვალის აღიბეჭდა მის პოეზიაში: „ჩემს გრძელ ზამთარში მუდამ მათობდა მწვანე ზაფხული შენი თვალების...“ „შენ კი ვერაფრით ვერ გაგიხსენე, რადგან წუთითაც არ მაგინყდები“). ახლა ნანობს, რომ განვლილი დროის დიდი ნაწილი უქმად და უგეზოდ დაკარგა“ (ამირან არაბული).

გულმართალი ადამიანისათვის სინანული უცხო არაა – ისაა მისი მეგზური და გადამრჩენელი.

ამჟამად უკვე არხოტში მცხოვრები გელა ჯაბუშანურის თავგადასავალი და პოეზია ნათელი მაგალითია იმი-

სა, რომ „ბოლოჟამ დანანებაც“ კარგი ნაყოფის გამომდეგებია. არათუ ათეული წლები, ზოგჯერ ერთი დღეც საკმარისია ლამაზი, მრავალთათვის დასამახსოვრებელი საქმის მოსასწრებად, და მანაც მოასწრო პოეზიის მარადიული ბალიდან განძის გამოტანა – ესაა მისი ლექსების კრებული „დაკარგული სიზმარი“ („ბასიანი“, 2009, რედაქტორი და წინასიტყვაობის ავტორი ამირან არაბული).


დიდი ტკივილებით გატანჯული პატარა ქვეყნის შვილობა უმძიმესი და უმშვენიერესი ტვირთია.

ნაქარგის მეორე მხარეს დამსგავსებია საქართველო, ნაშლიდან გზები, ბევრი სოფელი გათითოსახლებულა, შამბში წინაპრის გულივით სევდიანად ფეთქავენ სამარის ქვები, ერთნაირად ნალვლიანია მდინარის ხმა, ქედნის ღულუნი თუ მიტოვებული კოშკების სიჩუმე – ეს არის ტრაგედია, რომლის გამოძახილიც იშვიათად როდი მოისმის გელა ჯაბუშანურის კრებულიდან:

**კლდეს მიჯაჭვული გვყავს ამირანი
და უმახვილო თემიდა გოდებს,
წყაროს პატრონობს დევი – ტირანი,
იმრავლებს ოქრო-ვერცხლსა და ცოდებს.**

შიშის სარეველა ამოზრდილა სიმშვიდის ნანგრევებზე, წყაროსთან ხელადიანი ქალების ნაცვლად ჯაგები მოსულან, „წინწყაროს“ პატრონი რეპიტაა გაბრუებული. მხოლოდ ერთეულები თუ ხედავენ, რომ „სახლის ნაცვლად შეგვრჩა ფარდული“; რომ მტერი დამარცხებას კი არა, წაშლასა და გაქრობას გიპირებს:

**დარდი იზრდება, დარდი დიდია,
სამშობლოს ბედი ბენეზე ჰკიდია,
ქართული ცულით ქართულ ხეს ჭრიან,
მის ჩრდილს კი, ალბათ,
ხვალ გაყიდვან.**



**მთებს ისევ მკერდზე აყრია
მათი ძახილის ექონი,
ველარსად ნახავ მაყრიონს,
ალარც დევების ფეხონი,
ბალახში იმალებიან
ბილიკნი საცალფეხონი.
ნეტავ ასე რად დავეხმეთ,
სად გაგვიფრინდა ქედანი,
ალარსად მოყმე და ვეფხი,
ალარსად მათნი დედანი,
უნევეს ღირსებით მორთული
არხოტს არხოტის ცხედარი,
ასა კი ყვეფით გართული
მირბის, მიხტის და მხნედ არი.
ქვითკირის კუთხზე ჭოტი ზის,
ქედზე ზის ნისლი – მხედარი.**

მაგრამ იმ ქვეყანაში, სადაც სასიკვდილოდ განწირულ ლუხუმს უნასი მკურნალობს; სადაც დაცემულ-დამცირებულ-გადათელილი თეიმურაზ ხევისთავის სუსტი მხარ-მკლავები გაუტეხელ ხერხე-მალზეა ჩამოკიდებული – იქ იმედი ყოველთვის არსებობს – თუნდაც მხოლოდ ღვთისა – და აღარ გიკვირს, რომ მოყვასი ასე გამხნევეს:

**ლაშარის გორზე ლუხუმი ავა,
ვიცი სისხლისგან არ დაცილება.
მამულო, გული შენით მაქვს ავაად,
თუ განიკურნა, – გარდაიცვლება.**

ბუნებრივია, რომ გელა ჯაბუშანურის წიგნში უბრალოდ და მკვეთრი ფერებითაა ასახული ის ავბედითი დრო, როდესაც სატანური ძალების მიერ ხევსურეთის დაქცევა დაიწყო: „მერე აგყარეს მწირი ბარგებით, გვერგო სხვისი გზა, კლაკნილი, შორი. ჩვენ მივდიოდით ზარის ჰანგებით, დაკარგულ ჩრდილს კი უხმობდა წნორი. ქედს იქით დაგვრჩა მთვარე გამწყრალი, იმ წნორის სევდა და გაოცება... ველური ვარდის სურნელით მთვრალი მიბარბაცებდა უკან ოცნება“.

საუკუნეებს მოჰყვება სალექსო ფორმების შეჯიბრი – ზოგჯერ აზარტული, დაუოკებელი, ზოგჯერ მშვიდი პაექრობებით აღბეჭდილი – და ამ დროს თავისთვის ლაღად და ბუნებრივად მოედინება (ისიც საუკუნეების გამოვლით) რვამარცვლოვანი სასწაული – მარად ძველი და მარად ახალი. ამ სასწაულის გარეშე ფშავ-ხევსურეთი ცარიელ სკას დაემსგავსებოდა.

„დაკარგული სიზმარი“ რომ ერთფეროვნებისა და ხელოვნურობისაგან შორსაა, ეს ხალხური პოეზიის ხიბლითაცაა განპირობებული:

„გელა ჯაბუშანური პოეტია; არა ლექსის „კეთების“ ხელოვნებაში ჩახედული, გარკვეული და განაფული, არამედ გენით, მოდემით და ბუნებით პოეტი. აქამდე ჩრდილში დგომა და შეგნებული დუმილიც მისი მწერლური ღირსებისა და პასუხისმგებლობის უდავო დასტურია“ (ამირან არაბული).

უსასრულობის განცდის გარეშე სიცოცხლე აღარაა სიცოცხლე და აღარც სიკვდილია სიკვდილი – ერთიცა და მეორეც ღმერთის მარადიულ იდუმალებასაა მოკლებული. ამ იდუმალების შეცნობის წყურვილითაა შთაგონებული ამგვარი ფიქრი:

**ნაპირი ითხოვს უსასრულობას,
უსასრულობა ეძებს ნაპირებს,
მაკვირვებს ჩემი უსუსურობა,
რომ არაფერი აღარ მაკვირვებს.**

ეცნობი გელა ჯაბუშანურის წიგნს და გრძნობ, რომ ამ „უსუსურობაშია“ მისი ძალა და წარმატების მიზეზი; იმასაც იგრძნობ, რომ სამყაროს მშვენიერება ყოფილა და კვლავაც იქნება მისი გაკვირვების მიზეზი.

ბიბლიოთეკა ღია ცის ქვეშ

უფასო ლიტერატურა ღია ცის ქვეშ. ავსტრიის დედაქალაქში ე.წ. „წიგნების ღია კარადა“ დადგეს. ახლა ყველა მკითხველს შეუძლია მოსაბეზრებელ ფორმალბობათა გარეშე ნებისმიერი წიგნი აიღოს კარადიდან, მხოლოდ ერთი პირობით — სამაგიეროდ, პირადი კოლექციიდან რაიმე ლიტერატურა უნდა დატოვოს.

ასეთი უჩვეულო პროექტის ავტორი ვენის მკვიდრია — ხელოვანი ფრანკ გასნერი. „ადრე მსგავსი „ბიბლიოთეკები“ იდგა გერმანულ ქალაქებში: ბერლინში, ბონში, მაინცში, ასევე ავსტრიულ ქალაქ გრაცში. ვენის მთელი ღია სივრცე უმეტესად კომერციული სისულელეებიდანაა გადავსებული“, — განაცხადა გასნერმა „წიგნის კარადის“ გახსნისას. მისი თქმით, პროექტი


ერთგვარი პასუხია მსგავს „ქალაქურ უაზრობებზე“. „კარადა“ ტროტუარზე დგას და 24 საათის განმავლობაში ღიაა. მასში სამი დიდი თაროა და თითო დაახლოებით 240-მდე წიგნს იტევს. ახალშეტანილი წიგნები საგანგებო ეტიკეტით აღინიშნება, რაც მკითხველს ნაწარმოების არჩევისას ორიენტირების საშუალებას მისცემს. იმისათვის, რომ „ბიბლიოთეკა“ თავიდანვე ყოველგვარ სულელურ წიგნთაგან დაეცვათ, ერთმა ინკოგნიტო ორგანიზაციამ საკმაოდ მნიშვნელოვანი კოლექცია შესწირა, რომელშიც „სერფინგის შესავალი“ და „ავსტრიის ეკოლოგიური ბალანსი“ აღმოჩნდა.

უამინდობისაგან დასაცავად ორგანიზატორებმა მხოლოდ „კარადის“ დახრილი კონსტრუქცია არ იკმარეს და ორი მინის კარითაც აღჭურვეს. ოფიციალურად ბიბლიოთეკა ა.წ. 11 ივნისამდე იმუშავებს.

გივი გამრეკელი

დიდოსტატის მასტერკლასი

როდესაც მშვენივრად გამოცემულ ნიგნს „პატარა ქვეყნის დიდოსტატი“ აიღებ ხელში, ჯერ ამას იფიქრებ, ნეტა ყველა ქართველი იუბილარი ასეთ საჩუქარს ელირსებოდესო. შემდეგ უკვე რომ გადაფურცლავ, დარწმუნდები, ფორმას შინაარსიც სავსებით შეესაბამება, უამრავ საინტერესო ფაქტს გაეცნობი, ბევრსაც გაიხსენებ. გასახსენებელი კი, იცოცხლეთ, ბევრია – ზურაბ აზმაიფარაშვილმა, რომელიც „სულ“ 50 წლისაა, მეტად მღელვარე საჭადრაკო (და არა მარტო საჭადრაკო!) გზა გაიარა, ამასთან, მრავალ საჭადრაკო წარმატებასთან ერთად ბევრი შხამი და სამსალაც შეხვდა. ანდრეი ბელი ამბობდა: „ყველა ჭეშმარიტი შემოქმედი უნდა გაიქირდოს“. თუმცა, გვეყოფა, ამ გაქირდებაზე და გზის გამრუდებაზე დღეს მეტს ნულარ ვილაპარაკებთ, გავიხსენოთ ის, რაც სიხარულითა და სიამოვნებით გასახსენებელია.



ძალიან კარგია, რომ ნიგნს მშვენივრად შედგენილი დოსიეც დაერთო – სად როგორ ითამაშა, სად როგორი შედეგები ჰქონდა. შემდეგ უკვე მოკლე, მეტად ოსტატურად შედგენილი ბიოგრაფიაა, რასაც 50 საუკეთესო პარტიაც დაერთვის. ეს დიდი მოჭადრაკის შემოქმედების მხოლოდ ერთი ნაწილია, ორი იმდენი პარტია უკვე ზურაბ აზმაიფარაშვილისადმი მიძღვნილ მომდევნო ნიგნებში დაიბეჭდება. მივიღებთ მართლაც სრულყოფილ ნაშრომს, სწორედ ისეთს, როგორიც საქართველოს ყველა დროის უძლიერეს მოჭადრაკეს რომ ეკადრება. ისე კი ძალიან კარგი იქნებოდა, თუ შევექმნით საქართველოს წამყვანი ვაჟი დიდოსტატების მთელ „ბიბლიოთეკას“. ძალიან ცოტა რამ მიუძღვნა ანდრია დადიანს, ის კი გაცილებით მეტის ღირსი იყო, განა დღეისათვის კარგად არის ცნობილი ვიქტორ გოგლიძის, არჩილ ებრაღიძის, ბუხუტი გურგენიძის და სხვათა შემოქმედება?

როცა ზურაბ აზმაიფარაშვილზეა ლაპარაკი, უპირველეს ყოვლისა, უნდა აღვნიშნოთ მისი დიდი პრაქტიკული ძალა. თავი დავანებოთ მის მიერ მოგებულ ბევრ საერთაშორისო ტურნირს, თუმცა მათ გარეშე ქართველი დიდოსტატი მსოფლიოს უძლიერესი მოჭადრაკეების პირველ ათეულში ვერ მოხვდებოდა. როგორ შეიძლება იმ სიხარულის დავინწყება, რომელიც მან 2003 წელს ევროპის ჩემპიონის ნოდების მოპოვებით მოგვიტანა. ამასთან, გამარჯვებაც არის და გამარჯვებაც – ზურაბმა ხომ დამაჯერებლად დაამტკიცა, რომ ევროპის ჩემპიონობა იმ წელს სწორედ რომ მას ეკუთვნოდა. რას აფასებენ ჭად-

რაკში ევროპის ჩემპიონობაზე უფრო მაღლა? მხოლოდ და მხოლოდ მსოფლიო ჩემპიონობას! ჩვენი აზრით, ისეთი ნიჭის პატრონს, როგორც ზურაბია, მისთვისაც შეეძლო გაბრძოლება, თუმცა საბოლოოდ ისე მოხდა, რომ გარი კასპაროვს სავსებით რეალურად დაეხმარა ანატოლი კარპოვთან მეტად ხანგრძლივ, ტიტანურ და საბოლოო ანგარიშით, თუ გნებავთ, მომაბეზრებელ შერკინებაზე.

შეიძლება გამოვყოთ რომელიმე, ზურაბის მიერ წარმოდგენილ იმ 50 პარტიაში? გემოვნების საკითხია, მაგრამ მე (ისევე, როგორც ბევრი სხვა სპეციალისტიც) პირველ რიგში მაინც საბჭოთა კავშირის 50-ე ჩემპიონატში, მოსკოვში 1983 წელს ანატოლი კარპოვთან ნათამაშევ პარტიას ვამჯობინებდი. დავაკვირდეთ, პარტიის დასაწყისში მოყვანილია მეტოქეების იმდროინდელი რეიტინგები – მსოფლიო ჩემპიონი ანატოლი კარპოვი – 2710 (იმ დროისათვის სრულიად სარეკორდო) – 23 წლის ოსტატი ზურაბ აზმაიფარაშვილი – 2455. ეს პარტია ნამდვილი შედეგია. ამაში კვალიფიცირებული მკითხველი თავადაც დარწმუნდება, თუმცა შეხვედრის ქვეტექსტებში დღევანდელი გულშემოთქვივარი ისე იოლად შეიძლება ვერც კი გაერკვეს. საქმე ის არის, რომ არაოფი-

ციალური „განკარგულებით“ კარპოვთან მოგება არავის შეეძლო. როგორ, განა მსოფლიო ჩემპიონი ათასში ერთხელ მაინც არავისთან აგებს? აგებს, როგორ არა, მაგრამ ეს ხომ საერთაშორისო ტურნირებში, რომელიმე უცხოელ დიდოსტატთან ხდებოდა. მათთან ხელი ვერ მიუწვდებოდათ, მაგრამ აბა ერთი ყოვლისშემძლე კარპოვი რომელიმე საბჭოთა მოჭადრაკეს გაენაწყენებინა?! მთელმა საჭადრაკო სამყარომ კარგად იცოდა, რა ბედი ელოდა მას – ყველგან გზას გადაუქეტავდნენ, პრესტიჟულ ტურნირებს ვინ ჩივის, შეეძლოთ იქაც არ მიეწვიათ, სადაც იქამდე ყოველგვარი დაბრკოლების გარეშე თამაშობდა. და აი ზურაბმა გაბედა და კარპოვი, როგორც იტყვიან, „ნამოიკიდა“. რამდენი უსიამოვნება შეამთხვიეს მას! როცა მმართველი საჭადრაკო ორგანიზაციები ჩამოეხსნენ თუ მოეშვენ, შემდეგ თვით კარპოვმა გამოიღო თავი, სიჯიუტე და ბოლმა ხომ არ აკლია! იქ, სადაც კარპოვი თამაშობდა, იგი მოითხოვდა, რომ აზმაიფარაშვილი, უბრალოდ არ დაეშვათ. საბაბი მიამიტური იყო, ჩემს მეტოქეებს ქულას მისცემსო, რაც ზურაბს არასოდეს გაუკეთებია.

ზურაბზე ჩვენ შეგვიძლია გაუთავებლად ვისაუბროთ, ახლა კი გვემინია, ამ მშვენიერ ნიგნზე მეტი არ გამოგვივიდეს. თუმცა ერთ კითხვას მაინც გვერდს ვერ ავუხვევთ – ადრე ხომ არ დაანება თავი პრაქტიკულ გამოსვლებს და გადართო სამწვრთნელო საქმიანობაზე, სადაც დიდი ფაგამოიჩინა. ხუმრობა საქმე ხომ არ არის, აზერბაიჯანის ნაკრები, რომელიც მანამდე დიდი არაფრით გამოირჩეოდა (როგორც ამბობენ, მოჭადრაკენი ერთმანეთს „ჭამდნენ“) ზურაბმა ისე შეადულაბა, რომ იგი ევროპის ჩემპიონი გახდა. ისიც ვთქვათ, რომ თუ აქამდე მსოფლიოს უძლიერესი მო-

ახალი ნიბნები

ჭადრაკების რიცხვში მხოლოდ თეიმურ რაჯაბოვი შედიოდა, ახლა მას გვერდში ვუღარ გაშიმოვიც ამოუდგა. როგორ გვინდოდა, მსგავსი შედეგებისათვის ზურაბის (და მხოლოდ და მხოლოდ ზურაბის) ხელმძღვანელობით საქართველოს ნაკრებსაც მიეღნია, ხოლო ბაადურ ჯობავეას, მას კი ნამდვილად შესწევს ამის უნარი, დღევანდელი აზერბაიჯანის სუპერვარსკვლავებისათვის გადაესწრო! რაც შეეხება პრაქტიკული თამაშისათვის თავის დანებებას, ეს პირობითია – ზურაბი მონაწილეობს სხვადასხვა შეჯიბრებაში და კარგს იზამს, თუ საქართველოს მომდევნო ჩემპონატებში, რო-

გორც ახლა მოდური გამოთქმა გახდა, „მასტერკლასებს“ გამართავს.

„პატარა ქვეყნის დიდოსტატი“, რომელიც ასე მომეწონა, ჩემი საჭადრაკო ბიბლიოთეკის (არ გაგიკვირდეთ, იგი 1500 წიგნს შეიცავს!) მაღალ თაროზე მოვათავსე, თანაც ისე, რომ ყოველ წუთს შემეძლოს მისი გადაფურცვლა. ხომ მშვენივრად თქვა ჟან-პოლმა: „მოგონებანი – ეს არის ერთადერთი სამოთხე, საიდანაც ჩვენ ვერავინ გაგვაძევებს“. ჩვენ კი დაველოდოთ იმ დროს, როცა მას ორი დაპირებული თანამგზავრიც გვერდში ამოუდგება.

უცხოური ნოველა

ჯეიმს ტარბერი (1894-1961) — ამერიკელი იუმორისტი მწერალი. სახელი გაითქვა ნოველებითა და ნარკვევებით, ასევე კარიკატურების ხატვით. მისი სამწერლო კარიერა საკმაოდ უცნაურად დაიწყო. ერთხელ, თამაშისას, მისმა ძმამ უილიამმა ჯეიმსს თვალში ისარი მოარტყა. ექიმებმა თვალის შენარჩუნება ვერ შეძლეს. დათრგუნული ჯეიმში შინ იჯდა და საკუთარი განცდები ქალღმრთელად გადაჰქონდა. მისი, როგორც კარიკატურისტის კარიერაც უჩვეულოდ დაიწყო. მისი ნახატები შინაურებმა სანაგვე ყუთში იპოვეს და გამოსაქვეყნებლად მიიტანეს.

ტარბერი გაზეთებთან თანამშრომლობდა. ერთ-ერთ ყოველკვირიულ გაზეთში ჰქონდა საკუთარი სვეტი, სადაც მიმოიხილავდა წიგნებს, პრესას, ფილმებს. სვეტის სათაური იყო „მრწამსი და კურიოზი“.

„მისტერ ფრებლი ცოლს გაურბის“ თარგმნილია წიგნიდან „50 საუკეთესო ამერიკული ნოველა“.

ჯეიმს ტარბერი

მისტერ ფრებლი ცოლს გაურბის

მისტერ ფრებლი შუახნის მსუქანი ადვოკატია სდარსდალში. მას მრავალჯერ უცდია ეცდუნებინა მისი მბეჭდავი, რომ ერთად გაქცეულიყვნენ. — მოდი, გავიქცეთ, — ეუბნებოდა ადვოკატი, როდესაც კარნახისას მცირე პაუზას მოიხელთებდა. — კარგი! — თანხმდებოდა მბეჭდავიც.

ერთ წვიმიან დღეს მისტერ ფრებლი ჩვეულებრივზე სერიოზულად ალაპარაკდა:

— ერთად გავიქცეთ, — თქვა მან.

— გავიქცეთ, — უპასუხა მბეჭდავმა.

მისტერ ფრებლმა ჯიბეში გასაღებების ასხმულა ააჩხრიალა და ფანჯარაში გაიხედა.

— ჩემი მეუღლე მოხარული იქნება, თუ თავიდან მომიცილებს.

— გაყრაზე დაგთანხმდება? — ჰკითხა მბეჭდავმა.

— არა მგონია.

მბეჭდავს გაეცინა და დააყოლა:

— მგონი თვითონ გასურს მეუღლის თავიდან მოცილება.

ვახშობისას მისტერ ფრებლი უჩვეულოდ დუმდა. საათნახევრის შემდეგ, როცა ყავა მიირთვეს, მან საუბარი ისე წამოიწყო, გაზეთიდან თავი არ აუწევია.

— მოდი, სარდაფში ჩავიდეთ.

— რისთვის? — იკითხა ცოლმა ისე, რომ წიგნისთვის თვალი არ მოუცილებია.

— იქ არასდროს ვყოფილვართ.

— სარდაფში ჩაუსვლელადაც შეიძლება ცხოვრების უკეთ მოწყობა, — თქვა მისის ფრებლმა.

მისტერ ფრებლი რამდენიმე წუთს დადუმდა.

— ეს ჩემთვის ძალიან მნიშვნელოვანია, — განაგრძო საუბარი კაცმა.

— რა გემართება? — ვერაფერს ხვდებოდა ცოლი. — იქ ცივა და თანაც არაფერია გასაკეთებელი.

— შეგვეძლო ნახშირის ნატეხები მოგვეკრიფა და რაიმე გვეთამაშა, — თქვა მისტერ ფრებლმა.

— თამაში არ მსურს, — უპასუხა ცოლმა, — ვერ ხედავ, ვკითხულობ.

— მისმინე, — თქვა მისტერ ფრებლმა, — რატომ არ გინდა სარდაფში ჩასვლა? იქაც შეგიძლია წაიკითხო.

— იქ კითხვისთვის საკმარისი განათება არაა. სარდაფში ჩასვლას კი საერთოდ არ ვაპირებ. დანარჩენი თვითონ გადაწყვიტე.

მისტერ ფრებლმა ამოიხრა და ხალიჩის კიდეს ფეხი წაჰკრა.

— სხვისი ცოლები სიამოვნებით ჩადიან სარდაფში. სამსახურიდან დაღლილი ვბრუნდები, შენ კი ჩემთან ერთად სარდაფში ჩამოსვლაც არ გინდა. ღმერთო ჩემო, სარდაფი ხომ შორს არაა, კინოში ან სადმე მსგავს ადგილას წასვლას ხომ არ გთხოვ?

— არსად მინდა წასვლა! — იყვირა მისის ფრებლმა.

მისტერ ფრებლი დივანის კიდეზე ჩამოჯდა.

— კარგი, კარგი, — თქვა და კვლავ გაზეთს მიუბრუნდა, — ნება მომეცი, რაღაც გითხრა, ეს ნამდვილად მოულოდნელი იქნება შენთვის.

— კიდევ დიდხანს უნდა ილაყბო?

— მომისმინე, — თქვა მისტერ ფრებლმა და ფეხი მოინაცვლა, — მირჩევნია სიმართლე გითხრა, ვიდრე ბუჩქის ირგვლივ ვირბინო. შენგან მინდა გათავისუფლება, ჩემს მბეჭდავზე უნდა ვიქორწინო. განა რამეს ვაშავებ ამით? სიყვარული ისეთი გრძნობაა, ლაგამს ვერ ამოსდებ.

— რალაც ამდაგვარი ადრეც გითქვამს, — თქვა მისის ფრებლმა, — აღარ მინდა ამის ხელახლა მოსმენა.

— უბრალოდ, მინდოდა გცოდნოდა, თუ რას ვფიქრობ, — თქვა მისტერ ფრებლმა, — მაგრამ შენ ყველაფერი დაიჯერე. ნუთუ მართლა გეგონა, რომ სარდაფში ჩასვლა და ნახშირით რალაც სისულელის თამაში მენადა?

— ნუთითაც არ დამიჯერებია, — თქვა მისის ფრებლმა, — ვხვდებოდი, ჩემი სარდაფში ჩატყუება და ჩაკეტვა გასურდა.

— ყველაფერი მე გითხარი, თორემ ეს აზრალაც არ მოგივიდოდა.

— არა, თვითონ მივხვდი. რატომღაც ყოველთვის წინ ვუსწრებ შენს ფიქრებს.

— ჩემს ფიქრებს არასოდეს მიახლოებხარ, ოდნავადაც კი.

— ასე გგონია? ამ საღამოს, რაც შინ შემოხვედი, ვიცოდი, რომ ჩემი სარდაფში ჩაკეტვა გინდოდა, — მისის ფრებლმა მეუღლეს თვალეხი მიანათა.

— მეტისმეტად აზვიადებ, — გაღიზიანებით თქვა მისტერ ფრებლმა, — ვერაფერს მიხვდი. სინამდვილეში ეს სულ ცოტა ხნის წინათ მოვიფიქრე.

— არა, ეგ აზრი ქვეცნობიერად იყო შენში. ეტყობა, იმ მგრძობიარე ქალმა შთაგაგონა.

— სარკაზმი საჭირო არაა, — თქვა მისტერ ფრებლმა, — მისი რჩევა ნამდვილად არ მჭირდება, ისედაც უამრავი მრჩეველი მყავს. მან ამის შესახებ არაფერი იცის. ვაპირებდი მისთვის მეთქვა, მეგობრების მოსანახულებლად წავიდა და გზად კლდიდან გადაიჩეხა-მეთქი. ის მთხოვს, რომ გაგეყარო...

— სასაცილოა, — თქვა მისის ფრებლმა, — ეს უბრალოდ სასაცილოა. შენ შეიძლება სარდაფში ჩამკეტო, მაგრამ გაყრაზე არასოდეს დაგთანხმდები.

— ეს იცის. ვუთხარი, რომ მე ვგულისხმობ... მოკლედ ვუთხარი, რომ ვერ გავიყრებოდი.

— ჩემი ჩაკეტვის ამბავი უკვე ამცნე?

— უმჯობესია, ეს ჩვენს შორის დარჩეს. გრძობებზე არასოდეს გვისაუბრია, არც ვაპირებ.

— შეგიძლია მთელ მსოფლიოს გააგებინო. არაფერი მითხრა, ისედაც კარგად გიცნობ, — თქვა მისის ფრებლმა. მისტერ ფრებლმა სიგარეტს მოუკიდა და თქვა:

— ნეტავ ეს საქმე უკვე მოთავებული მქონდეს.

— ყოველთვის ხველება გიტყდება, როცა ასეთ სულელურ თემებზე ლაპარაკობ. რატომ არ მიდინხარ დასაძინებლად? ტყუილუბრალოდ იტანჯავ თავს.

— დანოლას არ ვაპირებ, მხოლოდ სარდაფში შენს ჩაკეტვაზე ვფიქრობ. ამაზე ნათლად როგორღა გააგებინო?!

— მისმინე! — იყვირა მისის ფრებლმა და წიგნი ძირს დაახეთქა, — სარდაფში თუ ჩავალ, დანყნარდები?! მაშინ მეღირსება სიმშვიდე?! დამტოვებ მარტო?!

— კი, — თქვა მისტერ ფრებლმა, — მაგრამ შენი საქციელით ყველაფერს აფუჭებ.

— რა თქმა უნდა, რა თქმა უნდა, ყოველთვის მე ვაფუჭებ ყველაფერს. კითხვა შევწყვიტე, ვერასდროს ვიგებ, ესა თუ ის ამბავი როგორ მთავრდება, მაგრამ ეს შენთვის არაფერს ნიშნავს.

— გინდა წიგნის კითხვა განაგრძო? — ჰკითხა მისტერ ფრებლმა და თან სარდაფის კარი გააღო, — პირველი ჩადი.

— ოოხ! — ამოიხრა მისის ფრებლმა და კიბეს ჩაუყვავა, — წლის ამ დროს აქ ძალიან ცივა. სხვა ქმრები ცოლებს სარდაფში ზაფხულობით კეტავენ.

— ეს შენს სურვილზე არაა დამოკიდებული, — თქვა მისტერ ფრებლმა, — ის ქალი გვიან შემოდგომამდე არ შემიყვარდება.

— ახალგაზრდობაშივე ნებისმიერი შეიყვარება. ის ქალი წლებია შენს ირგვლივ ტრიალებს. ვერაფრით ვხვდები, რატომ დგანან სხვა მამაკაცები ყოველთვის შენზე მალა. აქ სიბინძურეა, რას აპირებ?

— მინდა თავში ნიჩაბი ჩაგარტყა.

— მართლა? გირჩევ ეგ აზრი თავიდან ამოიგდო. შენ რა, გამომძიებელს სამხილი გინდა ჩაუგდო ხელში? გადი ქუჩაში და რკინის ნაჭერი იპოვე, ან კიდეც რაიმე, რაიმე, რაც შენ არ გეკუთვნის.

— კარგი, მაგრამ ქუჩაში რკინის ნაჭერს სად მოვნახავ?

— თუ კარგად მოძებნი, აუცილებლად იპოვნი. ნუ დაიგვიანებ. — არ ვაპირებ მთელ საღამოს ცივ სარდაფში დგომას.

— კარგი, მალე დავბრუნდები.

— გასვლისას კარი გაიკეტე! — გაჰყვირა მისის ფრებლმა, — რა არის, ბელელში ხარ გაზრდილი?!



მხატვარი ნინო მამაცაშვილი

ინგლისურიდან თარგმნა
სოფიკო დაუშვილია

* * *

ოქტომბერი იწურება.


აკაკი შანიძე პეტროგრადაში იმყოფება. დილიდან გვიანობამდე ბიბლიოთეკიდან არ გამოდის და მაინც სულ ეჩვენება, რომ ისეთი უფიათობით ვერ შრომობს, როგორც მოეთხოვება მისი ბედკრული ქვეყნის შვილს.

ახლაც იქით მიეჩქარება.

ხედავს, დიდძალი ხალხი მოარღვევს ქუჩას. შეფიქრიანდება, არ გადამთელონო, სადარბაზოში შეასწრებს და იქიდან შემოჰყვირებთ: რა ხდებაო?

– რევოლუციაა, რევოლუცია, – აღტკინებული ხმები გაისმის, – მეფის ხელისუფლება დაემხო და ძალაუფლებას ხალხი დაეპატრონა!..

მაღე მიხვდებოდნენ, თუ რა მორალისა და გონების ადამიანები შენაცვლებოდნენ მონარქიას, მეფის მმართველობა სანატრელი რომ გაუხდებოდათ და ვალაღს მოჰყვე-



ბოდნენ, ეს ვის გაუჟღავნებდა გზა ხელისუფლებისკენო.

– ააა, რევოლუცია? – მხოლოდ ამას ჩაილაპარაკებს აკაკი შანიძე და, ბრბო რომ ჩაურბენს, კვლავ ბიბლიოთეკისაკენ გასწევს.

ესეც მისი სულიერი მოთხოვნილება: საქმე – ყოველნუთს, ყოველნამს...

და არავის გაუკვირდება, თუკი გზად მიმავალი ამ სტრიქონებს მარცვლავდა გუნებაში და ლექსის კომპოზიციას აგებდა (აკი ლექსებსაც წერდა!): ფრთხილად, ფრთხილად, ქართველებო, ნუ, ნუ ალებთ დარიასს!..

ესეც მთავარზე მთავარი სულიერი მოთხოვნილება: მამულზე ფიქრი ყოველნუთს, ყოველნამს...

ვაჟა-ფშაველასი არ იყოს: სიზმარშიც ამას ვდუღუნებო...

* * *

ილიკო სუხიშვილს სიტყვების ძებნა არ სჭირდებოდა – თითქოს ჯიბეში ეყარა უხვად, თითქოს საყელოსთან ამოკერებოდა... არ შეცებუნდებოდა, არ დაიბნეოდა, ნირი არ ნაუხდებოდა – გამოსავალს ყოველთვის იპოვნიდა...

ისედაც მოხერხებულ კაცს მოსწრებული სიტყვაც ძალიან შეელოდა და კიდევ მოაგვარა ისე საქმე, რომ ცეკვის ანსამბლი, სუხიშვილების სახელით რომ შემორჩებოდნენ საქართველოს კულტურულ და საზოგადოებრივ ისტორიას, მსოფლიოს გასტროლებით ჯერ კიდევ მაშინ მოივლიდა, როდესაც საბჭოთა იმპერიის საზღვრები ისე საგულდაგულოდ ჩაკეტილიყო, ჩიტიც ვერ გადაფრინდებოდა.

ცეკვით თვითონ აღარ ცეკვავდა და მხოლოდ ორგანიზატორობას კმარობდა.

ნინო რამიშვილი კვლავაც გამოდიოდა სცენაზე – კიდევ ორგანიზატორობდა, კიდევ წვრთნიდა, კიდევ ცეკვავდა.

მეუღლისგან განსხვავებით სიმკაცრეც სჩვეოდა.

დარწმუნებული გახლდათ, რომ უამისოდ მოცეკვავებოდა პროფესიონალიზმი გახუნდებოდა, შინაგანი ცეცხლი მოაკლდებოდა და თანდათანობით ვეღარ შეინარჩუნებდა ანსამბლი იმ ხელოვნებასა და შთამბეჭდაობას, განსაკუთრებულ მოვლენად რომ დამკვიდრებულიყვნენ ქვეყნის ცხოვრებაშიც და საერთაშორისო ასპარეზზეც.

მეუღლისაგან კი ყოველთვის მოითხოვდა, რომ თავიდან ბოლომდე დასწრებოდა კონცერტს და შემდეგ მოსაზრებანი გაეზიარებინა.



ილიკო სუხიშვილი თავდაპირველად მორჩილად ეგუებოდა ამ მოთხოვნას, მაგრამ ნელ-ნელა რომ გაბზრდებოდა ერთი და იმავე საცეკვაო ნომრების გაუსრულებელი ცქერით, ამჯობინებდა გასტროლებისას უცხო ქვეყნების ქალაქები ეთვალეირებინა – როდისღა მიეცემოდა ასეთი მარჯვე შესაძლებლობა. წუთობით ჰქონდა გამოზომილი, თუ როდის უნდა დამთავრებულიყო კონცერტი, და კიდევ შეიჭრებოდა ხოლმე საგრიმიოროში და სიტყვას ყოველთვის ხოტბა-დიდებით იწყებდა: რა ბრწყინვალე იყავი, ნინო, დღესაც რა ბრწყინვალე... და საერთოდაც...

და სათითაოდ ჩამოჰყვებოდა ნომრებსა თუ შემსრულებელთ – მეხსიერებას არ უჩიოდა.

მაგრამ იმ ერთხელ კინაღამ „გამოიჭირეს“, რომ კონცერტის ყურებისათვის ქალაქის თვალეირება ემჯობინებინა.

იმხანად ბუენოს-აირესში ჰქონდათ გამოსვლა?

ჰო, სწორედ არგენტინის დედაქალაქს ახსენებენ ხოლმე.

კაზუსისაგან, მოგეხსენებათ, არავინაა დაზღვეული და... ისე მოხდა, რომ თვით ნინო რამიშვილსაც აუცურდა ფეხი და სცენაზე ჩაიკეცა... მართალია იმ წამს არც მან შეიმჩნია რაიმე და არც ანსამბლის სხვა წევრებს დატყობიათ შეცბუნება და ყოველივე ისე გარძედა, ისეთი თავბრუსმომგვები სილამაზით, როგორც სჩვეოდათ, და დარბაზიც ისევე აზნაზარდა ოვაციისაგან, ტრიუმფული გამოსვლებისას არაერთხელ რომ უხილავთ, მაგრამ ცეკვის დედოფალი მაინც მწარედ

განიცდიდა ამ უცაბედ შემთხვევას და გულამღვრეული იჯდა სავარძელში, რომელსაც ახლოს ვერაგინ მიკარებოდა.

ილიკომ, აბა, რა იცის, სცენაზე რაც მოხდა.

აჩქარებული ნაბიჯით ბრუნდება სეირნობიდან, შეიჭრება საგრიმოროში და ჩვეული მანერით იწყებს დითირამებებად დაღვრას: რა ბრწყინვალე იყავი, ნინო, დღესაც რა ბრწყინვალე... და საერთოდაც...

მაგრამ სხვა დროს თუ გულდასმით თუ სახეგადაბადრულნი უსმენდნენ, ამჯერად მეუღლე შეანყვეტიანებს:

– კი მაგრამ, მე ხომ დავეცი სცენაზე!..

და გამომცდელია მიაჩერდება.

ჰა, ამოცნობილია და ეგაა ილიკო სუხიშვილის ფარული ხეტიალი უცხო ქალაქთა ქუჩებში.

მაგრამ იმას აკი ჯიბეში უყრია სიტყვები თუ საყველსთან ამოკერება.

* * *

ქართული ლიტერატურის ინსტიტუტში შევდივარ და გურამ შარაძესაც შევეჩხვებები.

მე იქვე უნდა შეეუხვიო – ფოლკლორისტიკის განყოფილებაში, ის მეორე სართულზე აპირებს ასვლას, ჩვეულებისამებრ რალაცაზე ჩაფიქრებული, მაგრამ დამინახავს თუ არა, მკლავზე ნამავლებს ხელს და, გვერდით რომ მივდგებით, თვალეცაცემიებული მამცნობს, რომ ახალი მასალები მოიპოვა კარლო ჩხეიძის თვითმკვლელობის ირგვლივ.

– ვიცი ძალიან გაინტერესებს ასეთი რაღაცები და, ვერ ვითმენ, რომ არ მოგიყვე, – და სხვადასხვა მოგონებაზე დაყრდნობით იწყებს თხრობას იმ შემზარავი უკანასკნელი დღისა, როდესაც პანია, ბლაგვი დანით საქართველოს პარლამენტის დამხობილმა თავმჯდომარემ თანდათან შეაღწია საკუთარ გულამდე... და თუმცა მიუსწრეს და მის გადაარჩენასაც შეეცადნენ, არაფრისდიდებით არ თანხმდებოდა: სიკვდილი მინდა და დამანებეთ, დროზე გამოვეთხოვო სიცოცხლის, უცარი აფექტის ბრალი არ ყოფილა, სავსებით შეგნებულად მაქვს გადანყვეტილი.

დამნაშავედ მიიჩნედა თავს 1924 წლის აგვისტო-სექტემბრის ტრაგედიაში, ქაქუცა ჩოლოყაშვილს ყოველმხრივ რომ შეუშალა ხელი ჩვენმა ემიგრანტულმა მთავრობამ, აჯანყება ბუნებრივი გზით წარმართულიყო, უხეშად ჩაერივნენ, აურდაურიეს ყველაფერი და... ამხელა ცოდეც აიკიდეს.

თუ სხვანი სულაც არ მიიჩნევენ თავს ბრალეულად, კარლო ჩხეიძემ მთელი ცოდეცა საკუთარ თავზე აიღო, თვითგვემას ველარ გაუძლო, თვითგასამართლებას მიჰყო ხელი და სასტიკი განაჩენიც თვითვე აღასრულა.

გურამ შარაძე ამ ყოველივეს გულისშემძვრელი პათოსით მიამბობდა და თითქოს თვალნათლივ ხედავდა იმ სურათებს, რომელიც ერთი კაცის ცხოვრების მიმწუხრიდან ქვეყნის ბედისწერას ეწვნიდა და ამ განზოგადებას ძალდაუტანებლად იძინდა.

მოყოლას რომ დაასრულებს და გამომემშვიდობება, ამ სიტყვასაც დამიტოვებს, მანამდეც არაერთხელ რომ მსმენია: ხომ იცი, თუ რაიმე დაგჭირდეს, ყოველთვის მზად ვარ

და თვით ასეთ გამოუვალ ყოფაშიც, როდესაც თითქოს უნდა დაიბნე და საცოდავად აბლუკუნდე, და მოჰყვე მტკიცებას, რომ ამ ერთხელ, ერთადერთხელ გაცთუნა ქალაქის დათვალეიერების სურვილმა და კონცერტზე დასწრებას გარეთ ხეტიალი არჩიე... მტკიცებას, რომელსაც ძნელად დააჯერებ გულმოსულ მეუღლეს, ილიკო ვითომც არაფერიო:

– მერე როგორ ადექი!

და ხელს ისე შემართავდა და სახეზეც ისეთი ალტაცება აღებეჭდებოდა, თითქოს ეს კაზუსი ჩაფიქრებული ყოფილიყოს, რათა ნინო რამიშვილს კიდევ ერთი მომხიბლავი შტრიხით გაემდიდრებინა თავისი ცეკვის ბრწყინვალეება.

...არადა, უკვირდათ, როგორ ახერხებს ილიკო სუხიშვილი, ამდენ ხანს შეუნარჩუნოს ანსამბლს ავტორიტეტი და გავლენაო.



მხატვარი ბადრი გაგნიძე

შენთვისო, – და კიდევ მოუნვდია არაერთი საგულისხმო ცნობა თუ მასალა.

ასე ნახევარი საათის შემდეგ მეც მომიწევდა მეორე სართულზე ასვლა. დერეფანში კვლავ შევეყრებოდი, მაგრამ შეჩერებას აღარც ვიფიქრებდი, ისე გავწვედი წინ.

მაგრამ ბატონი გურამი შემაყოვნებს, დიდი ამბით მესალმება, მომიკითხავს და მხურვალედ მპირდება: ხომ იცი, თუ რაიმე დაგჭირდესო...

გაოცებული შევეყურებ.

„ეტყობა, მუშაობისაგან ძალიან ილღება... ახლა არ იყო, ამდენ ხანს რომ მელაპარაკა?... ალბათ ამოუვარდა მეხსიერებიდან“.

თავაზიანად ვუსმენ, ვპასუხობ,

მადლობას ვუხდბ.

მოგვიანებით ამიხსნის ამ საქციელის მიზეზს.

თურმე რა დაღლილობა, რომელი მეხსიერებიდან ამოვარდნა...

– მაშინ ისე რომ შეგხვდი, თითქოს დიდი ხანია არ მენახე. ეს იმიტომ, რომ დერეფანში უამრავი ხალხი ირეოდა და იმათ რა იცოდნენ, ქვემოთ დიდხანსაც რომ შეეყვეით ლაპარაკს. რატომ უნდა ეფიქრა ვინმეს, რომ უბრად ვართ. აბა, სად გამომეცხადებინა – ერთხელ უკვე მივესალმეთ, ბევრიც ვისაუბრეთ და ახლა მდუმარედ ამიტომაც ვუვლით გვერდს ერთმანეთს-მეთქი.

„ააა“.

– ხომ იცი, ათასი ჭკუის ადამიანია, ვინ რა კუდს გამოაბამს, ვინ სად როგორ ნაიღებს... ბესარიონ ჟღენტმა იცოდა ასე – სამჯერაც და ოთხჯერაც რომ შეხვედროდით ერთმანეთს, ყოველთვის ხელს ჩამოგართმევდა და მოგიკითხავდა... თავიდან მეც მიკვირდა და მეგონა, რომ მეხსიერება ლალატობდა. მერე თვითონვე გამარკვია – ყველას ხომ არ დაუნახავს ჩვენი მისალმება, ამიტომაც თავის დაზღვევა სჯობსო.

ასეა, როდესაც ყოველ წუთს, ყოველ წამს რაღაც უხილავი მზერის წინაშე გრძნობ თავს და სულ ფეხის დადებას მოელი. რატომ იფიქრონ, რომ უბრად ვართო...

ისე მართალია – რაც არ არის, რატომ უნდა ეგონოთ.

დაკარგული ბარათები

ომში განვუვლი პიანისტი ფრონტიდან ამცნობს თავის ცოლს, რომ ხელები დაუსახიწრდა და ველარასოდეს ველარ შეძლებს დაკვრას (მარცხენა ხელზე დაკარგა ნეკი და მარჯვენაზე მოეყინა სამივე შუათითი). მწარედ ოხუნჯობს, ჩემთვის ახლა ყველაზე იოლია სროლა, მაგრამ მთელი დარჩენილი სიცოცხლე სროლას ხომ არ მოვუნდები?

მერე დასძენს: „კურტ ჰანკე – მე მგონი, უნდა გახსოვდეს, – რვა დღის წინათ, ღია ცის ქვეშ, უკრავდა „აპასიონატას“. განა ყოველდღე ხდება, რომ როიალმა თავი ამოყოს ქუჩაში? სახლი აუფეთქებიათ, მაგრამ ინსტრუმენტი, ალბათ, დაენანათ და გარეთ გამოათრიეს. ყოველი ჯარისკაცი, ვინც კი გვერდით ჩაუვლიდა, ურახუნებდა კლავიშებს. ერთი მითხარი, კიდევ სად ნახავ როიალს ეგრევე ქუჩაში? მგონი, უკვე მოგწერე, რა გადასარევიდ უკრავდა 4 იანვარს ჰანკე. ეს ბიჭი თუკი დაბრუნდა ფრონტიდან, უთუოდ გაითქვამს სახელს. არასოდეს დამავინცდება ეს წუთები. მისთა მსმენელთა ამბავი ხომ ერთ რამედ ღირს! ძალზე სანყენია, რომ მწერალი არა ვარ, რათა მჭევრმეტყველი სიტყვებით გადმომეცა, საბნებში გახვეული ასამდე ჯარისკაცი როგორ იჯდა გასუსული და უსმინდა მუსიკას. ირგვლივ იდგა ჭურვების გრუხუნი, მაგრამ ამას არავინ აქცევდა ყურადღებას. უსმენდნენ ბეთჰოვენს და ეგებ არც ესმოდათ იგი“.

ნანობს, მწერალი არა ვარო, მაგრამ ზემოთ დამონშებული სიუჟეტი ყოფილი პიანისტის ბარათიდან რომელ მწერალს არ შემურდებოდა?! დიახ, ზოგჯერაც კარგად დანახული ცხოვრებისეული სინამდვილე, გადმოცემული უბრალო სიტყვებით, არაფრით ჩამოუვარდება ხოლმე თუნდაც უნიჭიერესი მწერლის შემოქმედებითი ფანტაზიის ნაყოფს.

...იმ დღეებში, როდესაც მთავრდებოდა სტალინგრადთან ალყაშემორტყმული მე-6 არმიის განადგურება, ერთ-ერთი ბოლო გერმანული თვითმფრინავით ნალბულ იქნა ფოსტა. თვითმფრინავი მშვიდობით დაეშვა ნოვოჩერკასკში. ფოსტა შეიცავდა შვიდ ტომარას და მთლიანად იქნა კონფისკებული უმაღლესი სარდლობის მიერ.

ბარათებს ადრესატებამდე მისვლა არ ენერათ. უფრო მეტიც – სახელები როგორც ადრესატთა, ასევე ავტორთა, შემდგომში მოსპეს. ტარდებოდა პროპაგანდისტული აქცია. ბარათებს უნდა აემადლებინათ ჰიტლერული არმიის სულისკვეთება. პროპაგანდის სამინისტროს თვალსაჩინო ფუნქციონერს დაევალა, რომ ამ ბარათების საფუძველზე შეექმნა დოკუმენტური მონათხრობი სტალინგრადის ბრძოლის შესახებ. ნიგნი შედგენილ იქნა, მაგრამ პროპაგანდის მინისტრმა გებელსმა აკრძალა მისი გამოცემა, როგორც მავნე თხზულებისა გერმანელი ხალხისათვის, ვინაიდან ბარათებიდან ირკვეოდა, რომ ომს იწონებდა სტალინგრადში განხორციელებული მეომართა მხოლოდ და მხოლოდ ორი პროცენტი.

და აი, ნახევარი საუკუნის შემდეგ გამოცემულ იქნა გებელსის მიერ აკრძალული ნიგნი. უპრეტენდენტო მოვლენაა, რომ ყველას, ვისაც არ დაეზარება, შეუძლია სტალინგრადიდან გერმანიაში გაგზავნილი ბარათების წაკითხვა, ყველას შეუძლია იმათ გარდა, ვისაც უნდა წაეკითხა ისინი.

სწორედ ამ უამრავ დაკარგულ ბარათთაგან ერთ-ერთში არის მოთხრობილი ამბავი იმისა, თუ როგორ უკრავდა გერმანელი ჯარისკაცი ბეთჰოვენის „აპასიონატას“ ალყაშემორტყმული სტალინგრადის ქუჩაში გამოტანილ როიალზე და როგორ უსმენდა მას



სტალინგრადი, 1942 წელი

საბნებში გახვეული ასამდე ჯარისკაცი, სასიკვდილოდ ანდა, უკეთეს შემთხვევაში, საციმბიროდ რომ განწირა სამშობლო.

ახლა რჩეული ციტატები სხვა დაკარგული ბარათებიდან: „ჩვენ აქ, ვოლგის პირას, ვდგავართ მცველებად თქვენთვის და ჩვენი სამშობლოსათვის. თუკი ჩვენ აქედან უკან დავიხვეთ, რუსები გაარღვევენ ფრონტს და ყველაფერს გაანადგურებენ... მაგრამ გერმანიას მრავალი ჯარისკაცი ჰყავს და ისინი იცავენ სამშობლოს. ჩვენ ყველანი ვოცნებობთ იმაზე, რომ მალე მოვიდეს მშვიდობა და ჩვენ გავიმარჯვოთ – ეს არის ახლა მთავარი. ჩვენ უეჭველად გავიმარჯვებთ და გერმანია გაბრწყინდება!“

...აქედან ორი გზაა, ერთი მიდის ზეცაში და მეორე – ციმიბრში.

...ადამიანები აქ კვდებიან შიშშილით და სასტიკი ყინვით; სიკვდილი აქ უბრალოდ ბიოლოგიური ფაქტია, ისევე როგორც საქმელ-სასმელი.

...ბუზებივით იხოცებიან და არავინ ზრუნავს, რომ მიწას მიაბაროს ისინი. ყველგან ყრია უფეხონი, უხელონი, უსინათლონი, გამოშვიგულნი. ამაზე ფილმი უნდა გაკეთდეს, რათა სამუდამოდ მოისპოს ლეგენდა „მშვენიერი სიკვდილისა“.

...აქ არ ილუბებიან შეძახილით – გაუმარჯოს გერმანიას, გაუმარჯოს ჰიტლერსო. თავისი უკანასკნელი სიტყვებით მომაკვდავი მიმართავს დედას ანდა იმას, ვინც ყველაზე მეტად უყვარდა.

...ილაპარაკო სტალინგრადში ღმერთზე – მაშასადამე უნდა უარყო მისი არსებობა. მე ვეძებდი ღმერთს ყოველ დანგრეულ სახლში, ყოველ კუთხე-კუნჭულში, ვეძებდი სანგარში და ზეცაშიც. მაგრამ ღმერთი ჯერჯერობით არ გამოჩენილა, თუმცა ჩემი გული ევედრებოდა მას, გვიშველეო. დიახ, მამაჩემო, სტალინგრადში ღმერთი არ არსებობს.

...ადვილი სათქმელია, დაყარე იარაღი. თქვენ როგორ ფიქრობთ, რუსები დაგვინდობენ? თქვენ ხომ ჭკვიანი ადამიანი ბრძანდებით, რატომ არ მოითხოვთ თქვენი მეგობრებისგან, რომ მათ უარი თქვან იარაღის წარმოებაზე?

...მე დავებრუნდები შინ ისეთი, რომ სიხარულს ვერ მოგვგრის. მაგრამ მაინც უნდა გითხრა, რომ ჭრილობის გამო ორივე ფეხი მომკვეთეს. ჩემს გვერდით წევს ერთი ჩვენებური ბრესლაუდან, რომელმაც დაკარგა ხელი და ცხვირი. ცხვირსახოცი აღარ დამჭირდებაო, – მითხრა. კი მაგრამ, რომ ატირდე-მეთქი? არა, ჩვენ ტირილი აღარ მოგვინვეს, ახლა სხვები დაგვითრებენო.

...აქ, აღმოსავლეთში, სავსებით განვიკურნე. აღარც ვაცივება მანუხებეს, აღარც სურდო. ესაა ერთადერთი სიკეთე, რაც მომიტანა ამ ომმა.

...როგორც კი პირველი რუსი ჯარისკაცი გამოჩნდება აქ, ავიღებ ჩემს ზურგჩანთას და შევეგებები. ერთ ტყვიასაც არ ვესვრი. რატომ უნდა მოვკლა კაცი, ვისაც არ ვიცნობ? არც თავს მოვიკლა. რატომ, რისთვის? განა ამით სარგებლობას მოვუტან ვინმეს, ეგებ ბატონ ჰიტლერს?

...ყოველი გონიერი ადამიანისათვის გერმანიაში დადგება დრო, როდესაც ის დაწყევლის ამ ომის სიციფეს და შენ კი მიხვდები, რაოდენ ფუჭი იყო შენი სიტყვები სამშობლოს დროშაზე, რომელსაც გამარჯვების დროშად ავაფრიალებდი.

...თუკი შინ დავბრუნდი, ველარასოდეს ველარ დავიძინებ მშვიდად“.

პერიქლიძე სომ იდგაო

ესოდენ განათლებული და მნივნიობარი ხელმძღვანელი მოკავშირე რესპუბლიკისა სხვა არავინ ყოფილა უზარმაზარ საბჭოთა იმპერიაში მთელი მისი თითქმის სამოცდაათწლიანი არსებობის მანძილზე. უამრავი საქმითა და საზრუნავით გადატვირთული, თქვენ წარმოიდგინეთ, ლიტერატურისა და ხელოვნებისთვისაც იცლიდა.

ერთ მშვენიერ ღამეს სამსაათიანი სატელეფონო საუბარი ჰქონია გაგრაში დასასვენებლად ჩამოსულ კრემლის მბრძანებელთან... თქვენ გგონიათ, საქართველოში კორუფციის აღმოფხვრის შესახებ საუბრობდნენ? არა, ბატონო, გატაცებით საუბრობდნენ ვაჟა-ფშაველას შემოქმედების თაობაზე!

სტალინი რალაც-რალაცებს უწუნებდა ვაჟა-ფშაველას (ცხადია, თავისი სამრეკლოდან), რესპუბლიკის ხელმძღვანელი კი თავგამოდებით ექომაგებოდა საყვარელ პოეტს. მოდი და ნუ იტყვი, თავს ლომის ხახაში ჰყოფდაო.

ზეპირად იცოდა მთელი გალაკტიონი და საქართველოს ისტორია. თურმე ჭკუას კარგავდა ბლოკზე. სიტყბუკეში თვითონაც წერდა ლექსებს. ერთხანს მწერალთა კავშირს თავმჯდომარეობდა. შემდგომში გულისყურით ადევნებდა თვალს ქართული მწერლობის ასავალ-დასავალს.

გულსხმიერსა და გულმართალ ადამიანს, გარემოებათა წნეხქვეშ, არცთუ იშვიათად ენაცვლებოდა ხოლმე კეთილსინდისიერი ჩინოვნიკი. მაგრამ იმაზე მეტს ნუ მოვთხოვთ, ვიდრე ხელენიფებოდა. საქართველოს ერთგვარად სასათბურო პირობებში ატმოსფერო მთლად მოსკოვური რომ არ იყო, თუნდაც მცირეოდენი წვლილი მასაც ხომ მიუძღოდა.

ამის დასტურად ერთი მჭევრმეტყველი მაგალითი: ერთ მშვენიერ დღეს, უკვე ომისშემდგომ ხანაში, ერთ თვალსაჩინო ქართველ პოეტს, როგორც იტყვიან, ყური აუწიეს. პოეტი რატომღაც ძალიან დაფრთხა, თუმცა არაფერი ჰქონდა დასაფრთხობი. უცოდველი იყო ქვეყნისა და ხელისუფლების წინაშე, მაგრამ მაინც დაფრთხა. აიღო და სასწრაფოდ კაი მოზრდილი ლექსი გააშანშალა, სადაც ერთგულებას, ვინ იცის მერამდენედ, ეფიცებოდა, ვისაც ჯერ არს.

რესპუბლიკის ხელმძღვანელს, რასაკვირველია, არ გამოეპარებოდა თვალსაჩინო

პოეტის ბავეთაგან აღმომხდარი რიგგარეშე ფიცი. ფრიად გამჭრიახი გონების პატრონი მყისვე მიხვდა, რა ნესტრით იყო ნაჩვენები თვალსაჩინო პოეტის გული. გულიანად გაეცინა და გაოცებით წარმოთქვა: ასე რომ მოუქაჩლებია თავი, ნეტავი რაში სჭირდებოდაო?! (რომ ვთარგმნოთ: საკავშირო კამპანიას გამოივხებოდაო და ცოტაზე ყური ავუწიეთ, ხომ არ ვიჭერდით, ხომ არ ვხვრეტდითო?!). ანა ახმატოვასი არ იყოს, უკვე ვეგეტარიანული ეპოქა იდგა. სისხლის მდინარეთა მაგივრად სისხლის წვეთები მოწანწკარებდა.

ჯერ კიდევ სტალინის სიცოცხლეში დასრულდა ამ კაიკაცის პოლიტიკური კარიერა. შეენირა სტალინ-ბერიას დაპირისპირებას, რამაც თავი იჩინა გასული საუკუნის 40-იანი წლების მინურულში. თბილისური მითქმა-მოთქმის თანახმად, ბელად ჩვეული იუმორით უთქვამს: ბიჭუნა უკვე ცამეტი წლისაა და ფეხი დღემდე ვერ აიდგაო (იგულისხმებოდა, რომ „ბიჭუნა“ ცამეტი წელია ხელმძღვანელობდა მზიურ რესპუბლიკას და, რა უნდა ექნა, ბერიას ფხიზელი მეურვეობის ქვეშ იმყოფებოდა).

მაღალი პოსტიდან ჩამოგდებულმა მეცნიერებაში ჰპოვა თავი. წარმატებით დაიცვა ორივე დისერტაცია და შემდგომში მეცნიერებათა აკადემიის წევრ-კორესპონდენტადაც წამოაყენეს. მაგრამ, ვაგლახ, არჩევნებზე ყველამ შავი ჩაუგდო. ასეთი ერთსულოვანი ანტიპათია რით დაიმსახურო? – უკვირდათ სწავლულთა თუ უსწავლულთა წრეებში.

ერთი ჰუმანიტარული სამეცნიერო-კვლევითი ინსტიტუტის ახალგაზრდა და ენამოსწრებულმა თანამშრომელმა საუცხოო საბაბი იშოვა თავისი შავი იუმორის გადმოსანთხევად: რა გიკვირთ, თქვე ოჯახაშენებულნო, არჩევნებში ხმა ხომ იმათ უნდა მიეცათ, ვის სისხლსაც ეგა სვამდაო.

სისხლის სმასთან მაგას რა ესაქმებოდაო? – შეეკამათნენ ენამოსწრებულს.

მერიქიფედ ხომ იდგაო! – წარმოთქვა თავისი ენამოსწრებულობით უზომოდ კმაყოფილმა ენამოსწრებულმა.

აქ ისღა შეიძლება ითქვას, რომ ენამოსწრებულის შავი იუმორი, ალბათ, უზენაეს თამადას თუ მოეწონებოდა. მაგრამ ვინღა მიაწვდენდა ხმას იმქვეყნად...

ქრონიკა

გამომცემლობა „ინტელექტმა“ კიდევ ერთი ახალი წიგნი წარუდგინა საზოგადოებას. გრძელდება „100 ლექსის“ სერიის გამოცემა და მორიგი ზაალ ებანოიძის პოეტური კრებულია.

პრეზენტაცია გახსნა „ინტელექტის“ დირექტორმა კახმეგ კუდავამ. მან შეახსენა მსმენელს ამ სერიის მნიშვნელობა და დანიშნულება: – ჩვენი პრეზენტაციები ერთმანეთისგან განსხვავდება. აქ იქმნება ატმოსფერო, რომელიც გულთბილ და საინტერესო საუბრის სურვილს აჩენს. იმედია, დღევანდელი საღამოც ასეთი იქნება. ეს სერია, მოგესხენებათ, ძალზე საინტერესო აღმოჩნდა მკითხველისთვის და გაგრძელდება მანამ, სანამ კითხვა ეყვარებათ, და ვინ იცის, იქნებ ბევრს ამ ლექსების კრებულებმა შეაყვაროს კითხვაცო.

ახალი წიგნის შემდგენელმა და რედაქტორმა, მწერალმა ჯემალ მესრიშვილმა აღნიშნა: – ჩემთვის ზაალი არის საუკეთესო შემოქმედი და სწორედ ამან გადამანწყვეტინა მისი ლექსთა კრებულის წინასიტყვაობა შემდგენიანო.

ზაალი ჩემთვის ერთ-ერთი საინტერესო პოეტია. სამწუხაროდ, არ მაქვს საშუალება ყველა მწერლისა თუ პოეტის შე-

მოქმედებას გავეცნო, ზაალის ლექსებმა კი ძალიან დამაინტერესა და დღეს აქ ამიტომ მოვედი, რომ პრეზენტაციას დავსწრებოდი. ალბათ, ამ წიგნშიც იქნება ბევრი საიდუმლოება, რომელთაც მე წაკითხვის შემდეგ ამოვხსნი, – დასძინა ვახტანგ ჯავახაძემ.

„ინტელექტის“ ამ წარმატებულ სერიაზე ისაუბრა ლევან ბრეგაძემ: დღეს ძალიან არაპოეტური ეპოქაა და ეს სამწუხაროა. მართალია, პოეზია მასობრივი ვერ იქნება, მაგრამ ახლა ძალიან ცოტა ადამიანიღა კითხულობს და თუკი ეს ინტერესიურ ხასიათს მიიღებს, ძალზე სამწუხარო იქნებაო.

ამ ახალი კრებულის შესახებ გულითადად და საინტერესოდ ისაუბრეს: ილაშაზ მინიშვილმა, გენო და რენე კალანდიებმა. აღინიშნა „ინტელექტის“ როლი ფასეული ლიტერატურის პოპულარიზაციისათვის. მადლიერება გამოიხატა იმ სადა და პროფესიული გარემოსათვის, წიგნის მოყვარულთ აქ რომ ეგებებიან.

ტრადიციისამებრ, შეხვედრა დაასრულა ახალი წიგნის ავტორმა ზაალ ებანოიძემ.